



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format


Adapt — remix, transform, and build upon the material

Freeport
Chapman & Co. Inc. New York -
Grand St. & Nassau St.
Freeport.

1905p.

85

7-18



ՔԵՐԹՈՂԱԿԱՆ

Մ Ա Տ Ե Ն Ա Դ Ա Ր Ա Ն

Թ



DANTE ALIGHIERI

DIVINA COMMEDIA

II

PURGATORIO

TRADOTTO IN PROSA

DAL

P. ARSENIO GAZIKIAN

MECHITARISTA



VENEZIA — S. LAZZARO

1905

85
7-18

Handwritten initials

31 MAY 2008
ERIC HAM II
19 NOV 2010

ՏԱՆԴԷ ԱԼԻԿԻԵՐԻ

ԱՍՏՈՒԱԾԱՅԻՆ ԿԱՏԱԿԵՐԳՈՒԹԻՒՆ

Բ

ՔԱԻԱՐԱՆ

ԹԱՐԳՄԱՆԵՑ

Զ. ԱՐՄԷՆ ՂԱԶԻԿԻԱՆ

ՄԵԽԻԱՐԵԱՆՑ



ՎԵՆԵՏԻԱ

ՄԵԽԻԱՐԵԱՆՑ ՏՊԱՐԱՆ

1905

9038



Ա. Ռ. Ա. Զ. Ի. Ն. Ե. Ր. Գ.

Հանճարիս նաւակը կը պարզէ այսուհետեւ իր առագաստները՝ լաւագոյն ջուրերու վրայ վարդելու համար, թողլով իր ետեւը այնքան դժնդակ ծով մը: Ու պիտի երգեմ՝ այն երկրորդ թագաւորութիւնը՝ ուր մարդկային հոգին կը մաքրուի, և արժանի կ'ըլլայ երկինք վերանալու: Բայց թող մեռեալ¹ բանաստեղծութիւնը կենդանանայ հոս, ո՛վ սուրբ Մուսաներ, զի ես ձերն² եմ, և թող քիչ մը բարձրանայ Կալլիոպէն³, հետեւելով երգիս այն ձայնով, որուն հարուածն այնպէս զգացին եղկելի Կաչաղակները⁴, որ յուսահատեցան ներողութեան հանդիպելէ:

Արեւելեան շափուղայի անուշ գոյնը, որ կը տարածուէր՝ մինչեւ առաջին պարունա-

կը⁵ ջինջ օգին վճիտ գէմքին վրայ, սկսաւ զուարճացնել աչքերս, երբ հազիւ գուրս ելայ մեռեալ օգէն՝ որ տխրեցուցած էր աչքերս ու հոգիս: Չքնադազեղ մնորակը՝⁶ որ սիրել կը յորդորէ, կը ժպտեցընէր բոլոր աւրեւելքը, սքողելով իրեն ուղեկից Չկանց համաստեղութիւնը: Աջակողմ գառնալով ուշադրութեամբ գէպ ի միւս բեւեռը նայեցայ, և տեսայ չորս աստղեր, զորոնք առաջին մարդերէն⁷ զատ ոչ ոք տեսած էր: Երկինքը կարծես կը զուարճանար անոնց ճաճանչներովը: Ո՛վ հիւսիսային գաւառ, սրբան ողորմելի ես, վասն զի զրկուած ես զանոնք նկատելէ: Երբ նայելս գազրեցնելով քիչ մը գէպ ի միւս բեւեռը դարձայ, հոն՝ ուրկէ արդէն անհետացած էր Սայլը⁸, քովս ծերունի⁹ մը տեսայ՝ առանձին, որ արժանաւոր կ'երեւար յարգանքի մը, որմէ աւելի չի պարտիր ոչ մէկ որդի իր հօրը: Ունէր երկայն և աղէբեկ մօրուք մը, նման իր մազերուն՝ որոնք կրկին փունջերով իր կուրծքին վրայ կ'իջնէին: Ճառագայթները չորս սուրբ աստղերուն անանկ պայծառութեամբ մը կը լուսաւորէին անոր գէմքը, որ ես իբրեւ արեգակ մը կը տեսնէի զինքը իմ առջեւ:

« Ո՛վ էք գուք, որ կոյր գետին¹⁰ ընթացքն

ի վեր փախեր էք յաւիտենական բանտէն, ըսաւ ան, շարժելով պատկառելի մօրուքը, ո՞վ առաջնորդեց ձեզի, կամ ո՞վ ձեզի լոյս ըրաւ՝ որ գուրս ելլէք խաւարակուռ գիշերէն, որ կը մթնցընէ միշտ գժոխային հովիտը: Այս աստիճան խորտակուեցան անդունդին օրէնքները, կամ նոր օրէ՞նք գրուեցաւ երկինքը, որ գուք գատապարտեալքդ իմ անձաներս կու գաք):»

Առաջնորդս բռնեց զիս այն տառն, և խօսքերով, ձեռքերով և ակնարկներով իմացուց ինձի որ ծնրապրեմ՝ և պատկառանքով վար նայիմ: Յետոյ-պատասխանեց անոր. « Ես ինքնիրենս չեկայ. Տիկին¹¹ մը իջաւ երկինքէն, և անոր ազաչանքին վրայ է որ օգնեցի ասոր իմ ընկերութեամբս: Բայց որովհետեւ կ'ուզես որ աւելի յտակօրէն բացայտրեմ մեր վիճակը, ինչպէս որ է, կամքս չի հակառակիր կամքիդ: Ասիկա գեռ չտեսաւ¹² իր վերջին իրիկունը, բայց իր անմտութեամբը այնքան մօտեցաւ անոր, որ մազ մնացեր էր պիտի հասնէր¹³: Ինչպէս որ ըսի, զրկուեցայ իրեն՝ զինքը ազատելու համար, և բռնեցի այս ճամբան, սրմէ զատ ուրիշ չկար: Բոլոր գատապարտեալները ցուցուցի իրեն, և արդ մտադիր եմ ցուցնելու այն հոգիները,

որոնք կը մաքրուին քու իշխանութեանդ տակ: Ըսել թէ ինչպէս բերի զինքը, երկար պիտի ըլլայ. երկնային զօրութիւն մը կ'օգնէ ինծի՝ որ զինքը բերեմ՝ քեզ տեսնելու և ունկնդրելու համար: Արդ կ'աղաչեմ՝ թող հաճոյ անցնի քեզի իր գալուստը. ի ինչիր է ազատութեան, սիրունակ ազատութեան, ինչպէս զիտէ ան՝ որ ազատութեան սիրոյն համար կը հրաժարի կեանքէն: Գուն գիտես արդէն, վասն զի՝ ազատութեան համար՝ մահը պահն չեղաւ քեզի Ուտիկէ, ուր թողուցիր մարմինդ, որ մեծ օրուան մէջ այնքան պայծառ պիտի ըլլայ¹⁴: Մեզի համար յաւիտենական օրէնքները չեղծուեցան, վասն զի ողջ է ասիկա, և Մինուսը¹⁵ զիս չի կապեր. այլ ան պարունակէն եմ, ուր են պարկեշտ աչքերը քու Մարկիայի¹⁶, որ կարծես կ'աղաչէ քեզի տակաւին, ո՛վ ազնիւ սիրտ, որ զինքը քու կիսնդ համարիս. անոր սիրոյն համար լսէ՛ մեր աղաչանքին: Թո՛ղ որ երթանք եօթը թագաւորութեանցդ¹⁷ մէջէն. շնորհակալ պիտի ըլլամ քեզի անոր առջեւ, եթէ արժանի կը համարիս հոն վարը յիշատակուիլ):

— Մարկիան անշահի հաճելի եղաւ աչքերուս՝ երբ երկրի վրայ էի, ըսաւ այն ատեն,

որ ինչ շնորհք որ ինչորեց ինծմէ, ըրի: Արդ որ անիծեալ գետէն¹⁸ անդին կը բնակի, ալ չի կրնար շարժել⁹ զիս, այն օրէնքին համար՝ որ անկէ դուրս ելլելու ատենս գրուեցաւ²⁰: Բայց եթէ երկնային Տիկին մըն է որ քայլերդ կ'ուղղէ, ինչպէս կ'ըսես, շողքորթելու հարկ չկայ. կը բաւէ որ անոր անունով ինծի աղաչես: Գնա՛ ուրեմն, և ատոր ողորկ²¹ կնիւնէ զօտի մը շինէ, և երեսը լաւ մը լուա, որ ազտեղութեան հետք մըն ալ չմնայ. վասն զի չի վայլեր ո՛ր և է ամպով ճայրոտած աչքով մը Արքայութեան պաշտօնեաներէն առաջինին²² առջեւ ելլել: Հոն ամենէն վարը, ուր որ ալքը կ'ընդհարի, այս կղզեակն¹³ իր չորս կողմը՝ կակուղ տիղմին վրայ՝ կնիւններ կը բուսցնէ: Այն ամէն տունկ՝ որ տերեւ կ'արձակէ կամ կը պնդանայ, չի կրնար ապրիլ հոն. վասն զի բաղխումներուն հանդէպ չի ճկիր²⁴: Յետոյ ասկէ մի՛ դառնաք. Արեւը՝ որ ահա կ'ելլէ՝ պիտի ցուցնէ ձեզի դէպ ի լեռն աւելի դիւրին ելք մը²⁵:

Ըսաւ, ու անբերեց ինքն. և ես ոտք ելայ²⁶ լո՛իկ ու լըջիկ, մտաեցայ առաջնորդիս, և աչքերս անոր վրայ յառեցի: Սկսաւ ան. « Որդեակ, ինծի հետեւէ. ետ դառնանք. վասն

զի այս կողմէն է որ դաշտը դէպ ի իր ստորին սահմանները կը հակի»։ Արշալոյսը կը բշէր առաւօտեան հովը, որ կը փախչէր անոր առջեւէն, այնպէս որ հեռուէն խնայ ծովուն ծփծփումը։ Կ'երթայինք ամայի դաշան ի վար, նման մարդու մը՝ որ կորսնցուցած ճամբան գտնելով կը կարծէ որ մինչեւ այն ատեն պարապ է քաշեր։ Երբ հասանք հոն ուր ցողը Արեւին հետ կը կուրտի, և շուքէն պատսպարուած քիչ կը հալի, վարպետս, բաց ձեռքերը մեղմով գետնի վրայ դրաւ. և ես իր միտքը հասկնալով, արտասուածոր այտերս անոր մօտեցուցի. և ան երեւան հանեց այն գոյնը²⁷, զոր Գթոխքը ծածկեր էր։ Վերջը ամայի ծովափը եկանք, որ երբեք չտեսաւ մէկը որ նաւէ իր ջուրերուն վրայ, և յետոյ ետ դառնայ²⁸։ Գօտեկայեց զիս հոն ինչպէս որ ուզած էր ուրիշը²⁹, և ս'ի սքանչելիք, հազիւ թէ խոնարհ տունկը փրցուց, փրցուցած տեղէն նոյն նմանը բուսաւ անմիջապէս³⁰։

Մ Ա Ն Օ Թ Ո Ի Թ Ի Ի Ն Ք

1. Վասն զի մինչեւ հիմա մեռելոց թագաւորութիւնը երգեց։
2. Այսինքն ձեզի նուիրուած եմ, վասն զի քերթող եմ։
3. Գիւցազներգութեան գշխոյն։
4. Թեսասաղիոյ Պիւրոս թագաւորին ինը դուստրերը, որոնք յանդգնեցան երգի մէջ մրցելու ինը Մուսաներուն հետ. յաղթուելով կաշաղակներու փոխուեցան։
5. Այսինքն, մինչեւ Լուսնի երկինքը ջինջ եղող օդին...
6. Արուեսակը։
7. Ադամ Եւա, որոնք երկրաւոր գրախտին մէջ բնակելով (որ էր, ըստ Փերթողին, Քաւարանի լեռան գագաթը) կը տեսնէին անկէ հակաբջային բեւեռին աստղերը։
8. Վասն զի կեցած տեղէն շէր կրնար տեսնել, ըլլալով ան հորիզոնին տակը։
9. Կատոն Ուտիկեցին. կամ գուցէ չի գիտեր թէ 49 տարու էր ան երբ մեռաւ, և կամ միւս աշխարհքը ձերացած կը համարի ?
10. Հմնո. Գթոխք, վերջին երգ։

11. Երանուհին:

12. Այսինքն՝ մեռած չէ դեռ:

13. Հմմտ. Դժոխք, Ա. երգը:

14. Ոմանք կը մեղադրեն Տանդէն, անձնասպան մը ֆաւարանի պահապան դրած ըլլալուն համար, զոր շատ շատ պէտք էր դնել կամ իրրեւ հեթանոս Լիմպոսին մէջ, և կամ իրրեւ անձնասպան՝ եօթներորդ պարունակին երկրորդ շրջապատին մէջ՝ ուր են անձնասպանները: բայց գիտնալու են ատոնք որ կատոն հոս այլաբանական անձ մըն է, որ կը ներկայացնէ հոգին ազատ զգայական ախորժակներէ՝ մարմնոյ աւետարանական ոչնչացումով:

15. Մինովսը իշխանութիւն մը չունի վրաս, անոր իրաւասութեանը տակ չեմ, որ կը սկսի Դժոխքին երկրորդ պարունակէն:

16. կատոնի կինն էր Մարկիա, զոր իր կուխտոս շորտենախոս բարեկամին ինդրանքին վրայ, անոր կնութեան տուաւ. կուխտոսի մահուընէն ետքը, Մարկիա աճյրան թախանձագին աղաչեց կատոնի որ նորէն զինքը կնութեան առնէ, որ չկրցաւ ընդդիմանալ կատոն:

17. Այսինքն ֆաւարանի եօթը պարունակներուն մէջէ:

18. Ախերոն, հմմտ. Դժոխք, Գ. 78:

19. Ու է շնորհք մը ընելու իրեն:

20. Կ'ակնարկէ Քրիստոսի Լիմպոս իջնելը. կատոն մեռաւ Քրիստոսի մահուընէն 80 տարի առաջ « երբ դեռ մարդկային հոգիները չէին փրկուած » Դժոխք, Գ, 63: Քրիստոս՝ զինքն ալ հաներ է (հմմտ. Դժոխք, 46-63) անկէ ու ֆաւարան է տարեր:

21. Անոստ, անտերեւ: — Այս կնիւնը ոմանք նշանակ կը համարին անկեղծութեան, այլք՝ խոնարհութեան:

22. Կ'ակնարկէ Հրեշտակը զոր պիտի տեսնենք ֆաւարանին մուտքը:

23. Որուն վրայ կեցած է ֆաւարանի լեռը:

24. Ինչպէս կնիւնը:

25. Այս խօսքերով կը ծանուցանէ անոր որ պէտք է շրջին լերան շուրջը՝ Արեւուն համեմատ, արեւելքէն արեւմուտք:


26. Դեռ ծունկի վրայ էր Տանդէ:

27. Իր բնական գոյնը, որ ծածկուած էր Դժոխքին մուրերէն:

28. Որիսեւսը միայն (Հմմտ. Դժոխք, ԻԳ) ըստ Քերթողին ֆաւարանի լերան մօտ, բայց չկրցաւ ետ դանալ, մեռաւ ովկիանոսին մէջ:

29. կատոն:

30. Հմմտ. Վիրգիլ. Էնիակ. Զ, 143: — Ըսել կուզէ որ մեր փրկութեան միջոցները երբեք չեն պակսիր:



Ե Ր Կ Ր Ո Ր Գ Ե Ր Գ

==

Արեւն հասած էր արդէն հորիզոնին¹, որուն միջօրէականը իր ամենարարձր կէտովը Երուսաղէմը կը ծածկէ, և գիշերը² որ անոր հակառակ կողմը հիւ կու գայ, դուրս կ'ելլէր Գանգէսէն՝ ձեռքն ունենալով կշիռքը, որ երբ աւելի կ'երկարի քան օրը կ'իյնայ իր ձեռքէն. այնպէս որ պաղպաղուն ու վարդակարմիր այտերը գեղածիծաղ Արշալոյսին՝ հոն ուր էի՝ նարնջագոյն կ'ըլլային ծերութեանը³ պատճառաւ: Ծովեզերքն էինք մենք դեռ, նման մարդու մը՝ որ իր ճամբան մտածելով, մտքով կ'երթայ և մարմնով կեցած է: Եւ ահա, ինչպէս որ առաւուան գէմ շոգիներուն հոծութեանը պատճառաւ՝ վարը գէպ ի արեամուտք՝ ծովուն մակերեսոյթին վրայ Հրատը կը շոռագունի, ա՛յսպէս երեւ-

ցաւ ինծի (ա՛խ անգամ մըն ալ տեսնէի) լոյս մը՝ որ անանկ փայլակներն թաց կը սընար ծովուն վրայէն, որուն ոչ մի թռիչ չի կրնար հաւասարիլ :

Աչքս քիչ մը մէկդի դարձնելով անկէ՝ որ առաջնորդիս հարցընեմ, զայն աւելի լուսափողփող ու աւելի մեծ տեսայ : Յետոյ անոր երկու կողմէն ճերմակ բան մը երեւցաւ ինծի, և քիչ քիչ ներքեւէն ուրիշ մըն ալ կ'ելլէր : Վարպետս շիտեցաւ մինչեւ որ առջի ճերմակները թեւ եղան : Երբոր ճանչցաւ նաւաւարը, ազադակեց. « Ծունկի եկուր, ահաւասիկ Աստուծոյ Հրեշտակը. միացուր ձեռքերդ, ալ այսպիսի պաշտօնեաներ պիտի տեսնես : Կը տեսնե՞ս, ան կ'արհամարհէ մարդկային միջոցները, այնպէս որ չ'ուզեր ոչ թի, և ոչ ուրիշ առագաստ՝ այնքան տարանջատ փոփոքներու միջեւ՝⁴ բայց՝ միայն իր թեւերը : Տես ինչպէս դէպ ի երկինք տնկած է զանոնք՝ շարժելով օդն յաւիտեանական փետուրներովը, որոնք բնաւ չեն փոխուիր՝ ինչպէս կը փոխուին մարդկային մազերը » :

Յետոյ որչափ աւելի մեզի կը մօտենար, այնչափ աւելի պայծառ կ'երեւար աստուածային թռչունը, այնպէս որ չկարենալով

գիմանալ անոր շողիւնին, աչքս վար առի. և ան՝ ափունքը եկաւ սրընթաց ու թեթեւ նաւով մը, որ կը սահէր ջուրին երեսէն՝ հազիւ թէ քսուելով : Յետակողմը կեցած էր երկնային նաւաւարը, որուն ճակտին վրայ կարծես դրոշմուած էր երանութիւն : Նստած էին նաւուն մէջ հարիւր հոգիէ աւելի, և « Յեյանէյն Իսրայէլի յեգիպտոսե » սաղմոսը կ'երգէին ամէնքը միասին և միաբերան : Յետոյ անոնց՝ սուրբ խաչին նշանն ըրաւ հրեշտակը⁵, և անոնք ամէնքը ափունքը նետուեցան, և ինք ինչպէս եկաւ՝ գնաց փայլակնասուր :

Ամբօխը որ հոն մնաց՝ անհմուտ կ'երեւար տեղւոյն, ու կը նայէր շուրջ նման մէկուն՝ որ նոր բաներ կը համտեսէ : Արփին՝ որ իր լուսացնցուղ նետերովը, երկինքին մէջէն հաւածեր էր Այծեղջիւրը⁶, իր ճաճանչներն աւմէն կողմէ կը շեշտէր արդէն օրուան վրայ, երբ նորահաս ամբօխը ճակատը վերցուց դէպ ի մեզ և ըսաւ. « Եթէ գիտէք, լերան ճամբան ցուցուցէք մեզի » : Եւ Վիրգիլիոս պատասխանեց. « Դուք կը կարծէք գուցէ որ մենք ծանօթ ըլլանք այս տեղւոյն. բայց մենք ձեզի պէս ուղեւորներ ենք : Մ'ենք ալ նոր հասանք, ձեզմէ քիչ մը առաջ, ուրիշ

անանկ զժնդակ ու զարհուրելի ճամբով՝ մը, որ լերան ելքը մեզի համար զուարճութիւն մը պիտի երեւայ»:

Հոգիները իմանալով շնչառութենէս որ ես դեռ ողջ էի, արմընցան ու գոյներնին նետեց. և ինչպէս երբոր պատգամաբեր մը ձիթենիի ճիւղ մը կը բերէ, ամբոխը գէպի ան կը խուժէ լուր լսելու համար անկէ, և ոչ մէկը հոգն անգամ չ'ըներ ուրիշին վրայ չիյնալու, չհրելու, այսպէս բոլոր այն երջանիկ հոգիները աչքերնին վրաս անկեցին, մոռնալով կարծես՝ թէ պէտք է երթային մաքրուէին: Տեսայ անոնցմէ մին որ առաջ անցաւ գրկելու համար զիս այնպէս խանդակաթօրէն, որ զիս ալ իրեն նմանելու գրգեց: Ո՛վ ունայն ստուերներ, որ միայն տեսք մը ունիք. երեք անգամ բազուկներովս ողջագուրեցի զանիկա, և երեք անգամ բազուկներս պարապ կուրծքիս վրայ բերի: Զարմանքը կարծեմ գէմքիս վրայ նկարուեցաւ, որ ստուերը ժպտեցաւ ու քաշուեցաւ, և ես աւելի առաջ անցայ անոր հետեւելով: Քաղցրութեամբ ըսաւ որ կենամ. այն ատեն ճանչցայ ով ըլլալը, և աղաչեցի որ հետս խօսելու համար քիչ մը կանգ առնէ: Պատասխանեց. « Ինչպէս որ մահկանացու

մարմնոյս մէջ քեզ սիրեցի, այնպէս կը սիրեմ մարմնէս բաժնուած ալ. ուստի կը կենամ. բայց դուն ինչո՞ւ այս ճամբան կ'ընես»:

— Ո՛վ Գաղէլլաս⁸, կ'ընեմ՝ այս ճամբորդութիւնը որ կրկին վերագառնամ հոն ուր եմ հիմայ, ըսի ես, բայց դուն ինչո՞ւ այսչափ ուշ մնացեր ես»:

Եւ ան ինծի. « Ոչ ոք ինծի անիրաւութիւն ըրաւ, եթէ ան՝⁹ որ կը վերցնէ ով որ կ'ուզէ և երբ որ կ'ուզէ, շատ անգամ ժխտեց ինծի այս անցքը. վասն զի իր կամքը հպատակ է սուրբ կամքի մը. և յիրաւի, երեք ամիս կ'ընէ որ առաւ ան իր նաւուն մէջ ով որ կ'ուզէր մտնել խաղաղութեամբ: Ուստի և ես, որ կը սպասէի այն ավուները՝ ուր Տիրերխի Չուրը կ'աղինայ, մարդասիրաբար ընդունուեցայ անկէ: Գէպ ի այն գետաբերանը¹⁰ շտկեց ան իր թելը, վասն զի հոն է որ կը հաւաքուին միշտ անոնք՝ որոնք չեն իջներ գէպ ի Ախերոն»:

Եւ ես. « Եթէ նոր օրէնք մը չի շորթեր քեզմէ յիշողութիւնը կամ կիրարկութիւնը սիրատարիկ նուագներուն, որոնք յուզումներս կը խաղաղէին, հաճէ երգով մը քիչ մը մխիթարել հոգիս՝ որ թասուն ոգեսպառ է մարմնովը հոս գալուն համար»:

« Սերը որ մտքիս մէջ կը խօսի ինձի¹¹ », սկսաւ ան այն ատեն այնպիսի քաղցրութեամբ, որ անուշակ ձայնը դեռ կը թրթռայ հոգոյս մէջ: Վարպետս, ես և անոնք որ հետն էին՝ այնչափ զոհ էինք, որ ուրիշ ոչ մէկ մտածում չէր մտքերնիս գրաւեր: Աչքերնիս անոր վրայ սեւեռած, կ'ունկնդրէինք ուշադրութեամբ իր երգը, և ահա պատկանելի ծերունին¹² երեցաւ գոչելով. « Խնչ բան է աս, ծոյլ հոգիներ. Խնչ անհոգութիւն է, ինչո՞ւ կեցեր էք: Վազեցէք լեռը՝ մաքրելու համար ձեր կեղեւները, որոնք արգելք կ'ըլլան ձեզի Աստուած տեսնելու »:

Ինչպէս աղանձները՝ երբ երամովին կը կտցտեն իրենց որումն ու վարսակը, հանդարտօրէն, առանց ցուցնելու իրենց սովորական սիգութիւնը, եթէ ահարկու բան մը երեւայ՝ անմիջապէս կը թողուն կերը, վասն զի մեծագոյն հոգ մը զիրենք կը տաղնապէ, այսպէս տեսայ ես որ այն նոր ընտանիքը երգը թողլով՝ սկսաւ երթալ դէպ ի գառ ի վերը, նման մարդու մը որ կ'իբրթայ առանց գիտնալու թէ ո՞ր կը տանի բռնած ճամբան:

Մեր մեկնումն ալ նուազ արագ չեղաւ:

Մ Ա Ն Օ Թ Ո Ի Թ Ի Ի Ն Ք

ՄԱՆՍԻՆ

1. Ամէն տեղ իր հորիզոնն ունի, իր միջօրեականը, որ բոլորակ մըն է, և կտրելով հասարակածը՝ կ'անցնի բևեռներէն: Արեւը երբ իր ընթացքին կէսը կը հասնի, կ'անցնի զէնիթը, (ամենաբարձր կէտը) այն տեղւոյն: Որովհետեւ Փերթողը Քաւարանը հակոտնեայ կը դնէ Երուսաղէմի, ըսել կ'ուզէ այս խօսքերով, որ մինչդեռ հոն ուր էր՝ Արեւը կ'եւէր, Երուսաղէմ կը մտնէր:

2. Տանգէ գիշերը կ'անձնաւորէ հոս և ձեռքեր կու տայ անոր: Երկնային կամարին վրայ հիւ կու գայ ան՝ տրամագծապէս հակառակ արեւուն, և սակայն միեւնոյն ատեն ամէն տեղ չի գտնուիր, թէեւ կ'ազդէ ու կը ծածկէ աւելի կամ նուազ կիսագունտին բոլոր կէտերը, որուն կ'իշխէ իր ստուերամած բողովը: Փերթողը՝ Գանգէս գետէն դուրս կը հանէ գիշերը, վասն զի հոն կը դնէ Երուսաղէմի արեւելեան հորիզոնը: Գիշերին ձեռքը կշիռք կու տայ, վասն զի կշիռ կենդանակերպին մէջ կը գտնուի. ամիս մը կշիռքը ձեռքը կը պահէ, վասն զի ամիս մը կշիռքին մէջ կը կենայ, ինչպէս արեւն ալ հոն կը կենայ աշնանային գիշերահաւասարին. և ձիշգ այս ատենն է որ քիչ քիչ կ'երկարի գիշերը օրովնն աւելի:

Տամղէ



3. Վասն զի բաւական ժամանակ անցած էր հորիզոնին վրայ երեւալէն ի վեր:

4. Մէկ կիսագունտէն մինչեւ միւս կիսագունտը:

5. Օրհնեց զիրենք:

6. Արեւը Միջօրէականէն դուրս քշեր էր Այծեղջերու, որով ինը աստիճան բարձրացած էր հորիզոնին վրայ: Ուրեմն կէս ժամէ աւելի էր որ արեւը ցաթեր էր Քաւարանին մէջ:

7. Հմմտ. Դժոխք, Ա, 5. Բ, 142:


8. Տանդէի ժամանակակից նշանաւոր և դեղեցկաձայն երաժիշտ:

9. Նաւաւոր հրեշտակը: — Ըստ Քերթոզին, անոնք որ Աստուծոյ հետ հաշտ կը մեռնին, Քաւարան անցնելու համար Տիբերիսի գետաբերանը կու գան, բայց զանոնք իր նաւով փոխադրելու սահմանուած հրեշտակը, կը վերցնէ նախ անոնք որ կ'ուզէ, և միւսները՝ իր արդարութեամբ՝ ուրիշ ատենի կը թողու: Գազէլլային շատ անգամ ժխտուած էր, բայց վերջապէս Յոբելեանի տարին՝ Հրեշտակը շնորհ ընելով ամէն ուզողներուն՝ առաւ նաեւ զինքը: Այս յապաղումին կեղծիքը առնուած է դիցարանութենէն, ուր հոգիներն Ստիւգական փոփոխքը կը դեգերին դիմացի փոք շանցած:

10. Նորէն դէպ ի Տիբերիսի բերանը: — Ախերոն Դժոխք:

11. Այսպէս կը սկսի Տանդէի երգերէն մին. զոր անշուշտ ձայնագրած ըլլալու է կազէլլա, ինչպէս կը հաստատեն շատեր:

12. կատունը:



Ե Ր Ր Ո Ր Դ Ե Ր Գ

Մենչեալ յանկարծաթափ փախուսալ կը ցրուէր ասուերները դաշտին մէջ գէպ ի լեռը՝ ուր աստուածային արդարութիւնը մեզ կը պատժէ, ևս հաւատարիմ ընկերոջս մօտեցայ: Եւ ինչպէս պիտի վազէի երթայի առանց անոր, ո՞վ զիս լեռն ի վեր պիտի տանէր: Ինք իր խղճէն խայթուած կ'երեւար ան՝ ինծի: Ո՞վ ազնիւ և ամբիժ խղճմտանք, ինչպէս փոքրիկ յանցանք մը դառն կսկիծներ կը պատճառէ քեզի: Երբ վիրզիլի ոտքերը դադրեցուցին շտապը՝ որ ո՞վ է գործի մը վայելչութիւնը կը խաթարէ², միտքս՝ որ առաջ ամփոփուած³ էր՝ իր ուշադրութիւնը ընդարձակեց՝ նորանոր բաներ ճանչնալու տենչով, և աչքերս ուղղեցի դէպ ի լեռը՝ որ ծովուն ծոցէն կը բարձրանար վեր երկինք՝

ամէն լեռէ աւելի բարձր: Արփին՝ որ ետիս կարմիր կը նշողէր՝ որովհետեւ իր ճաճանչները կը խորտակուէին մարմնոյ վրայ⁴, սաուերս առջիս կը նկարէր: Գետինը միայն իմ առջիս սեւ տեսնելով, դարձայ, մէկ կողմնովս, վախնալով որ չըլլայ թէ թողլիք մնացած բլլամ. և մխիթարիչս բողբոջովն ինձի դառնալով, սկսաւ ըսել ինձի. « Ինչո՞ւ այդ անվստահութիւնը դեռ, կը կարծես ուրեմն որ ալ հետզ չեմ ու չեմ քեզի առաջնորդեր: Արդէն իրիկուն է հիմայ հո՞ն⁵ ուր թաղուած է մարմինը, որով շուք կ'ընէի ես. ան՝ Պրինտիզիէն⁶ Նաբոլի փոխադրուեցաւ: Արդ իմ առջեւ շուք չտեսնելու՞ մի զարմանար, զարմացիր աւելի այն երկինքներուն վրայ՝ որոնք արդեւ չեն ըլլար մէկ մէկու ճաճանչներուն⁷: Աստուածային արդարութիւնը ընդունակ կ'ընէ իմինիս նման մարմինները տանջանքներ կրելու, տաքի և ցուրտի, բայց թէ ինչպէս կ'ընէ, չ'ուզեր որ յայտնուի մեզի: Յիմար է ան որ կը յուսայ թէ մեր միաքը կրնայ ըմբռնել այն անհասանելի եզանակը որով կը գործէ երեքանձնեայ էութիւնը: Գոհ եղիք, ս'ի մարդիկ, վասն զիով (*quia*)⁸, և պատճառը մի փրկուողէ, զի եթէ ամէն բան կարենայիք տես-

նել, այն ատեն ինչո՞ւ Մարիամը ծնէր: Եւ դուք տեսաք որ անպտուղ փափաքեցան⁹ այնպիսի մարդիկ, որոնք իրենց փափաքին հասած պիտի ըլլային, մինչդեռ նոյն փափաքը պատճառ եղաւ իրենց յաւիտենական պատիժին: Արիստոտէլին, Պլատոնին և ուրիշ շատերու վրայ է խօսքս¹⁰. ու հոս խոնարհեցուց ճակատը, լռեց և յուզուած մնաց¹⁰:

Իսկ մենք լերան ոտքը հասանք. ու հո՞ն՝ ժայռը անանկ ցից գտանք, որ մեր պատրաստ ու ժիր սրունքները բանի մը պիտի չգային: Անոր բաղդատութեամբ, ամենէն վայրենի ու ամենէն ամայի ճամբան՝ որ կայ Լիբիչիի¹¹ և Գուրպիայի միջեւ, սանդուխ մըն է զիւրին ու լայնիկի:

« Արդ, ս'ի գիտէ¹² որ կողմէն բլուրը կը հակի, ըսաւ վարպետս կանգ առնելով, որ կարենայ վեր ելլել ան՝ որ թեւ չունի »:

Եւ մինչդեռ՝ երեսը գէպ ի գետին՝ ան բռնելիք ճամբան կը մտածէր, և ես ժայռն ի վեր կը նայէի, ձախ կողմէն երեւցաւ ինձի խումբ մը հողիներու¹³, որոնք մեզի կու գային, բայց այնչափ յամբօրէն, որ կարծես չէին շարժիր:

« Վերցնէր, ըսի ես, աչքերդ վերցնէր, վար-

պետ : Եթէ դու չես կրնար գտնել ինքնիրենդ, ահա առտիկ անոնք պիտի ըսեն մեզի բռնելիք ճամբանիս) :

Նայեցաւ այն ատեն, և զուարթ դէմքով մը պատասխանեց.

« Դէպ ի անոնց երթանք, վասն զի շատ դանդաղ¹⁴ կու գան անոնք. և դուն յոյսդ զօրացուր, քաղցր որդեակ) :

Հազար քայլ մը ըրած էինք մենք, և դեռ այն ամբոխը հեռու էր մեզմէ ճարտար քաւածիկէ մը նետուած քարընկէց մը, երբ անոնք ամէնքը գացին բարձրաբերձ ժայռին կարծր խարակներուն կպան, և կեցան հոն իրարու վրայ խճկուած ու անշարժ. ինչպէս կը կենայ կը նայի մէկը՝ երբ երթալու աւանը յանկարծ կը սկսի տարակուսիլ :

« Ո՛վ բարի վախճանեալներ, ո՛վ արդէն իսկ ընտրեալ հոգիներ, սկսաւ Վիրգիլիոս, այն խաղաղութեան համար, որ՝ ինչպէս կը կարծեմ՝ կը սպասէ ձեզի ամենուդ, ըսէք մեզի, ո՞ր կողմէն է որ լեռը կը հակի, այնպէս որ կարենանք վեր ելլել. վասն զի ո՛վ որ աւելի գիտէ ժամանակին յարզը, անոր կորուստին վրայ աւելի կը ցաւի) :

Ինչպէս ոչխարները կ'ելլեն իրենց փաւրախէն, մէկ մէկ, երկերկու, երեք երեք, և

միւսները կը կենան՝ երկնշոտ, աչքերնին, քիթերնին գետին կախ, և ինչ որ առաջինը կ'ընէ, միւսներն ալ նոյնը կ'ընեն, կոթնելով անոր վրայ եթէ կանգ առնէ, միամտօրէն ու հանդարտօրէն, առանց գիտնալու թէ ինչո՞ւ այնպէս կ'ընեն, այսպէս տեսայ ես որ այն բարեբաստիկ հօտին առջեւիններն սկսան շարժիլ այն ատեն, ամօթխած դէմքոն ու պարկեշտ գնացքով : Ու երբ անոնք տեսան որ լոյսը մարմնոյս աջակողմովը խափանուած էր գետնի վրայ՝ այնպէս որ ստուերս ժայռին վրայ էր ինկած, կանգ առին ու քիչ մը ետ քաշուեցան, և միւս ամէնքը՝ որ անոնց ետեւէն կու գային, պատճառը չգիտնալով, իրենք ալ նոյնը ըրին :

« Դուք դեռ չհարցուցած՝ կ'ըսեմ՝ ձեզի, որ այս ձեր տեսածը մարդկային մարմին է, և անոր համար է որ արեւուն լոյսը շուքէն այսպէս խափանուած է գետնի վրայ : Մի զարմանաք, բայց հաւատացէք որ առանց երկնային զօրութեան մը չէ որ ասի կ'ուզէ մաղցել այս լեռն ի վեր) : Այսպէս խօսեցաւ վարպետը : Եւ այն արժանաւոր հոգիները, « Ետ դարձէք ուրեմն և առջեւնէս քաւեցէք) ըսին, ձեռքերնուն կոնակներով նշան ընելով մեզի : Եւ անոնցմէ մէկն սկսաւ .

«Ո՛ր ալ բլլաս դուն, մէկ կողմէն քալէ՛ ու դէմքդ ինծի դարձուր, նայէ՛ թէ զիս երկրի վրայ տեսած ես երբեք¹⁵ »:

Դարձայ և ուշադրութեամբ նայեցայ. խարտեաշ էր և գեղեցիկ և ազնուական դէմքով. բայց հարուած մը երկուքի բաժնած էր ընթուիներէն մէկը: Երբ խոնարհութեամբ պատասխանեցի իրեն, որ զինքը տեսած չէի ընաւ, ըսաւ ինծի. «Նայէ՛», ու կուրծքին վերի կողմը վերք մը ցուցուց ինծի: Յետոյ ժպտելով ըսաւ. «Ես Մանֆրէտին¹⁶ եմ, Գոսգանցա կայսրուհիին թոոր. ուստի կ'աղաչեմ քեզի, վերադարձիդ, գնա գտիր գեղեցիկ աղջիկս¹⁷, Սիկիլիոյ և Արագոնայի պատուոյն ծնողը, և ըսէ անոր ճշմարիտը, եթէ ուրիշ բան կը խօսուի¹⁸: Երբ երկու մահացու հարուածներով մարմինս խոցուեցաւ¹⁹, արտասուագին վազեցի Անոր²⁰ որ յօժարութեամբ կը ներէ: Մեղքերս հանելի եղան. բայց անհուն Բարութիւնը՝ ունի այնպիսի մեծ թեւեր, որ կ'ընդունի ով որ իրեն կը դիմէ: Եթէ Գողենցայի հովիւը²¹ որ զրկուեցաւ Կղեմէսէն դիակս հալածելու՝ աղէկ կարգացած բլլար այն ատեն Աստուծոյ խօսքին²² մէջ այս էջը, մարմնոյս ոսկորները պիտի հանդէն տակաւին կամուրջին գլուխը՝ Պի-

նեկնդոյի մօտ, ծանր քարակոյտին պահպանութեանը տակ: Արդ անձրեւը կը թըջէ զանոնք, և հովը կը տարուբերէ՝ թագաւորութենէն դուրս, գրեթէ Վերաէի երկայնքը, ուր փոխադրեցին զանոնք մարած ջահերով²³: Անոնց նզովքը սակայն չէ կարող կորսնցնել տալ մեզի բոլորովին աստուածային սէրը, երբ մանաւանդ թարմ է դեռ յոյսը²⁴: Ճըշմարիտ է՝ որ ով որ ըմբոստ կը մեռնի սուրբ Եկեղեցւոյն դէմ, թէեւ վերջը զղջայ, պէտք է որ այս ժայռէն դուրս մնայ երեսուն անգամ այնչափ ատեն, որչափ ատեն որ կեցած է ան իր ամբարհաւածութեանը մէջ, եթէ սակայն այդ պայմանաժամը չհամառօտուի բարի աղօթքներով:

Տես ուրեմն թէ կրնաս դուն զուարթացնել զիս, յայտնելով բարի Գոսգանցայիս թէ ինչպէս տեսար զիս և ինչպէս արգելուած եմ դեռ. վասն զի հոս ողջիրուն աղօթքը շատ բան կը շահի»:

Մ Ա Ն Օ Թ Ո Ի Թ Ի Ի Ն Ֆ

1. Վերգիլիոս. կենալուն և Գազէլլայի երգը մտիկ ընելուն համար, և ոչ թէ կատոնի յանդիմանութեանը համար, որ իրեն չէր ի գար, վասն զի ինքը մաքրուելու պէտք չունէր:
2. Այսինքն է, մարմնոյն անդամներուն շարժմանը վայելչութիւնը կը խանգարէ, կը վերցնէ:
3. Մէկ մտածումի մէջ, այսինքն Գազէլլային և կատոնի յանդիմանութիւններուն:
4. Տանգէի մարմինը թափանցիկ չլլալով, արեւուն ճառագայթները կը բեկանին, և անոր ստուերը կը նկարեն գեանի վրայ:
5. Ընթերցողը կը յիշէ որ Քաւարանը հակոտնեայ է Երուսաղէմի. որով որովհետեւ Քաւարանին մէջ երկու ժամ է ելած էր արեւը, անդին Երուսաղէմի մէջ ժամը գիշերուան երկուքն էր, և Նաբոլի, վասն զի ըստ Քերթովին 45 աստիճանին վրայ գրուած է զէպ ի արեւմուտք Երուսաղէմի, գիշերուան մէկ ժամ կը մնար:
6. Հիներուն Բրունդիսիոնը, ուր մեռաւ Վերգիլ և յետոյ իր մարմինը Նաբոլի փոխադրուելով հոն թաղուեցաւ:

7. Ժամանակին դրութեան համեմատ, երկինքները բիւրեղի պէս թափանցիկ կը համարի:

8. Ըստ Արիստոտէլի, ապացուցութիւնը երկու տեսակ է. մէկը կը կոչուի proter quod, և է երբ կ'ապացուցուի a priori, այսինքն է, երբ արդիւնքները կը հետեւցուն պատճառներէն. միւսը կը կոչուի quia (Տանդէն կ'ըսէ. State contenti. al quia = Գոհ եղիք quia յով), և է երբ կ'ապացուցուի a posteriori, այսինքն է երբ արդիւնքներէն պատճառներուն կ'ելլենք: Ուրեմն, գոհ եղիք կ'ըսէ quia յով, այսինքն է այն ապացուցութիւններով, որոնք կրնան հանուիլ արդիւնքներէն, և մի՛ ճգնիք իմանալ աւելի քան ինչ որ իրերը կը ցուցնեն... վասն զի եթէ բնական կարողութիւններով կարենայինք ամէն բան տեսնել, հարկ մը չկար որ Մարիամը Փրկիչը ծնէր, որովհետեւ Ադամը պիտի չխաբուէր:

9. Ամէն բան ճանչնալու:
10. Միտքը կ'իյնայ որ ինքն ալ անոնցմէ է Լիմպոսին մէջ:

11. Հին դղեակ Միջերկրականի ափունքը՝ Մակրա գետին ձախակողմը: Այս դղեակին վրան էր որ Անտրեա Տօրիա տնկեց սպանիական դրօշը՝ երբ Տրանչեստայ Աւէն Գարլոյ Ե.ին ծառայութեան անցաւ: — Դուրպիտ կամ Դուանիա, գիւղ Նիցցայի մէջ քիչ հեռու Միջերկրականէն: Յիշուած երկու տեղերուն միջեւ եղած երկիրը ծածկուած է սեպպեցեալ ու ապառաժու լեռներով:

12. Վերգիլի դժուրքին ճամբան գիտէ. Դժ. Թ. 30. Քաւարանին ոչ, վասն զի առաջին անգամ կու գայ:

13. Իրենց վերջին վայրկեաններուն հաշտուած Աստուծոյ հետ, բայց արտաքոյ Եկեղեցոյ շնորհքէն համո. Ե. երգին վերջին մասերը:

14. Նշանակ իրենց զղջալու դանդաղութեան:

15. Խօսողը Մանֆրետին է, որ հեռուէն չճանչնալով Տանդէն թէ դեռ 35 տարու մարդ մըն էր, աւելի տարեց կը կարծէ, և կը յուսայ որ զինքը կրնայ տեսած ըլլալ: Բայց կը խաբուէր, վասն զի իր մահուան ատենը՝ Տանդէ հազիւ մէկ տարու էր:

16. Թագաւոր Բուլիայի և Սիկիլիոյ, ծնաւ Ֆետերիպոյ Բ կայսրէն, և առ՝ Արրիկոյ (Հենրիկոս) Չ էն և իր Գոսդանցա կոչմէն. որով Մանֆրետի թոռ կ'ըլլայ Գոսդանցայի:

17. Մանֆրետի աղջիկն ալ Գոսդանցա կը կոչուէր, և կին եղաւ Արագոնայի Պետրոս Թագաւորին, որ ունեցաւ անկէ Ֆետերիպոն, որ Թագաւոր եղաւ Սիկիլիոյ, և Յակոբը՝ որ հօրն յաջորդեց Արագոնայի Թագաւորութեան մէջ:

18. Ըսէ որ ես փրկութեան տեղն եմ, եթէ հակառակը կը խօսուի, այսինքն թէ՛ դատապարտուած ըլլամ:

19. Սոյն դէպքը տեղի ունեցաւ 1266ին ի Չերերան իր Թագաւորութեան աւերիչին Անճիոյի Գարլոյին դէմ մղած երկրորդ պատերազմին մէջ:

20. Աստուծոյ: — Մեղքերս անուշի եղան, Եկեղեցւոյ ոխերիմ թշնամի ըլլալուն համար, որով և բանադրուեցաւ:


21. Բարթողիմէոս Բինեագելլի, կարգինալ և արքայակոպոս Գոզենցայի 1254—1267: — Մանֆրետի Պենուենդոյի կամուրջին ոտքը թաղուեցաւ, և իր գերեզմանին վրայ իւրաքանչիւր զինուոր քար մը ձգեց՝ իբրեւ հերետիկոս, որով ահագին քարակոյտ մը ձեւացաւ: Բայց կան ըսողներ, որ յետոյ պապին հրամանաւ Գոզենցայի եպիսկոպոսը զանի իր գերեզմանէն հանած և դուրս զրկած ըլլայ Թագաւորութենէն՝ որ Եկեղեց-

ւոյ երկիր էր, և թաղուած ըլլայ Վերտէ գետին երկայնքը, ինչպէս կ'ըսէ Տանդէ ալ:

22. Աւետարանին մէջ, ուր ըսուած է թէ «Աստուած միշտ պատրաստ է ներելու մեղաւորին որ առ ինքն կը դառնայ»:

23. Մարած կամ գլխովար դարձած ջահերով կը յուշարկէին բանադրանքի մէջ մեռնողները:

24. Երբ դեռ կենսականութիւն կայ, և դարձի յոյս:



ՉՈՐՐՈՐԴ ԵՐԳ

— — —

Երբոր հաճոյական կամ ախուր տպաւորութեան մը տակ՝ որ կը ներգործէ հոգւոյն կարողութիւններէն մէկուն վրայ՝ նայն ինքն հոգին կը կեդրոնանայ բոլորովին այն միակ կարողութեան մէջ, կը թուի թէ ան ուշադրութիւն չ'ընէր իր միւս կարողութիւններուն. և աս՝ հակառակ է այն մոլորութեան՝, որ կը կարծէ թէ մեր մէջ մէկ հոգին միւսին վրայ կը վառի²: Ասոր համար է որ երբ կը շուրջ կամ կը տեսնուի բան մը՝ որ հոգւոյն բոլոր ուշադրութիւնը իրեն կը գրաւէ, ժամանակը կ'անցնի առանց գիտնալու. վասն զի այլ է այն կարողութիւնը որ կ'ունկնդրէ, և այլ ան՝ որ ոչ մի տպաւորութիւն չի կրեր. ասի՝ գրեթէ կապուած է, ան՝ արձակ: Ասոր ճշմարիտ փորձը առի ես, ունկնդրելով

և զարմանալով այն հոգիին³ վրայ . վասն զի արեւը յիսուն աստիճան ելեր բարձրացեր էր, և ես բան մը չէի իմացած, երբ եկանք տեղ մը ուր այն հոգիները միաբերան աղաղակեցին մեզի. «Ահա հոս է պատասխանը ձեր հարցումին⁴»:

Աւելի մեծ է շատ անգամ անցքը՝ զոր կը գոցէ զիւղացին արցակ մը փուշով, երբ խաղողը կը սկսի կարմրել, քան այն ճամբան ուրկէ ելաւ առաջնորդս, ես ալ ետեւէն մինակ, երբ հագիւ թէ այն խումբը բաժնուեցաւ մեզմէ:

Կարելի է երթալ Սանլէօ⁵, իջնել Նոլի, ելլել Պիսամանտուայի գաղաթը՝ միայն ոտքերով, բայց հոս հարկ է որ թուշի մարդ: Թուշի մեծ փափաքին թեթեւ ու ճախրասլաց թեւերովը առաջնորդիս ետեւէն որ կը քաջալերէր ու կը լուսաւորէր զիս: Կ'ելլէի առաջնորդիս ետեւէն ժայռին մէջ փորուած ճամբէն, որ շատ նեղ ըլլալուն՝ մեզ կը սեղմէր, և կոխած տեղերնիս ոտք ու ձեռք մէկտեղ կ'ուզէր: Երբ բարձրաբերձ ժայռին բարձրագոյն եզրը հասանք ու լերան կոնակը պարզուեցաւ աչքերնուս, «Վարպետ, ըսի, ի՞նչ ճամբով պիտի երթանք»: Եւ ան ինձի. «Զըլլայ թէ այլ կամ ձախ դառնաս, այլ ետեւէս գէպ

ի վեր լեռը ելեր միշտ, մինչեւ որ ճարտար առաջնորդի մը հանդիպինք»:

Լերան գաղաթն այնչափ բարձր էր, որ աչք չէր հասներ, և կողը շատ աւելի զատ ի վեր էր քան գիծը՝ որ կ'անցնի բոլորակին չորրորդ մասին կէսէն գէպ ի կեդրոնը⁶: Ես յոգնած էի, ուստի սկսայ.

«Ո՛վ քաղցր հայր, զարձիր ու նայէ ինչպէս մինակ պիտի մնամ եթէ չկենաս»:

«Որդեակ իմ, ըսաւ, քաջքէ բեր ինքզինքդ մինչեւ հոս», մասնանշելով ինձի քիչ մը վերը սարահարթ մը, որ այն կողմէն ամբողջ լեռը կը շրջապատէր:

Իր խօսքերը զիս անանկ մտրակեցին, որ ամէն ջանք ըրի յափսիթերս սողալու երթալու անոր հետն ի վեր, մինչեւ որ սարահարթն ոտքերուս տակ գանուեցաւ: Երկուքնիս ալ նստանք հոս, գէմքերնիս գէպ ի արեւելք, ուրկէ ելած էինք. վասն զի մարդ գոհուծիւն կը զգայ ըրած ճամբան գիտելով: Աչքերս նախ գէպ ի ստորին ափուեքներն ուղղեցի. յետոյ վերացուցի գէպ ի արեւը, ու կը զարմանայի որ ան ձախ կողմէն էր որ կը շեշտէր իր ճաճանչները մեր վրայ⁷: Նշմարեց քերթողը որ ես ապշեր մնացեր էի տեսնելով որ լոյսին կառքը մեր

ու Հիւսիսային կողմին մէջ կը մտնէր, և
բտաւ.

«Եթէ կաստոր և Պոլիտեւիկոս⁸ ընկերա-
ցած ըլլային այն հայեւիին, որ երկու կի-
սագունտերուն մէջ ալ իր ըոյսը կը տարածէ,
պիտի տեսնէիր գուն որ կարմրուկ գողիա-
կոսը Սայլին գեռ աւելի մօտ հիւ պիտի
գար, եթէ իր սովորական ճամբէն չելլէր
գուրս: Եթէ կ'ուզես գիտնալ թէ ինչո՞ւ ասի
այսպէս կ'ըլլայ, մտամիտի երեւակայէ՛ որ
Սիոնն ու այս լեռը այնպիսի զիրք մը ու-
նին երկրի վրայ, որ մի և նոյն հօրիզոնն
ու տարբեր կիսագունտեր ունին⁹. ու պիտի
տեսնես, եթէ մտազրութեամբ նայիս, թէ
ինչպէս անհրաժեշտ է որ այն ճամբան¹⁰
որուն վրայէն ի մնաս իրեն չկրցաւ կառար-
շաւել Փայիտոն¹¹, անցնի մէկ կիսագունտին
մէկ կողմէն, և միւսին միւս կողմէն»:

«Իրաւ կ'ըսեմ, վարպետ, ըսի ես, որ
խելքէն վեր երեւցած բան մը երբեք ասանկ
որոշ չըմբռնեցի. վասն զի թաւալուն երկինք-
ներէն ամենաբարձրին միջին պարունակը,
որ գիտութեան¹² մը մէջ հասարակած կը
կոչուի և որ միշտ արեւուն ու ձմրան մի-
ջեւ կը մնայ¹³, ըրած պատճառաբանու-
թեանց¹⁴ համեմատ, ասկէ կը մեկնի գէպ

ի հիւսիս այնչափ միջոց, որչափ միջոց որ
Հրեաները հետու կը տեսնէին զայն գէպ ի
տաք գաւառը¹⁵: Բայց եթէ կը հաճիս, կ'ու-
զէի դիտնալ թէ որչափ պիտի քալենք գեռ.
վասն զի այնչափ բարձր է լեռը՝ որ աչքերո
չեն կրնար անոր ծայրը հասնիլ»:

Եւ ան ինծի. «Այնպիսի բնոյթ մը ունի
այս լեռը, որ իր վերելքը միշտ գփուար է
սկզբան. բայց երթալով գփուարութիւնը կը
նուազի: Եւ երբ այնչափ հեշտին երեւայ
քեզի, որ մազլցես վեր այնչափ դիւրու-
թեամբ, ինչպէս թէ նաւով մը հոսանքն ի վար
երթայիր, այն ատեն ճամբուն ծայրը հա-
սած պիտի ըլլաս. հոն է որ պիտի շունչ
ստնես խոնջէնքէզ ու տագնապէզ. ալ չեմ
խօսիր¹⁶, բայց ըսածս ճշմարիտ է»:

Ան հազիւ իր խօսքն աւարտեց, մօտէն
ձայն մը լսուեցաւ. «Կարելի է հոն չհա-
սած ստիպուիս նստիլ»:

Այս ձայնին վրայ, երկուքնիս ալ դար-
ձանք և ձախ կողմը մեծ քար մը տեսանք,
զոր առաջուց ոչ ես և ոչ ինքը չէինք նշմա-
րած: Մօտեցանք. տեսանք հոն մարդեր¹⁷
երկնցած ժայռին շուքը, այնպէս ինչպէս կը
կենայ հեղզ մարդը: Եւ անոնցմէ մին՝ որ
ինծի շատ խոնջ կ'երեւար, նստեր ծունկերը

կը գրկէր, երեսը դէսլ ի վար անոնց վրայ կոթնցուցած:

«Ո՛վ քաղցր տէր իմ, ըսի ես, նայէ անոր որ անչափ հեղզ ու թոյլ կ'երեւայ, որ ծուլութիւնը կարծես իր քոյրն է»:

Այն ատեն մեզի դարձաւ ու նայեցաւ, կողն ի վեր աչքը բիշ մը պտտցընելով¹⁸, ու ըսաւ. «Ելի՛ր դուն, քնջի՛ր¹⁹»: Այն ատեն ճանչցայ ով ըլլալը. և այն խոնջութիւնը՝ որ տակաւին թասել հեալ կու տար ինծի, չարգելից զիս անոր երթալէն, ու երբ քովի հասայ, հազիւ գլուխը վերցուց, ըսելով. «Լաւ հասկըցա՛ր, թէ ինչպէս արեւը՝ կառքը ձախ կողմէն կը քշէ²⁰»:

Իր հեղզ շարժումներն ու կարճ խօսքերը՝ շրթունքներս բիշ մը ծիծաղի շարժեցին. յետոյ սկսայ. «Պէլաքուա՛²¹, ալ այսուհետեւ վրազ չեմ ցաւիր. բայց ըսէ ինծի, ինչո՞ւ համար հո՛ս նստեր ես. առաջնորդի՞ կը սպասես, թէ հին սովորութիւնդ²² նորէն ձեռք առիր»: Եւ ան. «Եղբայր, վեր ելլեմ՝ ի՛նչ ընեմ, վասն զի Աստուծոյ թոչունը որ հո՛ս գուռը նստած է, չի թողուր որ քաւութեան անկը երթամ: Հո՞ն չմտած պէտք է որ երկինքը դառնայ շուրջս այնչափ ատեն, որչափ ատեն որ դարձաւ երբ ողջ էի. վասն զի

զղջման բարի հառաչները յապաղեցի մինչեւ կեանքիս վերջը. եթէ Աստուծոյ շնորհքին մէջ ապրող սրախ մը աղօթքը չօգնէ ինծի, մեղաւորինը ի՛նչ պիտի կարենայ ընել, որ չի լսուիր երկինքը»:

Քերթողը արդէն կ'ելլէր առջեւս ու կ'ըսէր. «Ետեւէս եկուր. ահա արեւը Միջօրէականին հասած է, և զիշերը՝ միւս կիսագունտին ծայրը՝ կը ծածկէ արդէն սաքով Մարտքքո՛ն²³»:

Ծ Ա Ն Օ Թ Ո Ի Թ Ի Ի Ն Ք

1. Պղատոնականներուն, որոնք երեք հոգի կը դնէին մարդուս մէջ, անկական, զգայական և իմացական, և Մանէրեցուց, որոնք երկու հոգի կը դնէին:
2. Այս փոխաբերութեամբ հոգին կայծ մը, բոց մը կը նկատուի, որ մարմինը կը կենդանացնէ:
3. Մանֆրէտիին:
4. Ինչ որ կ'ուզէք, այսինքն տեղը՝ ուրկէ կարելի է վեր ելլել... տես Գ. երգը:
5. Սանկեօ, ամրոց՝ լերան մը վրայ Ուելպինոյի գաւառին մէջ: — Նոյի, փոքրիկ քաղաք Սաւոնայի և Ֆինալէի միջեւ, ուր՝ Տանդէի օրով՝ վասն զի ցած դերքի վրայ էր, կ'իջնէին սաստիկ դժուարութեամբ ապառաժուտ լեռներու կողերն ի վար: — Պիսանետուս, բարձր լեռ, Մոտենայի դքսութեան մէջ:
6. Այս սողերը լաւ հասկնալու համար, ընթերցողը քաշելու է հորիզոնական գծի մը վրայ ուղղահայեաց մը. յետոյ երկուքին վրայ աղեղ մը ձգելու է, և աղեղին կէսէն գիծ մը դէպ ի անկիւնն հորիզոնականին և ուղղահայեացին. այս գիծը որ շարժուն գիծ (lista mobile) կ'ըսուի պիտի ունենայ 45 աստիճանի ճուրճութիւն մը. և Տանդէի լերան կողը ասիկ շատ աւելի դառիվեր է եղեր:

7. Վասն զի հակադիր կիսագունտին մէջ էր Տանդէ, ինչպէս կը բացատրէ Վիրգիլ:

8. Արամազդի և Լետովայ որդիները՝ Գիոսկուրը կոչուած: Այս սողերուն իմաստն է. Եթէ կաստոր և Պոլիստեշիս, այսինքն, Երկուորեակներուն երկնային նշանը, ընկերացած ըլլար այն հայելիին, այսինքն է աբելուն, որ երկու կիսագունտերն ալ կը լուսաւորէ. պիտի տեսնէիր դուն զողիակոսը կարմիր, որ պիտի շրջէր դեռ աւելի մօտ Սայլին, այսինքն հիւսիսին, եթէ իր հին ճամբէն, այսինքն է խաւարման ծիրեն շեւքէր դուրս:

9. Տանդէ կ'ուզէ ապացուցանել հոս թէ ինչու Քաւարանին մէջ արեւը միշտ հիւսիսային կողմը կը տեսնուի, մինչդեռ Սիոնի կամ Երուսաղէմի մէջ միշտ հարաւային կողմը կը տեսնուի: Ուստի կ'ըսէ որ սոյն երկու տեղերը մի և նոյն հորիզոնը և տարբեր կիսագունտեր ունին, և սակայն իրարու հակոտնեայ են: Բայց այս երկու պայմանները չեն բաւեր յիշուած տեսութեան համար, վասն զի եթէ երկու տեղերը մէջն ըլլային երկու Արեւադարձներուն կամ խաւարման ծիրեն պարունակին, յայտնի է որ կրնային հակոտնեայ ըլլալ, առանց որ մէկը արեւը հիւսիսային կողմը տեսնէր, և միւսը հարաւային: Հարկ է ուրեմն որ դուրս ըլլան նաև Արեւադարձներն ու խաւարման ծիրեն: Տանդէ այսպիսի պայման մը չի բացատրեր, բայց զօրութեամբ կ'իմացնէ, համարելով որ ընթերցողը գիտէ թէ Երուսաղէմը ասդին է Խեցգետնի Արեւադարձէն և Քաւարանը անդին՝ Սոճեղջեր Արեւադարձէն:

10. Արեւուն տարեկան ճամբան, այսինքն է խաւարման ծիրը: Ըսել կ'ուզէ Տանդէ որ խաւարման ծիրը կ'երթայ մէկ կողմովը դէպ ի քաւարանի լեռը, և հաւանակ կողմով դէպ ի Սիոն լեռը: Եւ յիրաւի, եթէ

ուշագրութիւն գրուի, արեւուն տարեկան շրջանը՝ մեզի համար՝ ձախէն աջ կ'երթայ, և մեր հակոտնեաներուն համար աջէն՝ ձախ, ճիշդ ինչպէս առաջ կ'երթան Զորիակոսի կենդանակերպները:

11. Դժոխքին մէջ յիշատակուած է արդէն Փայետոնի սոյն ձախողանքը:

12. Աստղաբաշխութեան:

13. Թէ Հասարակածը Արեւուն (= ամրան) և ձմրան միջև կը մնայ՝ յայտնի է: Վասն զի երբ ձմեռ է մեր կլիմաներուն մէջ, արեւը՝ Հասարակածէն անդին Աժեղեր Արեւադարձին մէջ կը գտնուի, կամ մտն այս Արեւադարձին, որով Հասարակածը կը մնայ արեւուն ու մեր միջև, որով կ'ունենանք ձմեռ: Իսկ եթէ ձմեռը մեզի հակոտնեայ է, արեւը կը գտնուի Հասարակածէն ասդին խեցդեանի Արեւադարձին մէջ, կամ մտն այս Արեւադարձին, որով Հասարակածը կը մնայ դարձեալ արեւուն ու մեր հակոտնեաներուն միջև, և անոնք ալ ձմեռ կ'ունենան:

14. Վասն զի Քաւարանի լեռը հակոտնեայ է Սիոնի:

15. Դէպ ի հարաւ — Հրեաները երբ դեռ Երուսաղէմ էին և շէին ցրուած, Հասարակածը հեռու կամ բաժնուած կը տեսնէին իրենցմէ այնչափ՝ որչափ հեռու կամ բաժնուած է Քաւարանէն:

16. Վասն զի բնական գիտութիւնս անկէ անդին չ'անցնիր:

17. Հոգիներն անոնց որոնք յապաղեցին իրենց ապաշխարութիւնը մինչեւ վերջին կէտը:

18 Յանձն չ'առնեք վերջընելու ձանձրութիւնը, այլ հազիւ աչքին ծայրով վեր կը նայի անոնց:


19. Հեղինական պատասխան. այսինքն դուն որ ինձի պէս թոյլ ու հեղզ չես, ելիր նայիմ...

20. Հեղինութիւնը կը շարունակէ, ծաղրելով Տանդէն՝ հասկեցած չըլլալուն համար արեւուն այն ընթացքը:

21. Կիթառներու և ուրիշ երաժշտական գործիքներու ճարտար արուեստող, բայց ամենածոյլ — Չեւ ցաշիր, վասն զի վրկութեան ճամբուն մէջ ես:

22. Այսինքն ծրլութիւնը:

23. Եթէ Քաւարանի լեռը կէսօր էր, Երուսաղէմ պէտք էր կէս գիշեր ըլլաւ: Բայց Մարութիւն թագաւորութեան մէջ՝ դրուած Քերթողէն մեր կիսագունտին արեւմտեան սահմանաձայրը, գիշերը պէտք էր նոր ոկսիլ:



ՀԻՆԳԵՐՈՐԳ Ե ՐԳ



Արդէն մեկնած էի այն ստուերներէն և
կը հետեւէի առաջնորդիս հետքերուն, երբոր
հտիս՝ մաաը վերցնելով, մէկն աղաղակեց.
«Նայէ, արեւուն ճաճանչը կարծես չի լու-
սաւորեր ձախ կողմն երկրորդին. ողջ մար-
դու է իր քալուածքը»:

Աչքերս գէպ ի ձայնին կողմը դարձուցի,
և տեսայ որ զարմանքով անոնք ինծի կը
նայէին, միայն ինծի և խափանուած լոյսին:

«Ինչո՞ւ համար այդչափ կը շփոթի հոգիդ,
լսաւ վարպետը, որ քալուածքդ կը դանդա-
ղեցնես. քեզի ի՞նչ ատոնց մըմտումը. դուն
հետեւս եկուր, թող ինչ կ'ուզեն ըսեն ա-
նոնք. եղիբ անդրդուելի նման աշտարակի
մը, որուն ծայրը անշարժ կը մնայ միշտ

հովերու մնչուցքին: վասն զի մարդս, որուն մէջ մտածում մտածումի վրայ կը բողբոջէ, միշտ կը հեռացընէ իրմէ նպատակը, որովհետեւ մէկուն զօրութիւնը միւսը կը տկարացնէ:

Ի՞նչ կրնայի ըսել, եթէ ոչ, «կու գամ»: Ըսի, քիչ մը ներկուած այն գոյնով, որ երբեմն մարդս արժանի կ'ընէ ներողութեան: Եւ ահա հակառակ կողմէն մարդեր կու գային դէպ ի մեր առջեւը, աուն առ աուն «Որդմեա ինձ Աստուած» սաղմոսն երգելով: Երբ նշմարեցին որ մարմինս չէր թողուր որ լոյսն իր մէջէն անցնէր, իրենց երգն երկայն ու խոպոտ «ոհ» ի մը փոխեցին: Եւ անոնցմէ երկու հոգի, իբրեւ պատգամաւոր, մեր առջեւը վաղեցին և հարցուցին. «Ըսէք մեզի ո՞վ էք դուք»: Եւ վարպետս. «կրնաք երթալ և ըսել ձեզ զրկողներուն, որ ասոր մարմինը ճշմարիտ միս է: Եթէ իր ստուերը տեսնելն համար կանգ առին, ինչպէս կը կարծեմ, տուած պատասխանս բաւական է. թող պատիւ ընեն անոր, կրնայ ան օգտակար ըլլալ իրենց¹»:

Ես չտեսայ երբեք բոցավառ շողիններ² որ ձեզքէն՝ իրիկնամուտին՝ այնքան արագօրէն

վճիտ երկինքը, և ոչ ալ՝ արեւամուտին՝ այնքան արագօրէն՝ օգոտոտոսի ամպերը, ինչպէս այն պատգամաւորները սլացան իրենց ընկերներուն փայլակնօրէն, և հասնելով հոն, անոնց հետ դարձան մեզի, նման ասպետներու՝ որ կը վարդեն արձակերեսանակ:

— Այն ամբոխը որ մեզի կը փութայ, անթիւ է, և կու գան քեզի աղաչելու, ըսաւ քերթողը. սակայն քալէ դուն, ու մէկ կողմէն մտիկ ըրէ:

— Ո՞վ դու հոգի, որ կ'երթաս երջանիկ ըլլալու համար այն անպամներով՝ որոնցմով ծնար, կու գային աղաղակելով, քայլերդ քիչ մը կամացցուր: Նայէ թէ տեսած չե՞ս արդեօք մեզմէ մէկը, որ կարենաս անոր վրայ լուրեր տանիլ անդին. էյ, ինչո՞ւ կը քալես, էյ, ինչո՞ւ չես կենար: Մենք ամէնքն իսա ալ բռնական մահով մեռանք, և մինչեւ վերջին ժամը մեղաւոր մնացինք. այն ատեն երկնքի լոյսը մեզի հասաւ, ու զղջալով և ներելով³, մեկնեցանք կեանքէն՝ հաշտուած Աստուծոյ հետ, որ մեզ իր տեսոյն տեսչովը կը չարչարէ»:

Եւ ես. «Որչափ ալ ձեր երեսն ի վերը կը նայեմ, դարձեալ մէկերնիդ չեմ ձանչնար. բայց եթէ ունիք բան մը, զոր կրնամ

ընել, ո՞վ բարեծին հոգիներ, ըսէք ինձի, և
ես կ'երգուընամ ընել այն խաղաղութեան
համար, որ՝ այսպիսի առաջնորդի մը քայ-
լերուն հետեւէն, աշխարհէ աշխարհ ինքզինքը
փնտուել կու տայ ինձի) :

Եւ մէկն⁴ սկսաւ. « Ամէնքնիս կը հաւա-
տանք քու խոստումիդ, հարկ չկայ որ եր-
գուընաս . միայն թէ անբաւականութիւնն
ի դերես չհանէ բարի կամեցողութիւնդ : Եւ
ես՝ որ միւսներէն առաջ կը խօսիմ, կ'ա-
զաչեմ՝ քեզի, որ եթէ երբեք տեսնես այն
երկիրը՝⁵ որ կ'իյնայ Ռոմանեայի և Գարբոյի
երկրին միջև, օգնես ինձի ի Ֆանոյ քու ա-
զօթքներովդ, որպէս զի բարի ազաչանքնե-
րով ազօթեն ինձի համար, և ես ծանր մեղ-
քերս կարենամ քաւել : Հոն ծնայ ես, բայց
հաստայր վէրքերը՝ որոնցմէ ելաւ արիւնը,
որմէ կեանքս կը կախուէր՝ Անտենորի՝⁶ եր-
կրին մէջ էր որ ընդունեցայ : Հոն ուր կը
կարծէի ամենէն ապահովն ըլլալ, խոցել
առաւ զիս Էսթէի տէրը, որ սաստիկ կ'ատէր
զիս անխրատութեամբ : Բայց եթէ փախած
ըլլայի դէպ ի Միրա⁷, երբ Օրիակօ վրաս
յարձակեցան, զեռ կ'ըլլայի հոն ուր կը
շնչեն⁸ : Գէպ ի ճախճախուար վաղեցի, և եւ-
զէգներն ու տիւմը զիս անանկ պատատե-

ցին, որ ինկայ, և տեսայ հոն լիճ մը ա-
րիւնէս ձեւացած » :

Յետոյ ուրիշ մը ըսաւ. « Երանի թէ կա-
տարուէր այն փափաքը՝ որ քեզ բարձր լեռը
կը քաշէ կը տանի. բարեպաշտիկ գործերով
օգնէ իմ ըղձանքիս ալ : Մոնգէֆէլլոցի
Պուօնքոնթէն⁹ եմ ես. Ճիովաննան¹⁰ կամ
ուրիշներ հոգ մըն ալ չունին վրաս, անոր
համար է որ այսպէս զլիսիկօր կ'երթամ ա-
սոնց մէջ » :

Եւ ես անոր. « Ի՞նչ բռնութիւն կամ ի՞նչ
արկած էր որ քեզ Գամբալտինոյէն այնչափ
հեռու քշեց որ երբեք չզիտցուեցաւ ուր թա-
ղախլլ » :

— Ո՛հ, պատասխանեց ան, Գաղենդի-
նոյի ոտքէն Արքիանոյ անուն ջուր մը կ'ան-
ցնի, Ապեննինեաներէն կը բղխի Էրմոյի
վրայ : Հոն՝ ուր որ իր անունը կը կոր-
սուի՝¹¹ հասայ ես խզրատուած կոկորդով,
փախչելով հետի և գաշտն արիւնտուելով :
Հոն տեսութիւնս կորսնցուցի, և վերջին
խօսքս եղաւ Մարիամու¹² անունը. ու հոն
ինկայ և մարմինս միայն մնաց. ճշմարիտը
պիտի ըսեմ, և դու պատմէ ողջերուն : Աս-
տուծոյ հրեշտակը առաւ զիս, և զժողովնը
կ'ազաղակէր. « Ո՞վ դու երկնայինդ, ինչո՞ւ

համար կը զրկես զիս : Ասոր հոգին կը շորթես զուն ինձմէ շիթ մը արցունքի համար, բայց միւսին¹³ վրայ ուզածս պիտի ընեմ » : Աղէկ գիտես զուն՝ թէ ինչպէս կը խտանայ օդին մէջ խոնաւ շոգին, որ ջուրի կը փոխուի և կը թափի, երբ հազիւ թէ կը բարձրանայ օդին ցրտագոյն գաւառը :

Դժխբքին հրեշտակը՝ միացնելով խելքը չար կամքին հետ՝ որ միշտ չար կը փնտռէ, հովն ու ծուխը շարժեց իր ընդարոյս կարողութեամբը : Եւ երբ օրն իրիկուն եղաւ՝ Բրազումանեոյէն մինչեւ Ապեննինեանց մեծ լեռնաշղթան՝ հովիտը պատեց մառախուղով, և երկինքն այնպէս ամպամածեց, որ խտացած օդը ջուրի լուծուեցաւ. անձրեւը տեղաց- կրցածը ծծեց երկիրը, չկրցածը ձորերն ընդունեցին, և մեծամեծ հեղեղասանբու միանալով գահալիփօրէն խութեցին դէպի արքունական գետը¹⁴ անանկ արագութեամբ, որ ոչ ինչ կրցաւ ոտնակառել տալ անոնց : Հեղեղասաստ Արքիանոն սառած մարմինս Աննուի գետաբերանը գտաւ, ու բշեց ձգեց անոր մէջ, և քակեց խաչը՝ զոր ձեւացուցած էի կուրծքիս վրայ բազուկներովս՝ երբոր ցաւը¹⁵ յաղթեց ինձի : Մխրճեց զիս յատակը, երեսը հանեց, յետոյ իր աւարներովը¹⁶ ծածկեց ու պատեց զիս » :

« Ո՛հ, երբ աշխարհ գառնաս և հանգչիս երկար ուղեւորութենէդ, շարունակեց երբորդ հոգի մը երկրորդին ետեւէն, յիշէ զիս՝ որ Բիան¹⁷ եմ. Սիենա ծնունդս տեսաւ, Մարեմա մահս, զոր գիտէ ան՝ որ նախ ինձի հետ ամուսնանալ խոստանալով, տուաւ ինձի ամուսնական մատանին¹⁸ » :

Ծ Ա Ն Օ Թ Ո Ի Թ Ի Ի Ն Ֆ

1. Լուր տանելով իրենց ազգականներուն, որ ա-
զօթեն:
2. Ասուպ ըսուածները: — Տանդէի օրով կը կար-
ձէին որ ինչպէս ասուպներուն երեւոյթը, նոյնպէս ամ-
բան ամենատար օրուան մը արեւամուտին՝ ամպերուն
ձոցը հապշտապ և լռին փայլատակումը, յառաջ գայ
շողիներու բորբոքումէն: Քերթողը կ'ուզէ նկատել հոս
այն երազութիւնը՝ որով պատգամաւորները սլացան
գացին պատմելու իրենց ընկերներուն լսած նորութիւն-
նին, իբրեւ թէ ըսէր՝ Ալացան փայլակի պէս:
3. Զիրենք հալածողներուն, սպանողներուն:
4. Այս մէկը՝ Զանոցի Յակոբն է, Գասարոյ կամ
Գասսերոյ ընտանիքէն, որ երբ կառավարիչ էր Պոլս-
նեայի, Էսթէի Աճճոյ ութերորդի ատելութիւնը իր
վրայ հրաւիրեց, հակառակ կենալով անոր այն քաղա-
քին տիրանալու փորձերուն, և ամէն կերպով չարա-
խօսելով անոր վրայ: Աճճոյ, վրէժը լուծելու համար
սպաննել տուաւ զանկա Օրիակոյ՝ Վենետիկի և Բա-
տուայի միջև, մինչդեռ ան իր պաշտօնը մնցնելով
կերթար Միլանու կառավարիչ ըլլալու:
5. Անգոնայի գաւառը, որուն կը տիրէր Անճիոյ
Գարոյ երկրորդը:

6. Բատուացիներուն երկրին մէջ, որոնք Անտենորէն
կը սերին, որ էր Բատուայի հիմնադիրը:
7. Պրենդա գետին առաջներէն մէկուն վրայ փոքրիկ
գիւղ մը:
8. Այսինքն՝ աշխարհ:
9. Մոնդէֆէլդրոցի կուխտային (տես Գժ. ԻԷ) որդին
էր. մեռաւ Գամբալտինոյի պատերազմին մէջ, և չգիտ-
ցուեցաւ թէ ինչ եղաւ իր մարմինը. քերթողէն հոս
պատմուածը հաւանականութեան վրայ ստեղծում մըն է:
10. Իր կինը:
11. Վասն զի հոն ա՛լ Արքիանոյ չի կոչուիր, այլ
Աննուի ջուրերուն հետ կը խառնուի:
12. Ս. Աստուածածին:
13. Այսինքն՝ մարմնոյն վրայ:
14. Աննու:
15. Մեղքերուս զոջումը:
16. Իր խիճերով ու խոտերով:
17. Անացի ազնուական տիկին, կուստղէլլոնի ըն-
տանիքէն: Ամուսնացաւ Պտղոմեաններէն մէկուն հետ,
և անկէ այրի մնալով, ամուսնացաւ Նելլոյ կամ Բա-
կանելլոյ Բաննոքիէսքի անուն անձին հետ, որ էր տէր
Բիէդրա կոչուած դղեակին: Մարեմմա տանելով, ա-
մուսինը՝ ծառաներէն մէկուն՝ անոր ոտքէն բռնել ու
պատուհանէն վար նետել տուաւ: Ոմանք կը համարին
թէ մղուած ըլլայ այս խուժադուժ գործին անոր վրայ
անհաւատարմութեան կասկած ունենալէն. բայց ստոյգը
ան է՝ որ ուզեր է մէջտեղէն վերցնել, ամուսնանալու
համար Մարկեբրիգա Ալտոպրանտեսքի գեղեցիկ և մե-
ծափարթամ կոմսուհիին հետ, բայց չկրցաւ փափաքին
հասնել: Սոյն ոճիրը տեղի ունեցած է 1295ին:
18. Այս տողերուն ընագիրը քիչ մը երկդեմի է.


« Salsi colui, che, inanellata pria,
Disposato m'avea colla sua gemma.

որ ըսել է. « Գիտե՛ զայն (այսինքն մահը) ան՝ (Նեւուն)
 որ իր գոհարովը ամուսնացած էր ինձի հետ, որ նախ
 ուրիշի մը հետ ամուսնացած էի »: Ուրիշներ ուրիշ
 կերպով կը գրեն և կը հասկնան.

« Salsi colui che inannellata, pria
 Disposata, m'avea con la sua gemma ».

Եւ կը հասկնան. « Գիտե՛ զայն ան՝ որ նախ ինձի հետ
 ամուսնանալու խոստում տալով, տուաւ յետոյ ա-
 մուսնական մատանին, այսինքն ամուսնացաւ »:

Մենք այս կերպով թարգմանեցինք:



ՎԵՅԵՐՈՐԳ Ե ՐԳ



Երբ Զառա¹ կոչուած խաղը կը լմնայ,
 և կորսնցնողին սիրտը կը կտորի, կը կրկնէ
 կը նեաէ քուէներն ու տխրօրէն կը սորվի,
 ամբողջ յաղթողին հետ կ'երթայ. մէկն առ-
 ջեւէն կ'երթայ, միւսն ետեւէն անոր փէշէն կը
 քաշէ, և ուրիշ մը քովընտի՝ կ'աղաչէ որ
 զինքն² ալ յիշէ. ան՝ չի կենար. մտիկ կ'ընէ
 ասոր անոր. որո՛ւ որ ձեռքը կը կարկառէ³ կը
 հեռանայ ան, և այս կերպով ինքզինքը կը
 պաշտօտանէ ամբոխէն: Այսպէս էի ես ալ այն
 խիտ ամբոխին մէջ, գէմքս ասդին անդին ա-
 նոնց վարձընելով, կը խոստանայի ու օձիքս
 կ'աղաատէի: Հո՛ն էր Արեւիսը⁴, որ կենոյ
 Դաքքոյի զարհուրելի ձեռքէն ընդունեց մահը,
 և միւսը⁵ որ թշնամիներուն երեսէն փախ-
 շելու ատենը խեղդուեցաւ: Հո՛ն կ'աղօթէր

բազկատարած Ֆեռերիքոյ Նովեւոյ⁶ և այն
Բիզագին⁷ որ սյնչափ արի երեցուց բարի
Մարցուքոն: Տեսայ Օրոսոյ⁸ կոմսը, և հո-
գին Բիէր աէլա Բրոչչիային⁹ բաժնուած իր
մարմնէն ատելութեամբ և նախանձով, ինչ-
պէս կ'ըսէր, և ոչ թէ գործուած յանցանքի
մը համար. որոնց դարմանը հոգայ¹⁰ թող
Պրապանդայի տիկինը՝ մինչդեռ կ'ապրի,
որպէս զի ապիրատ հօտի մը չխառնուի:

Երբ ազատեցայ բոլոր այն հոգիներէն՝
սրոնք նման միւսներուն աղաչեցին որ ու-
րիչներն աղօթեն իրենց համար, որպէս զի
շուտով սրբանան, սկսայ ես. «Ինձի կը
թուի որ դուն, ո՛վ լոյս իմ, հատուածի մը
մէջ կը ժխտես որոշակի, թէ աղօթքը կա-
րենայ երկնքի վճիռը փոխել. և սակայն
այս մարդիկը ատոր համար է որ կ'աղաչեն.
ուրեմն իրենց յոյսը ապարդիւն պիտի մնայ,
թէ արդեօք ըսածդ լաւ չեմ ըմբռներ¹¹»:

Եւ ան ինձի. «Գրածս որոշ է, և ասոնց
յոյսը չի սխալիր, եթէ ողջ մտքով մտա-
ծուի. աստուածային դատաստանին բար-
ձրութիւնը չի խոնարհիր, վասն զի սիրոյ
հօրը վայրկեանի մը մէջ կրնայ գոհա-
ցընել անոնք որ հոս են¹². և հոն¹³ ուր որ
դրի ես այն առաջարկութիւնը, յանցանքը

աղօթքով չէր քառուեր, վասն զի աղօթողը
հեռացած էր Աստուծամէ: Սակայն ասանկ
խոր տարակոյսի մը հանդէպ մի կանգ առ-
ներ, եթէ չի հաստատեր ան¹⁴ որ պիտի
լուսաւորէ միտքդ ճշմարտութիւնը ճանչա-
լու համար: Չեմ գիտեր թէ կը հասկնաս
միտքս. Երանուհիին վրայ է խօսքս. պիտի
տեսնես դու զանի վերը այս լերան գագաթը՝
ժպտուն ու երջանիկ»:

Եւ ես. «Բարի առաջնորդ, որչափ կա-
րելի է շուտ երթանք, վասն զի ալ առա-
ջուան պէս չեմ յոգնիր. և ահա լեռն ալ
ստուեր կը ձգէ»:

— Ամբողջ այս օր առաջ պիտի երթանք,
պատասխանեց, որչափ որ կրնանք. բայց
երբ կարծածէք բոլորովին տարբեր է: Դեռ
վերը չհասած, դու պիտի տեսնես վերա-
դարձը անոր¹⁵ որ ահա լերան ետեւը կը
ծածկուի, այնպէս որ ալ չես կրնար անոր
ձառագայթները խորտակել: Բայց տես այն
հոգին՝ որ միս մինակ կեցած մեղի կը նայի.
ան պիտի կարճ ճամբան սորվեցնէ մեզի»:

Քովը գացինք: Ո՛վ Լոմպարտական հո-
գի¹⁶, ինչպէս սէգ էր կեցուածքդ և արհա-
մարհոտ. ինչ ազնուութիւն ու ծանրութիւն
աչքերուդ մէջ: Ան՝ ոչինչ չէր ըսիր մեզի,

բայց կը թողուր որ անցնէինք, նայելով միայն ինչպէս կը նայի հանդէպ առիծը: Բայց Վիրգիլ մտեցաւ անոր, աղաչեց որ լաւագոյն վերելքը ցուցնէ մեզի, և ան չպատասխանեց իր հարցումին, այլ տեղեկութիւն ուզեց մեր երկրին ու կեանքին վրայ: Եւ քաղցր առաջնորդը կը սկսէր. «Մանտուա...» Եւ ստուերը, բոլորովին ինքնամփոփ, ցատկեց տեղէն ու անոր վազեց, բսլով. «Ո՛վ Մանտուացի, Սորատէլոն¹⁷ եմ ես, հայրենակիցդ»: Ու գրկուեցան:

Ահ, ստրուկ Իտալիա¹⁸, ցաւերու օթաբան. նաև՝ առանց նաւաւարի մեծ փոթորկի տանն, ոչ տիրուհի գաւառներու, այլ բուզանոց: Այն ազնուական հողին իր երկրին անոնքը միայն լսելով աճապարեց փութաց սիրալիբ ընդունելութիւն մը ընելու իր քաղաքացիին: Եւ ահա քու բնակիչներդ չեն կրնար առանց կռուի կենալ, ու զերար կ'ուտեն անոնք՝ զորս միեւնոյն պարիսպն ու փոսն է որ կ'ընդգոցէ: Նայէ, չուտողաւան, ծովեզերեայ քաղաքներուդ վրան, և յետոյ զարձիբ ծոցդ¹⁹ նայէ ու տես թէ կ'այ տեղ մը որ խաղաղութիւն վայելէ: Քեզի ի՞նչ օգուտ Յուստինիանոսի սանձդ կարգաւորելը²⁰, քանի որ համեալ պարապ է, առանց

անոր աւօթդ նուազագոյն պիտի ըլլար: Այդու ժողովուրդ²¹, որ պէտք էիր ջերմեռանդ եղած ըլլալ²², և թողուլ որ կեսաբը համետին վրայ նստի, եթէ լաւ հասկցած ըլլայիր ինչ որ Աստուած կը նշանակէ քեզի, տես ինչպէս այս կենդանին²³ վայրենացաւ, խրատուած չըլլալուն համար մտրակներով²⁴, երբ ձեռքդ անոր սանձին տարիր: Ո՛վ գերմանացիդ Ալպերդոս²⁵, որ կը թողլքես զայն որ աննուած և ամեհի վարձած է, և որ պէտք էիր նստիլ անոր թամբին վրայ, թափի՛ր երկնքէն արդար գատաստան²⁶ մը արիւնիդ վրան, և ըլլայ այնպէս նորօրինակ և յայտնի, որ յաջորդդ²⁷ անկէ սահմրկի. վասն զի Գերմանիոյ մէջ իշխանութիւննիդ տարածելու մարմաջով, հայրդ ու գուն թուրքիք որ կոյսրութեան պարտէզը²⁸ անապատ գառնայ: Եկուր տես Մոնպէքքիները և Գարբելլեզիները ու Ֆիլիբբէսքիները²⁹, անհոգ մարդ. անոնք արդէն տխուր, և ասոնք տարակոյսի մէջ³⁰: Եկուր, անոնք, եկուր և տես քու ազնուականներուդ³¹ հարբատահարութիւնը և զարման տար անոնց վնասներուն և պիտի տեսնես թէ ինչպէս ապահով է Սանդաֆիորը³²: Եկուր և տես Հոմոյ որ կու լայ, այրի ու թողլք, և գիշեր ցու-

քեկ քեղ կը կանչէ. «Ո՛վ կեսարս, ինչո՞ւ
անաէրունչ կը թողուս զիս»: Եկուք և տես
թէ մարդիկ ինչպէս կը սիրեն³³ մէկգմէկ. և
եթէ չկայ բան մը որ կարեկցութիւնդ մեր
վրայ շարժէ, եկուք համբաւիլ վրան ամհնա-
լու: Եւ եթէ օրէն է հարցնել, ո՞վ վեհդ
Եհովա³⁴, որ երկրի վրայ մեզի համար խա-
չուեցար, արդեօք ուրիշ կնիմ գարձած են
արդար աչքերդ: Կամ թէ խորհուրդներուդ
անդունդին մէջ բան մը կը պատրաստես մեր
բարւոյն համար, զոր մենք չենք կրնար
ըմբռնել: Վասն զի խտալիոյ քաղաքները
բոլոր լի են բռնաւորներով, և կուսակցա-
կան ամենէն աննշան մարդը Մարկիոս³⁵
մը կը դառնայ:

Ո՛վ իմն Փլորենտիա³⁶, կրնաս գուն գոհ
ըլլալ որ այս խօսքերս քեզի չեն ակնարկեր,
չնորհիւ ժողովուրդիդ որ կը ջանայ իմաստուն
ըլլալ: Շատեր արգարութիւնը սրտերնուն մէջ
ունին, բայց ուշ կը յայտնեն, որպէս զի
մի գուցէ անխորհրդաբար ձգեն աղեղնին,
բայց քու ժողովուրդդ միշտ բերանն ունի
զայն³⁷: Շատերը հասարակաց պաշտօնները
կը մերժեն, բայց քու ժողովուրդդ փութկոտ
օրէն առանց կանչուած ըլլալու կը պա-
տասխանէ. «Վրաս բեռցուցէք³⁸»: Ուրա-

խացիր ուրեմն, վասն զի ուրախանալու
պատճառ ունիս. հարուստ ես, խաղաղու-
թիւնն ունիս, իմաստուն ես. ճշմարիտ կ'ը-
սեմ, արդիւնքը կը վկայէ³⁹: Աթէնք ու Լա-
կեդեմոն՝ որ հին օրէնքները հաստատեցին
և այնքան քաղաքակիրթ եղան՝ հազիւ թէ
փոքրիկ նշան մը տուին բարեկեցիկ սպրե-
լու բողբատմամբ քեզի՝ որ այնքան անզօր
նախաանսութիւններ⁴⁰ կ'ընես, և հոկտեմբե-
րի մէջ մանածոյ նոյեմբերի կէսը չի հասնիր:
Քանի՜ անգամ վերջին տարիներս՝ փոխեցիր
գուն օրէնք ու գրամ, պաշտօն ու բարք և
անգամներդ⁴¹ նորեցիր: Եւ եթէ կը յիշես
և յստակ կը տեսնես, պիտի տեսնես որ
գուն նման ես այն հիւանդին, որ չի կրնար
հանդիսա գտնել փետուրներու վրայ, այլ
ասդին անդին գառնալով է որ կը ջանայ
գարման մ'ընել իր ցաւին:

Ծ Ա Ն Օ Թ Ո Ի Թ Ի Կ Ք

1. Խաղ մը որ երեք քուէներով (զառ) կը խաղցուի:
2. Բան մըն ալ իրեն տայ:
3. Այսինքն է՝ բան մը կու տայ:
4. Պէնինգազա, Արեցցոյ քաղաքէն, հմուտ օրէնսգէտ, Սենայի դատաւորութեան ատենը՝ մահուան գատապարտեց Գազգոյ և Գուռինոյ անոր թողը, աւագակութիւն ընելուն համար. քեչ վերջը, Սենան թողլով Հոովմ գնաց իբրև դատաւոր: Գազգոյի եղբայրը կենոյ՝ գնաց Ետեւէն, և սպաննեց զինքը, եղբորը վրէժը լուծելու համար, և կտրած գլուխը հետը տարաւ:
5. Չիոնէ կամ Կուչչիոյ Գարլատի անուն ուրիշ արեալն մը, որ Արեալներուն ի Պիպպիէնա կրած պարտութիւններէն վերջը, թշնամիներուն ձեռքէն պըրձելով ձիով Առնոս գետը մտաւ, բայց հոն խեղդուեցաւ:
6. Կոմս Կուխոյ տա Պապի իֆոլլէին որդին և սպաննուեցաւ Ֆոռնայուոյ անուն մէկէն:
7. Այսինքն է՝ Ֆարինադա Աբրոնիճեանին: — Սպաննուեցաւ ասի Պէչչիոյ տա Գարրոնա անուն անձէն և իր Մարցուբբոյ հօրը որ արդէն Կրոստեր եղբայր էր, առիթ տուա արի երեւալու. վասն զի Մարցուբբոյ, համակերպելով աստուածային կամաց, միւս եղբայրնե-

րուն հետ որդւոյն յուղարկաւ որութեան գնաց, և յորդորեց իր ազգականները մարդասպանին հետ հաշտ ըլլալու: Ոմանք կ'աւելցնեն որ իր առաքինութիւնը դրդած ըլլայ զինքը՝ երթալու սպանողին ձեռքը համբուրելու:

8. Ոմանք վլալ տի Պիղէնցիոյի Ալպերդներէն կը համարին՝ սպաննուած իր կենակիցներէն:

9. Գաղղիոյ Փիլիպպոս երրորդ թագաւորին քարտուղարը, որ շատ սիրելի ըլլալով թագաւորին, ոչ միայն ուրիշ պալատականներու նախանձը իր վրայ հրաւիրեց, այլ նաեւ Մարիա Պրապանդէին, որ էր թագաւորին երկրորդ կինը: Միանալով միաներուն, ամբասանեցին զինքը՝ իբրև թէ տէրութեան զաղտնիքները հաղորդած ըլլայ Գաստիլիոյ թագաւորին, և դիւրահաւան Փիլիպպոսը՝ զանի մահուան դատապարտեց տեղի ունեցաւ 1276ին:

10. Թող ապաշխարէ, որպէս զի զժոխք չերթայ:

11. Հմտ. Էնիակ, Զ, 378... , ուր երբ Պալինուր կ'ուզէ անցնիլ Ստիւքսէն ժամանակէ առաջ, գուշակը կը պատասխանէ. « Դադարեա, մի աղերսիւք ըզդէցն յուսար շրջել վէտ »:

12. Ողջերը մէկ վայրկեանի մէջ կը կատարեն այն բաւութիւնը, զոր հոգիները՝ առանց անոնց օգնութեան՝ պիտի կատարէին երկար ժամանակի մէջ:

13. Դժոխքին մէջ, տես 11 ծանօթը:

14. Երանուհին. Վիրգիլ աստուածաբանական խընդիրներով չի զբաղիր, Երանուհին կը զրկէ:

15. Արեւուն: Երեք անգամ պիտի տեսնես դեռ արեւուն ելքը:

16. Տանդէն է խօսողը, և ոչ թէ Վիրգիլ ո և է հոգիի մը. բացազանչութիւններ են:

17. Մանուուացի ընտիր քերթող և հմուտ գրագէտ ժՊ գարուն:

18. Սոյն կորովի և չքնաղ բացդարձութիւնը Աստուածային կատակերգութեան էն սքանչելի էջերէն մեկն է:

19. Այսինքն ցամաք երկիրներուդ վրան:

20. Հոս իտալիան ամէհի ձիւ մը կը նմանցընէ: — Յուստինիանոս կայսրը վեցերորդ դարուն ազատելով իտալիան Գոթաց ձեռքէն, նոր կառավարութիւն մը հաստատեց, և անոր օրինազիրք մը տուաւ, զոր էր անունովը կոչեց: — Ուստի կ'ըէ ինչ օգուտ անոր սանձդ կարգաւորելը, քեզի օրինազիրք տալը, քանի որ համետիդ վրան չէ նստած, քեզ արդարութեան ճամբէն քալեցընելու համար: — Առանց սևոր. սանձին, օրինազրբին:

21. Հոս խօսքը կուէլփեաններուն է և մասնաւորապէս հուովմեական արքունիքին:

22. Այսինքն միայն Աստուծոյ և աստուածայիններուն, կրօնական՝ բաներու պէտք է իր նուիրուած ըլլալ, կայսեր թողով ժամանակաւոր իրաց կառավարութիւնը, էթէ հասկցած ըլլայիր Քրիստոսի, Տոչք զկայսերն՝ կայսեր, և զԱստուծոյն՝ Աստուծոյ խօսքը:

23. իտալիան:

24. կայսեր:

25. Հայոսպուրկի Ռոտովի որդին ծնեալ 1248ին, կայսր ընտրուած 1298ին, սպաննուած մատուութեամբ 1308 մայիս մեկին: իտալիայով չըբաղեցաւ երբեք, բաւականէ աւելի գործ ունենալով իր տանը մէջ:

26. Պատուհաս:

27. Արբիկոյ է:

28. իտալիան:

29. Վերոնացի ազնուական ընտանիքներ:

30. Ոմանք հալածուած, հարստահարուած, ոմանք ալ հալածուելու, հարստահարուելու կասկածներու, տարակոյսներու մէջ:

31. կիպելլինեաններուդ:

32. Թէ ինչպէս Սանդաֆիորը բարբարոսաբար կը կառավարուի: — Սանդաֆիոր, երբեմն կայսերական կոմսութիւն և աւատ, Սենայի գաւառին սահմաններուն վրայ:

33. Հեզնութիւն, այսինքն՝ կ'ատեն:

34. Տանդէ հեթանոս Giove = Արամազդ բառը կը դործածէ: Ոմանք կ'ըսեն որ Գիօսըն երբայական Jehova = Եհովան ըլլայ: Սոյն իմաստով Gioveն գործածած է նաև Բեդրաբբայ:

35. Կ. կղաւղիոս Մարկեղոս, բրեաշի, կուսակից Պոմպեոսի և սիեբիմ հակառակորդ Յուլիոս կեսարու, յիշատակուած հոս իբրև հակառակամարտ կայսերական իշխանութեան:

36. Գառն կերպով կը հեզնէ իր հայրենիքը, վասն զի բուն անկարգութեանց բոյնն էր Փլորենտիա:


37. Ըսել կ'ուզէ որ Փլորենտիոյ ժողովուրդը արդար է խօսքով միայն՝ և ոչ գործով:

38. Միշտ հեզնութիւն. ամենքը ազահ են, անձնական շահերնուն համար հասարակաց պաշտօններու կը վազեն:

39. Բոլորովին հակառակը:

40. Հոս հեզնութիւնը թողով՝ արձակ համարձակ կը յանդիմանէ:

41. Քաղաքացիներդ:



Ե Օ Թ Ն Ե Ր Ո Ր Գ Ե Ր Գ

Երբ համեստ ու զուարթ գրկախառնու-
թիւնները երեք և չորս անգամ կրկնուեցան,
Սորտէ՛ււյ քաշուեցաւ ու ըսաւ, «Ո՛վ էք
դուք» :

— Առ Աստուած վերանալու արժանի
հոգիները դեռ դէպ ի այս լեռը չդարձած¹,
Հոկտաւիանոսին² հրամանաւ ոսկորներս թա-
ղուեցան : Վիրգիլիոսն եմ ես. և երկինքը
կորսնցուցի ոչ թէ ուրիշ յանցանքի, այլ
լոկ շհաւատալուս համար³», այսպէս պա-
տասխանեց առաջնորդս այն ատեն :

Նման անոր՝ որ անակնկալ իրի մը հան-
դէպ կը զարմանայ, կը հաւատայ և չի հա-
ւատար, ըսելով. «Ա՛ն է, ան չէ» . այնպէս
Երեւաւ անիկա, և աչքերը վար առնելով

խոնարհութեամբ անոր զիմեց ու անոր ծառ-
կերբ զրկեց:

— Ո՛վ փառքդ Լատինաց, ըսաւ, որու
ձեռքով ցուցուց ինչ որ կրնար մեր լեզուն,
ո՞վ յաւէփական պարծանքդ իմ ծննդավայ-
րիս, ի՞նչ արդիւնք կամ ի՞նչ շնորհք է որ
քեզ ինծի կը ցուցնէ: Եթէ արժանի եմ քու
խօսքերդ լսելու, ըսէ՛ ինծի, գփփքը՞ն կու
գաս, և ո՞ր պարունակէն:

— Ազեատար արքայութեան ամէն պա-
րունակներէ՛ն է որ հօս կու գամ, պատաս-
խանեց ան. երկնային զօրութիւն մըն է զիս
զրդողը, և անոր հետ մէկտեղ կու գամ:
Ոչ թէ ընելուս⁴, այլ շքեկուս համար
կորսնցուցի տեսքը Վէհ Արեգակին, որուն
կը տենչաս զուն, և զոր ես շատ ուշ ձանչ-
ցայ: Տեղ մը կայ վարը⁵, տխուր՝ ո՛չ տան-
ջանքներով, այլ միայն խաւարով, ուր ող-
բերը չեն գոնչեր վայնասուն ճիչերու պէս,
այլ հատաչներ են: Հոն կը կենամ ես փո-
քրիկ անմեղներուն⁶ հետ, որոնք՝ քանի որ
գեռ չեն մաքրուած մարդկային յանցանքէն՝
կը խածնուին Մահուան ժանիքներէն: Հոն
կը կենամ ես հետն անոնց՝ որոնք, երեք
սուրբ առաքինութիւնները⁷ չունեցան, և ա-
ռանց մտլութիւն ունենալու՝ ձանչցան միւս-

ները, և բոլորը գործադրեցին: Բայց եթէ
զիտես զուն և կրնաս, նշան մը տուր մեզի,
որպէս զի կարենանք շուտով գալ հոն՝ ուր
որ ուզակի Քաւարանին մուտքն է:

Պատասխանեց. «Որոշ տեղ մը նշանուած
չէ մեզի. կրնամ երթալ գէպ ի վեր և շուր-
ջանակի. և երթալ կըցածիս չափ՝ կ'առաջ-
նորկեմ քեզի: Բայց ահա արդէն օրը կը
խոնարհի, և կարելի չէ գիշերով վեր ելլել.
ուստի լաւ է գեղեցիկ օթեւանի մը վրայ
մտածել: Հողիներ կան հոս, աջակողմը՝
հետուն. եթէ կ'ուզես, քեզ անոնց տանիմ՝
զորոնք ճանչնալը քեզի հաճոյք պիտի պատ-
ճառէ»:

— Եւ ի՞նչպէս, պատասխանեց Վիրդիլ.
եթէ գիշերանց ուզէ ելլել մէկը, ուրիշ մը
պիտի արգիլէ՞, կամ թէ պիտի չկարենայ ել-
լիլ արդեօք:

Եւ բարի Սորալլուն մատով զիծ մը քա-
շեց գետնի վրայ և ըսաւ. «Տես, այս գիծն
անգամ չես կրնար անցնիլ արեւը մանելէն
ետքը. գիշերային ազջամուղջն է, սակայն,
որ արգիլք կ'ըլլայ վեր ելլելու, և ոչ ուրիշ
բան, ան է՝ որ վերեկքը անկարելի ընելով՝
կամքը ապարդիւն կը թողու: Կարելի է
իջնել անոր հետ վար, և լերան կողին շուրջը

Թափառիլ, երբ հորիզոնն արեւը ծածուկ կը պահէ»:

Այն ատեն աէրս՝ զարմանալով մը, «Տար մեզ ուրեմն, ըսաւ, հոն՝ ուր ըսիր թէ մարդ հաճոյք կը զգայ կանգ անելով»:

Անկէ քիչ մը հեռացած էինք մենք, երբ նշմարեցի որ լեռը գողաւոր էր, նման ճիշդ երկրիս հովիտներուն:

— Հոն պիտի երթանք մենք, ըսաւ այն ստուերը, ուր լեռան կողը ինք իրեն ծոց մը կ'ըլլայ, և հոն պիտի սպասենք նոր օրուան:

Ձառիկերի և հարթի միջև ծամածուռ ճամբայ մը կար, որ մեզ հովտին կողին վրայ տարաւ, ուր գողաւորութիւնը աւելի մեղմ էր քան մէջտեղը:

Չուտ ոսկին ու արծաթը, ծիրանին ու պաղպաջուն սպիտակը, լուսացնցող ու պայծառ հնգկական փայտը, թարմ զմրուխտը այն պահուն երբ կը կոտորի, ասոնք ամէնքն ալ գոյնի մասին կը յաղթուէին այն հովիտին խոտէն ու ծաղկէն, ինչպէս նուազը կը յաղթուի առաւելէն: Բնութիւնը սակայն միայն երփնանկարած չէր հոն, այլ և ցաներ սփռեր էր հազար հոտերու անուշութիւնը, մեզի անծանօթ բաղադրութեամբ մը: Տեսայ

հոն հոգիներ, որոնք խոտերու և ծաղիկներու վրայ նստած, Ողջ յեր րագուհի, կ'երգէին, և հովտին գողաւորութեանը պատճառաւ զուրսէն չէին երեւար:

— Սա քչիկ մը արեւն ալ իր բոյնը չմտած, սկսաւ մեզ տանող Մանուուացին, մի փափաքիք որ ձեզ անոնց քովը տանիմ: Աւելի լաւ պիտի նշմարէք շարժումներն ու զէմքերն անոնց ամենուն այս ժայռէն, քան թէ հովտին մէջ անոնց միջև ըլլայիք: Ան որ աւելի բարձր է նստած և կարծել կու տայ թէ իր պարտքը անհոգացեր է ընել, և բերանը չի բանար ուրիշներուն երգերուն, Ռոտուֆ⁸ կայսրն է, որ կրնար խաւիան սպաննող վէրքերը բուժել, այնպէս որ եթէ ուրիշ մը ուզէ իսկ պարմանել, ալ ուշ է: Միւսը⁹ որ կարծես զանի կը մխիթարէ, կառավարեց երկիրը՝ ուր կը բղիթի ջուրը զոր Մոլաւալա էլզպայի մէջ, և էլզպա ծովը կը թափէ: Օղլաքերոս¹⁰ կոչուեցաւ, որ խան-ձարրապաս՝ շատ աւելի ընտիր իշխան մը եղաւ՝ քան իր Վինչխուրուս չափահաս որդին, որ կը սնանի դատարկութեամբ և զեղխութեամբ: Եւ այն Քթիկը¹¹ որ կարծես մտերմօրէն խորհուրդի է նստեր հեան անոր՝ որ այնքան քաղցր գէմք մը ունի¹², մկաւ

փախչելով և շուշանն ազարտելով¹³ : Նայե-
 ցէք հոն, ինչպէս կուրծքը կը բախէ : Տե-
 սէք միւսը¹⁴ որ հառաչելով՝ ձեռքը այտին
 անկողին է ըրեր : Հայրն ու աներն են ա-
 նոնք¹⁵ Ֆրանսայի չարիքին . զիտեն անոր
 փտաւոր ու գարշելի կեանքը . անոր համար
 սայրասուր ցաւ մը կը խոցէ զիրենք : Ան¹⁶
 որ այնքան յազթանդամ կը թուի և կ'երգէ
 միաբան մեծաքթին հետ, քաջակորով եղաւ
 ամէն բանի մէջ : Եւ եթէ անկէ վերջը թա-
 դաւոր մնացած ըլլար երիտասարդը¹⁷ որ
 անոր ետեւը կը նստի, քաջութիւնը՝ անշուշտ՝
 անցած կ'ըլլար ամանէ աման¹⁸ . ինչ որ չի
 կրնար ըսուիլ միւս ժառանգներուն համար :
 Յակոբոսի և Ֆէտէրիքոյի ձեռքն են թագա-
 ւորութիւնները՝ բայց ոչ ոք ստացած է լա-
 ւագոյն ժառանգութիւնը¹⁹ : Մարդկային առա-
 բնութիւնը քիչ անգամ շառաւիղներուն մէջ
 կը բողբոջէ²⁰ . և զայն պարգեւողը այսպէս
 կ'ուզէ, որպէս զի իրմէ՛ խնդրուի :

Խօսքերս մեծաքթին² համար ալ են, ինչ-
 պէս ոչինչ պակաս և միւսին՝ Պետրոսին,
 որ անոր հետ կ'երգէ . որուն պատճառաւ կը
 հեծեն Բուլիան և Բրովնեցան : Այնչափ ա-
 ւելի նուաստ է տունկը իր սերմէն²² , որչափ
 աւելի՛ քան Երանուհին ու Մարգարիտը՝

Գոստանցան իրաւունք ունի պարծելու իր
 ամուսնոյն վրայ : Տեսէք Անդղիոյ Հների-
 կոս²³ պարզակենցաղ թագաւորը՝ միջաւորիկ
 նմաւ հոն, ան՝ որ իր ոստերուն մէջ լա-
 ւագոյն բողբոջ մ'արձակեց : Անիկա որ ա-
 նոնց միջեւ աւելի վարով կը նստի՝ զէս ի
 վեր նայելով, Գուլիէլմոս մարզպետն է . ո-
 ըրուն պատճառաւ Աղեքսանդրիան ու իր պա-
 տերազմը կը լացընեն Մոնֆէրրալոսն ու Գա-
 նալէզը²⁴ » :

Մ Ա Ն Օ Թ Ո Ի Թ Ի Ի Ն Ք

1. Այսինքն՝ ֆրեստոսի յարութենէն առաջ, երբ դեռ ֆաւարան չկար, այլ սուրբ Հայրերուն Լիմպոսը:
2. Քառ. Գ երգ:
3. Գալիք փրկչին:
4. Ոչ թէ եղեանագործութիւններ ընելու համար, այլ չունենալու համար երեք սուրբ առաքինութիւնները, հաւատք, յոյս և սէր, պիտի չկարենամ տեսնել զԱստուած... զոր շատ ուշ, այսինքն՝ մահուընէս վերջ ճանշցայ:
5. Հմմտ. Գծոյք. Գ երգ:
6. Անկնուք մանուկները:
7. Այսինքն՝ հաւատք, յոյս, սէր: — Միւսները = առաքինութիւնները:
8. Հապապուրդի, Ալպերդոսի հայրը:
9. Օրդաբերոս կամ Օրդաբարոս, Պոհեմիոյ թագաւորը. — Երկիրք, Պոհեմիա, ուր կը բղխի Մոլտաւա դետը եւ Էլպայի հետ միանալով ծով կը թափի:
10. Օրդաբերոս՝ դեռ պղտիկ շատ աւելի առաքինի ու ճարտար գտնուեցաւ տէրութիւնը կառավարելուն մէջ՝ քան իր չափահաս որդին:
11. Nasetto. Գաղղիոյ Փելիպպոս Գ.ը հայր Փելիպպոս

Գեղեցիկն. Nasetto կը կոչէ, քիթը (naso) փոքր ըլլալուն համար:

12. Արրիկոյ Գ, Շամբանեայի կոմսը և Նաւարրայի թագաւորը:

13. Փիլիպպոս Գ, նաւական պատերազմի մը մէջ յաղթուելով Ռուհնէրի Տորիայէ, որ էր Արագոնայի Պետրոս Գ թագաւորին ծովակալը, Բերբինեանոյ քաչուեցաւ, ուր և մեռաւ: — Շուշամն աղարտելով, անպատուելով այն պարտութեամբ պատիւը Գաղղիոյ, որուն զինանշանն է շուշան:

14. Արրիկոյ Գ.ը:

15. Փիլիպպոս Գ հայրն էր, և Արրիկոյ Գ աները Փիլիպպոս Գեղեցիկն, քերթողէն հոս Չարիք Ֆրանսայի կոչուած, վասն զի չար թագաւոր մը եղաւ:

16. Վերը յիշուած Արագոնայի Պետրոս Գ.ն է: — Մեծաքիրի ալ կարողոս Ա.ն է, Բուլխայի թագաւորը:

17. Պետրոս Գ չորս որդի ունէր Ալփոնսոս, Յակոբոս, Ֆէտերիքոյ և Պետրոս. Ալփոնսոս՝ անդրանիկը յաջորդեց իր հօրը Արագոնայի թագաւորութեան մէջ, և վեց տարի վերջը անորդի մեռաւ... Թագաւոր մնացած ըլլար Խոսքը կը նշանակէ երկար ժամանակ քաղաչոր մնացած ըլլար, և այլն:

18. Այսինքն՝ հօրմէն՝ որդւոյն, թագաւորէն թագաւորին:

19. Հօրը առաքինութիւնը, քաջութիւնը:

20. Հօր մը առաքինութիւնը քիչ անգամ թոռնւորուն մէջ կը բողբոջէ. Աստուած այսպէս կ'ուզէ, որպէս զի չըսենք թէ առաքինութիւնը արինէն կու գայ, ու խնդրենք Աստուծմէ:


21. Այսինքն է՝ կարողոս Ա.ին, ինչպէս նաեւ Պետրոս Գ.ին. որուն պատճառաւ Բուլխան ու Բրովեն-

ցան կ'ողբան զէջ վարչութեանն համար անոր կարուստ Բ որդւոյն:

22. Կարոլոս Բ. (տունկ բառով բացատրուած) այնքան նուաստ է, նուազ առաքինի է իր հօրմէն՝ Կարոլոս Ա.էն (սերմ բառով բացատրուած), որքան աւելի իրաւունք ունի պարծելու Գոսդանցա իր ամուսնոյն Պետրոս Գ.ի վրայ՝ քան Երանուհի և Մարգարիտ իրենց ամուսնոյն կարոլոս Ա.ի վրայ: Բսել կ'ուզէ. Կարոլոս Բ այնքան նուազ առաքինի եղաւ քան Կարոլոս Ա.ը, որչափ Կարոլոս Ա. գերազանց եղաւ ընտանեկան առաքինութեան մէջ քան Պետրոս Գ.ը:

23. Իր Պարոնները Լայկեպոլլի կոմսը զլուսն ունենալով՝ ապստամբեցան, յաղթեցին իրեն ու բանտարկեցին: Բայց իր Եդուարդ որդին, յաղթելով ապրստամբներուն, ազատեց զինքը, և կրկին գահը բարձրացուց: Ասոր համար է որ կ'ըսէ քերթողը թէ իր ճիւղերուն մէջ լաւագոյն բողբոջ մ'արձակեց:

24. Գուլիելմոս մարզպետ Մոնֆերրադոյի՝ մատնութեամբ բնուելով Ալեքսանդրիա տէլլւս Բալիա (Լոմպարտիա) քաղաքին ընակիչներէն՝ երկաթէ վանդակի մը մէջ դրուեցաւ, ուր և մեռաւ 17 ամիս վերջը, 1292ին: Որուն համար Մոնֆերրադոյի ու Գանապէզի ընակիչներուն և Ալեքսանդրացիներուն միջեւ երկայն ու գառն պատերազմներ տեղի ունեցան:



Ո Ի Թ Ե Ր Ո Ր Գ Ե Ր Գ



էր արդէն այն ժամը՝¹ որ նաւաւարնութիւն սրտին մէջ կ'արթնցընէ փափաքը, և հոգին ի գուլթ կը շարժէ այն օրը՝ ուր ըսած են քաղցր բարեկամներուն մնաս բարովը. էր այն ժամը՝ ուր նոր ուղեւորը սիրտը խոց կը զգայ՝ եթէ լսէ հեռուէն զանդակին ձայնը՝ որ կարծես օրհասական օրը կու լայ. երբ ևս սկսայ ալ բան չլսել², և տեսայ հոգիներէն մին՝ որ ձեռքով ունկնդրութիւն կը ինչպէր: Հասաւ ու երկու ձեռքը վեր բարձրացուց, աչքերը զէպ ի արեւելք սեւեռելով, իբրև թէ ըսէր Աստուծոյ. «Քու վրայ միայն կը մտածեմ»:

«Զքեզ յառաջ քան զվախճան լուսոյ³»
երդն անանկ բարեպաշտօրէն ելաւ անոր

բերնէն և այնպէս քաղցր շեշտերով, որ ինք-
զինքս մոռցընել տուաւ ինծի: Եւ միւս հո-
գինները յետոյ քաղցրօրէն և ջերմեանազօրէն
ամբողջ երգին մէջ անոր հետեւեցան՝ աչ-
քերնին գէպ ի վերին գունտերը բարձրա-
ցուցած: Աչքերդ լաւ սեւեռէ, ո՛վ ընթերցող,
ճշմարիտին վրայ, վասն զի քօղը այնչափ
նուրբ է հիմա, որ գիւրաւ կարելի է թափան-
ցել անոր մէջը: Տեսայ յետոյ այն ազնուա-
կան բանակը՝ որ ըրիկ վեր կը նայէր. կար-
ծես թէ սպասելով ամոյն ու խոնարհ: Եւ
տեսայ երկու հրեշտակներ՝ որոնք կ'իլլէին
բարձունքէն և կ'իջնէին վար երկու հրաշէկ
սուրերով, որոնք խորատուած էին և ա-
ռանց սայրի⁴: Անոնց զգեստները՝ կա-
նանչ⁵ նման նորաբուսիկ տերեւիկներու՝ կը
ձածանէին անոնց ետեւը՝ ձեռուած կանանչ
փետուրներէ: Մէկն եկաւ մեզմէ քեզ մը
վերով կեցաւ, և միւսը զիմացի փոռնքը իջաւ,
այնպէս որ հողինները անոնց միջեւ մնացին:
Լաւ կը նշմարէի անոնց մէջ խարտեաշ գլուխ-
նին, բայց գէմքերնին աչքը կը շրայընէր,
ինչպէս զօրութիւն մը կը յաղթահարուի
մեծագոյն զօրութենէ մը:

— Երկուքն ալ Մարիամու օթարանէն
կու գան, ըսաւ Սորտէլլոյ, պահպանելու

համար հովիտը օձին գէմ որ ահա գալու
վրայ է:

Եւ ես՝ որ չէի գիտեր թէ որ ճամբէն
պիտի գայ՝ շորս կողմն դարձայ, և գացի՝
սարսափէս սառած՝ սեղմօրէն կպայ հաւա-
տարիմ ուսերուն: Այն ատեն Սորտէլլոն .
«Իջնենք արդ այն մեծ ստուերներուն մէջ
և անոնց հետ պիտի խօսինք. անոնք քեզ
տեսնելուն պիտի շատ ուրախանան»:

Հազիւ երեք քայլ ըրի, կարծեմ, և ինք-
զինքս վարը գտայ, և տեսայ մէկը որ միայն
ինծի կը նայէր, իբրեւ թէ զիս ճանշնալ
ուզէր: Էր այն ժամը՝ ուր օղը կը մթնէր,
բայց ոչ այնքան՝ որ անոր և իմ աչքերուն
միջեւ կարելի չըլլար նշմարել ինչ որ ա-
ռաջ չէր տեսնուեր⁶: Ինքը ինծի սկսաւ
գալ, և ես իրեն սկսայ երթալ: Ո՛վ Նինոյ⁷,
ազնիւ գատաւոր, որչափ ուրախացայ, երբ
տեսայ որ մեղաւորներուն մէջ չէիր: Անվերջ
սիրալիբ ողջոյններ փոխանակեցինք իրա-
րու. յետոյ հարցուց.

— Ո՞րչափ ատեն է որ եկեր ես լերան
ստորոտը հեռաւոր ջուրերուն⁸ մէջէ:

— Ո՛հ, ըսի անոր, տխուր տեղերէ է
որ եկայ այս առաւօտ, և առջի կեանքին
մէջ եմ, թէեւ այսպէս ճաստրկելով միւսը⁹
կը վաստըկիմ:

Եւ երբ իմ՝ պատասխանս լսեցին, Սորա-
տէլոյ և ինքը ետ քաշուեցան՝ յանկարծակի
սարսափահար եղող մարդոց պէս: Մէկը Վլիր-
զիլիոսին զարձաւ, և միւսը մէկինն որ հոն
նստեր էր, գոչելով. « Օհ, Գուրբատոյ ¹⁰,
եկուր տես ինչ որ Աստուած ուզեց իր շնորհ-
քովը ¹¹ »:

Յետոյ ինծի դառնալով. « Այն եղական
երախտագիտութեան համար՝ զոր կը պար-
տիս անոր՝ որ այնպէս կը ծածկէ իր առա-
ջին ինչու համարը ¹², զոր կարելի չէ հե-
տազօտել, երբոր ընդարձակ կոհակնե-
րէն անդին ըլլաս, ըսէ Յովհաննայիս ¹³,
որ ինծի համար ազօթքներ ուղերձէ հոն՝
ուր անմեղներուն կը լսուի: Չեմ կարծեր
որ իր մայրը՝ ¹⁴ ալ սիրէ զիս, քանի որ փո-
խեց ճերմակ քօղը, որուն պիտի բաղձայ
նորէն՝ եղիելին: Անով շատ զիւրաւ կը հասկը-
ցուի թէ կնոջ մէջ սրչափ կը տեսէ սիրոյ
կրակը, եթէ աչքը ու գգուանքը ստէպ չվա-
ռեն զայն: Իժը՝ ¹⁵ զոր Միլանեցին իր վա-
հանին վրայ կը կրէ՝ այնքան գեղեցիկ թա-
ղում մը պիտի չընէ անոր, ինչպէս պիտի
ընէր Կալլուրայի քաղաղը »:

Այսպէս կ'ըսէր, գէմբին վրայ սպաւու-
րուած ցուցնելով այն սուրբ նախանձաւու-

րութիւնը, որ չափաւորապէս կը բորբոքի
սրտին մէջ: Անձկստ աչքերս միշտ գէպ ի
երկինք կը վազէին, հոն ուր աստղերն ա-
ւելի յամբընթաց են՝ ինչպէս են անիւի մը
առանցքին ամենամօտ մասերը:

Եւ առաջնորդս. « Որո՞եակ, ի՞նչ կը նայիս
վերը »: Եւ ես անոր. « Այն երեք աստղե-
րուն, որոնցմով բեւեոր այս կողմէն բոլո-
րովին կը վառի »: Եւ ան ինծի. « Փայլուն
չորս աստղերը՝ որ այս առտու կը տեսնէիր,
հոն վարն են հիմա, և ասոնք բարձրացած
են հոն՝ ուր որ անոնք էին »:

Երբոր ան կը խօսէր, Սորատէլոյ իրեն
քաշեց զանիկա և ըսաւ. « Ահաւասիկ մեր
ստոխը », և մատը տնկեց, որ անոր նայի:

Այն կողմը՝ ուր փոքրիկ հովիտը ափունք
չունէր՝ օձ մը կար, թերեւս ան որ դառն
պտուղը Եւային տուաւ: Խոտին ու ծաղկին
մէջէ կու պար անիծեալ սողունը, երբեմն
երբեմն գլուխը գէպ ի կոնակը վարձընելով
և լցելով՝ ինչպէս անասունը որ ինքզինքը
կը մաքրէ: Ես չտեսայ որով չեմ կրնար
ըսել թէ ինչպէս սրացան հրեշտակները,
բայց լաւ տեսայ որ երկուքն ալ կը սա-
ւառնէին: Կանանչ թուերէն օգին ճեղքուիւն
իմանալով՝ փախաւ օձը, և հրեշտակները

զուգաթռիչ վեր տեղերնին գարձան: Ստուե-
րը՝¹⁶ որ էր Գատաուորին մօտեցած՝ երբ կան-
չեց, բոլոր այն յարձակման ատեն աչքը
վրայէս չվերցուց:

— Զահը որ քեզ վեր կը տանի, իցիւ
գտնէր քու անձնիշխան կամքիւ մէջ այնքան
մոմ որքան կարեւոր է հասնելու համար
մինչև վերջին գաղաթը, սկսաւ ան. եթէ
ստոյգ լուր մը ունիս վաշտիմակրայի¹⁷ և
կամ մերձակայ տեղերուն վրայով, ըսէ
խո՛ծի, վասն զի ես մեծ էի հոն, և անունս
էր Գուրբատոյ Մաշաօրինա. երէցը չեմ, բայց
անկէ սերեցայ. սէրը՝ զոր տածեցի հանդէս
խմիններու՝ կը մաքրուի¹⁸ հոս:

— Ո՛հ, ըսի անոր, երբեք ձեր քաղաք-
ները չեմ գացած. բայց ո՞ր մարտարնակ տեղ
է համօրէն Եւրոպայի մէջ՝ ուր անոնք ծա-
նօթ չըլլան: Համբար որ պատիւ է ձեր
տանը, կը հոչակէ տէրերը, կը հոչակէ գա-
ւաոր, այնպէս որ գեռ հոն չգացողն անգամ
գիտէ զայն: Եւ ես քեզի կ'երգուրնամ,
իցիւ յաջողէի վեր երթայի, որ ձեր ազ-
նուական ընտանիքը չմերկանայ երբեք այն
պատուէն զոր ստացած է առատաձեռնու-
թեամբն ու սուրովը: Սովորութիւնն ու բնու-
թիւնը անանկ առանձնաշնորհութիւնները

րած են անոր, որ՝ որչափ ալ չարեացապարտ
զլուին¹⁹ աշխարհը մոլորեցընէ, ան մինակ
կը քալէ, անարգելով թիւր ճամբան»:

Եւ ան. «Գնա՛ աբղ, արեւը եօթն անգամ
չմտած անկողնին մէջ՝ զոր խոյը չորս ոտ-
քերովը կը ծածկէ և կ'ըմբռնէ, այդ ազնուա-
կան զգացումը պիտի գամուի գլխուդ մէջ-
տեղը մեծագոյն գամերով քան ուրիշներուն
ճառերը, եթէ դատաստանին ընթացքը կանգ
չառնէ²⁰»:

Մ Ա Ն Օ Թ Ո Ի Թ Ի Ի Ն Փ

1. Իրիկուան ժամը՝ որ նաւաւարներուն սրտին մէջ առաջին օրը ուր թողուցեր են հայրենիք ու բարեկամներ, կ'արթնցնէ, և այլն...
2. Երգերը դարձած ըլլալով:
3. Լատինական ժամերգութեան վերջին երգն է, ինչ որ է մեր Եկեւցին:
4. Ի նշան աստուածային արդարութեան և գթութեան:
5. Կանանչը՝ նշանակ է յուսոյ. և հրեշտակները մխիթարել կու գային այն հոգիները:
6. Հեռուէն՝ հեռաւորութեանը պատճառաւ. այսինքն է՝ դէմքերնին:
7. Բիղայի վիսգոնդիներէն, թոռ Ուկոլին կոմսին. Սարտենիոյ մէջ կառավարիչ Կալուրայի դատաւորութեան:
8. Տիրերիսէն մինչեւ ֆաւարան. հմմտ. Բ. երգը:
9. Ամաչ կեանքը:
10. Տես վարը 16րդ ծանօթութիւնը:
11. Այսինքն է՝ Աստուած իր շնորհքով ուղեց որ մարդս ողջ գայ մեռելոց ստուերներուն մէջ:
12. Իր գործերուն առաջին պատճառները:

13. Նինոյի մէկհատիկ դուստրը:

14. Երանուհի, դուստր Օպիծծոյ Բ. Ի, կին Նինոյի, մահուընէն յետոյ ամուսնացաւ Գալէածծոյ վիսգոնդիի հետ: — Տանդէի օրով՝ այրիները սեւ հագնելով՝ գլուխնին ճերմակ քողով կը ծածկէին... որուն պիտի բաղտայ կ'ըսէ, այսինքն՝ քողին, վասն զի շատ լաւ չեն նոր ամուսնոյն հետ:

15. Երկրորդ ամուսնոյն՝ Միլանու վիսգոնդիի զինանշանն էր իժը. իսկ Կալուրայի վիսգոնդիներունը՝ աքղաղ մը:


16. Գուրբատոյ, Գոնրատոյ կամ Գորբատոյ Մալաբիան, կրտսերը, որդի վիլլաֆրանգայի մարզպետ Ֆետերիգոյ Ա. Ին. երէցը՝ Գորբատոյ Ա. մարզպետ է Մուլացցոյի:

17. Ուր էր Գուրբատոյի հօրը դղեակը:

18. Խմիչներուս վրայ այնչափ սէր ունեցայ, որ մոռցայ հոգիս մտածելու. և այդ կը քառուի հոս...

19. Ոմանք սատանան կը հասկնան, այլք՝ ուրիշ անձեր:

20. Գորբատոյ կ'ուզէ իմացնել Տանդէի, որ ինքն իսկ փորձով պիտի իմանայ ըսածներուն ստուգութիւնը, և այսինքն Մալաբիայի տան առատաճեռութիւնը, և կը մարզարեանայ, որ եօթը տարի չանցած, պիտի հիւրընկալուի իր մէկ ազգականէն...:



Ի Ն Ն Ե Ր Ո Ր Գ Ե Ր Գ



Հինաւորաց Տիթոնի¹ հարձը կը ձերմկնար
արդէն դէպ ի արեւելք՝ իր քաղցր ամուսնին
բազուկներէն դուրս ելլելով. ճակատը կը
փողփողէր գոհարներով, շարուած ձեռք
այն ցուրա կենդանիին², որ ազիովը կը
վերաւորէ մարդերը. և գիշերը՝ այն քայլե-
րէն³ որոնցմով կը բարձրանայ, երկուք
ըրած էր հոն ուր որ էինք մենք, և երբորդն
արդէն թեւը դէպ ի վար կը ծռէր, երբոր ես,
որ Ազամինն⁴ հետս ունէի՝ բունէն յաղ-
թուած՝ գլուխս վար դրի խոտին վրայ հոն
ուր հինգերնիս կը նստէինք:

Այն պահուն երբ առտուան դէմ տխուր
ողբերը կը սկսի ծիծառնիկ⁵, գուցէ ի յի-
շատակ իր առաջին դժբախտութեանց, ու

երբ մեր միաքը, աւելի արձակ միտէ ու
 նուազ գրաւուած մտածումներէ, իր տեսիլք-
 ներուն մէջ գրեթէ գուշակ է. երազիս մէջ
 տեսնել կը թուէի սոկկիփետուր արծիւ մը
 երկնքին մէջ սաւառնաթեւ, թեւատարած, և
 իջնելու մտադիր. և կը թուէր ինծի ըլլալ
 հոն ուր Գանիմեդէս⁶ թողլքեց իրենները,
 երբ վեհագոյն ատեանն յափշտակուեցաւ: Կը
 մտածէի ինքն իրենս. «Ո՛վ գիտէ ասի սո-
 վորութիւն ըրեր է հոս խոյանալ, և գուցէ
 անարգանք կը համարի իրեն՝ ճապուաներովն
 որան ուրիշ տեղէ վեր տանիլը»: Յետոյ կը
 թուէր ինծի որ քանի մը շրջաններ ընելով
 օդին մէջ, ահաւոր ինչպէս կայծակը կ'իջ-
 նէր, ու կը յափշտակէր կը տանէր զիս վեր
 մինչև հրեղէն գունտը: Հոն ինծի կը թուէր
 որ ան ու ես կ'այրէինք, և երազուած հրդեհը
 այնպէս զիս կ'եփէր, որ հարկ կ'ըլլար որ
 քունն ընդհատուի: Ուրիշ կերպով չէր որ
 ցնցուեցաւ Աքիլլեոս, արթուն աչքերը չորս
 կողմը պարտցնելով, և ուր ըլլալը չգիտնա-
 լով, երբոր իր մայրը շորթելով զինքը Քի-
 րոնէն, քուն տեղը զինքը գրկած Սկիրոյ
 փոխադրեց, հոն՝ ուրկէ յետոյ առին տարին
 զինքն յոյները⁷, ինչպէս ցնցուեցայ ես, երբ
 անմիջապէս քունը փախաւ դէմքէս, և տփու-
 նեցայ՝ սարսափէն սառած մարդու մը պէս:

Միթարիչս քովս էր՝ միայնակ, և արեւը
 երկու ժամէ աւելի էր որ ելեր էր, և էր
 դէմքս դէպ ի ծով դարձած:

— Չվախնա՛ս, ըսաւ տէրս. վստահացի՛ր
 որ լաւ տեղ մըն էնք. մի՛ նուազեցըններ,
 այլ անեցուր կորով: Ահա Քաւարանն հա-
 սար վերջապէս. ահաւասիկ նշատուարը որ
 զայն կը փակէ շուրջանակի. ահա մուտքը
 որ խրամատուած կ'երեւայ: Քիչ առաջ՝ օ-
 րուան կարապետ արշալոյսին՝ երբ հոգիդ
 քու մէջ կը ննջէր ծագիկներուն վրայ, ու-
 րոնցմով զարդարուած է վարը, կին մը եկաւ
 ու ըսաւ. «Ես Լուչիան եմ. թոյլ տուր ինծի
 որ առնեմ սա քնացողը. այսպէս պիտի
 դերացընեմ անոր իր ճամբան»: Սորտէլ-
 լոն մնաց, միւս ազնուական ստուերներուն
 հետ. ան քեզ վերցուց, և երբ լուսցաւ, վեր
 բարձրացաւ, և ես իրեն ետեւէն: Քեզ հոս
 դրաւ, և նախ իր գեղեցիկ աչքերը ցուցու-
 ցին ինծի այն բաց մուտքը. յետոյ ինքն ու
 քունը մէկտեղ անհետ եղան»:

Նման մարդու՝ որուն տարակոյսը կը փա-
 րատի և իր վախը խրախոյսի կը փոխէ, երբ
 ճշմարտութիւնն իրեն կը պարզուի, այսպէս
 փոխուեցայ ես. և երբ առաջնորդս զիս ան-
 խող տեսաւ, սկսաւ դէպ ի վեր պատուարը
 բարձրանալ, ես ալ ետեւէն:

Ո՛ր ընթերցող, լաւ կը տեսնես դուն թէ
ինչպէս նիւթս կը բարձրացնեմ ես. և սա-
կայն մի դարմանար եթէ զայն կ'ամրացնեմ
աւելի ճարտարութեամբ: Մօտեցանք. և էինք
հոն՝ ուր նախ կը թուէր ինծի թէ խրամատ
մ'ըլլայ, նման ձեղքուածքի մը որ պատը
կը բաժնէ. ու դուռ մը տեսայ, և տակէն
տարբեր գոյներով երեք աստիճան՝ վեր ել-
լելու համար, և զոնսպան մը՝ որ դեռ ոչինչ
չէր ըսեր: Եւ աչքս աւելի և աւելի բանա-
լով, տեսայ զինքը որ բարձրագոյն աստի-
ճանին վրայ նստեր էր, այնպիսի գէմքով
մը՝ որ աչքերս շլացուց. և ձեռքը մերկ սուր
մ'դնէր, որ ճառագայթներն այնպէս դէպ
ի մեզ կը ցոլացընէր, որ ի զուր աչքերս
ստէպ ստէպ անոր վրայ կը վարձընէի⁸:

— Ըսէ՛ք ատկէ, ինչ կ'ուզէք. սկսաւ ըսել
ան. ո՞ւր է առաջնորդը. նայեցէք, վեր գա-
լերնուդ վրայ չզղջաց »:

— Երկնային աիկին մը, տեղեակ այս
բաներուն, պատասխանեց վարպետս անոր,
քիչ մը առաջ ըսաւ մեզի. « Գացէ՛ք հոն,
դուռը⁹ հոն է »:

— Եւ անիկա օգնէ՛ ձեզի յաջողապէս
ընելու ձեր ճամբորդութիւնը, վերսկսաւ ազ-
նուագութիւնը զոնսպանը. ուրեմն առաջ եկէք
դէպ ի մեր աստիճանները »:

Գացինք դէպ ի ստորին աստիճանը, որ
էր անանկ յղկուած ու ջինջ մարմարիոնէ.
որ ես ինքզինքս անոր մէջ կը տեսնէի ինչ-
պէս որ եմ: Երկրորդը՝ աւելի մութ քան
մոյգ ծիրանեգոյն՝ էր անհարթ ու խանձո-
տեալ քարէ մը. ճաթաած՝ լայնքովն ու եր-
կայնքովը: Երրորդը՝ որ միւս երկուքին վրայ
կեցած էր, պորփիւր կ'երեւար ինծի, բայց
անանկ փայլակնացայտ, ինչպէս է երակնե-
րէն դուրս ցայտող արիւնը: Ոտքերն ասոր
վրայ դրած էր Աստուծոյ հրեշտակը, նստե-
լով շեմին վրայ, որ ինծի աղամանդէ քար¹⁰
մը կ'երեւար: Առաջնորդս երեք աստիճան-
ներէն վեր հանեց զիս, որ յօժարութեամբ
կը հետեւէի իրեն, ըսելով. « Խնդրէ՛ խո-
նարհութեամբ որ կ'զպագը բանայ »:

Երկուգածութեամբ անոր սուրբ ոտքերուն
սողեւ նետուեցայ. աղաչեցի որ գթայ ու
բանայ ինծի, բայց նախ երեք անգամ կուրծքս
բախեցի:

Մուրին ծայրովը եօթը Մ¹¹ գծեց ճակատիս
վրայ, և, « Երբ ներսն ըլլաս, ջանա՛ լուալ
այս վէրքերն » ըսաւ:

Մոխրի կամ չոր հողի գոյնն¹² ունէր իր
զգեստը, որուն տակէն երկու բանալի հա-
նեց: Մէկը ոսկի էր, միւսը արծաթ¹³. նախ

ձերմակով, յետոյ գեղինով բացաւ դուռը՝
ու զիս գոհ ըրաւ:

— Ամէն անգամ երբ այս բանալիներէն
մին շփովի և լաւ չգտնայ կղպագին մէջ,
բսաւ ան մեզի, այս մուտքը չի բացուիր:
Մէկն աւելի պատուական է⁴. բայց միւսը
մեծ ճարտարութիւն ու հանճար կ'ուզէ բա-
նալէ առաջ, վասն զի հանգոյցը քակողն
ան է: Պետրոսէն առի զանոնք, և ըսաւ ինծի,
որ սխալիմ՝ աւելի դուռը բանալուն մէջ քան
թէ զայն փակ պահելուն¹⁵, միայն թէ մե-
զաւորները ոտքս իյնան »:

Յետոյ հրեց նուիրական զրան թելը, ըսե-
լով. « Մտէք. բայց կ'ըսեմ ձեզի, որ ով
որ ետեւ կը նայի, դուրս կը գանայ »:

Եւ երբ նուիրական զրան ծայրերը՝ շի-
նուած հնչուն և ամրակուռ մետաղէ՝ ծղիննի-
ներուն մէջ թաւալեցան, չշառաչեց այնպէս,
և ո՛չ այնպէս մոնչեց Տարպէան, երբ շոպեցին
իրմէ բարի Մետեղղոսը¹⁶, որով մերկ կու-
ղոպուտ մնաց: Ես ուշադրութեամբ դարձայ
գէպ ի առաջին ճոնչիւնը¹⁷. և կը կարծէի
« Զքեզ Աստուած գովարանեմք » երգը լսել
քաղցրանուագ ներդաշնակութեամբ:

Ինչ որ կը լսէի՝ միեւնոյն տպաւորու-

թիւնը կ'ընէր վրաս, ինչ տպաւորութիւն որ
կ'ընէ մարդուս վրայ երբ երգիտնի ընկերա-
կցութեամբ երգ մը կը լսէ, որուն բառերը
մերթ կը լսուին և մերթ չեն լսուիր:

Ծ Ա Ն Օ Թ Ո Ւ Թ Ի Ի Ն Վ

1. Որդի Լաւոմեդոնի և ամուսին արշալոյսին. հարձ հաւասարազօր է հոս կնոյ:
2. Ոմանք ձուկը կը համարին, ոմանք օձը, և ուրիշներ կարիճը:
3. Գիշերը՝ անձնաւորեալ է հոս. իր ընթացքը կը նկատուի ասողերուն ընթացքին նման. կ'ելլէ մինչեւ զենիթ, և անկէ կ'իջնէ մինչեւ արեւմտեան հորիզոնը. գիշերահաւասարի ատեն գիշերն իր ընթացքը կը կատարէ շուրջ 12 ժամերու մէջ. վեց ժամի մէջ կ'ելլէ, վեց ժամի մէջ կ'իջնէ: Ուրեմն այն քայլերը՝ որոնցմով գիշերը կը բարձրանայ՝ գիշերուան առաջին վեց ժամերն են, այսինքն է՝ յետ միջօրէի ժամը վեցէն մինչեւ կէշ գիշեր. անոնցմէ երկուքն ըրած էր, և երրորդն ընելու վրայ էր. Գաւարանին մէջ ժամը 9ին էր երեկոյեան:
4. Այսինքն՝ մարմինը:
5. Կ'ակնարկէ առասպելը Փիլոմելայի, որ ըստ Պրոբոսի, Լիբանիոսի և Ստրաբոնի, ճիճառնիկ փոխուեցաւ. տես Քաւ. ԺԸ երգ:
6. Կ'ակնարկէ առասպելը Գանիմեդէսի՝ Իդա լեռան վրայ, ուր Գանիմեդէսի ճնողքը թողլիք եղան իրմէ, վասն զի Արամազդ զինքն արծիւ փոխելով՝ յափշտակեց տարաւ Աստուածներուն վեհագոյն ատեանը:

7. Որիսես և Գիոմեդէս, դէպ ի Տրոյիոյ պատերազմը:
8. Նայելու, դիտելու համար, բայց չէի կրնար, վասն զի կը շլացնէր:
9. Այս գուռը խորհրդանշան է խոստովանութեան. առաջին աստիճանը՝ ջինջ մարմարէ՝ կը նշանակէ անկեղծութիւնը՝ որով պէտք է խոստովանիլ մեղքերը. երկրորդը՝ մութիկ ու ճաթուած, կը նշանակէ զղջումը որով սրտին հին կարծրութիւնը կը խորտակուի. երրորդը՝ կարմիր նման պորփուրի, աստուածային սէրն է, որ բոցի մը պէս պէտք է վառի ապաշխարողին սրտին մէջ:
10. Որուն վրայ հիմնուած է կաթուղիկէ եկեղեցին:
11. Եթե՞ Մ Գրերը կը նշանակեն եթե՞ր մահացու մեղքերը. Տանդէն P դրած է, վասն զի իտալերէն Peccato կ'ըսեն մեղքին:
12. Նշանակ ապաշխարութեան:
13. Ոսկին՝ նշանակ եկեղեցական իշխանութեան. արծաթը՝ նշանակ կարեւոր գիտութեան բարի քահանային:
14. Ոսկին:
15. Աւելի ողորմած ըլլամ, քան խիստ:
16. Լ. Կեկիլիոս Մետեղղոս տրիբունը, որուն յանձնուած էր պահպանութիւնն հասարակաց գանձին Տարպեան ժայռին ներքեւ: Երբ Յուլիոս Կեսար Հռովմ դարձաւ, ուզեց տրիանալ գանձին. բայց Մետեղղոս դէմ դրաւ, և Կեսար յաջողեցաւ իր որոշմանը մէջ սպառնալիքով և բռնութեամբ ջախջախելով ժայռն ու դռները ահագին ճանչիւնով:
17. Այ դէպ ի ետեւ, հակառակ հրեշտակին պատուէրին, այլ դէպ ի առաջ, ներսէն լսած աղմուկը:



ՏԱՍՆԵՐՈՐԴ ԵՐԳ

Երբ ներս մտանք շեմէն զրան, որ ժան-
գոտած էր հողիներուն ապիրատ սէրէն¹,
որ թիւր ճամբան ուղիղ կ'երեւցընէ, հանած
ձոնչիւնէն իմացայ որ փակուած էր. և եթէ
աչքերս անոր դարձուցած ըլլայի, ի՞նչ ար-
ժանի չքմեղանք պիտի գտնէի սխալումիս:
Վեր կ'ելլէինք ձեղքուած ժայռի մը մէջէն՝
որ երկու կողմէն ալ կը շարժէր, նման ա-
լիքին որ կը փախչի ու կը մօտենայ:

— Հոս քիչ մը ճարտարութիւն պէտք
է բանեցնել, սկսաւ առաջնորդս, մօտենա-
լով մերթ հոս և մերթ հոն այն կողմին որ
կը հեռանայ:

Եւ ասի անանկ զանդազցուց մեր քայ-
լերը՝ որ լուսնին մահիկը իր պառկելու տեղը

հասաւ, մինչ մենք դեռ այն ծակէն դուրս չէինք պրծած. բայց երբ ազատեցանք ու բացը ելանք հսն ուր լեռը դէպ ի ետեւ կը հակի, ես յոգնած, և երկուքնիս անստոյգ մեր ճամբուն վրայով, կանգ առինք դաշտի մը մէջ՝ որ աւելի ամայի էր քան անապատի ճամբաները:

Իր եզրէն՝ որ սահման է պարապին՝ մինչեւ ոտքը բարձրարեւծ ժայռին՝ որ կը բարձրանայ միշտ, երեք անգամ պիտի չափէր մարդկային մարմինը²: Եւ որչափ որ աչքս կրնար հասնիլ՝ ըլլայ դէպ ի ձախ ըլլայ դէպ ի աջ, այս շրջանակը հաւասար կ'երեւար ինծի: Դեռ մեր ոտքերը չէին դէպ ի վեր շարժած, երբ ես նշմարեցի որ ներքին ժայռը՝ որուն վրայ կարելիութիւն չկար ելլելու՝ վճիտ մարմարէ էր, և զարդարուած այնպիսի քանդակներով, որ ոչ միայն Պոլիկլեատոս³, այլ և բնութիւնն ինքնին պիտի յաղթուէր:

Հրեշտակը՝⁴ որ երկիր իջաւ՝ հրովարտակովը շատ տարիներէ ի վեր արտասուազին խնդրուած խաղաղութեան, որ բացաւ երկինքն իր երկայն արդեւքէն, անանկ ճշգրիտ քանդակուած կ'երեւար հոն մեր առջեւ և այնպիսի անուշ կեցուածքով մը, որ չէիր կարծեր թէ լուս մունջ պատկեր մ'ըլլայ:

կարելի էր նոյն իսկ երգուննալ որ (« Ողբոյն ») կ'ըսէր ան, վասն զի հոն ներկայացուած էր ս'ն՝⁵ որ վեհագոյն սէրը բանալու համար դարձուց բանալին. և իր կեցուածքին մէջ գրոշմուած էին այս բառերը. (« Անառա սիկ կամ աղախիկ Տեառն »), այնպէս բնական, ինչպէս պատկեր մը մոմին վրայ կը կնքուի:

« Միաքի միեւնոյն տեղը մի սեւեռեր », ըսաւ քաղցր վարպետը, որ բռնած էր զիս այն կողմէն՝ ուր մարդիկ իրենց սիրտը ունին: Այն ատեն դէմքս դարձուցի ու տեսայ Մարիամին ետեւէն դէպ ի այն կողմը՝ ուր էր ան որ զիս կը շարժէր, ուրիշ պատմութիւն մը ժայռին վրայ քանդակուած. ուստի վիրգիլիոսի միւս կողմը անցնելով, մօտեցայ, որպէս զի աւելի լաւ տեսնեմ: Միեւնոյն մարմարին մէջ քանդակուած էր հոն սայլն ու եզները՝ որոնք սուրը տապանակը կը քաշէին, քանդակ մը որ չյանձնուած պաշտօնը ահաւոր կ'ընէ⁶: Առջեւ բազմութիւն կ'երեւար, ամէնքը եօթը դասի բաժնուած, որոնք երկու զգայարանքներէս մէկուն ըսել կուտային. « Կ'երգեն »: միւսին՝ « Չեն երգեր »: Նմանապէս, խունկերուն ծուխին համար որ հոն ներկայացուած էր, աչքերն ու սնդուները այոյն ու ոչին համաձայն չէին:

Հոն նուիրական անօթին առջեւն կ'երթար խոնարհ սաղմոսերգուն Դաւիթ, կաքաւելով՝ զգեստները վեր հանգրիծած, և իր այն զիրքին մէջ էր ան աւելի կամ նուազ քան թագաւոր⁷ : Գիւմացը՝ մեծ պալատի մը պատուհանին քով կեցած կը նայէր Մեղքով՝ արհամարհոտ ու տխուր կնոջ մը պէս : Կեցած տեղս թողուցի, աւելի մօտէն տեսնելու համար պատմութիւն մը՝ որ Մեղքովին հաեւէն ջինջ կուճին վրայ կը նշողէր : Պատմաբանուած էր հոն փառքը հողմէական իշխանին⁸, որուն քաջութիւնը զրդեց Գրիգորն իր մեծ յաղթանակին : Տրայանոս կայսեր վրայ կը խօսիմ, և այրի մը անոր ձիուն սանձը բռնած էր, արցունքներու և ցաւերու մէջ : Չիւտորներու խումբ մը խոնուած կ'երեւար անոր շուրջը, և ոսկի արծիւները⁹ կարծես հովէն կը ծածանէին անոր գլխուն վերեւ : Եղկելին անոնց ամենուն միջև կ'ըսէր կարծես. «Տէր, վրէժխնդիր եղիր որդւոյս՝ որ մեռած է, որուն համար կը վշտագնիմ» : Եւ Տրայանոս կը պատասխանէր. «Սպասէ ուրեմն դարձի» : Եւ ան՝ նման մէկուն, որուն մէջ ցաւը կը յորդէ. «Տէր իմ, եթէ դուն չգառնաս» : Եւ Տրայանոս. «Յաջորդս պիտի խնդրէ վրէժի» : Եւ կ'ինր՝

«Ուրիշին բարեքը քեզի ի՞նչ օգուտ, եթէ դուն քուկդ կը մոռնաս» : Եւ կայսրը. «Քաջալերուէ՛, չմեկնած՝ պէտք է պարտքս կատարեմ. արդարութիւնը կ'ուզէ և գութը զիս կը կեցընէ» :

Ան՝ որ երբեք նոր բան չտեսաւ¹⁰, ստեղծեց այս տեսանելի լեզուն¹¹, տարօրինակ մեզի համար, վասն զի հոս չի գտնուիր : Մինչդեռ կը զուարճանայի ես նկատելով այնքան խոնարհութեան օրինակները, և զի դարձեալ արուեստաւորը այնպէս սիրուն քանդակեր էր զանոնք.

— Ահաւասիկ հոս բազմութիւն մը, բայց զանդաղօրէն կը քալեն, կը մրմնջէր քերթողը. ասոնք մեզ վերագոյն աստիճանները պիտի տանին :

Աչքերս որ ուշադիր էին նայելու՝ տեսնելու համար նորութիւններ որոնց կը տեսնչան, անդանդաղ դարձան դէպ ի անիկա : Չեմ ուզեր, սակայն, ընթերցող, որ վհասիս բարի առաջադրութիւններու համար, տեսնելով թէ ի՞նչպէս կ'ուզէ Աստուած որ պարտքը հատուցուի : Մի նայիր չարչարանքին ձեւին. մտածէ՛ յաջորդը, մտածէ՛, որ որչափ ալ չարագոյն ըլլան, մեծ վճիռէն անդին չեն կրնար անցնիլ¹² :

Սկսայ ես. «Վարպետ, ինչ որ կը տեսնեմ՝ ան գէպ ի մեզ շարժողները չեմ կարծեր որ մարդիկ ըլլան, և չեմ ալ դիտեր ինչ են, այնչափ աչքս կը խաբուի»:

Եւ ան ինծի. «Անոնց շարչարանքին ծանր հանգամանքը զանոնք գետին կը հակէ, այնպէս որ իմ աչքերս ալ նախ և առաջ կոխներ ունեցան: Բայց աչքդ սեւեռէ՛ հոն, և որոշէ՛, թէ ինչ է որ կը թաւալի այն քարերուն ներքեւ. կրնաս արդէն տեսնել թէ ինչպէս իւրաքանչիւրը կը ճզմուի»:

Ո՛վ ամբարտաւան, ողորմելի ու ասիկար քրիստոնեաներ, որ՝ տկար՝ մտքի աչքով, վստահութիւն ունիք յետս ընդդէմ քայլերնուդ վրան, չէ՞ք տեսներ դուք, որ մենք որդեր ենք՝ ծնած կազմելու այն հրեշտակային թեթեանիկը՝¹³ որ կը թռչի գէպ ի արդարութիւն առանց պաշտպանութեան: Ինչո՞ւ համար ուրեմն կը հպարտանայ ձեր հողին. վասն զի պակասաւոր միջատներ էք, նման որդերուն՝ որոնց կազմութիւնը թերի է:

Ինչպէս վեր բռնելու համար տախտակամած մը կամ տանիք մը՝ մոյթի տեղ երբեմն պատկեր մը կը տեսնուի՝ ծուկները կուրծքին միացուցած, որ թէև ճշմարիտ չէ՛

բայց տեսնողին մէջ ճշմարիտ ցաւ մը կը ծնուցանէ, այսպէս եղած տեսայ ես զանոնք՝ երբ ուշադրութեամբ նայեցայ: Իրաւ է որ, ծոած էին աւելի կամ նուազ, իրենց ունեցած աւելի կամ նուազ բեռան համեմատ, և անիկա՝ որ աւելի համբերատար կ'երեւար, լալով կ'ըսէր կարծես. «Ալ չեմ կրնար»:

Ծ Ա Ն Օ Թ Ո Ի Թ Ի Ի Ն Ֆ

1. Ըսել կ'ուզէ որ մարդոց անկարգ սերերուն համար՝
շատ շքացուելով՝ Քաւարանին դուռը՝ ժանգոտեր է:

2. Այսինքն է՝ արտաքին եղբին, ուրիշ անդին վի՛հ է, և ժայռին միջեւ եղած միջոցը լայն էր մարդու մը երեք անգամ երկայնութեանը չափ, որ է ըսել 5 մե-
դրի պէս բան մը:

3. Անուանի քանդակագործ:

4. Հրեշտակը՝ որ աւետիս բերելով Ս. Կուսին, եր-
կիր իջաւ ի վաղուց ըղձացուած խաղաղութեան հրո-
վարտակովը, և նոյն խաղաղութիւնը բացաւ մարդոց
առջեւ երկինքը, այնչափ ատեն արգիլուած ըլլալէն
ետքը, այսինքն է՝ Ադամայ մեղանշելէն ի վեր:

5. Ս. Աստուածածին. շարժեց աստուածային սէրը
որ գթայ մարդոց վրայ:

6. Կ'ակնարկէ Ողայի դէպքը. հմմտ. Բ. Թագ. Զ:

7. Աւելի քան թագաւոր՝ բոլորովին յԱստուած
յափշտակուած ըլլալուն համար. նուազ քան թագա-
ւոր՝ արքայական մեծվայելչութեան անվայելուշ դիրքի
մեջ գտնուելուն համար, կամ՝ ինչպէս որ կ'ուզես հասկը-
ցիր:

8. Քանի մը հին գրիչներ կը պատմեն որ սուրբ
Գրիգոր Մեծն, նկատելով Տրայանոսի նշանաւոր առա-

քինութիւնները, այնչափ աղաչեց Աստուծոյ որ զինքը
յաւիտենական պատժէ ազատէ, որ վերջապէս աստուա-
ծային գթութիւնը զիջաւ իր աղաչանքին: Բայց առա-
պել է... անշուշտ:


9. Հոովմեական դրոշակին:

10. Այս պատկերներուն հեղինակը ինքը Աստուած
է որ երբեք նոր բան չտեսաւ, վասն զի ամէն բան ի
յաւիտենից տեսած է:

11. Պատկերներ որոնք տեսականորէն, յայտ յայտնի
կը խօսին:

12. Մտածէ որ որչափ ալ ահաւոր ըլլան, վերջա-
պէս վախճան մ'ունին:

13. Այսինքն է՝ հոգին, որ պիտի երթայ դատաւո-
րին առջեւ՝ առանց իր մեղքերը ծածկել կարենալու:



Ժ Ա Ե Ր Գ

« Ո՞վ Հայր մեր որ երկինքն էս, ոչ թէ
պարփակեալ, այլ մեծագոյն սիրոյն համար
զոր կը տածես հանդէպ վերին առաջին ա-
րարածներուն, գովեալ ըլլայ անունդ ու զօ-
րութիւնդ ամէն արարածէ, ինչպէս որ վայել
է գոհութիւն մատուցանել բարեգութ խմա-
տութեանդ: Գայ մեր վրայ թագաւորութեանդ
խաղաղութիւնը, վասն զի մենք մեզմէ մեր
բոլոր ջանքով չեն կրնար երթալ անոր՝ եթէ
ան չգայ: Ինչպէս որ հրեշտակներն իրենց
կամքը կը զոհեն քեզի, ովսանես երգելով,
նոյն նմանակ մարդիկ ալ իրենցը զոհեն:
Տուր մեզի ամենօրեայ մանանան, առանց
որուն գժնդակ այս անապատին մէջ՝ յետս
ընդդէմ կ'երթայ ով որ կը ջանայ աւելի

յառաջել. և ինչպէս որ մենք կը ներենք իւրաքանչիւրին՝ չարիքը զոր կրած ենք, դուն ալ ներէ՛ մեզի, մարդասէր, և մի նայիր մեր արժանիքին : Մեր զօրութիւնը որ ոչինչով կը լքանի, մի ի փորձ գներ հին սոսիին հետ, այլ փրկէ՛ իրմէն, որ այնքան զայն կը մարակէ : Այս վերջին աղօթքը ս'իլ քաղցրագութ՝ Տէր, մեզի համար չէ որ կ'ընենք, զի պէտք չունինք. այլ անոնց՝ որոնք մեր ետեւը մնացին» :

Այն ստուերները այսպէս իրենց ու մեզի բարի ճանապարհ մաղթելով, կ'երթային բեռանը տակ՝ նման անոր՝¹ որ երբեմն կ'երագուի, անհաւասար տագնապներով ու հեւանքներով՝ ամէնքը շուրջանակի՝ վեր գէպ ի առաջին շրջանակը, աշխարհի մուրն ու ծուխը մաքրելով : Եթէ հոն միշտ մեզի համար ազօթքներ կ'ըլլուն, հոս ինչն'ը պիտի չկարենան անոնց համար ըսել ու ընել անոնք՝ որոնց կամքը բարի արմատ՝² ունի : Պէ՛տք է օգնել անոնց ու ջնջել անոնց արատները՝ զոր տարին ասիէ, որպէս զի ամբիժ ու թեթեւ՝ կարենան ելլել գէպ ի աստղազարդ գունտերը :

— Արդարութիւնն ու զթութիւնը փութնով թեթեւցընէր ձեզ որ կարենայիք շարժել թե-

ւերնիպ ու փափաքած տեղերնիպ սրանայիք... ցուցուցէք մեզի որ կողմէն աւելի շուտով կ'երթըցուի գէպ ի սանդուխը, և եթէ մէկէ աւելի ճամբայ կայ, ցուցուցէք մեզի ան՝ որ աւելի նուազ զառիւլներ է. զի ասիկա՝ որ հետս կու գայ, Այսամային մսին բեռանը պատճառաւ՝ զոր կը հագնի, հակառակ իր կամքին՝ դանդաղ է վերելքի մէջ» :

Իրենց խօսքերը՝ զոր պատասխանեցին սոսաջնորդիս խօսքերուն, յայտնի չեղան թէ որմէ՛ կու գային. բայց ըսուեցաւ .

— Գէպ ի աջ մեզի հետ եկէք եղբրքին երկայնքը, և պիտի գտնէք անցքը՝ ուրկէ կ'ընայ ելլել ողջ մարդը : Եւ եթէ արգիլուած չըլլայի բարէն՝ որ կը ճմլէ ամբարտաւան զլուխս, և որով ստիպուած եմ երեսս կախ բռնել, ատիկա՝ որ կ'ապրի և անունը շարուեցաւ, պիտի նայէի, տեսնելու համար թէ արդեօք կը ճանչնամ, և դարձեալ որպէս զի մեղքընալ տամ բեռանս վրայ : Լատին մըն եմ՝³ և մեծ Տոսկանէ մը ծնայ. հայրս էր Գուլիէլմոս Ալտապրանտէսքոյ. չեմ գիտեր թէ լատի՞ էք երբեք այլ անունը : Հին արիւնն ու ազնուական գործերը զիս այնպէս յանձնապատան ըրին, որ՝ չմտածելով հասարակաց մօրը վրայ, անանկ արհամար-

հանք մ'ունեցայ զէպ ի ամէն մարդիկ, որ մահուանս պատճառ եղաւ, ինչպէս գիտեն Սենացիք, ինչպէս գիտէ Գամբանեադիբոցի տղան անգամ: Ումպերդոն եմ, և հպարտութիւնը միայն ինծի չէ որ վնասած է. ան բոլոր ազգատոհմս իրեն հետ թշուառութեան է մատնած: Եւ հարկ է որ հոս այս բեռը տանիմ հպարտութեանս համար՝ մինչև որ Աստուած հաճեցնեմ. ինչ որ ողջերուն մէջ չըրի, պէտք եմ հոս մեռելներուն մէջ ընել:

Հետ մտիկ ընելով, երեսս վար ծոցի. և անոնցմէ մին, ոչ աս որ կը խօսէր, զինքը ձգմող բեռան տակէն զիս սլոցեցաւ. ու տեսաւ զիս ու ճանչցաւ ու կը կանչէր՝ նեղութեամբ աչքերը վրաս անկելով, որ բոլորովին ծռած անոնց հետ կ'երթայի:

— Ո՛հ, ըսի անոր, Ռտերիզին՝ չե՞ս դուն, Ակոպպոյի պատիւը, և պատիւը այն արուեստին՝ որ Փարիզ նկարել կը կոչուի:

— Եղբայր, ըսաւ ան, աւելի ժպտուն են մազազաթները՝ զոր կը նկարէ Ֆրանքոյ պոլոնեացին. պատիւը հիմա անոր է բոլորի մինս մասամբ է: Ստուգիւ, մինչպէս կ'ապրէի՝ այնքան վեհանձն պիտի չգտնուէի այսպէս ըսելու, բռնուած գերազանց ըլլալու սաստիկ մարմնաջէն՝ որով գինովցած էր հողիս:

Սոյն հպարտութեան պատիժը հոս է որ կը կրուի. և հոս ալ պիտի չըլլայի, եթէ՝ մինչպէս կրնայի մեղանշել, դարձած չըլլայի առ Աստուած: Ո՛վ ունայն փառք մարդկեղէն զօրութեանց, ինչպէս կանաչութիւնը շուտով կ'անցնի գազաթիւ վրան՝ եթէ վրայ չհասնին սգէս սարիներ: Նկարչութեան դաշտին տէր կարծեց ինքզինքը Չիմպուռէ, և հիմայ ճիտպոն է որ ունի առաջնութեան պատիւը, այնպէս որ անոր համբան ալ աղօտացած է: Այսպէս մէկ կուխտոն՝ շորթեց միւսէն լեզուին փառքը. և գուցէ ծնած է ան՝ որ երկուքին ալ անունը պիտի նսեմացնէ: Երկուքն որ համբաւին շինողը ուրիշ բան չէ, եթէ ոչ շունչ մը հովի՝ որ մերթ ասկէ կու գայ մերթ անկէ, և կը փոխէ անունը՝ վասն զի տեղը կը փոխէ: Ի՞նչ աւելի անուն պիտի ունենաս՝ եթէ ծեր բաժնուիս մարմնէդ, քան թէ մեռած ըլլայիր դեռ մանուկ՝ ասկէ հազար տարի չանցած. որ աւելի կարճ ժամանակամիջոց մըն է բաղդատամբ յաւիտենականութեան, քան ակնթարթ մը բաղդատամբ հոլովման այն պարունակին՝ որ ամենադանդաղն է երկինքը հիւ եկողներուն մէջ՝: Ան՝ որ այնչափ յամբօրէն կը քալէ անջնէս, բոլոր Տոսկանան համբաւովն հըն-

չեցուց. հիմա վրան հազիւ կը խօսուի Սենայի մէջ, որուն տէրն էր, երբ կործանեցաւ կառաղութիւնը Փլորինտիոյ, որ ամբարտաւան էր այն ատեն, ինչպէս հիմայ անարգ է ու պոստրկացած: Չեր հատրաւը նման է խոտին գոյնին, որ կու գայ և կ'երթայ, և ան՝ որ զինքը հողէն դուրս կը հանէ թարմ ու կանաչ, նոյնը զինքը կը թոռմեցընէ»:

Եւ ես անոր. «Քու ճշմարիտ խօսքը՝ սրտիս մէջ բարի խոնարհութիւն մը կը ներշնչէ, և հպարտութիւնս կը խորտակէ. բայց ո՞վ է ան որուն վրայ կը խօսէիր հիմայ:

— Ան՝ Բրովէնցանոյ Սարուանին՝ է, պատասխանեց. և հոս է վասն զի մեծամտութիւնը ունեցաւ բոլոր Սենայի վարչութիւնը իր ձեռքն անցընելու: Քալած է այսպէս և կը քալէ անպարտմ՝ մեռնելէն ի վեր. ան որ չափազանց յանդուգն եղաւ՝ ատանկ զրամով է որ իր պարտքը կը հատուցանէ:

Եւ ես. «Եթէ այն հոգին որ մինչեւ կեանքին վերջը կը յապաղէ զլջումը՝ հոն վարը կը մնայ և հոս վեր չ'ելլեր՝ եթէ բարի աղօթք մը օգնութեան չհասնի իրեն՝ այնչափ ատեն որչափ ատեն որ ապրեցաւ, ի՞նչպէս թոյլ տրուեցաւ իրեն որ հոս գայ»:

— Երբ կ'ապրէր ան փառապանծօրէն, ըսաւ, ինք իր յօժարութեամբ, ամէն ամօթ մէկդի թողլով կեցաւ Սենայի Գաշաին մէջ՝ ու հոն՝ ազատելու համար իր բարեկամը ասնջանքէն՝ զոր կը կրէր կարողութի բանալին մէջ, թողուց որ ամէն երակները սարսոտան: Ալ չեմ խօսիր, և գիտեմ որ խօսքերս մութ են, բայց քիչ ատենէն քու զրացիներդ զայն պիտի մեկնեն:

Սոյն բարի գործը զինքն ազատեց այն սահմաններէն:

Ծ Ա Ն Օ Թ Ո Ի Թ Ի Ի Ն Ք

1. Մղձաւանջին:

2. Այսինքն է՝ իրենց բարի կամքը միացած է Աստուծոյ հետ:


3. Ուժգեղոնն է Սանդափիտրայի կոմսերէն, որ իր ամբարտաւանութեանը համար սպանուեցաւ Սենացիներէն Գամբանեադիքոյի մէջ:

4. Անուանի նկարիչ Չիմասուէի դպրոցէն, բայց իր Պոլսնեացի Ֆրանչէսքոյ աշկերտը զինքը գերազանցեց:

5. Կ'ըսէ որ Կուխտոյ Գաւալբանդին՝ քերթող և Իմաստասէր փլորենտացի, գերազանցեց Կուխտոյ Կուխնիչէւի պոլսնեացին:

6. Այսինքն է հաստատուն աստղերուն:

7. Սենայի գլխաւոր քաղաքացիներէն մէկը: Իր մէկ բարեկամը բանտարկուած էր բանտին մէջ Բուլիայի Կարոլոս Թագաւորին, որ՝ իբր փրկանք ահագին գումար մը կուգէր. և Բրովէնցանոյ խոնարհեցաւ մուրալու՝ հասարակաց հրապարակին վրայ:



Ժ Բ Ե Ր Գ

— — —

Նման լծակից եզներու՝ կ'երթայի այն բեռնաւոր հողիին հետ, որչափ ատեն որ թոյլ տուաւ քաղցը վարպետս: Բայց երբ ըսաւ. «Թո՛ղ անիկայ, և քալէ՛՛ վասն զի տեղն է հոս՝ առադաստով ու թիկրով. թող կրցածին չափ ամէն մարդ իր նաւակն առաջ բռնէ», շտկեցի մարմինս՝ ինչպէս որ պէտք է՝ քալելու համար, թէև մտածումս ներս մնացած էին խոնարհ ու ընկճուած: Սկսած էի շարժիլ և կը հետեւէի յօժարու թեամբ վարպետիս քայլերուն, և երկուքնիս ալ կը ցուցնէինք արդէն թէ ս'ըչափ թեթեւ էինք, երբ ըսաւ ինձի. «Աչքերդ վար դարձուր. լաւ պիտի ըլլայ քեզի. ճամբան զիւ»

րինցընելու համար, տեսնել անկողինը քու սաքերուդ)»:

Ինչպէս դամբարաններուն քարերը՝ պահելու համար յիշատակը անոնց որոնց վրայ զրուած են՝ քանդակուած կը կրեն վրանին ինչ որ էին անոնք երբեմն, որով և սաէպ արցունքներ կը թափուին հոն՝ գառնութեամբը յիշատակին՝ որ բարեպաշտները միայն ի գութ կը շարժէ, այսպէս տեսայ ես հոն քանդակուած՝ բայց կատարեալ նմանութեամբ և արուեստով բոլոր ընդարձակութիւնը՝ որ դուրս կը ցցուի լեռնէն՝ ճամբան կազմելու համար:

Կը տեսնէի մէկ կողմը՝ որ փայլակնօրէն վար կը թաւալէր ան՝¹ որ ամէն արարածէ աւելի չքնազ ստեղծուեցաւ: Միւս կողմը կը տեսնէի Բրիտանիա, խոց վիրաւոր երկնամուխ սլաքով՝ զեռին փռուած զի ցուրտ անկենդան: Կը տեսնէի Թիմբրէտը, կը տեսնէի Պալլասն ու Արէսը, զեռ զինուած, իրենց հօրը շուրջը, որոնք կը նայէին հսկաներուն ցիրուցան անգամներուն վրայ: Կը տեսնէի Ներքովթը՝ իր ահագին գործին ոտքը, որ գրեթէ շրճորած՝ կը նայէր այն մարդոց՝ որոնք մասնակցեցան իր ամբարտաւանութեանը՝ Սենաար գաշախ մէջ: Ո՛վ Նիորէ՝²,

ինչ ողորմուկ աչքերով նկարուած կը տեսնէի զքեզ ճամբուն վրայ՝ երկու զիւ ունենալով եօթը սպաննուած զաւակներ: Ո՛վ Սաուդ, ինչպէս կ'երեւայիր քանդակին մէջ սեպհական քու սուրիկ վրայ ինկած մեռած ի Գելբուէ, ուր շիջաւ յետոյ ոչ անձրեւ և ոչ եղեամ: Ո՛վ յիմար Արաքնէ, ինչպէս քեզ արդէն կէս սարդ կը տեսնէի՝ տխուր պատաններուն վրայ գործիկ որ այնքան աղետաւոր եղաւ քեզի: Ո՛վ Ռոբովամ, զէմբլ հոն սպաննալիք չ'ըներ. բայց կառք մ'ահա կը տանի քեզ սարոսփահար՝ ուրիշներէն չքուած տակաւին: Կարծրապինոյ յատակը կը ցուցնէր տակաւին թէ ինչպէս Ալիմէոնէ՝³ սուգի նստեցուց իր մօրը՝ անոր անբախտ զարգարանքը: Կը ցուցնէր թէ ինչպէս որդիները խուժեցին Սենեքերիմին վրայ տաճարին մէջ, և հոն զինքը մեռած թողուցին: Կը ցուցնէր աւերածն ու անապորոյն ոճիրը՝ զոր գործեց թամիրիս՝⁴ երբ ըսաւ Կիւրոսի. «Արիւն ծարուեցար, ես քեզ արիւնով կը լեցընեմ»: Կը ցուցնէր թէ ինչպէս կորաբաժակ փախան Ասորեստանցիք՝ երբոր մեռաւ Հոգիփեռնէս, և նաեւ մնացորդները նախճիւրին: Կը տեսնէի Տրովազան աւեր ու մոխիր: Ո՛վ Իլիոն, ինչպէս անարդ ու նուաստ կը

ցուցնէր քեզ քանդակը՝ որ էր հոն գրոշմուած: Ո՛վ եղաւ վարպետը դաւազանին կամ վրձինին, ու նկարեց շուքերն ու կեցուածքը, որոնք կարող են հիացընել ամենէն նուրբ հանճարն անդամ: Մեռածները մեռած, և ողջները ս՛ղջ կ'երեւային: Այսպէս որ ո՛վ որ ստոյգը տեսաւ՝ ինձմէ լաւ չտեսաւ՝ որչափ տեղ որ կոխեցի գացի գլուխս կոր բռնելով:

Ու հիմայ հպարտացէք և բարձրագլուխ շրջեցէք, Եւայի զաւկըներ, և մի խոնարհէք գէմքերնից որպէս զի մի գուցէ տեսնէք ձեր չար ճամբան:

Արդէն իսկ մեծ մասամբ կտրած էինք բոլորչի ճամբան և շատ ալ ժամանակ անցուցած՝ աւելի քան զոր չէր կարծեր զբազած միտքս, երբոր ան՝ որ առջեւէս էր՝ մտամոխի, սկսաւ.

— Եիտակ բռնէ գլուխդ, կախն ի կախը երթալու ժամանակ չէ ալ: Ահա հոն հրեշտակ մը՝ որ մեզի գալու կը պատրաստուի. ահա օրուան վեցերորդ ժամը ծառայութիւնը կը լմնցընէ: Գէմքդ ու շարժումներդ պատկառոտ ըլլան, որպէս զի հաճի մեզ վերը առաջնորդել. մտածէ՛ որ այս օրը՝ ալ չի լուսնար»:

Արդէն վարժ էի իր խրատներուն՝ որ կուտար ինձի՝ թէ պէտք չէ ժամանակ կորսնցընել, որով այս նիւթին մէջ իր լեզուն ինձի անհասկանալի բան մը չունեցաւ:

Չքնաղ արարածը ձերմակ հագած մեզի կու գար. կը ճաճանչէր գէմքը ինչպէս կը պլպլայ առաւօտեան աստղը: Բացաւ բազուկներն ու ապա թեւերը. և ըսաւ. «Եկէք, ահա հոս մօտ են աստիճանները, և այսուհետեւ ելքը կը դիւրանայ: Այս հրակերին քիչերն են որ կը լսեն. ս՛լ մարդկային աղղ, ծնած՝ վեր թռչելու համար, ինչո՞ւ այսպէս գոյզն հովէ գետին կը տապալիս»:

Տարաւ մեզ հոն ուր ժայռը կտրուած էր. հոն թեւերը ճակատի գարկաւ, յետոյ ինձի անվառնոց ճամբայ խոստացաւ: Ինչպէս աջ կողմէն ելլելու համար գէպ ի լեռը՝⁵ — ուր կառուցուած է եկեղեցին որ կ'ընդէն լաւ առաջնորդուած քաղաքին վրայ՝ Ռուպոգոնդի վերեւ, — վերեւըին թափը կը խորտակուի աստիճաններով՝ որոնք փորուեցան այն ժամանակ երբ ապահով էր տեսարակն ու շերտը՝⁶, այսպէս կը մեղմանայ ժայռը որ միտ պարունակէն հոն կը գահալիժի, բայց բարձրաբերձ խարակը՝ ելլողը երկու ալ կողմէն էր սխմէ:

Երբ սկսանք վեր ելլել այն սանդուխէն, քանի մը ձայներ երգեցին. « Երսուկ աղբատայ հոգոյ ») անանկ անուշութեամբ, որ կարելի չէ բացատրել: Ո՛հ, որչափ տարբեր են այս մուսքերը զժողովներէն. հոս երգերով է որ կը մտցուի, և հոն վարը վայրագ վայնասուններով:

Արդէն վեր կ'ելլէինք սուրբ աստիճաններէն, և շատ աւելի թեթեւ կը զգայի ինքզինքս՝ քան ինչ որ չէի զգար նոյն իսկ հարթ դաշտին վրայ քալելուս: Ուստի « վարպետ, ըսի, ինչ ծանր բան վերցաւ վրայէս, որ կարծես ոչ մէկ յոգնութիւն չեմ զգար քալելու ատենս »: Պատասխանեց. « Երբո՞ր Մեները՝ որոնք մնացած են զեռ ճակարկ վրայ՝ աւերուելու մօտ, մէկին պէս՝ բոլորովին ջնջուին, ոտքերդ անանկ պիտի յողթուին բարի կամքէդ, որ ոչ միայն յոգնութիւն պիտի չզգան ամենեւին, այլ և հաճոյք մը պիտի ըլլայ վերելքը իրենց »:


Այն ատեն ըրի՝ նման անոնց որոնք կը քալեն՝ առանց իրենց գիտնալուն զլուինուն՝ վրայ բան մը կրելով, այլ թէ ուրիշներուն նշաններէն կասկածի կ'երթան. ուստի և ձեռքը օգնութեան կը հասնի ստուգելու համար, և կը փնտռէ ու կը գտնէ, և կը կա-

տարէ այն պաշտօնը՝ զոր աչքով պիտի չկարենար ընել. և ձեռքիս անջատ մատներովը գտայ վեց միայն այն գրերէն, զոր գրոշմեց բանալիներուն պահպանը ճակարիս վրայ: Որուն նայելով առաջնորդս ժպտեցաւ:

էջ մը պատուեցին որ շայտնուի իրենց խարդախութիւնը: Միւսը աղին նենգն է. նենգողը փայտեայ աղշափ ճիշդ տակառով աղը կ'ընդունէր պաշտօնատունէն, և երբ ժողովուրդին կու տար՝ աղշափ տակառին շերտերէն մին կը հանէր:

Ծ Ա Ն Յ Յ Ո Թ Ո Ի Թ Ի Ի Ն Ք

1. Արուսեակը,
2. Նիորէ՝ հպարտացած իր գաւակներուն վրայ ուզեց որ թերացիք փոխանակ Ղատոնայի իրեն գոհեն. շանթահարուեցան գաւակները:
3. Ամփիարաոս պահուըտեցաւ թերէի պատերազմը շերթալու համար, և Երեմիելէ՝ իր կինը, ընդունելու համար իրեն խոստացուած գոհարը, յայտնեց՝ տեղը՝ որուն համար սպաննուեցաւ իր Ալկմէոնէ գուստրէն:
4. Կ'ակնարկէ Պարսից Կիւրոս թագաւորին և իր երկու հարիւր հազար զօրաց խողխողումը՝ Աղիւթացւոց ձեռքով, որոնք եկած էին առաջնորդուած իրենց թամբիւս թագուհիէն: Որ յետոյ Կիւրոսի գլուխը արիւնալից ամանի մը մէջ մխրճեց և ըսաւ. « Արիւն ծարուեցար . . . և այլն:
5. Սան Մինիադոյ, ամենա՛ին եկեղեցին Փլորենտիոյ՝ որ կ'իշխէ քաղաքին այն մասին, որ Ռուպադոնդի կամուրջին վրայ կ'իյնայ:
6. Կ'ակնարկէ դառն հեգնութեամբ երկու Փլորենտացիներէ գործուած նենգը, որոնք հասարակաց գրքէն



Մայրն էինք սանդուխին՝ ուր երկրորդ ան-
 դամ կը կարուի լեռը՝ որուն վերելքը մեզ-
 քերը կը ջնջէ։ Հոն շրջանակ մը՝ բլուրը
 շուրջ կը պատէ՝ նման առաջինին, միայն
 թէ իր աղեղն աւելի շուտ կը թեքի¹։ Չե-
 րեւար հոն ոչ շուք և ոչ նկար. բայց թէ՛
 ժայռն ու թէ՛ ողորկ ճամբան՝ են քարի կա-
 պուտակ գոյնով, ու միեւնոյն բանը կ'ե-
 րեան։

— Եթէ մարդու սպասենք հոն հարցը-
 նելու համար, կ'ըսէք քերթողը, կը վախեմ՝
 որ ընտրութիւննիս շատ ուշ պիտի մնայ։
 Յետոյ աչքերը զէպի արեւը սեւեռեց. և
 աջ ոտքը հաստատուն բռնելով իբրև կեդրոն,
 ձախ կողմը շրջեց։

— Ո՛վ քաղցր լոյս, որուն վրայ վստահելով նոր ճամբուս մէջ կը մտնեմ, առաջնորդէ մեզ, կ'ըսէր, ինչպէս որ կ'ընայ առաջնորդուիլ այս տեղերուն մէջէ: Գուն կը տաքցընես աշխարհը և անոր վրայ կը նշուես. եթէ ուրիշ պատճառ մը մեզի արգելք չըլլայ, քու ճաճանչներդ են որ պիտի միշտ մեզ առաջնորդեն:

Մեր երկրին մղոնի մը չափ գացած էինք արդէն քիչ ժամանակի մէջ՝ մեր եռանդուն փափաքէն մղուած, երբ առանց տեսնելու զգացինք որ քանի մը հողիներ կը թռչէին գէպ ի մեզ, և շնորհալի կերպով մեզ սիրոյ սեղանը կը հրաւիրէին: Առաջին ձայնը որ անցաւ թռչելով, ըսաւ բարձրաձայն. « Գի՛նի ոչ ու՛նի », և շարունակեց կրկնել մեր ետեւը: Եւ մինչ կը լսէինք զեռ այն ձայնը հեռուն, ուրիշ մը անցաւ գոչելով. « Որետէսն եմ² » և աս ալ կ'անդ շառաւ:

— Ո՛վ հայր, ըսի ես, ի՛նչ ձայներ են ասոնք: Հարցումս զեռ բերանս էր, և ահա ուրիշ ձայն մը գոչեց. Սիրեցեք ձեզի չարիք ընողները: Եւ բարի վարպեաը պատասխանեց.

— Այս պարունակը նախանձին յանցանքը կը պատժէ, բայց խարազանին

չուանները քաշողը՝ սէրն է: Զանոնք բռնող սանձը տարրեր ձայն սէտք է ունենայ, և կարծեմ պիտի լսես զայն զեռ ներողութեան սեղը չհասած: Բայց սեւեռէ աչքդ օվին մէջ, և պիտի տեսնես մարդիկ՝ նստած մեր առջեւը՝ լեռան ժայռին երկայնքը:

Այն ատեն առաջու՛րնէ աւելի բացի աչքերս. նայեցայ առջիս և տեսայ ստուերներ՝ որոնց վերարկուները նոյնպէս քարի գոյն ունէին: Եւ երբ քիչ մը աւելի առաջ անցանք, լսեցի որ կը գոչէին. « Մարիամ, աղաչէ՛ մեզի համար. Միքայէլ, Պետրոս և ամէն սուրբեր, աղաչեցէք մեզի համար »:

Զեմ՝ կարծեր որ այսօր գանուի երկրի վրայ մարդ մը այնչափ անագորոյն՝ որ չկարեկցի յետոյ տեսածիս վրան: Վասն զի երբ անոնց շարժումները որոշակի գանազանեղու չափ մտանցայ իրենց, զգացած դառն կսկիծէն աչքերէս արցունք եկան: Ամէնքն ալ ծածկուած կ'երեւային ինծի անարդ խարազով. ամէն մին ընկերին ուսին վրայ ինկած, և ամէնքն ալ կոթընած ժայռին: Այսպէս է որ չքաւոր կոյրերը կը կենան եկեղեցիներէն զուրս, Ներողութեանց օրերը, ողորմութեան խնդրելու համար, և մին միւսին վրայ կը ծո՛ռէ զլուխը՝ որպէս զի անցնողը ի գու՛թ

շարժի՝ ոչ միայն ձայնին ողորմ՝ շեշտէն, այլ նաև գէմքէն՝ որ ոչ նուազ քան ձայնը՝ գիտէ ի գուժ շարժել: Եւ ինչպէս չի հասնիր կոյրերուն՝ արեւուն լոյսը, նմանապէս երկինքը չի շնորհեր իր լոյսը այն ստուերներուն՝ որոնց վրայ գեռ հիմա կը խօսէի: Երկըթէ թեղ մը ամենուն ալ արտեւանունքը կը ծակէ ու կը կարէ, ինչպէս կ'ընեն վայրի բազէին՝ զանիկա դիւրութեամբ ընտանեցընելու համար:

Կը քալէի, և կը թուէր ինծի նախատել ուրիշները՝ տեսնելով զանոնք և անոնցմէ անասն մնալով, ուստի զարձայ իմաստուն խորհրդատուիս: Թէ և կը լռէի, բայց լաւ գիտէր ան թէ ինչ բանի վրայ կը մտածէի, որով և առանց հարցումիս սպասելու ըսաւ. « Խօսէ, բայց համառօտ և խելքով »:

Վիրգիլ կը քալէր պարունակին այն կողմէն՝ ուրիշ կրնայ մարդ իյնալ, վասն զի եզրը սլակ չունի. միւս կողմը կը գըտնուէին բարեպաշտ ստուերները, որոնց աչքերէն զարհուրելի կարուածքն այնպէս արցունքներ կը կորզէր, որոնցմով անոնց այտերը բոլորովին կ'ողողուէին: Դարձայ անոնց և սկսայ. « Ո՛վ մարդիկ՝ ապահով վեհագոյն լոյսը տեսնելու, որոնք միայն կը հառաչէ ձեր փափաքը, երանիք թէ աստու-

ծային շնորհքը փութով լուծէր ազտեղութիւնը ձեր խղճմտանքին, ու իջնէր մտքի լուսեղէն գեարը անոր վրայ. ըսէք ինծի, և ինծի հաճոյական ու սիրելի բան մը պիտի ընէք, թէ կա՞յ ձեր մէջը խաւացի հոգի մը, և գուցէ օգտակար ըլլայ իրեն՝ իմ՝ զինքը ծանօտալս:

— Ո՛վ եղբայր, ամենքնիս ալ ճշմարիտ քաղաքի քաղաքացի ենք. բայց զուն ըսել կ'ուզես թէ մեր մէջ կա՞յ հոգի մը որ խաւիտա ապրած ըլլայ պահպխարէն:

Ինծի թուեցաւ որ այս պատասխանը հետու աեղէ մը կու գար, ուստի քիչ մը աւելի առաջ անցայ՝ լաւ լսուելու համար: Ստուերներուն մէջ տեսայ մէկը՝ որ սպասել կը ձեւացնէր, և եթէ մէկն ինծի հարցընէր. « Ինչպէս », պիտի պատասխանէի, կզակը վեր կը վերցընէր կոյրերուն պէս:

— Ո՛վ հոգի, ըսի ես, որ կը մահացնես ինքզինքդ երկինք վերանալու համար, եթէ դուն էիր որ ինծի պատասխանեցիր, ծանօթ թացուր ինքզինքդ ըսելով անունդ կամ երկիրդ:

— Սենացի էի, պատասխանեց, և ասոնց հետ կը մաքրեմ հոս ապիրատ կեանքը՝ Աստուծմէ խնդրելով արտասուագին՝ որ ինքզինքը մեզի շնորհէ: Թէեւ Սարիա՞ կը

կոչուէի, բայց իմաստուն չեղայ. և աւելի ուրիշներուն չարիքներուն վրայ ուրախացայ, քան իմ երջանկութեանս: Եւ որպէս զի չկարծես որ քեզ կը խարեմ, տես թէ եղայ՝ ինչպէս կ'ըսէի՝ յիմար: Կեանքիս կամարն ի վար կ'իջնէի արդէն երբ քաղաքացիներս հասած էին գաշալը իրենց թշնամինբուն հետ Գողլէի մօտ, և ես կ'աղօթէի Աստուծոյ այն բանը՝ զոր ուզեց: Խորաակուեցան հոն, և դռն փախուստով հալածական քռուեցան, և անոնց հալածումը տեսնելով անհամեմատ ցնծութիւն մը ունեցայ: Անանկ որ ժպիրհ գէմքս վեր բարձրացուցած՝ գոչեցի Աստուծոյ. « Ալ քեզմէ չեմ վախնար », ինչպէս կ'ընէ սարեակը՝ քշիկ մը ազուոր օգի համար: Ուզեցի հաշտուիլ Աստուծոյ հետ կեանքիս վերջերը, և պարտքս տակաւին նուազիլ սկսած պիտի չըլլար, եթէ չըլլային աղօթքները Բեղլինանեոյ Պետրոս բարի անապատականին, որ մեզբընալով վրաս գլթաց ինծի: Բայց դուն ո՞վ ես որ այդպէս մեր վիճակներուն վրայ տեղեկութիւն մը քաղես և ինչպէս կը կարծեմ՝ աչքերդ կարուած չեն՝ և շունչ աննելով կը խօսիս:

— Աչքերս, պատասխանեցի, հոս պիտի կարուին, բայց քիչ ատեն, վասն զի թեթև

է անոնց նախանձով զործած յանցանքը: Այն վարի՝ տանջանքներէն է որ աւելի կը վախէ հողիս, և կարծես հիմնուելուն այն վազի ծանր բեռները կը ձգմեն զիս:

Եւ ան ինծի. « Ո՞վ քեզ առաջնորդեց որմն հոս վերը մեր մէջ, եթէ կը կարծես վար գառնալ »: Եւ ես. « Ասի որ հետս է և չի խօսիր: Եւ ողջ եմ. ուստի խնդրէ ինձմէ, ընտրեալ հողի, եթէ կ'ուզես որ անդին աշխարհի մէջ բան մըն ալ քեզի համար ընեմ »:


— Ո՞հ, պատասխանեց, ասիկա անանկ նորօրինակ անլուր բան մըն է որ յայտնի նշան է թէ Աստուած քեզ կը սիրէ. որուն համար օգնէ ինծի երբեմն քու աղօթքներով: Եւ կը խնդրեմ քեզմէ, քու ամենէն աւելի սիրած բանիդ համար ըլլայ, եթէ երբեք Տոսկանա ոտք կոխես, ազգականներու բարի լուրեր տաս իմ վրայօք: Պիտի տեսնես զանոնք այն ունայնամիտ մարդոց մէջ՝ որոնք կը յուսան թալամոնէն մեծ նաւահանդիստ մը շինել, մինչդեռ աւելի յուսահատ ձեռնարկ մը պիտի ըլլայ ան իրենց համար, քան Անահիտ ջուրը գտնելը՝:

Բայց աւելի ծովակալներն են որ պիտի տուժեն:

6. Որովհետեւ Թալամոնէն վատառողջ տեղ մըն էր, Սենացիք բնակելի ընելու համար զայն՝ ահագին ծախքեր ըրին, և նաւահանգիստ մը շինեցին: — Անահիտ ջուրը մինչեւ որ գտնուեցաւ ամբաւ ստակ ծախել տուաւ Սենացւոց: — Նաւահանգստին վատառողջ օդէն մեռնելով՝ աւելի ծովակալներուն, նաւապետներուն փնաս պիտի ըլլայ:

Ծ Ա Ն Օ Թ Ո Ի Թ Ի Ի Ն Ք

1. Վասն զի փոքրագոյն է քան առջինը:
2. Պիլատէս՝ ազատելու համար իր Որեստէս բարեկամին կեանքը՝ այսպէս ըսաւ Եգիստոսի, որ հրամայած էր սպաննել Որեստէսը առանց զանիկա ձանչնալու:
3. Սենացի, կին կինիպալտոյ Սարաչինիի: Աբսորուեցաւ Սենայէն, և անանկ կ'ատէր իր քաղաքացիները որ երբ Փլորենտացիներէն յաղթուեցան՝ սաստիկ ուրախացաւ:
4. Ժողովրդական հին առած մը կ'ըսէ թէ սարեակ մը յունուարի մեջ ցուրտը կակըղցած զգալով, կարծեց որ ձմեռը լմեցած ըլլայ, և փախաւ տիրոջը քովէն երգելով: « Տէր, ալ հոգս չէ, ձմեռն անցաւ » . բայց շուտ զգլաց, վասն զի ցուրտը եկաւ, և գիտցաւ որ այն կտոր մը աղուոր օգը գարուն չէր:
5. Այսինքն՝ հպարտութեան տանջանքներէն:



Չ. Գ Ե Ր Գ

— Ո՞վ է աս որ մեր լեռան շուրջը կը պարտի՝ մահը գեռ չտուած անոր թոխչքը, և ուզածին պէս կը բանայ ու կը խփէ աչքերը:

— Չեմ գիտեր ո՞վ է, բայց գիտեմ որ մինակ չէ. դուն իրեն հարցուր՝ զի աւելի մօտն ես. և քաղցրութեամբ ընդունէ զինքը՝ որ խօսի:

Այսպէս երկու հոգիներ՝ իրարու ծածկ հոն վրաս կը խօսէին աջակողմս. յետոյ հետս խօսելու համար վեր վերցուցին երեսնին, և մէկը ըսաւ. « Ո՞վ հոգի՞ որ մարմնոյդ մէջ գեռ պարփակուած՝ գէպ ի երկինք կ'երթաս, կ'աղաչենք, մխիթարէ մեզ ու ըսէ մեզի, ուրկէ՛ կու գաս և ո՞վ ես. վասն զի դուն մեզ այնքան կը զարմացընես

այլ քեզի ընձեռուած շնորհքին համար , որչափ կրնայ զարմացընել երբեք չեղած բան մը » :

Եւ ես . « Տոսկանայի մէջն ի վար գետակ ¹ մը կը տարածուի , որ Ֆալգերոնայէ կը բղխի և հարիւր մղոն ընթացցով չի յադենար : Այն գետէն է որ կը բերեմ այս մարմինը . աւելորդ պիտի ըլլայ ըսելը թէ ով եմ ես . վասն զի անունս գեռ շատ չի հնչեր » :

— Եթէ կրցայ լաւ թափանցել՝ ըսել ու գածիւ մէջ , պատասխանեց ինծի ան որ նախ խօսած էր , Անտոսի վրայ կը խօսիս :

Եւ միւսն ըսաւ անոր . « Ինչո՞ւ համար այն գետակին անունը ծածկեց ասի , ինչպէս կ'ըլլուի սովորաբար երբ սարսափելի բանի մը վրայ խօսուի » : Եւ ստուերը՝ որուն այս հարցումը կ'ուղղուէր , այսպէս պատասխանեց . « Չեմ գիտեր , բայց իրաւցընէ կ'արժէ որ այն ձորին անունը կորսուի . վասն զի իր աղէն ² ուր սեպոտ լեռը՝ որմէ կը տարանջատի Բելորոյ՝ այնչափ հարուստ է ջուրերով , որ ուրիշ քիչ տեղեր անկէ յորդա գոյն է , մինչեւ այն կէտը՝ ուր ծովը կը թափի՝ փոխարինելու համար անոր զոր երկինքը կը ցամքեցնէ ծովէն և գետերուն ջուր կու տայ , ամէնքը կը խորշին առաքինութենէ իբրև

թշնամիէ՝ իբրև օձէ , կամ տեղոյն զժբախտութենէն և կամ վատ սովորութենէն՝ որ զանոնք կը զրդէ : Անոր համար այն անբախտ հովիտին բնակիչները այնպէս փոխած են իրենց բնութիւնը , որ կարծել կուտան թէ Կիրիէն ³ զիրենք սնուցած ըլլայ :

Ազտեղի խոզերուն ⁴ մէջ՝ աւելի արժանի կաղիններու՝ քան մարդոց գործածութեան համար պատրաստուած կերակուրի , կը սկսի ան նախ իր ընթացքը չբաւոր ջրով : Կը գտնէ յետոյ , վար իջնելով , իրենց զօրութենէն աւելի կաղկանձող շուներու ⁵ , և արհամարհանքով ցուկը կ'ուրբէ անոնցմէ : Այսպէս կը շարունակէ կը վագէ զար վար , և որչափ աւելի կը զիրնայ անիծեալ ու զրժբախտ տաշտը , այնչափ աւելի շուները գայլ ⁶ եղած կը գտնէ : Իջնելով յետոյ մէկէ աւելի խոր վհերու մէջ , աղուեսները ⁷ կը գտնէ , այնչափ խորամանկութեամբ լի , որ ոչ մի նենգէ վախ չունին երբեք : Պիտի չլազրիմ խօսելէ , թէեւ ուրիշը մտիկ ընէ ինծի . և օգտակար պիտի ըլլայ ասոր յիշելը՝ ինչ որ ճշմարտախօս մարգարէական ոգի մը կը յայտնէ ինծի : Կը տեսնեմ որ թող ⁷ որ սրտով կ'ըլլայ այն գայլերուն՝ վայրենի գետին ափունքը , և ամէնքը

կը զարհուրեցընէ : Ողջ ողջ անոնց միտը կը ծախէ . յետոյ կը սպաննէ զանոնք, ինչպէս կը սպաննուի ծեր անասուն մը . շատերը կեանքէ կը զրկէ, ինքզինքն ալ բարի անունէ : Բոլորովին արիւնոտոգ կ'ելլէ մահահոտ անտառէն, և կը թողու զանի առանկ որ ասկէ հազար տարիէն չկարենայ անտառանալ առաջուան նման » :

Ինչպէս ի լուր աղագայ աղէտներու՝ կը խոսովի ունկնդրողին գէմքը, ս'ը կողմէն ալ վտանգը գայ խածնէ զանիկա, այսպէս ատաշ միւս հողին՝ որ ուշագիտ կեցեր մտիկ կ'ընէր՝ կը խոսվէր ու կը ախրէր, երբ հազիւ այն խօսքերուն խմաստն ըմբռնեց :

Մէկին խօսքերը և միւսին գէմքը հետաքրքրեցին զիս իրենց անունը գիտնալու, ուստի աղերսարկու հարցում մը ըրի : Որուն վրայ՝ այն ողին՝ որ արդէն հետս խօսած էր՝ վերսկսաւ :

— Դուն կ'ուզես որ ես գիշանիմ ընելու ինչ որ դուն չես ուզեր ընել ինձի . բայց ուշտ պիտի չըլլամ խօսքերուս մէջ, քանի որ Աստուած կ'ուզէ որ քու մէջդ այլչափ շնորհք ճառագայթէ : Գիտցիր ուրեմն որ ես կուիտոյ Տուքայեանն եմ : Արիւնս անանկ կ'եռար նախանձով, որ եթէ մէկը ուրախ

տեսնէի, պիտի տեսնէիր զիս բոլոր կապուած ցած : Այն սերմէն այս յարգն է որ կը քաղեմ : Ո՛վ մարդիկ, ինչպէս այնպիսի բաներու կը ցանկաք որոնց չէք կրնար բաժանորդ ըլլալ : Աս՝ Ռինիէրն է, պարծանքն ու պատիւը Գալպուլիի տանը, որուն մէջ ոչ ոք յետոյ ժառանգ գտնուեցաւ անոր քաջութեանը . և միայն իր արիւնը չէ որ մերկ կողոպուտ մնացած է Բոյի, լերան, ծովուն և Հոնոսի⁸ միջեւ, հողոյ և մարմնոյ բարեքներէն . վասն զի բոլոր այս սահմանները լի են թունաւոր ոստերով, զորս որչափ ալ մշակեն պիտի չկարենան արմատախիլ ընել :

Ո՛ւր են բարի Լիցիոն և Արրիկոյ Մանարտին, Բիէր Դրաւերսարոն և Գարբենեացի կուխան⁹ : Ո՛վ խորթացած ումանեացիներ . երբ պիտի Պոլոնեայի մէջ Ֆապրոյ մը ծնի . երբ Ֆայէնցայի մէջ Ֆոսկոյեան Պեռնարդինոյ մը, աննշան խոտէ ազնիւ շառաւիղ : Մի՛ զարմանար, տոսկանդ, եթէ կու լամ երբ կը յիշեմ կուիտոյ տա Բրադայի հետ՝ Ուկոլին ա՛՛Ածծոն՝ որ մեզի հետ ապրեցաւ, Ֆետերիքոյ Գիկնոզոն և իր ազգատոհմը, Դրաւերսարա ընտանիքը, Անաստաճինները . երկու տոհմերն ալ մարած են անժառանգ . մի զարմանար եթէ կու լամ, երբ կը յիշեմ

տիկիններն ու ասպետները, յոգնութիւններն ու հանգիստները, որոնք մեզի սէր ու քաղաքավարութիւն կը ներշնչէին . հոն ուր սրտերը հիմայ այնքան շարացած են : Ո՛վ Պրէզդիւնորոյ, ինչո՞ւ չես անհետանար, ինչպէս փախաւ գնաց ընտանիքդ և ուրիշ շատեր յանցաւոր չըլլալու համար : Լաւ կ'ընէ Պանեագաւալ որ զաւակ չի ծնիր . գէշ կ'ընէ Գասղոզարոն և շարագոյն Գոնիոն, որ չեն գաղբիր այգպիսի կոմներ ունենալէ : Աղէկ պիտի ըլլան Բականինները երբ իրենց սատանան¹⁰ մեռնի . բայց իրենց համբաւը երբեք ամբիժ պիտի չմնայ : Ո՛վ Ուկոլին Ֆանգոլինեան, քու անուոնդ ապահով է , վասն զի չի սպասուիր մէկը որ՝ այլասերելով՝ զայն ի մութ թաթաւէ : Բայց ալ գնա այսուհետեւ, սոսկանդ, վասն զի աւելի հաճոյք կը զգամ լալու քան խօսելու, երկրիս յիշատակը աշնչափ սիրտս սեղմեց) :

Մենք գիտէինք որ այն սիրելի հոգիները կ'իմանային մեր ոտքերուն դրնդիւնը, որով և իրենց լուծեամբը մեր ճամբուն վրայ գմեղ կը վստահացնէին : Յետոյ երբ առաջ անցնելով մինակ մնացինք, օղահերձ փայլակի մը պէս , ձայն մը եկաւ դիմացէն որ կ'ըսէր, « Սպաննէ պիտի զիս ով որ ինձի

հանդիպի¹¹ » . ու փախաւ՝ նման որոտումին որ կը նուազի երբ յանկարծ ամպը կը պատօի :

Հազիւ դադրած էինք զայն լսելէ, ահաւասիկ ուրիշ մը անանկ մեծ ճարճատիւնով, որ նմանեցաւ որոտումի մը՝ որ անմիջապէս փայլակին կը յաջորդէ :

— Ես Ագլաւրան¹² եմ՝ որ քար վարձայ :

Այն ատեն առաջ երթալու տեղ ես վարձայ առաջնորդիս կպելու համար : Օգը ամէն կողմէ հանգարտ էր արգէն , և ան ըսաւ ինձի . « Այն ձայները կարծրապիւղ սանձն են՝ որոնք պէտք է մարդերը իրենց չափին մէջ պահեն : Բայց դուք այնպէս կը հրապուրուիք, որ հին ոտիսին կարթը ձեզ իրեն կը քաշէ, որով ոչ սանձ և ոչ հրաւէր բանի չեն ի գար : Երկինքը ձեզ կը կանչէ և ձեր շուրջը կը զառնայ փայլատակելով ձեր աչքին՝ իր անեղծական գեղեցկութիւնները, և սակայն ձեր աչքը դէպ ի երկիր միայն կը պշուու . որով ամենատեսը ձեզ կը պատօէ » :

9. Ասոնք և յետոյ յիշուածները մեծանձն և առա-
տաձեռն մարդիկ են Ռոմանիոյ:

10. Հայրերնին, չարութեանը համար այդպէս կո-
չուած:

11. Կայենի խօսքերն են:

12. Աթէնքի Էրէտէոս թագաւորին դուստրը, որ
նախանձելով իր Էրսէ բրոջը՝ վասն զի սիրուած էր
Հերմեսէն, սոյն աստուածէն քարի փոխուեցաւ:

Ծ Ա Ն Օ Թ Ո Ի Թ Ի Ի Ն

1. Առնոսը, որ կը բղխի Ապեննինեանց Ֆալգերո-
նա կոչուած մասէն:

2. Ակէն մինչեւ թափած տեղը՝ ծովը՝ մարդիկ ա-
ռաքինութենէ կը խորշին: — Լեւ՝ Ապեննին. — Բէլո-
րոյ. այսօր գլուխ փարոսի կը կոչուի. Սիկիլիոյ ծայ-
րը՝ Գալաբրիոյ դիմաց:

3. Ըստ առասպելին՝ Կիրկէ մարդերը խող կը դար-
ձընէր ու իր բնական կղզին կ'արածէր զանոնք:

4. Գաղենդիները:


5. Արեախները:

6. Փլորենտացիները:

6. Բելգացիք:

7. Կուխոյ տէլ Տուքա տա Պէրդինորոն է որ խօս-
քը առաջ կը տանի Ռինիէրի հետ. և հոս Ռինիէրիի
Ֆուլչիէրի թոռան համար կ'ըսէ, որ 1302ին կաշա-
ռուելով Սեւերէն, ճերմակները բանտարկեց և սպան-
նեց շատերը անոնցմէ:

8. Փոքրիկ գետ՝ Պուրնեայի մօտ, որ Բոյ գետը կը
թափի:



Ժ Ե Ե Ր Գ

Որչափ միջոց որ պէտք է այն գունտին՝¹ որ կը կայտոէ միշտ սողու նման, հասնելու համար երրորդ ժամէն մինչեւ օրուան սկիզբը, այնչափ կարծես ճամբայ ունէր արեւը իրիկուան հասնելու համար² . հոն իրիկնամուտ էր, հոս՝ կէս զիշեր³ : Եւ ճառագայթները ճիշդ մեր քթին կը զարնէին, վասն զի լերան շուրջը դարձած էինք⁴, ու շիտակ դէպ ի արեւմուտք կ'երթայինք : Եւ ահա զգացի որ ճակատս կը ծանրանար առաջուրնէ շատ աւելի մեծ պայծառութեամբ մը . ու արիշեցայ մնացի պատճառը չգիտնալուս . ուստի ձեռքերս տարի վեր աչքերուս վրան ու արեւնոց մը ձեւացուցի, մեղմացնելու համար լոյսին յորդութիւնը : Ինչպէս երբոր

Չուրէն կամ հայելիէն հանդիպակաց կողմը
կը ցայտէ ցուրը՝ ելլելով վեր այնպէս՝ ինչ-
պէս իջեր էր⁵, ու կը հեռանայ հաւասար
միջոցով այն գծէն՝ զոր կը գծէ քարը որ
կ'իյնայ, ինչպէս որ կը ցուցնէ փորձառու-
թիւնն ու արուեստը⁶. այսպէս⁷ երեցաւ
ինծի՝ որ հոն առջեւ ցուցուած լոյսէ մը
զարնուած էի. որով և փութով աչքերս խոր-
շեցան նայելէ:

— Ի՞նչ բան է այն, քաղցրիկ հայր,
որմէ չեմ կրնար աչքս պաշտպանել ըստ
բաւականի, ըսի ես, և կ'երեւայ որ զէպ ի
մեզ կու գայ:

— Մի՛ զարմանար, եթէ տակաւին կը
շլացնէ քեզ երկնքի ընտանիքը, պատաս-
խանեց ինծի. պատգամաբեր մըն է որ կու
գայ հրաւիրելու որ վեր կ'լինք. քիչ ա-
տենէն ոչ միայն առանց նեղութեան պիտի
տեսնես այն բաները, այլ և հաճոյքով, որ-
չափ որ կրնայ բնութիւնը զգալ տալ քեզի:

Երբ օրհնեալ Հրեշտակին հասանք, ըստ
զուարթ ձայնով. « Մտէ՛ք ասկէ, ահա սան-
դուզ մը նուազ զառիկեր՝ քան միսնները »:

Սրբէն՝ մեկնած այն տեղէն՝ կ'ելլէինք վեր,
երբ մեր ետեւը երգուեցաւ. Երաւի ողոր-
մածաց. և, « Վայելէ՛, ով յաղթող⁸ »:

Վարժապետս ու ես՝ երկուքնիս մինակ վեր
կ'ելլէինք. և ես հետ երթալով, կը մտածէի
օգուտ քաղել իր խօսքերէն. և իրեն զարձայ
ու այսպէս հարցուցի.

— Ի՞նչ ուզեց ըսել Ռոմանեացի ողին⁹,
բաժակորդ չէք կրնար շրջալ ըսելով:

Եւ ան ինծի. « Իր մեծագոյն ախտին¹⁰
վնասը կը ճանչնայ. ուստի և զարմանք չէ,
երբ ձեզ կը յանդիմանէ, որպէս զի քիչ մե-
ղանչէք անով: Որովհետեւ ձեր իղձերը կը
զիմեն այն բարիքներուն՝ որոնց վայելումը
կը զեղչուի ուրիշներու ընկերակցութեամբ,
նախանձը կը շարժէ ձեր հառաչներուն փուք-
քը: Բայց եթէ վեհագոյն պարունակին սէրը
զէպ ի վեր ձգէր ձեր իղձը, կուրծքերնուզ
մէջ պիտի չըլլար այն վախը. վասն զի սր-
չափ աւելի ըլլան հոն մերն ըսողները, այն-
չափ աւելի բարիքներու ժառանգ կ'ըլլայ
խրաբանչիւրն առանձին, և այնչափ աւելի
սէր կը բորբոքի այն օթարանին մէջ:

— Ես աւելի նուազ գոհ եմ, ըսի, քան
թէ առաջուց լուռ մնացած չըլլայի, և աւելի
կը շատնան տարակոյսները մտքիս մէջ:
Ի՞նչպէս կարելի է որ շատերու բաժնուած
բարիք մը աւելի հարուստ ընէ զանոնք՝ քան
եթէ քիչերու բաժնուած ըլլար:

Եւ ան ինծի . « Քանի որ միաբլ լոկ
երկրաւոր բաներու վրայ կը սեւեռես, հարկ
է որ ճշմարիտ լոյսէն խաւար դուրս հանես :
Այն անհուն և անճառելի բարին՝ որ կայ
հոն վերը՝ այնպէս գէպ ի սէր կը ձգուի, ինչ-
պէս նշոյլը կու գայ գէպ ի պայծառ մարմին
մը . այնչափ աւելի կը տրուի, որչափ աւելի
եռանդ կը գտնէ . այնպէս որ՝ որչափ աւելի
տարածուն ըլլայ սէրը, այնչափ աւելի կ'աճի
անոր վրայ յաւերժական զօրութիւնը . և որ-
չափ աւելի զիրար սիրեն մարդիկ հոն
վերը, այնչափ աւելի կը արուի սիրել, և
այնչափ աւելի կը սիրուի հոն, և հայելիի
պէս մէկը միւսին կ'անդրադարձընէ : Եւ եթէ
իմ պատճառաբանութիւնս քեզ չի գոհա-
ցըներ, պիտի տեսնես Երանուհին, որ պիտի
պարզէ լիով այս տարակոյսը, ինչպէս և
միւսները . ջանա՛ ուրեմն որ շուտով ջնջուին՝
ինչպէս եղան երկուքը՝ միւս հինգ վերքերը,
որոնք զղջումով է որ կը գոցուին » :

Երբ ըսելու վրայ էի թէ « Դու զիս կը
գոհացընես », ինքզինքս միւս պարունակը
հասած գտայ, այնպէս որ թափառոտ աչ-
քերս բերանս կզպեցին¹¹ : Հոն թուեցաւ
ինծի որ յանկարծակի հիացական տեսիլք
մը յափշտակեց զիս, ու տեսայ տաճարի մը

մէջ շատ անձեր, և կին մը՝ մտնելու վրայ՝
մայրենի քաղցր կեցեալքով մը կ'ըսէր .
« Որդեակ իմ, ինչո՞ւ մեզի այսպէս ըրիր .
ահա, սրտ'իբերան, հայրդ ու ես քեզ կը
փնտուէինք¹² » : Եւ երբ ան լուեց, առաջին
տեսիլքը անբեւեոյթ եղաւ :

Յետոյ ուրիշ մը՝ այտերն ի վար այն ար-
ցունքներով՝ զոր կը քամէ ցաւը՝ ուրիշի մը
գէմ սաստիկ բարկանալուն, և կ'ըսէր .

— Եթէ տէրն ես դուն այն քաղաքին¹³,
որուն անունին վրայ այնքան մէճ ունեցան
աստուածներն իրենց մէջ, և անկէ է որ
ամէն գիտութիւն կը ծաւալի, վրէժդ առ այն
ժպիրհ բազուկներէն՝ որոնք մեր գուտարը
զրկեցին, ո՞վ Պիսիսարատ » . և կ'երեւար
ինծի որ տէրը կը պատասխանէր քաղցրու-
թեամբ և հեղութեամբ, հանդարտ գէմքով
մը .

— Ի՞նչ պիտի ընենք անոր՝ որ մեր չա-
րիքը ուզէ, եթէ մեզ սիրողը դատապար-
տենք » :

Յետոյ տեսայ մարդեր՝ բարկութեան կրա-
կով բոցավառ, որոնք կը սպաննէին հրի-
տասարդ¹⁴ մը քարերով, պոռալով ուժգին
իրարու . « Կպցո՛ւ, կպցո՛ւ » . և կը տեսնէի
զանիկա որ կը հակէր՝ մահէն ծանրացած՝

զէս ի գետին, բայց աչքերը բաց միշտ և երկինք ուղղուած, և անքան տանջանքնե-
րու մէջ՝ կ'ազօթէր Աստուծոյ որ ներէ իր
հալածիչներուն, այնպիսի զէմքով մը՝ որ
գութ կը կորզէ (սրտերէն):

Երբոր հոգիս դարձաւ¹⁵ այն բաներուն
որոնք իրմէ գուրս են և գոյութիւն ունին,
հասկըցայ որ տեսածներս երազ էին, բայց
ոչ սուտ: Առաջնորդս, որ կը տեսնէր զիս
այնպէս ինչպէս կ'ընէ քունէն նոր արթնցող
մը, ըսաւ.

— Ի՞նչ ունիս, որ չես կրնար ինքզինքդ
բռնել. կէս փարսախէն աւելի է որ քաշեցիր
աչքերդ փակ ու գեղեկօտ սրունքներով,
նման մէկու մը՝ զոր գինին կամ քունը կը
ծոմսկէ:

— Ո՛վ քաղցր հայր իմ, եթէ ինծի մտիկ
ընես, կ'ըսեմ քեզի, ըսի ես, ինչ որ ինծի
երեւցաւ, երբ սրունքներս կ'թոսեցան »:

Եւ ան. « Եթէ գուն հարիւր զիմակ ալ
ունենայիր զէմքիդ վրայ, քու մտածութիւն-
ներդ ծածուկ պիտի չմնային ինծմէ, նաև
ամենէն փոքրիկներն անգամ: Տեսար գուն
այն բաները, որպէս զի առանց չքմեղանքի
բանաս սիրտդ խաղաղութեան ջրերուն՝ ու-
րոնք կը թղթին յաւիտենական ազրիւրէն:

Չհարցուցի թէ « Ի՞նչ ունիս », ինչպէս պի-
տի հարցընէր ան որ կը նայի միայն աչքով,
որ՝ չի տեսներ՝ երբ մարմինը զիակ մըն է
անկենդան: Բայց հարցուցի՝ ոտքերուդ կօ-
րով տալու համար. այսպէս է որ պէտք է
մտրակենք ծոյլերը, դանդաղները՝ որպէս զի
բանի բերեն իրենց արթնութիւնը՝ անոր
գառնալուն »:

Կ'երթայինք իրիկնամուտին, նայելով այն-
չափ հեռուն որչափ կը հասնէր աչքը՝ մայ-
րամուտի շրացուցիչ ճաճանչներուն գէմ: Եւ
ահա քիչ քիչ սկսաւ ծուխ մը գալ զէս ի
մեզ, խաւարչուտ՝ նման գիշերուան, և չկար
տեղ մը՝ որ մեզ պաշտպանէր անկէ: Ան
կորզեց մեզմէ մեր աչքերն ու մաքուր օդը:

Ծ Ա Ն Օ Թ Ո Ի Թ Ի Ի Ն Ք

1. Երկնային գոշնտը: — Կը կայտռէ, այսինքն միշտ շարժման մէջ է՝ նման տղու, վասն զի ան ալ (պտղութեան գրութեան համեմատ) երբեք չի կենար, և միշտ կը շարժի շուրջ:

2. Այսինքն է 45 աստիճան, վասն զի արեւը ժամու մը մէջ 15 աստիճան կը քալէ:

3. Հոն Քաւարանին մէջ իրիկնադէմ էր, կէսօրէն երեք ժամ ետքը. Սիոն լեռը՝ որ հակոտնեայ է անոր, կէս գիշերէն երեք ժամ ետք. և հոս խալիկոյ մէջ (զոր Քերթոզը կը դնէ 45 աստիճանին վրայ դէպ ի արեւմուտք Պաղեստինի) կէս գիշեր էր:

4. Առաջ որ՝ երբ դեռ չէին դարձած լերան շուրջը ճառագայթները ուսերնուն վրայ կ'իյնային. հիմա դարձած ըլլալով լերան շուրջը, և որովհետեւ դէպ ի արեւմուտք կ'երթային, ճաճանչները ուղղակի իրենց գէմքին մէջ տեղը կը զարնեն:

5. Այսինքն է՝ կազմելով ցուացման անկիւնը՝ հաւասար անկման անկիւնին: — Ինկոզ քարին գծածը՝ ուղղաճաշեացն է:

6. Եւկլիդէս ցուցուցած էր արդէն լուսոյ ցուացման օրէնքը:

7. Ձեռքը աչքին վրայ դրած ըլլալուն՝ Հրեշտակէն եկած ճառագայթները ուղղակի աչքին չեն զարներ, այլ գետին. գետնէն ալ՝ Տանդէին:

8. Հմտո. Յայտ. Բ. 7. «Որ յաղթէն տաց նմա ուտել ի փայտէն կենաց »:

9. Կուխոյ տէլ Տուքան է, տես նախընթաց երգը:

10. Նախանձին:

11. Ալ խօսիլը մոռցայ, նոր բաներ տեսնելու փափաքով:

12. Աւետարանի խօսքերն են. Ղուկ. Բ. 41.

13. Աթէնքի. որուն անուն մը դնելու համար կուրծագեցաւ Պոսիդոնի և Աթենասի միջեւ: Խօսողը Աթէնքի իշխանին Պիսիտորատի կինն է. կաղաչէ ամուսնոյն որ վրէժ ինդրէ այն երիտասարդէն, որ սիրահարուելով իր դստեր, հրապարակաւ համբուրեր էր զանիկայ:

14. Ս. Ստեփանոս Նախավկայն:

15. Երբոր հոգիս՝ որ յափշտակուած էր՝ զարձաւ զգայարաններուս իշխանութեանը տակ՝ ընդունելու ազգեցութիւնը արտաքին իրաց, որոնք իրազէս կան, իմացայ որ տեսած բաներս երազ էին, բայց ոչ ցնորական, վասն զի կը համապատասխանէին այնպիսի գէպքերու՝ զորս կը պատմէ պատմութիւնը:

Աղջամնւոյն զժողովին և աստեղագուրի
 գիշերուան մը՝ անձուկ երկնքի մը տակ,
 խաւարչուա բոլորովին թղփայտող ամպերով,
 չձգեց գէմքիս վրայ բօղ մը այնքան թանձր
 և այնքան խայթող թեւերով, ինչպէս այն
 ծուխը՝ որ զմեզ պատեց համակեց հոն,
 այնպէս որ աչքը չկրցաւ այլ եւս բաց մնալ.
 ուստի և իմաստուն և հաւատարիմ առաջ-
 նորդս ինձի մօտեցաւ և ուսը ինձի շնորհեց:
 Նման կայրին որ իր առաջնորդին ետեւէն կ'եր-
 թայ՝ որպէս զի չմոլորի, և չզարնուի բանի
 մը որ զինքը ցաւցընէ կամ գուցէ մեղցընէ,
 կ'երթայի ես դառն ու զազիր օդին մէջէ,
 ունկնդրելով առաջնորդիս որ կ'ըսէր միայն.
 « Նայէ՛, չըլլայ թէ ինձմէ զատուիս »:

Չայներ կը լսէի, և իւրաքանչիւրը կարծես խաղաղութիւն և ողորմութիւն կը խնդրէր Սասունոյ Գառնէն՝ որ մեղքերը կը բաճնայ: Իրենց նախաբանը Գառն Աստուծոյ էր միշտ. ամէնքը միաշունչ միաբան մի և նոյն բանը կ'ըսէին:

— Հոգի՞ են անոնք՝ զորս կը լսեմ » ըսի ես: Եւ ան ինծի. « Ճիշդ է ըսածդ, և ցասման կապը՝ կը քակեն »:

— Արդ զոնն ո՞վ ես, որ մեր ծուխը կը ճեղքես, ու մեր վրայ ալ կը խօսիս, իբրև թէ ժամանակը բաժնէիր կազանդներով՞:

Այսպէս ըսաւ ձայն մը. որուն վրայ ըսաւ վարժապետս. « Պատասխան տուր, և հարցուր թէ ասկէց վեր կ'ելլուի՞ »: Եւ ես. « Ո՞վ արարած, որ կը մաքրես ինքզինքդ՝ որ գեղեցիկ երեսաս Արարչից, զարմանալի բաներ պիտի լսես, եթէ ինծի հետեւիս »:

— Պիտի հետեւիմ որչափ որ թոյլ արուած է ինծի, պատասխանեց, և թէև ծուխը չի թողուր որ զիրար տեսնենք, անոր տեղ լսելը մեզ իրարու մօտ պիտի բռնէ:

Այն ատեն սկսայ. « Այն պատանքով՝ զոր մահը կը լուծէ՝ վեր կ'երթամ ես. և եկայ հոս գժոխային տանջանքներուն մէջէ. և քանի որ Աստուած այնչափ շրջապատեր

է զիս շնորհներով, որ կ'ուզէ որ իր արքունիքը տեսնեմ՝ արդի կերպէն բողբոլին տարբեր եղանակով մը, մի ծածկեր ինծմէ, ո՞վ էիր մահուրնէ առաջ. բայց ըսէ զայն ինծի, և ըսէ նաեւ թէ լա՛ւ կ'երթամ դէպ ի անցքը. և քու խօսքերդ մեր առաջնորդը պիտի ըլլան »:

— Լուպարտացի էի, Մարկոս կոչուեցայ³. աշխարհը ճանչցայ, և սիրեցի այն առաքինութիւնը՝ որուն վրայ ոչ ոք կը նայի հիմայ: Վերեւքդ ուզիդ է »:

Այսպէս պատասխանեց և յարեց. « Կ'աղաչեմ քեզի որ երբ վերը ըլլաս՝ աղօթես ինծի համար »: Եւ ես անոր. « Կը խօստանամ ինդիքդ կատարելու. բայց ես կը ճաթիմ տարակոյսէ մը՝ զոր ունիմ ներսս՝ եթէ զայն չլուծեմ: Առաջ մէկ կը տարակուսէի, հիմայ երկու՝ քու խօսքերուդ համար, որոնք կը հաստատեն՝ հոս և ուրիշ տեղ լսածներս՝ երբ կը բազդատեմ իրարու: Աշխարհը այսպէս անապատ է բողբոլին ամէն առաքինութիւնէ, ինչպէս կ'ըսես զոնն ինծի, և յղի և ծածկուած չարութեամբ: Բայց կ'աղաչեմ, ցուցուր ինծի պատճառը, այնպէս որ տեսնեմ ես և ուրիշներուն ալ ցուցնեմ, վասն զի մէկը երկինքը կը ցնէ զայն. մէկն ալ հոս վարը »:

Նախ ցաւագին խոր հատաչ մը արձըկեց. և յետոյ սկսաւ. « Եղբայր, աշխարհը կոյր է. և դուն իրաւցընէ՛ անկէ կու գաս ⁴ : Գուք որ կ'ապրիք, ամէն բանի պատճառ երկինքը կը բռնէք, իբրև թէ ամէն բան ան ի հարկէ իր հետը դարձընէր : Եթէ այսպէս ըլլար, ձեր մէջը ջնջուած պիտի ըլլար ազատ կամքը, և իրաւացի պիտի չըլլար բարին համար ուրախանալ, և չարին համար ողբալ : Երկինքը ձեր շարժումներուն մղում կու տայ, չեմ՝ բսեր ամենուն. բայց, գննք թէ այնպէս ըսած ըլլայի, լոյս տրուած է ձեզի որ չարն ու բարին որոշէք, և անձնիշխան կամք, որ, եթէ նեղութիւն ալ քաշէ քիչ մը՝ երկնքի հետ մղած առաջին պատերձգմաներուն մէջ, յետոյ ամէն բանի կը յաղթէ՝ եթէ լաւ սնուցուի : Թէև ազատ՝ բայց հպատակ էք դուք մեծագոյն զօրութեան մը և լաւագոյն բնութեան մը . և ան կը ստեղծէ ձեր մէջ միտքը, որուն վրայ չ'իշխեր երկինքը : Սակայն, եթէ ներկայ աշխարհը կը շեղի, պատճառը ձեր մէջն է, ձեր մէջը փնտնեցէք, և ես պիտի ցուցնեմ՝ քեզի յստակօրէն :

Միամիտ հողին, որ ոչինչ գիտէ բայց միայն՝ զուարթ հաստչէն բաժնուած ըլլալուն համար՝ յօժարութեամբ կը դառնայ անոր՝

որ զինքը կը զուարթացնէ — կ'ելլէ ձեռքէն Աստուծոյ, որ հաճութեամբ կը նայի անոր վրայ՝ ⁵ զեռ շտեղծուած. նման փոքրիկ աղջկան մը, որ հետ կու լայ և հետ կը խնդայ խաղալով և ցատկելով : Համ կը զգայնախ փոքրիկ բարեքէ մը. հոն կը խաբուի, և անոր ետեւէն կը վազէ, եթէ առաջնորդ մը կամ սանձ մը չգարձնէ իր սէրը : Որով հարկ եղաւ օրէնքներ գնել իբրև սանձ, հարկ եղաւ թագաւոր ունենալ, որոշելու համար գոնէ աշտարակը ճշմարիտ քաղաքին : Օրէնքները կան, բայց ո՞վ պահել կու տայ զանոնք : Ոչ ոք, վասն զի հովիւը որ կ'առաջնորդէ՝ կըրնայ որոճալ, բայց կճղակաբաշխ չէ ⁶ : Ուստի և ամբօխը տեսնելով որ իր առաջնորդը կը դիմէ միայն այն բարեքին, որուն ծաբաւի է ինքը, անո՞վ կը սնանի, և ուրիշ բան չի խնդրեր : Լաւ կրնաս տեսնել որ ապիւրատ առաջնորդութիւնն է պատճառը աշխարհի յանցաւորութեան, և ոչ թէ բնութիւնը որ ապականուած ըլլայ ձեր մէջ : Հոովմ՝ որ աշխարհը բարեզարդեց, ունէր երկու Արև, որոնք կը ցուցնէին թէ՛ մէկ և թէ՛ միւս ճանապարհը, աշխարհի և Աստուծոյ : Մին ⁷ միւսը մարեց, և սուրը միացաւ հովուականին հետ. և մին միւսին հետ հարկ է որ

ստիպուած գէշ երթայ, վասն զի միացած
 ըլլալուն՝ մին միւսէն չի վախեր: Եթէ ինծի
 չես հաւատար, հասկին նայէ, վասն զի ա-
 մէն խոտ սերմէն կը ճանչցուի: Վերը այն
 երկրին մէջ՝ զոր կ'ոռոզեն Ատիճէ և Բոյ,
 կը գտնուէր սովորաբար քաջութիւն և մար-
 դասիրութիւն՝ Փետերիքոն կռիւր գեռ չսկսած:
 Արդ ապահովապէս կրնան անցնիլ այն սե-
 ղերէն ամէն անոնք՝ զորս ամօթը կը կասե-
 ցնէր բարիներուն հետ խօսակցելէ կամ ա-
 նոնց մօտենալէ: Երեք ծերեր կան գեռ, ու
 բոնց ձեռքով հին գարը նորը կը կշտամբէ,
 և որոնց կը թուի թէ Աստուած շատ կ'ու-
 շանայ՝ զիրենք լաւագոյն կենաց կոչելու.
 Գորրագոյ տա Բալազցոն, բարի Կերարտոն
 և Կուխոյ տա Գաստէլը, որ լաւ եւս կ'ա-
 նուանուի գաղղիներէն պարզամիտ Լոմպար-
 տացի: Ըսէ արդ ուրեմն որ Հոովմայ Եկե-
 ղեցին՝ շփոթելով իր մէջ երկու իշխանու-
 թիւնները, ցեխի մէջ կ'իյնայ և կ'աղտեղէ
 ինքզինքն ու իր բեռը »:

— Ո՛վ Մարկոս իմ, ըսի ես, լաւ կը
 պատճառաբանես, և արդ կը հասկնամ թէ
 ինչո՞ւ համար Ղեւիի որդիները մերժուեցան
 ժառանգութենէ. բայց ո՞ր Կերարտոն է այն
 սրուն համար կ'ըսես թէ մնացած է մեռած

ցեղէն իբր նմոյշ ի կշտամբութիւն վայրե-
 նի գարուն:

— Կամ կը խաբէ զիս քու խօսքդ, կամ
 կը փորձէ, պատասխանեց ինծի, վասն զի
 հետս տոսկաներէն խօսելով՝ կարծել կու տաս
 թէ ոչ ինչ գիտես բարի Կերարտոյին վրայով:
 Ուրիշ մականունով չեմ ճանչնար զանիկա,
 բայց միայն եթէ իր Կայա⁸ գուտորէն առ-
 նեմ. Աստուած հետդ ըլլայ, վասն զի ալ
 չեմ ի գար ձեզի հետ: Ահա նշոյլը կը ճա-
 ճանչէ ծուխին մէջէն՝ և հարկ է որ մեկնիմ
 ես՝ Հրեշտակը հոն է՝ գեռ անոր չերեցած »:
 Այսպէս խօսեցաւ, ու ալ չուզեց ըսել ինծի:

Ծ Ա Ն Օ Թ Ո Ի Թ Ի Խ Ն Ք

1. Որպէս զի երկինք թռչին:
2. Իբրև թէ ժամանակը բաժնէիր տարիներու, ամիսներու և օրերու, բաժանում մը՝ որ տեղի չունի յաւիտենականութեան մէջ:
3. Կը համարին թէ Վենետկեցի ազնուական մ'ըլլայ, քաջահմուտ մարդ, բայց շատ ցասկոտ, Լոմպարտոյ ձայնը իբրև իտալացի ընդունելով:
4. Այդ ողորմելի հարցումը ընելուդ համար:
5. Իր յաւիտենական գաղափարին մէջ:
6. Որոճալ — գիտնալ, կճղակաբաշխ — գործել. իմաստն է. Քահանայապետը կրնայ գիտուն ըլլալ Սուրբ գրոց, բայց չի գիտեր զանազանէն ժամանակաւորը՝ հոգեւորականէն:
7. Պապական իշխանութիւնը մարեց կայսերական իշխանութիւնը:
8. Ոմանք կը համարին նշանաւոր՝ իր գեղեցկութեամբ և պարկեշտութեամբ. ուրիշներ՝ իր գեղովն ու անպարկեշտութեամբ. Տանդէ վերջինիս կ'ազնարկէ կարծես հեզնօրէն:

Ժ Է Ե Ր Գ

Յիշէ՛, ս'իլ ընթերցող, եթէ երբեք Աւստինաց մէջ մշուշն զքեզ պատեց, և ուրիշ կերպ չէ որ կը նայէիր, այլ ինչպէս խլուրդն իր մորթին մէջէ՛ ¹. Ինչպէս երբ խոնաւ ու թանձր շողինքը կը սկսին փարատիլ, արեգական գունտը տկար կերպով կը թափանցէ անոնց մէջէ. և քու երեւակայութիւնդ պիտի կարենայ զիւրութեամբ նկարել, թէ ինչպէս ես տեսայ նախ արեգակը, որ արդէն մտնելու վրայ էր: Այսպէս հաւասարեցնելով քայլերս առաջնորդիս վստահ քայլերուն, ելայ դուրս այն ամպէն՝ ճաճանչներուն, որոնք արդէն մեռած էին ստորին ափունքներուն վրայ ²:

Ո՛վ զօրութիւն երեւակայութեան, որ այնպէս երբեմն զմեզ մեզմէ դուրս կը հանես,

որ չենք իմանար՝ թէ և շուրջներնս հազար փողեր ալ հնչեն: Ո՞վ է շարժիչդ, երբ ըզգայարանքները չեն օգներ քեզի: Շարժիչդ է այն լոյսը՝ որ երկնքին մէջ կը կազմուի ինքն իրեն³, և կամք մը հոս վար կը զրկէ:

Պատկերն ամսարշտութեան անոր՝⁴ որ փոխուեցաւ այն թռչունին որ երգել շատ կը սիրէ, երեւակայութեանս մէջ նկարուեցաւ. և միտքս այնպէս հոն ինք իր մէջ ամփոփուեցաւ, որ ոչ մի ազգեցութիւն չէր ընդունիր զուրսէն: Յետոյ ինկաւ վերացեալ երեւակայութեանս մէջ խաչելիալ⁵ մը, արհամարհոտ և գոռոզ դէմքով, և այն կերպով ալ կը մեռնէր. անոր շուրջ կը գտնուէր մեծն Արտաշէս, Եսթեր իր կինը և արդար Մուրդըքն, որ խօսքին ու գործին մէջ արդար եղաւ: Եւ երբ այս պատկերը ցնդեցաւ ինքն իրեն, ինչպէս պղպշակ մը, երբ ջուրը՝ որմէ ձեւացած է՝ կը ցնդի, տեսիլքիս մէջ օրիորդ⁶ մը ելաւ, որ ուժգնօրէն կու լար ու կ'ըսէր. « Ո՞վ⁷ թագուհի, ինչո՞ւ համար բարկութեամբ ինքզինքդ ուզեցիր ոչնչացընել: Ինքզինքդ սպաննեցիր Լաւինիան չկորսնցնելու համար⁸, արդ զիս կորսնցուցիր. ես ահա, մայր, ուրիշի մահէն առաջ՝ քու մահդ կ'ողբամ »:

Ինչպէս որ քունը կ'ընդհատուի, երբ նոր լոյս մը յանկարծակի կը զարնէ փակ աչքերուն, և որ՝ թէեւ ընդհատուած՝ դեռ կը տնտնայ՝ բոլորովին չփախած. այսպէս ալ իմ երազս ցնդեցաւ, երբ սովորականէն շատ աւելի մեծագոյն լոյս մը երեսիս զարկաւ: Կը դառնայի իմանալու համար թէ ո՞ւր էի, երբ ձայն մը ըսաւ. « Հոսկէ՛ կ'ելլցուի », ու միտքս ամէն մտածումէ հեռացուց. և այնպէս յօժարեցուց կամքս նայելու թէ ո՞վ էր խօսողը, որ պիտի չհանդէր մինչեւ որ չտեսնէր այն անձը: Բայց ինչպէս արեւը՝ որ մեր աչքը կը նեղէ և իր անհուն լուսովը իր դէմքը կը սքողէ, այսպէս իմ զօրութիւնս ալ կը պակսէր հոս:

— Աստուածային հոգին է, որ վերելքին ճամբան կը ցուցնէ մեզի առանց որ ազաչենք իրեն, և իր լուսովը ինքզինքը կը սքողէ: Կ'ընէ մեզի այնպէս ինչպէս մարդ ինք իրեն կ'ընէ. վասն զի մարդ տեսնելով պէտքը, կը սպասէ որ իրեն դիմեն, և չարութեամբ կը պատրաստուի ժխտել: Արդ, երթանք դէպ ի այն հրաւէրը. ջանանք ելլել դեռ չմթնած, վասն զի վերջը պիտի չկրնանք՝ մինչեւ որ չլուսնայ »:

Այսպէս ըսաւ առաջնորդս, և ես ու ինք

գարձուցինք ոտքերնիս զէպ ի սանդուխ մը. և երբ առաջին աստիճանին վրայ գրի ոտքս, կարծես թէ թեւի շարժում մը զգացի քովս⁹, որ զէմքս հովահրեց, և լսեցի որ կ'ըսուէր. « Երանի խաղաղարարաց, որոնք առանց չար բարկութեան են »:

Արդէն գիշերուան կարապետ վերջին ճառագայթները այնքան բարձրացած էին մեր վերեւը, որ աստղերը ամէն կողմէ կ'երևալին:

— Ո՛վ զօրութիւն իմ, ինչո՞ւ այդպէս կը ցնդիս, կ'ըսէի ինքնիրենս, վասն զի սրունքներուս զօրութիւնը զարթած կը զգայի: Հասած էինք հո՛ն ուր սանդուխը ալ վեր չ'ելլեր, և զամուսած մնացած էինք, նման նաւուն՝ որ ափունքը կը հասնի:

Քիչ մը ուշադիր մնացի՝ տեսնելու համար թէ պիտի լսէի՞ բան մը նոր պարունակին մէջ, յետոյ վարպետիս դարձայ ու ըսի.

— Քաղցր հայր իմ, ըսէ, ո՞ր մեղքը կը քաւուի հոս այս պարունակին մէջ: Եթէ մեր ոտքերը կանգ առին, քու խօսքերդ թող կանգ չառնեն:

Եւ ան ինձի. « Բարւոյն սէրը՝¹⁰ թափուր իր պարտքէն՝ հոս կ'ամբողջանայ. հոս կը

ծեծուի ուշ մնացած թիւն¹¹. բայց որպէս զի դեռ աւելի յայտնի իմանաս, միտքդ ինձի գարձուր, և մեր յապաղումէն բարի պտուղ պիտի քաղես: Ոչ արարիչ¹², և ոչ արարած, սկսաւ ան, որդեակ, եղաւ առանց սիրոյ, ըլլայ բնական, ըլլայ կենդանական. ու զիտես դու զայն: Բնականը միշտ՝ անսխալ է. բայց միւսը կրնայ սխալիլ, կամ նպատակին չարութենէն կամ եռանդին սակաւութենէն և կամ չափազանցութենէն:

Յորչափ ան առաջին¹³ բարեքներուն կը ձկտի, և երկրորդներուն մէջ ինքզինքը կը չափաւորէ, չի կրնար պատճառ ըլլալ անկարգ իղձերու: Բայց երբ չարին կը դառնայ, և կամ չափազանց և կամ չափէն աւելի նուազ խնամքով՝ զէպ ի բարին¹⁴ կ'ընթանայ, Հաստչին զէմ հաստուածը կը գործածէ: Որով, կրնաս հասկնալ զիւրաւ թէ սէրը հարկ է որ ձեր մէջ սերմը ըլլայ ամէն առաքինութեան և ամէն գործի որ արժանի է պատժոյ: Արդ, որովհետեւ սէրը չի կրնար երբեք երես դարձնել իր ենթակային¹⁵ փրկութենէն, անձնական առելութենէ ապահով են իրերը: Եւ զի չէ կարելի իմանալ ոչ մի էակ որ անճատ ըլլայ առաջին էակէն, միանգամայն և ինքնակաց, կը հե-


տեւի որ ամէն իր բերումը հեռի ըլլայ զայն¹⁶
ատեղէ:

Կը մնայ, եթէ բաժանումիս մէջ չեմ սխա-
լիւր, որ չարը՝ զոր կը սիրէ՝ ընկերինն է¹⁷,
և այս սէրը երեք կերպով կը ծնի ձեր կաւին
մէջ: Կայ որ երբ ընկերը ճնշուի՝ բարձրա-
նալ կը յուսայ, և միայն ասոր համար կը
փափաքի որ ան իր մեծութենէն իյնայ: Կայ
որ կը վախնայ կարողութիւն, շնորհ, պա-
տիւ ու համբաւ կորսնցնել՝ ուրիշներուն
բարձրանալովը, ու այնչափ կը տիրի, որ
հակառակը¹⁸ կը սիրէ. և կայ որ նախատինքի
մը համար այնպէս կը բարկանայ, որ վրէժ-
խնդրութիւն կը ծարուի, և ուրիշին չարը
կը փափաքի: Այս եռազգի սէրը հոս վարը
կը քաւուի: Արդ կ'ուզեմ որ միւսը իմա-
նաս, զայն՝ որ անկարգ կարգով դէպ ի բարին
կ'ընթանայ:

Ամէն ոք խառնաշփոթ կերպով կ'երեւայի
բարիք մը՝ որուն մէջ կը հանդէհ հոգին, և
կը փափաքի. ուստի և ամէն ոք կը ջանայ
ձեռք ձգել զայն: Եթէ դանդաղ սէր մըն է
ձեզ քաշողը որ զայն տեսնէք կամ ձեռք
ձգէք, այս պարունակը՝ արդար զղջումէ մը
վերջ, կը պատժէ զձեզ:

Կայ ուրիշ բարիք¹⁹ ալ՝ որ մարդը երջա-

նիկ չ'ըներ. ան՝ երջանկութիւնը չէ, ան
բարի էութիւնը չէ, պտուղ և արմատ ամէն
բարեաց: Սէրը՝ որ չափազանց ետեւէն կ'ըլ-
լայ անոր, մեր վերեւը կը քաւուի երեք պա-
րունակներու մէջ. բայց թէ ինչ կերպով ե-
րեքի բաժնուած են՝ կը լռեմ, որպէս զի դուն
զայն քեզմէ փնտռես »:



Ծ Ա Ն Օ Թ Ո Ւ Թ Ի Ի Ն Ք

1. Հիները կը կարծէին որ իւրւորդին աչքը մաշկով մը ծածկուած ըլլայ:

2. Որչափ արեւը վար իջնէ, այնչափ ճառագայթները կը բարձրանան:

3. Երկինքներուն բնական ազդեցութեամբը. — կամք. աստուածային:

4. Պրոքնէ, որ սոխակի փոխուեցաւ. էր կին Տեւրեոսի և քոյր Փիլոմելայի (Քառ. Թ.) որ ամուսնէն իր ոխը հանելու համար, տղան յօշ յօշ պատուեց ու կերցուց անոր:

5. Համան:

6. Լաւինիա. դուստր Լատինոնի՝ Լատինոս թագաւորին և Ամատա թագուհւոյն. խօսեցեալ Հռուտուլեանց Տուռնոս թագաւորին, և յետոյ կին Էնիասայ. Հմմտ. Վիրգ. Էնիակ. ԺԲ:

7. Ամատա, մայր Լաւինիայի, որ ինքզինքը կախեց յուսահատ կատաղութենէն, կարծելով որ Տուռնոս սպաննուած ըլլայ Էնիասէն և Լաւինիա հարս երթայ Էնիասայ՝ փոխանակ Տուռնոսի:

8. Ինքզինքդ սպաննեցիր՝ չկորսնցնելու համար քու Լաւինիադ՝ որ հարս պիտի գացած ըլլար Էնիասին. բայց ինքզինքդ սպաննելով՝ զիս իրաւցընէ կորսնցուցիր. և ես ուրիշի — Տուռնոսի մահէն առաջ (վասն զի Ամատա ինքզինքը կախած էր արդէն՝ երբ Էնիաս Տուռնոսը սպաննեց) քեզ կ'ողբամ:

9. Հրեշտակը թեւի շարժումով մը կը ջնջէ անոր ճակատէն երրորդը եօթը Մեներէն, որ է բարկութեան մեղքը:

10. Բարւոյն սերը՝ զուրկ պարտուպատշաճ եռանդէն այսինքն՝ գաղջ, հոս կը լեցընէ իր թերին:

11. Այսինքն՝ հոս կը պատժուի ուշ մնացող թխավարը, որ է ըսել՝ այն որ ուշ մնաց բարեգործութեան մէջ:

12. Վասն զի Աստուած սեր է. — գիտես զայն՝ — փիլիսոփայութենէն:

13. Հոգեկան կամ երկնային:

14. Երկրաւոր:

15. Այն անձին՝ որուն մէջ կը գտնուի, կը հետեւի որ ոչ որ ինքզինքը կ'ատէ:

16. ԶԱստուած: — Մարդ չի կրնար ատել զԱստուած՝ իր պատճառը. կրնայ ըսել թէ չկայ ու հայհոյել, բայց ատել չի կրնար իբրև Աստուած:

17. Եթէ մարդ չի կրնար սիրել ոչ իր և ոչ Առաջին Էակին շարը, վասն զի չի կրնար ատել ո՛չ ինքզինքը և ոչ ալ իր արարիչը, կը մնայ որ շարը՝ զոր կը սիրէ ընկերինն ըլլայ, և որ երեք կերպով կը բաժնուի:

18. Անոր անկումը, կորանքը:

19. Երկնաւոր բարեքը:

Ժ Ը Ե Ր Գ

Վերջ գրած էր վեհագոյն վարժապետն
իր պատճառաբանութեանց , և ուշադրու-
թեամբ երեսս կը նայէր , թէ արդեօք
գոհ կ'երեւայի : Եւ ես՝ որ նոր ծարաւէ՛ մը
կը տոչորուէի տակաւին , գրսէն կը լռէի և ներ-
սէն կ'ըսէի . « Թեքեւս չափազանց հարցում-
ներս՝ զոր կ'ընեմ՝ ծանր գան իրեն » : Բայց
այն ճշմարիտ հայրը՝ նշմարելով զանգիտող
կամքը որ չէր բացուեր , խօսելով , խօսելու
համարձակութիւն տուաւ ինծի . ուստի ես .
« Վարպետ , աչքս այնպէս կը կենդանանայ
լուսովդ , որ ես յստակ կ'ըմբռնեմ ինչ որ
պատճառաբանութիւնդ կը պարունակէ կամ
կը նկարագրէ , բայց կ'աղաչեմ՝ քեզի , քաղցր
սիրելիէ հայր , որ ցուցնես ինծի այն սէրը՝

որուն կը վերագրեն ամէն բարի գործ ու անոր հակառակը² » :

— Ուղղէ՛, ըսաւ, գէպ ի ինձ իմացականութեան սուր լոյսերը, ու պիտի յայտնուի քեզի սխալը կոյրերուն՝ որոնք առաջնորդ կ'ըլլան : Հոգին՝ որ ստեղծուած է յօժար ի սիրել, կը միտի գէպ ի ամէն ինչ որ հաճոյական է, հազիւ թէ զրգուի հաճոյքէն : Չեր ըմբռնողական կարողութիւնը իրականէն կ'առնէ իր տպաւորութիւնը ու ձեր մէջը կը պարզէ զայն, այնպէս որ հոգին առ այն կը գարձընէ. և եթէ, գառնալով, առ այն հակի, այն հակումը սէր է, բնութիւնն է այն, որ հաճոյքին ձեռքով ձեր մէջը կը կապուի : Յետոյ, ինչպէս կրակը³ գէպ ի վեր կ'երթայ, իր բնութենէն որ հակամէտ է բարձրանալու հոն ուր աւելի կը տեսէ իր տարրին մէջ, այսպէս գերուած հոգին՝ կը յանձնուի փափաքին՝ որ հոգեկան շարժում մըն է, և բնաւ չի հանդէր մինչեւ որ չվայելէ սիրուած իրը : Արդ կրնաս իմանալ թէ որքան ծածկուած է ճշմարտութիւնը անոնցմէ՝ որոնք ամէն սէր յինքեան գովելի կը համարին . վասն զի կարելի է որ իր նիւթը բարի ըլլայ միշտ . բայց ամէն նշան լաւ չէ, թէպէտեւ մոմը⁴ ընտիր ըլլայ :

— Քու խօսքերդ և իմ հետամուտ միտքս, պատասխանեցի իրեն, սէրը պարզեցին ինծի . բայց ասով տարակոյսներս աւելի շատցան . վասն զի, եթէ սէրը զրոյն կը արուի մեզի ու հոգին չ'երթար ուրիշ ոտքով, ուղիղ ալ երթայ ծուռ ալ երթայ, արդիւնքը իրենը չէ՞ :

Եւ ան ինծի. « Կրնամ ըսել քեզի այնչափ որչափ բանը կը տեսնէ հոս . անկէ անդին, Երանուհիին սպասէ, վասն զի հաւատքի գործ է : Ո եւ է գոյացական ձեւ⁶ որ անջատ է նիւթէն և անոր հետ միացած, իր մէջը մասնաւոր զօրութիւն մը ունի, որ չի ձանձուցուիր առանց գործի և ոչ ալ կը ցուցուի առանց արդիւնքի, ինչպէս տունկին մէջ կեանքը՝ կանաչ տերեւներուն ձեռքով : Սակայն մարդ չի գիտեր թէ ուրկէ կու գայ նախնական ծանօթութեանց իմացականութիւնը, և ոչ ալ սէրը նախնական յօժարութեանց՝ որոնք ձեր մէջն են, ինչպէս մեղուին մէջ մեղր շինելու բնագոյումը . և այս առաջին յօժարութիւնը չ'արժանանար ոչ գովեստի և ոչ պարսաւի : Արդ, որպէսզի համաձայնի ասոր ուրիշ ամէն յօժարութիւն, ընդամին է ձեր մէջ կարողութիւնը՝ որ խորհուրդ կու տայ, և պէտք է հաւանութեան դրան պահապան ըլլայ :⁷ Այս կարգաւորիչ

բանն է սկիզբը՝ որմէ կը ծագի ձեր մէջ արժանիքի պատճառը, ըստ որում բանը՝ բարի և չար սէրերը կ'ընդունի և կը զատէ: Անոնք՝ որ պատճառաբանելով խորը գացին, նշմարեցին այս ընդաբոյս ազատութիւնը, ուստի աշխարհի՛ բարոյականը ձգեցին: Դընենք, ստեղծեալ, թէ ի հարկէ առաջ գայ ա՛մէն սէր որ ձեր մէջ կը բորբոքի, բայց զայն սանձելու կարողութիւնը ձեր մէջն է: Երանուհի այս ազնիւ կարողութիւնը անձն-իշխան կամք կը կոչէ, ուրեմն ջանա մտքիդ մէջ ունենալ զայն՝ երբ անոր վրայ խօսի քեզի »:

Լուսինը, ուշ՝ գրեթէ կէս գիշերուն ելած, աստղերը ցանցառ կ'երեւցընէր մեզի, ձեն առած հրաւառ մեծ դոյլի մը. և կը վազէր երկնքին դէմ՝ այն ճամբաներէն՝ զորս ա՛րեգակը կը բոցալառէ, երբոր հոռմայեցին անոր մուտքը Սարահնիոյ և Գորսիգայի միջև կը տեսնէ:

Եւ այն ազնուական Ստուերը, որուն պատճառաւ աւելի անուանի է Բիէզոլան՝ քան Մանտուա քաղաքը, ազատած էր ինք զինքն այն բռնէն՝ զոր ես վրան գրեմ էի. ուստի ես, որ հարցումներուս մասին պարզ և մեկին պատճառաբանութիւնն ընդունած էի, կեցած

էի նման մարդու մը՝ որ քնէած կը զառանցէ. բայց այս թմրութիւնս փարատեցին յանկարծակի մարդիկ, որոնք մեր ուսերուն ետեւէն՝ մեզի դարձած էին արդէն¹⁰: Եւ ինչպէս Խամենոյ և Ազոբոյ գիշեր ատեն տեսան երբեմն իրենց երկայնութեանը ամբոխ ու կատաղութիւն, որպէս զի Թեբացիք Բակքոսի օգնութիւնն ընդունէին¹¹, այսպէս տեսայ որ այն պարունակին մէջ՝ իր ընթացքը կը թեքէ՝ դէպ ի մեզ գալով՝ ամբոխն ա՛նոնց, զորս բարի կամքն ու արդար սէրը կը մտրակէ: Փութանակի հասան մեզի, վասն զի սրընթաց կը վազէր այն մեծ բազմութիւնը. և երկու առջեւիները կ'ազաղակէին լալով. «Մարիամ փութապէս լեռնակողմը վազեց»¹², և «Կեսար, Իլէրգան նուաճելու համար, խոցեց Մարսիլեան ու յետոյ Սպանիա վազեց»:

— Ծուռ, շուռ, ժամանակը չկորուրի քիչ սիրով, կը գոչէին ուրիշները անոնց ետեւէն. որպէս զի բարիք ընելու ջանքը կանաչընէ շնորհքը:

— Ո՛վ մարդիկ, որոնց մէջ եռանդուն սէր մը թերեւս կը փոխարինէ արդ այն անփութութեան և յապաղման զոր ունեցաք գաղջութեամբ բարիք ընելու մէջ, աս՝ որ

կ'ապրի, և ստուգիւ սուտ չեմ խօսիր ձեզի, կ'ուզէ վեր երթալ՝ հազիւ թէ արեւն զմեզ լուսաւորէ. ուստի ըսէք մեզի որ կողմէն մօտ է վերելքին ծակը:


Ասոնք առաջնորդիս խօսքերն եղան. և այն ստուերներէն մին ըսաւ.

— Եկուր մեր ետեւէն, և անցքը պիտի գտնես: Մենք այնչափ լի ենք քաշելու փափաքով, որ չենք կրնար կանգ առնել, սակայն ներէ՛ եթէ մեր պարտքը տմարու թիւն համարիս: Վերոնայի մէջ Ս. Չինոնի արքան եղայ, բարի¹³ Շիկամորուսին իշխանութեան տակ, որուն վրայ Միլան ցաւելով կը խօսի տակաւին¹⁴: Եւ մէկը սրուն մէկ ոտքը գերեզմանն է արդէն, պիտի արտասուէ փութով այն վանքին համար, և պիտի ցաւի որ անոր վրայ իշխանութիւն ունեցած է¹⁵: Վասն զի իր որդին, ամբողջ մարմնով պակասաւոր, և հոգևով աւելի գէշ և աղկորդի, զբաւ ճշմարիտ հովուին տեղը»:

Չեմ գիտեր թէ ուրիշ բան ըսաւ ան թէ լոնց. արդէն այնչափ հեռացած էր մեզմէ. բայց ասոնք լսեցի և ուզեցի միտքս պահել: Եւ ան որ ամէն պէտքիս օգնութիւնն էր, ըսաւ. « Ասդին դարձիր, տես ահա երկու հոգի կու գան, ծուլութիւնը կշտամբելով»:

Ամենուն ետեւէն կ'ըսէին. « Նախ մեռան մարդիկը՝ որոնց առջիւ ծովը բացուեցաւ, ու յետոյ տեսաւ Յորդանան իր ժառանգները ». և, « Ասոնք, որ չկրեցին տաղնապը մինչև վերջը Անքիսէսի որդւոյն հետ¹⁶, իրենք զիրենք անփառունակ կեանքի դատապարտեցին »:

Յետոյ, երբ այն ստուերները այնքան հեռացան մեզմէ, որ ալ տեսնել կարելի չէր, նոր մտածում ունեցայ, որմէ ուրիշներ ծնան անթիւ ու տարբեր, և այնքան մէկէն միւսը ցնորեցայ, որ աչքերս զոռանցանքէն գոցեցի, ու մտածումս երազի փոխեցի:



ԾԱՆՈԹՈՒԹԻՒՆՅՔ

1. Ծարաւ գիտութեան, նոր բաներ իմանալու:
2. Տես նախընթաց երգը:
3. Հիները չգիտնալով որ օրին ծանրութիւնը աւելի է քան բոցինը, կարծեցին որ կրակը բնականօրէն գիմէ իր գունտին, այսինքն է կրակի գունտին:
4. Թէեւ մտքը լաւ ըլլայ, կնիքը միշտ լաւ չէ, որով լաւ մտքն ալ կրնայ յոռի սպաւորութիւն մը ընդունիլ: Այսպէս, համարելով որ սերն ալ բարի ըլլայ ի կարողութեան, կրնայ բարի չըլլալ ի գործնականին:
5. Եթէ սերը կը ծնի արտաքին իրէ մը՝ որ գրուած է հոգւոյն առջեւը, և եթէ հոգին կը գործէ լոկ մշտմտով սիրոյ, որ զրդիչ պատճառն է իր ամէն գործերուն, ազատ չէ ան, և արժանի չէ ոչ պարզելի և ոչ ալ պատժի, եթէ բարի կամ շար գործէ:
6. Հոգեկան. այսինքն է հոգին:
7. Այսինքն է, կառավարէ կամքը, հաւանութիւն տալով կամ չտալով:
8. Փիլիսոփաները, որոնք հետազօտելով, քննելով իրաց իսկական բնութիւնը, գտան անձնիշխան ազա-

տութիւնը, տուին աշխարհի բարոյականի վարդապետութիւնները, ըստ որոց պէտք է կառավարուին մարդիկ:

9. Մանտուայի մօտ գիւղ մը ուր ծնած է Վերգիլ:

10. Լերան շրջանը կատարած ըլլալնուն համար:

11. Երկու գետեր Բէնովտիոյ, որոնց ափին երկայնքը Թեբացիք գիշեր ատեն կը հաւաքուէին և բոցավառ ջահերով և կանչելով Բահրուն իր զանազան անուններով, օգնութիւնը կը հայցէին:

12. Հմտ. Գռչ. Գլ. 39: Երագութեան երկու օրինակներ, մէկը սուրբ կուսին՝ որ «յարուցեալ . . . զնաց փութապէս ի Լեռնակողմն . . .»: Միւսը 3. կեսարու, որ Հռոմէն մեկնելով կայսակի արագութեամբ հասաւ Մարսիլիա, և զայն խոցելով, (պաշարելով և Բրուտոսին յանձնելով), սլացաւ դէպ ի Սպանիա ու նուաճեց: Մէկը հոգեւոր երագութեան օրինակ, միւսը՝ մարմնաւոր:

13. Հեգնօրէն:

14. Վասն զի աւերեցաւ անկէ 1162ին:

15. Կահնարկէ Ալպերդոյ անուն անձի մը, տէր Վերոնայի, Տեր, որ իր անհարազատ որդին խեղ հոգւով և մարմնով արբայ կարգեց Ս. Զենոնի վանքին:

16. Տրովացոց համար կ'ըսէ, որոնք Սիկիլիա մնացին Ագեստէսի հետ:

Ժ Թ Ե Ր Գ

— — —

Այն ժամուն երբ օրուան աաքութիւնը՝
յաղթուած երկրէն և երբեմն ալ Սատու-
նուսէն՝ ալ չի կրնար տաքցընել լուսնի ցըր-
տութիւնը. երբ երկրահմաները իրենց մե-
ծագոյն բախար՝ կը տեսնեն դէպ ի արեւելք՝
արշալուսէն առաջ՝ որ կ'ելլէ այն ճամբով
որ քիչ ատեն մութ կը մնայ. երազիս մէջ
երևցաւ ինծի թոթով էգ՞ մը, շիւ աչքերով,
ծուռ սոքերով, կրճատուած ձեռքերով ու
դեղին գոյնով: Իրեն կը նայէի. և, ինչպէս
արեւը կը կենդանացնէ ցօրս անդամները զօրս
գիշերը կ'ընդարմացնէ, այսպէս նայուածքս
անոր լեզուն կը քակէր, և յետոյ քիչ ա-
տենի մէջ կ'ուզէր զանիկա բոլոր, և անոր
ստժոյն դէմքը՝ կը գունաւորէր այնպէս ինչ-

պէս որ սէրը կ'ուզէ: Որովհետեւ քացուած էր անոր լեզուն այս կերպով, կը սկսէր երգել այնպէս աղէկ; որ զժուարաւ պիտի դարձնէի ուշադրութիւնս անկէ:

— Ես, կ'երգէր, ես քաղցր յուշկապարիկ եմ, որ նաւաւարները կը դիւթեմ ծովուն մէջտեղ. անշափ հաճոյք կայ զիս լսելուն մէջ: Երգովս Ողիսեալը դարձուցի իր թափառայած ուղեւորութենէն. և ով որ հետս ընտանենայ՝ հաղիւ երբեք կը մեկնի, այնքան կը թովեմ զինքը:

Դեռ բերանը զոցուած չէր, երբոր կին մը երեւցաւ քովս սուրբ և փութկոտ՝ որ զանիկա ամչցուց: « Ո՛վ Վիրգիլիոս, ո՛վ Վիրգիլիոս, ո՛վ է աս » կ'ըսէր բարկութեամբ. և Վիրգիլ կու գար աչքերը սեւեռած միայն այն պարկեշտին վրայ. ու կը բռնէր միւսը, և զգեստները բզբտելով՝ առջևը կը պատռէր ու կը ցուցնէր ինծի փորը. և գարշահոտութիւնը որ կը բուրէր անկէ արթնցուց զիս: Աչքերս դարձուցի, և բարի Վիրգիլը. « Առ նուազն երեք անգամ կ'անչեցի զքեզ, կ'ըսէր, ել և եկուր, գտնենք դուրը՝ ուրկէ մտնես դուն »:

Ոտքի ելայ, և արդէն սուրբ լերան ամէն պարունակները լուսաւորուած էին, ու կը

քալէինք նոր արեւը ետեւնիս ունենալով: Հետեւելով իրեն, կը կրէի ճակատս նման անոր՝ որ ունենալով ճակատ մը մտածումներով բեռնաւոր, ինքզինքը կամուրջի կէս աղեղ մը կ'ընէ, երբ լսեցի. « Եկէք, անցքը հոս է », այնպիսի քաղցր ու շնորհալի կերպով մը, որպէս երբեք չի լսուիր այս մահկանացու գաւառին մէջ:

Բանալով թեւերը՝ որոնք կարապի կը թուէին, ան որ այսպէս խօսեցաւ մեզի, զմեզ վերն ուղղեց, կարծր ապառաժին երկու որմերուն միջև: Յետոյ թեւերը շարժելով, զմեզ հովահրեց, հաստատելով թէ, « Որ սքսնեմ երջանիկ պիտի ըլլան, և պիտի ունենան միտթարութեամբ լի հոգիներ »:

— Բայց ի՞նչ ունիս որ զէպ ի երկիր կը նայիս, առաջնորդս սկսաւ ըսել ինծի, երբ երկուքնիս ալ բիշ մը բարձրացած էինք հրեշտակէն: Եւ ես.

— Նոր տեսիլքը՝ որ զիս իրեն կը քաշէ՝ այնպիսի տարակոյսներով քալել կու տայ ինծի, որ չեմ կրնար մտածելէ զազրիւ:

— Տեսար, ըսաւ, այն հինաւորց վհուկը՝ որուն համար միայն կու լան մեր վերելք. տեսար թէ ինչպէս մարդ կ'ազատի անկէ: Բաւական է տեսածդ. ու զարկ դարձապար-

ներուիդ գետինը, աչքերդ դարձուր հրաւե-
րին, զոր յաւիտենական թագաւորը կը դար-
ձընէ մեծ անիւներով⁴ :

Նման բաղէին որ նախ ոտքերուն կը
նայի, յետոյ կը դառնայ դէպ ի ազազակը,
և կը ձկտի կերակուրին փափաքէն որ զինքը
հոն կը քաշէ. այսպէս ըրի ես, և այսպէս,
սրացայ ժայտին ամբողջ ճեղքուածքէն՝ որ
սանդուխի տեղ կը ծառայէ վեր ելլողին՝
մինչեւ հոն ուր ալ կը սկսի մարդ շրջան
ընել: Ու երբ հինգերորդ պարունակին մէջ
բացը ելայ, տեսայ հոն մարդիկ որ կու
լային՝ բերենքս ի վար գետին պառկած:
«Մերձեցաւ աճաճ իմ ի հող⁵», լսեցի որ
կ'ըսէին այնպիսի խոր հառաչներով, որ խօս-
քը հազիւ կ'իմացուէր:

— Ո՛վ Աստուծոյ ընտրեալներ, որոնց
չարչարանքները կը թեթեւան արդարու
թեամբ և յուսով, ուղղեցէք զմեզ դէպ ի
բարձրագոյն ելքը:

— Եթէ դուք կու գաք ազատ հոս պառ-
կելէ, ու կ'ուզէք գանել կարճ ճամբան, ձեր
աջ ձեռքերը միշտ դէպ ի դուրս մնան⁶:

Այսպէս ազաչեց քերթողը, ու այսպէս
պատասխան տրուեցաւ մեզի մեզմէ քիչ մը
առաջ եղող մէկէ մը. ուստի ես խօսողին

մէջ միւս ծածկուածը⁷ դիտեցի, ու աչքերս
դարձուցի իմ տիրոջս. և ան հաւանեցաւ
զուարթ ակնարկով մը աչքով բացատրուած
փափաքին: Երբոր կրցայ ուզածիս պէս կար-
գադրել ինքզինքս, մօտն եկայ այն արա-
բածին՝ որ խօսքերովն ուշադրութիւնս գրա-
ւեր էր. և ըսի.

— Ո՛վ հոգի, որ արցունքովդ կը հա-
սունցընես դայն՝ առանց որուն չէ կարելի
զառնալ առ Աստուած, քու մեծ փոյթդ թող
քիչ մը կանգ առնէ ինձի համար: Ո՛վ էիր
և ինչո՞ւ կ'անակնիդ դէպ ի վեր դարձուցած
էք, ըսէ ինձի, և եթէ կը փափաքիս բանի
մը որ ձեռք ձգեմ՝ քեզի համար հոն վարը՝
ուրկէ եկայ ես կենդանւոյն:

Եւ ան ինձի. «Թէ ինչու մեր կ'անակները,
երկինքն իրեն կը դարձընէ, պիտի իմանաս,
բայց նախ, Գիտս գի Ես Եղի յաշորդ Պե-
տրոսի⁸: Սեսարի և Քիււարիի միջև կը
հոյտանայ գեղեցիկ գետակ մը, և անոր ա-
նունէն կ'առնէ արիւնս իր տիտղոսին ծա-
զումը⁹: Ամիս մը և քիչ մ'աւելի փորձեցի
ևս թէ ինչպէս ծանր կու գայ մեծ վերար-
կուն անոր՝ որ կը ջանայ ցեխէն պահ-
պանել դայն. այնպէս որ բոլոր միւս բեռ-
ները փետուր կը թուին: Իմ դարձս, աւանդ,

ուչ կատարուեցաւ . սակայն, երբ հասնէա-
կան հովիւ եղայ, ճանչցայ թէ սրբան խա-
բերայ էր կեանքը: Տեսայ որ սիրտը չէր
զտնեւր իր հանգստութիւնը և ս'չ հոն՝ որմէ
աւելի չէ կարելի բարձրանալ այն կեանքին
մէջ . ուստի այս կեանքին սէրը վառեցաւ
իմ մէջս: Մինչեւ այն կէտը եղայ հոգի մը
եղկեղի և բաժնուած Աստուծմէ, և սաստիկ
ազահ. անոգ, ինչպէս կը տեսնես, անոր պա-
տիժը կը կրեմ: Ազահութեան արդիւնքները
կը տեսնուին դարձի եկած հոգիներու քա-
ւութեանը մէջ, և լեռը ասիէ աւելի դառն
պատիժ մը չունի: Ինչպէս որ մեր աչքը՝
սեւեռուն երկրաւոր իրերու վրայ՝ չբարձրա-
ցաւ դէպ ի վեր, նոյնպէս արդարութիւնը
հոս գետին միեց զայն. ինչպէս ազահութիւնը
մարեց մեր մէջ ամէն լաւութեան սէրը, որով
գործն ալ կորսուեցաւ, այսպէս արդարու-
թիւնը զմեզ հոս նեղուած կը պահէ՝ կապուած
կաշկանդուած սաքերով և ձեռքերով: Ու պի-
տի մեանք հոս անշարժ ու փոռուած որչափ
ատեն որ ուզէ արդար Տէրը »:

Ծնրադրած էի, և կ'ուզէի խօսիլ, բայց
երբ սկսայ ու ան կոահեց մտիկ ընելով¹⁰
միայն՝ իմ յարգանքս . « Ինչ պատճառ,
ըսաւ, զքեզ այսպէս վար ծոնց »: Եւ ես

անոր. « Ոտքի վրայ կենալս խղճիս զարկաւ՝
ձեր պաշտօնին պատճառաւ »:

— Շտկէ՛ սրունքներդ ու վեր ելիր, եղբայր,
պատասխանեց, մի խաբուիր . քեզի և ու-
րիշներու ծառայակից եմ միակ իշխանու-
թեան մը: Եթէ երբեք աւետարանական այն
սուրբ ձայնը որ կ'ըսէ « Ոչ կաւայս առեկե՛¹¹ »
լսեցիր, կրնաս լաւ հասկընալ թէ ինչու
այսպէս կը խօսիմ: Գնա այսուհետեւ . չեմ
ուզեր որ կենաս զեւ. վասն զիքու կենալդ կ'ար-
գիլէ իմ լալս, որով կը հասունցընեմ զայն
որուն վրայ խօսեցար: Թոռնիայ մը ունիմ
վարը Ալաճիա անունով. ինքնին բարի,
միայն թէ մեր տունը օրինակով չչարացնէ
զանի. ու ասիկա միայն կը մնայ ինձի եր-
կրի վրայ:

ԾԱՆՈԹՈՒԹԻՒՆՔ

1. Երկրահմայր մեծագոյն բախտ կը կոչէին կէտե-
րու այն շարքը որ բիշ շատ կը նմանէր Ջրհոսի և
Չկանց համաստեղութեանց:
2. Նշանակ ագահութեան, որկրամոլութեան և զեղ-
խութեան:
3. Հրեշտակն է. որ հովահրելով կը ջնջէ Տանդէի
հակտէն չորրորդ Միևը, կամ հեղգութեան նշանը:
4. Երկնային գունտերուն:
5. Սաղմ. ճժԲ, 25:
6. Այսինքն՝ միշտ դէպ ի աջ գացէք:
7. Այսինքն՝ խօսողը, անձը, զոր չէր տեսներ՝ ե-
րեսի վրայ պառկած ըլլալուն համար:
8. Լատիներէն կը պատասխանէ պապը՝ Ադրիանոս
Ե, իբրեւ պաշտօնական լեզու:
9. Շատեր այսպէս կը հասկընան. ուրիշներ... իր
տխոյրտիկ փառքը, պարծանքը:
10. Վասն զի սօսէն կը լսէր:
11. Որով պապը անդիւի աշխարհին մէջ Եկեղեցւոյ
փեսայն չէ, ինչպէս կը կոչուէր այս աշխարհիս մէջ:

Ի Ե Ր Գ

Լաւագոյն կամքին¹ դէմ՝ կամքն ի զուր
կը կուռի, որով առանց ուզելու, մի-
այն անոր հաճոյք ընելու համար, հանեցի
ջրէն դեռ ծարաւ սպունգը: Շարժեցայ, և առաջ-
նորդս սկսաւ քալիլ այն տեղէն՝ որ միայն էր
պարսպ մնացած ժայռին երկայնքը, ինչ-
պէս կ'երթցուի ատամները նեղ պատին
մէջէ. վասնզի այն ամբօխը՝ որ շիթ շիթ
կը հեղու աչքերէն չա՛րը² որ բոլոր աշխար-
հը կը գրաւէ, միւս կողմէն չափազանց
գէպ ի զուրս կը մծտենայ: Անիծեալ ըլլատ,
հին գայլ³, որ միւս ամէն գազաններէն ա-
ւելի կը զիշատես՝ անյազ քաղցիլ պատ-
ճառաւ: Ո՛վ երկինք, որու շարժումներուն
կարծես թէ կ'ընծայուի փոփոխումները երկրի,

Երբ պիտի գայ ան՝ որ պիտի քշէ զասիկա: Յամրաքայլ կ'երթայինք, և ես ուշադիր էի ստուերներուն, որոնց խղճալիօրէն լալն ու ողբումը կը լսէի. և դիպուածով լսեցի. «Քաղցր Մարիամ»: Այսպէս կ'ըսէր մին մեր առջեւն ողբալով, նման երկունքի մէջ եղող կնոջ, ու կը շարունակէր.

«Այնչափ աղքատ եղար դուն, ինչպէս անսնուեցաւ այն մսուրքին մէջ ուր զետեղեցիր քու սուրբ զաւակը»: Եւ յետոյ լսեցի. «Ո՛վ բարի Փարբիկիոս⁴, նախամեծար ընտրեցիր աղքատութիւնը անաքինութեամբ քան մեծ հարստութիւն դիզել մոլութեամբ»: Այնչափ հաճոյ անցան այս բառերն ինծի, որ ես դարձայ՝ ճանչնալու համար այն հոգին՝ որմէ կը թուէին գալ այն խօսքերը: Ան կը խօսէր տակաւին այն առատաձեռնութեան վրայ՝ զոր ըրաւ Նիկողայոս⁵ օրիորդներուն, փրկելու համար պատինն անոնց երիտասարդութեան:

— Ո՛վ հոգի, որ այդպէս լաւ կը խօսիս, ըսի. ըսէ՛ ինծի, ո՞վ էիր դուն, և ինչո՞ւ դո՛ւն միայն կը վերանորոգես այդ արժանաւոր գովեստները: Հետո խօսիլդ անվարձ պիտի չմնայ, եթէ վերադառնամ աւարտելու համար կարճ ճամբան այն կեանքին՝ որ ահա դէպ ի վերջակէտը կը թռչի:

Եւ ան. «Պիտի ըսեմ զայն քեզի, ոչ թէ սփոփանքի մը համար, որուն պիտի սպասէի անկէ, այլ զի այնչափ շնորհք կը նշողէ մէջդ՝ մահուընէդ առաջ: Արմատն եղայ ես՝ այն ապիրատ տունկին, որ բոլոր քրիստոնեայ երկրին վրայ փաստակար շուք մը կը ձգէ, այնպէս որ հազիւ երբեք անկէ աղէկ պտուղ կը բազուի: Բայց եթէ Տուածիոյ⁶, Լիլլա, Կուանդոյ և Պրուճիա կարենային, վրէժնին շուտով պիտի աննէին, և ես կը խնդրեմ զայն Անորմէ՝ որ ամէն բանի դատաւորն է:

Հոն Ուկոյ Զիաբեղլա կոչուեցայ. ինծմէ ծնան Փիլիպպոսներն ու Լուզովիկոսները⁸, որոնք քիչ առեն է կը կառավարեն Ֆրանսան:

Որդին էի Բարիզի մէկ մագործին. երբ հին⁹ թագաւորները պակսեցան բոլոր, բաց ի մէկէն որ գորշ զգեստը հագաւ, թագաւորութեան վարչական սանձը ձեռքերուս մէջ գաայ, և այնչափ ոյժ՝ նոր ստացուածքներու և բարեկամներու շատութեան պատճառաւ, որ այրի պատկին¹⁰ որդւոյս գլուխը մատուցուեցաւ, և իրմէ սկսան սրբանուէր ոսկորները¹¹: Որչափ առեն Բրովանսեան մեծ օժիար¹² ամօթը չվերցուց արիւնէս, արժէքը

քիչ էր, բայց գոնէ չարիք չէր ընել: Հոն սկսաւ իր յափշտակութիւնը բռնութեամբ և ստութեամբ. և յետոյ՝ հատուցման համար¹³ առաւ Փոնթիոն, Նորմանտիան ու Կուասգոնեան: Կարողոս¹⁴ իտալիա եկաւ, և հատուցման համար զոհեց Կորրասինոն, և յետոյ երկինք քշեց Թովմասը՝ միշտ հատուցման համար:

Կը տեսնեմ ես ժամանակ՝ ոչ շատ հետո սյօրուրնէս, ուր ուրիշ Կարողոս¹⁵ մըն ալ կ'ելլէ գուրս Ծրանասայէն, աւելի լաւ ձանչցընելու համար ինքզինքն ու իրենները: Կելլէ անգէն, տէգով մը միայն՝ որով կուտեցաւ Յուզա¹⁶. և զոր այնպիսի կերպով մը կը նետէ, որ կը պատուէ Ծիրէնցէի փոքրը: Որով ոչ երկիր, այլ մեղք ու ամօթ պիտի վաստկի, այնչափ աւելի ծանր իրեն համար, որքան աւելի թեթեւ փլաս մը կը համարի զանոնք իրեն: Միւսը¹⁷, որ արգէն ելաւ՝ ձերբակալուած նաէն, կը տեսնեմ որ կը ծախէ իր աղջիկը և կը սակարկէ, ինչպէս կ'ընեն ծովահէններն ուրիշ գերուհիներու:

Ո՛վ ազահութիւն, ա՛լ աւելի ի՞նչ կրնա յիր ընել, քանի որ իմ արիւնս բեղի բացեցիր այնպիսի կերպով մը, որ փոյթ չ'ը-

նել իր սեփական մարմնոյն վրայ¹⁸: Եւ որպէս զի նուազ երեւան ապագայ չարիքն ու արգէն իսկ կատարուածը, կը տեսնեմ որ շուշան ծաղիկը Ալանեա¹⁹ կը մանէ՝ և կը բանտարկէ Քրիստոսն իր փոխանորդին մէջ: Կը տեսնեմ զանիկա՝ դարձեալ ծաղրուած. կը տեսնեմ որ կը վերանորոգուի քացախն ու լեղին, ու կը մեռնի՝ ողջ աւազակներու²⁰ միջեւ: Կը տեսնեմ նոր Պիզատոսը այնքան անգութ, որ ասով չի յաւեկնար, այլ, առանց հրովարտակի, տաճարը կը տանի ցանկացող առագաստները: Ո՛վ տէր իմ, ե՞րբ ուրախ պիտի ըլլամ տեսնելով վրէժինսկութիւնը, որ զաղանկքից մէջը պահուելուս կը զուարթացնէ բարկութիւնդ:

Ինչ որ կ'ըսէի Սուրբ Հոգւոյն այն միակ հարսին²¹ վրայով, և որ քեզի ինծի դիմել տուաւ բացատրութեան մ'առնելու համար անոր մասին, նիւթն է մեր աղօթքներուն՝ որ կը տեւէ ամբողջ օրը. բայց երբ գեշեր կ'ըլլայ՝ անոնց տեղ հակառակ խօսքեր կ'ըսենք: Այն ատեն Պիզատիոնը²² կը յիշենք, զոր մասնիչ, գող և եղբայրասպան ըրաւ ոսկիի անյազ ծարաւը. և տաղտապանքը ազահ Միզասին²³, որ հասաւ իր ընչաքաղց

խնդրանքին, որուն վրայ հարկ է որ խնդար-
ցուի միշտ: Յետոյ յիմար Աքարը²⁴ կը յի-
շուի որ գողցաւ աւարները, այնպէս որ Յե-
սուի բարկութիւնը կարծես կը խածնէ զինքը
զեռ հոս: Յետոյ կ'ամբաստանենք ամուսի-
նովը մէկ տեղ Սափիրան²⁵, կը գովենք կի-
ցերը՝ զոր կերաւ Հեղիոգորոս²⁶, և ամբողջ
լեռը կը պատմէ կեղտը անուան Պոլինես-
տորի²⁷, որ Պոզիգորոսը խողխողեց: Ամենէն
վերջը կ'աղաղակենք. « Կրաստոս²⁸, ըսէ մե-
զի, վասն զի զիտես, Բնչ համ ունի ու-
կին »: Երբեմն կը խօսինք մէկերնիս բարձր,
մէկերնիս ցած, ըստ յօժարութեան որ մեզ
կը մտրակէ, մերթ մեծագոյն և մերթ փո-
քագոյն քայլով²⁹: Որով միայն ես չէի որ
բիշ առաջ կ'արասանէի այն բարի խօս-
քերը՝ որոնք ցորեկին կ'ըսուին հոս. բայց
հոս մօտը ուրիշ ոչ ոք ձայնը կը բարձրացնէր »:

Մենք արդէն բաժնուած էինք իրմէ, և
մեր բոլոր կարողութեամբը կը ջանայինք
կտրել ճամբան, երբ զգացի՝ որ կը դողար
լեռը, նման բանի մը որ կը փլչի. որուն
վրայ ցուրտ մը առաւ զիս՝ նման անոր որ
մեռնելու վրայ է: Անշուշտ Դեղոս³⁰ այնչափ
ուժով չէր ցնցուեր՝ երբ Լատոն զեռ շինած
չէր հոն բոյնը՝ ծնելու համար երկնքի եր-

կու աչքերը: Յետոյ ամէն կողմերէն այն-
պիսի աղաղակ մը սկսաւ, որ վարպետս
ինծի դարձաւ, ըսելով. « Մի վախնար,
քանի որ ես եմ առաջնորդը »: « Փառք
ի բարձունս Աստուծոյ » կ'երգէին ամէնքը,
ինչպէս որ հասկցայ մօտէն, ուրկէ կարելի
էր լսուիլ անոնց աղաղակը: Կեցած էինք
հոն յակճիոս յայթիոս, նման հովիւնե-
րուն³¹ որ նախ լսեցին այն երգը, մինչև որ
գողը դադրեցաւ, և երգը լմացաւ. մեր սուրբ
ճամբան նորէն ձեռք առինք, նայելով ստուեր-
ներուն՝ որոնք երկրի վրայ կը պառկէին,
արդէն իսկ դարձած իրենց սուլորական ող-
բին: Ոչ մի ազիտութիւն բնաւ այնչափ
կուուով փոփաք մը չընկնուց մէջս զիտնա-
լու, եթէ յիշողութիւնս չի խաբեր զիս ա-
սոր մէջ, որչափ կը թուէր ինծի որ մտա-
ծելով կ'ունենայի այն ասան, և մեր շտա-
պում մին համար ո՛չ կը համարձակէի հար-
ցում ընել, ոչ ալ ինքնիրենս հասկնալ.
ուստի կ'երթայի այսպէս երկչոտ ու մը-
սածկոտ:

Ծ Ա Ն Օ Թ Ո Ի Թ Ի Ի Ն Ք

1. Ադրբանասի լաւագոյն կամքին դէմ՝ որ չէր ուզեր ընդհատել իր ապաշխարութիւնը, Տանդէի կամքը՝ որ կը փափաքէր աւելի երկար խօսել անոր հետ:
2. Չարք, ագահութիւնք:
3. Հիւ Գալլ. հմմտ. Գծոյք Ա, 111: — 49, 97, Եւն. 101-111:
4. Փարթիկոս առաքինի հոռմայեցի, որ թէեւ աղքատ, մերժեց արհամարհանօք իւրօտսի ընծաները՝ որով կ'ուզէր ան զինքը կաշառել:
5. Սուրբ Նիկողոսոս, եպիսկոպոս Միւսայի:
6. Նախահայրը Ֆրանսայի Գաբելեան թագաւորական տոհմին. — Աղէկ պոտոզ, է Մեծն Ուկոն, դուքս Ֆրանսայի և կոմս Բարիզի, հայր Ուկոյ Գաբելոյի, Գաբելեան առաջին թագաւորին:
7. Տուայ, կանտ, Լիլլա և Պրուժ քաղաքներ Ֆլանտրայի, եթէ ունենային բաւական զօրութիւն, անմիջապէս վրէժխնդիր պիտի ըլլային ընդ զբաւուած ըլլալուն համար փիլիսոփոս Գեղեցկէն 1299ին:
8. Հենրիկոս Առաջինին մահուան (1060) յետոյ,

Ֆրանսայի բոլոր թագաւորները փիլիսոփոս և Լուդովիկոս կոչուեցան:

9. Կարոլոս Մեծի ցեղէն. — Բաց ի մեկեւ. կ'ըսեն ոմանք որ այս մեկը Կարոլոս Պարզամիտն ըլլայ, որ չէ թէ կրօնաւոր եղաւ, այլ իր խոնարհութեան համար փախչելով մարդկային մեծութիւններէ, միանձնօրէն ապրեցաւ ու մեռաւ Բերոննէի զղեակին մէջ:

10. Վլասն զի մեռած էր Լուդովիկոս Ե, վերջին թագաւոր կարոլուսեան ցեղէն:

11. Թագաւորական ցեղը. — Սրբաւոչեր կ'ըսէ, վասն զի թագաւորները կ'օծուէին արքեպիսկոպոսէն Ռէմսի մայր եկեղեցւոյն մէջ:

12. Ակնարկուած Մեծ օմիտը նախ Գոլոզայի կոմսին երկիրներն են, որոնք Ֆրանսայի անցան ամուսնութեամբ իր դստեր՝ Ալփոնսոսի սուրբ Լուդովիկոսի եղբօրն հետ. յետոյ, Բրոկէնսայի կոմսին՝ Ռայմոնտոյ Պէռլինկիէրիի երկիրները, որոնք նոյնպէս Ֆրանսայի անցան Կարոլոս Անճիոյի ամուսնութեամբ, ուրիշ եղբայր Ս. Լուդովիկոսի, Երանուհի կոմսուհոյն հետ, վերջին դուստր և ժառանգ Ռայմոնտի (1245):

13. Հատուցման համար, դառն հեգնութիւն, որպէս թէ ըսէր. մեղք մը քաւելու համար, մեծագոյն մը գործեց:

14. Կարոլոս Անճիոյի իտալիա եկաւ և յափշտակեց Բուլիոյ և Սիկիլիոյ թագաւորութիւնները, և այս յանցանքը քաւելու համար՝ ուրիշ մը գործեց, իր փառասիրութեան զոհ ընելով Գորբատինոն, և յետոյ այս երկու մեղքերը քաւելու համար մեռցնել տուաւ Սուրբ Թովմասը ու երկինք բռնեց:

15. Կարոլոս Վալուայի:

16. Սկարիփոտացին. այսինքն է՝ մատնութեամբ. —

կը պատռէ Ֆիրէնցեի փորը. պարպելով անկէ դրաներն ու բնակիչները: Վոնիփակիոս Է պապէն Ֆիրինցէ զրկուելով, որպէս զի խաղաղութիւն հաստատէ հոն, ինքը մասնութեամբ և նենգութեամբ և հրդեհներով կը պառակտէ քաղաքը, և կը ձգէ զայն կիսաւեր և կիսաքանդ: — Կոչուած է աս՝ Կարոլոս Սենզատերրա (Senzaterra), որ կը նշանակէ առանց երկրի, անստացուած, վասն զի չկրցաւ տիրանալ ոչ մի երկրի:

17. Կարոլոս Բ, որ ելաւ Ֆրանսայէն, և 1283ի նաւային պատերազմի մը մէջ զերի բռնուեցաւ. կը տեսնեմ որ իր Երանուհի դուստրը կը ծախէ Աժժոյ 9.ի 30,000 ֆիորինի, կամ ըստ այլոց 50,000ի:

18. Այսինքն է աւելի զրամը կը սերէ, քան բուն իր որդիները:

19. Այսօր Անանի, քաղաք Կամպանիոյ, հայրենիք Վոնիփակիոս Ը.ի: — Շոշաւն Կոնստանտինոպոլիս, Ֆրանսայի տան նշանը, Փիլիպպոս Գեղեցիկն ու Վոնիփակիոս Ը.ի կոխները կ'ակնարկէ, ուր պապը զերուեցաւ Փիլիպպոսի հրամանաւ Կոկարեսոյ և Շիարրա Գոլոննա ա. նուն անձերէն:

20. Աւաղակներ կը կոչէ Կոկարեսոն ու Գոլոննան: Կը մեռնի կ'ըսէ, վասն զի սրտին ցաւէն կը մեռնի քահանայապետն ամիսէ մը: — Նոր Պիղատոս կը կոչէ Փիլիպպոս Գեղեցիկը, որ այն ամբարիշտ ձերբակալումը հրամայեց: Որ և առանց հրովարտակի, այսինքն անորէնութեամբ տաճարը կը տանի իր ցանկացող առաքատները, այսինքն է իր յափշտակութիւնները: Կ'ակնարկէ Տաճարականաց ջնջումն ու կողոպուտը:

21. Ս. Կոյս Մարիամ:

22. Թագաւոր Կոլարայ, որ սպաննեց Սէքէսը՝ իր

հօրեղբայրը և իր Գիդէ քոջ ամուսինը, անոր գանձերուն տիրանալու համար: Բայց Գիդէ գանձերովը Ափրիկէ փախաւ, ու հոն հիմնեց Կալքեդոն քաղաքը:

23. Թագաւոր Փաուլագուոց, որուն աղաչանքը՝ թէ ինչ բանի որ զպչի ոսկի դառնայ՝ կատարուեցաւ. ուստի կերակուրն ալ ոսկիի կը փոխուէր, որով կը տանջուէր անօթի:

24. Հմմտ. Յեսու 9, 17-19. Է, 1-26:

25. Հմմտ. Գործք Առաք. Ե, 1-11:

26. Հմմտ. Բ Մակար. Գ, 7-40:

27. Թագաւոր Թրակիոյ և փեսայ Պրիամոսի, սպաննեց իր Պողոթորոս աներձազը անոր ինչքերը գողնալու համար, որուն վրայ Հեկաբէ, կին Պրիամոսի և մայր Պողոթորի, իր որդւոյն մահուան վրէժը առաւ՝ հանելով Պոլիքսետորի աչքերը ու յետոյ սպաննելով գանիկա. Հմմտ. Վիրգ. Էնիադ. Գ. 19-68: Գծուիք Լ, 16, եւն:

28. Երբակուտի անդամ և զօրավար հրովմայեցի, նշանաւոր հարստութեամբ և ազահութեամբ: Մեռաւ արշաւանքի մը մէջ ընդդէմ Պարթեաց, որոնք՝ զըտնելով իր մարմինը պատերազմի դաշտին վրայ, կտրեցին գլուխը, ու բերնին մէջ հալած ոսկի թափեցին. ըսելով՝ չեգնօրէն. Խմէ ոսկի, վասն զի ոսկիի ծարաւ էիր:

29. Զօրութեամբ, կամ ելեւէջով:

30. Գեղոս՝ կղզի Արշիպեղագոսի, որ կը գողար ու կը շարժէր: Լատոն օթեւան մը խնդրեց անկէ, հոն Տիեզիւ համար Ապողոնն ու Անահիտը, զորս փերթողը երկնքի երկուս աչքերը կը կոչէ, Արեւն ու Լուսինն ըլլալուն համար. և այդ հիւրասիրութեան պատճառաւ Լեոն անկէ վերջը չշարժեցաւ:

31. Այսինքն Բեթղեհեմի:

Ի Ա Ե Ր Գ

—==—

Բնական ծարաւը՝ որ բնաւ չի յազենար՝
եթէ ոչ ջրով, որուն շնորհը խնդրեց Սա-
մարացի կինը, կը չարչարէր զիս, և կը
մղէր զիս արտորանքը՝ խափանուած ճամ-
բէն՝¹ առաջնորդիս ետեւէն, և կարեկից կ'ըլ-
լայի անոնց արդար պատուհասին վրայ: Եւ
ահա՛ ինչպէս կը գրէ Ղուկաս՝ թէ Քրիս-
տոս՝ արդէն իսկ ելած գերեզմանին փոսէն,
երեւցաւ երկուքին՝ որոնք երթալու հետ
էին², ստուեր մը երեւցաւ մեզի, և կու գար
մեր ետեւէն՝ նայելով վար՝ պառկող ամբո-
խին վրայ, և զինքը շնամարեցինք մենք՝
եթէ ոչ երբ ինքը խօսեցաւ նախ ու ըսաւ.

— Եղբայրներ, Աստուած խաղաղութիւն
տայ ձեզի:

Անմիջապէս դարձանք, և Վիրգիլ փոխա-
դարձ ողջունեց զինքը պատշաճ կերպով և
յետոյ սկսաւ .

— Իցի՛ւ զետեղէր զքեզ երանական
երախանին մէջ ճշմարիտ արքունիքը, ան՝
որ զիս յաւիտենական արքորանքին մէջ կը
պահէ՞ 3 :

— Ի՞նչպէս, ըսաւ ան, և ինչո՞ւ այսպէս
շուտ կ'ընթանաք, եթէ ստուերներ էք դուք՝
զորս Աստուած չի հաճիր վերն ընդունիլ,
ն՞վ ձեզ այսչափ տեղ առաջնորդեր է իր
սանդուխն ի վեր :

Եւ առաջնորդս. « Եթէ դու նայիս այն
նշաններուն վրայ զոր սա կը կրէ և զոր
հրեշտակը կը գծագրէ 4, պիտի տեսնես որ
ան՝ հարկ է որ թագաւորէ բարիներուն
հետ : Բայց որովհետեւ անիկա որ 5 գիշեր ցո-
րեկ կը մանէ՝ դեռ չէր սպառած իր աղէ-
կատին նիւթը, զոր Կլոտով կը լեցընէ և
կու տայ իւրաքանչիւրին, իր հոգին, որ քոյր
է ինձի և քեզի, վեր գալով, չէր կրնար
մինակ գալ, վասն զի մեզի պէս չի տես-
ներ : Որով ես դուրս կորզուեցայ դժոխքի
լայնափեռեկ կոկորդէն, ցուցնելու համար
անոր, և պիտի ցուցնեմ դեռ, որչափ առեն
որ գպրոցս 6 կարենայ առաջնորդել իրեն :

Բայց ըսէ մեզի, եթէ գիտես, ինչո՞ւ հա-
մար քիչ առաջ այնքան զորոքեցաւ լեռը, և
ինչո՞ւ ամէնքը կարծես մի բերան ազաղա-
կեցին մինչեւ լեռան ջրողոյ ոտքերը » :

Այս հարցումներն ընելով Վիրգիլ այն-
պէս իմ իղձս գուշակեց, որ ծարաւս՝ լոկ
յուսով 7 գրեթէ անցաւ : Սկսաւ ան .

— Չկայ բան մը՝ զոր կրէ սուրբ լեռը
առանց հրամանի և որ միանգամայն ըլլայ
անսովոր : Այս տեղն ազատ է ո և է փոփո-
խութենէ. պատճառը կրնայ ըլլալ անկէ՝ զոր
երկինքը իրմէ իր մէջը կ'ընդունի, և ոչ ու-
րիչ բանէ : Վասն զի այն եռաստիճան սան-
զուխէն վեր 8 չի թափիր ոչ անձրեւ, ոչ
կարկուտ, ոչ ձիւն, ոչ ցօղ, և ոչ եղեամբ :
Չեն երեւար ամպեր՝ ոչ խիտ, և ոչ ցան-
ցառ, ոչ փայլակն և ոչ ալ թաւամասայ
գուտարը 9, որ անդին միշտ ճամբան կը փո-
խէ : Չոր շողի չի վերանար՝ բայց միայն
մինչեւ գազաթն այն երեք աստիճաններուն՝
որոնց վրայ խօսեցայ, ուր զրած է Պեարոսի
աթոռակալն իր գարշապարները : Դղրդու-
մներ ըլլան գուցէ աւելի վարը քիչ թէ շատ .
բայց չեմ գիտեր թէ ի՞նչպէս հոս վերը
տեղի չեն ունենար ցնցումներն այն հովի-
րուն՝ որոնք երկրիս փորը ծածկուած են :

Կը դողայ լեռը երբ հողի մ'ինքզինքը մաքուր կը զգայ ու կը բարձրանայ կամ կը շարժի՝ վեր բարձրանալու համար, և այն ազաղակը¹⁰ կ'ընկերանայ անոր: Կամքը միայն կը հաստատէ թէ մաքրուած է հողին . ու կը մղէ զայն՝ որ բոլորովին ազատած է բնակարանը փոխելու, և այն կամքը կը նպաստէ իրեն: Զայն առաջուրնէ իսկ կ'ուզէ, բայց չի թողուր կամքը, վասն զի աստուածային արդարութիւնը հակառակ կամք կը դնէ՝ ինչպէս մեղանշելու, նոյնպէս տանջուելու ատենը: Եւ ես որ հինգ հարիւր տարիէն աւելի է որ պատկած եմ այս տանջանքին մէջ, դեռ նոր զգացի ազատ կամքը լուսագոյն օթարանի մը համար: Այդ պատճառաւ զգացիք ցնցումը, և լսեցիք որ բարեպաշտ հոգիները գովեստ կ'երգէին Աստուծոյ՝ որ շուտով զերենք իրեն կանչէ:

Այսպէս ըսաւ մեզի, և ինչպէս որ այնքան աւելի կ'ուրախանայ մէկը խմելով, որքան մեծ է ծարաւը, չեմ կարող ըսել թէ որքան օգուտ ըրաւ ան ինծի: Եւ իմաստուն առաջնորդը, « Ահա արդ կը տեսնեմ ցանցը որ ձեզ հոս կը բռնէ, և թէ ինչպէս կը բացուի, թէ ինչո՞ւ ցնցումներ տեղի կ'ունենան, և թէ ինչ բանի համար կ'ուրախակցիք: Արդ

հաճէ որ գիտնամ քու խօսքերուդ միջոցաւ թէ ո՞վ էիր դուն, և ինչո՞ւ այնչափ պարեր պատկեր ես հոս:

— Այն ատեն՝ երբ բարի Տիտոսը վեհագոյն Թագաւորին օգնութեամբը խնդրեց վրէժն այն ծակերուն՝¹¹ որոնցմէ ելաւ Յուդայի ձեռքով ծախուած արիւնը, այն անունով¹² որ աւելի կը տեւէ և աւելի կը յարգուի՝ երկրի վրայ էի ես, պատասխանեց այն հոգին, շատ նշանաւոր, բայց ոչ տակաւին հաւաարով: Այնքան քաղցր էր իմ խանդոտ ձայնս, որ՝ թէեւ սորոսացի, իրեն քաշեց զիս Հոովմ, ուր և արժանացայ մրտենիով արտախուրուելու: Մարդիկ զիս հոն Ստատիոս կը կոչեն դեռ, երգեցի թերէն, և յետոյ մեծն Աքիլէսը, բայց ինչպայ ճամբան¹³ երկրորդ բեռովս: Աստուածային բոցին կայծակները որոնցմով վառուած են հազարաւորներ, սերմ եղան եռանդեանս ու բորբոքեցին զիս¹⁴, խօսքս էնիականին վրայ է, որ ինծի մայր ու դայակակ եղաւ բանաստեղծութեան մէջ, առանց անոր չըրի բան մը որ ունէ կշիռք մը ունենար: Եւ ապրելու համար անդին երբ վիրդիլ ապրեցաւ, պիտի հաւանէի որ տարի մըն ալ մնայի՝ թէեւ պարտք չունիմ՝ արտորանքէս դեռ չելած:


Այս խօսքերը Վիրգիլն ինծի գարձուցին
 գէմքով մը՝ որ թէև լուս՝ կ'ըսէր. « Լո՛ւ՛ » .
 բայց կամեցող զօրութիւնը ամէն ուզածը չի
 կրնար. վասն զի ժպիտն ու արցունքը այն-
 քան մօտ կ'ընթանան զիրենք առաջ բերող
 կրքին, որ նուազագոյն կ'անսան կամքին ա-
 ւելի անկեղծներուն մէջ¹⁵ : Որով ես¹⁶ ալ
 ժպեցայ, նման մէկուն որ աչքով կ'ընէ.
 որուն վրայ լոնց ստուերը, և աչքերուս մէջ
 նայեցաւ, ուր հոգին աւելի դուրս կը ցայ-
 տէ : Եւ, « Երանի՛ թէ այդքան մեծ աշխա-
 տանքդ ի գլուխ հանէիր, ըսաւ, բայց ին-
 չնու գէմքդ արդ իսկ ժպիտի փայլակ մը ցու-
 ցուց ինծի » :

Երկու սուրի մէջ մնացի. մէկը լոնչ կու
 տայ ինծի, միւսը կ'երգուրնցընէ որ խօսիմ,
 որով կը հառաչեմ, բայց վարպետս բանին
 էութիւնը կ'իմանայ, և, « Մի՛ վախնար,
 խօսէ՛, կ'ըսէ ինծի. բայց խօսէ՛ և ըսէ իրեն
 ինչ որ այնքան հոգածութեամբ կը հար-
 ցընէ » : Որուն վրայ ես. « Կարելի է կը
 զարմանաս դուն, սլ հին հոգի, ինդալուս
 վրան. բայց ես կ'ուզեմ որ դեռ աւելի զար-
 մանաս և արմըննաս : Աս՝ որ դէպ ի բարձրը
 կ'առաջնորդէ իմ աչքերս, է այն Վիրգիլը՝
 որմէ զօրութիւն շնչեցիր դուն երգելու մար-

դերն ու Աստուածները : Եթէ ժպեղուս ու-
 ըրչ պատճառ տուիր, սխալ համարէ զայն,
 և հաւատա որ պատճառը բու խօսքերդ էին
 անոր վրայօք¹⁷ » :

Արդէն կը ծռէր ան վարդապետիս ստ-
 քերը զրկելու. բայց ան ըսաւ անոր. « Եղ-
 բայր, մի՛ ըներ, վասն զի ստուեր ես դուն,
 և տեսածդ ալ ստուեր է » :


Եւ ան ելլելով. « Արդ կրնաս իմանալ
 սիրոյ մեծութիւնը որ զիս կը տաքցընէ գէպ
 ի քեզ, որ մինչև իսկ կը մոռնամ մեր ու-
 նայնութիւնը¹⁸, և ստուերը հաստատուն
 բանի մը տեղ կը գնեմ » :



Ծ Ա Ն Օ Թ Ո Ի Թ Ի Ի Ն Ֆ

1. Վասն զի հոգիները բոլոր գետնի վրայ պառկած էին:
2. Դեպ ի Եմմաուս:
3. Լիմպոսին մէջ:
4. Մեները կ'ակնարկէ:
5. Լաբեսիս պարկան՝ որ իւրաքանչիւր մարդու կենքին առէչքը կը մանկ .. այսինքն թէ գեռ մեռած չէ:
6. Այսինքն մարդկային գիտութիւնը:
7. Նոր բաներ սորվելու:
8. Ուր է ֆաւարանին դուռը:
9. Իրէս, Հերայի պատգամաւորուհին, որ Ծիրանի զօտիի փոխուեցաւ, և էր՝ ըստ առասպելին՝ Թաւմասայ դուստրը: — Ճամբան կը փոխէ, արեւուն զիրքին համեմատ:
10. Վերը յիշուած Փառք ի բարձունս երգն է:
11. Յիսուսի վէրքերուն:
12. Այսինքն՝ բանաստեղծի:
13. Այսինքն՝ Աբելլեական քերթուածը դեռ չաւարտած մեռայ:

14. Ըսել կ'ուզէ թէ Վերդին եղաւ ինձի ներշնչողը:
15. Թէեւ ժպիտն ու լացը կից են զիրենք ճուղցանոց կրքին, բայց անկեղծ մարդոց մէջ կամքին չեն հպատակիր զիւրաւ՝ արտայայտուելու համար:
16. Որով ես ալ, կ'ըսէ Տանդէ, անկեղծ ըլլալով, չկրցայ ժպիտս բռնել՝ կեղծաւորութիւն ընել, ու խընդացի:
17. Առանց գիտնալու որ գիմացինդ նոյն ինքն Վերդին է:
18. Այսինքն թէ՛ սին ստուերներ ենք:



Ի Բ Ե Ր Գ

— — —

Հրեշտակն արդէն մեր ետեւը մնացած էր, այն որ՝ յետ ջնջելու ճակատէս հարուածներէն¹ մին, մեզ գէպ ի վեցերորդ պարունակը դարձուցած էր, և ըսած էր մեզի, թէ Երանի անոնց որոնք ծարաւի են արգարութեան, և իր ձայնը Մարաշի ևնով լմնցուցած էր, առանց շարունակելու². և ես՝ աւելի թեթեւ քան միւս գոներուն մէջ³, այնպէս աղէկ կը քալէի, որ առանց յոգնութեան կը հետեւէի գէպ ի վեր թեթեւ ընթաց հոգիներուն⁴: Երբ Վիրգիլ սկսաւ. « Առաքինութենէ վառուած սէրը, կը վառէ միշտ ուրիշը, միայն թէ իր բոցը դուրս երեւայ: Ուստի այն ժամէն՝ որ Յորնազ⁵ մեզի իջաւ Դժոխքի Լիմպոսին մէջ, ու բու սէրը

ինծի յայտնեց, այնպիսի բարեկամութիւն մը ունեցայ զէպ ի քեզ, քան զոր ոչ ոք ունեցած է հանդէպ անձի մը՝ զոր սեսած չըլլայ⁶։ այնպէս որ այս սանդուղներն ինծի կարճ կը թուին արդ։ Բայց ըսէ ինծի, և իբրև բարեկամ ներէ ինծի, եթէ չափազանց ապահովութիւնը կը թուցընէ սանձը⁷, և այսուհետև իբրև բարեկամ խօսէ ինծի հետ։ Ի՞նչպէս ազահութիւնը կրցաւ տեղ գտնել ծոցիդ մէջ, որ այնչափ զիտութիւն դիզած էիր աշխատանքովդ»։

Այս խօսքերը Ստատիրոսի գէմքին վրայ ժպտա մը ծաղկեցուցին նախ, յետոյ պատասխանեց. « Ամէն մէկ խօսքդ սիրոյ սիրուն նշանակ մըն է ինծի։ Իրաւցընէ, շատ անգամ կ'երեւան բաներ, որոնք սխալ նիւթ կը հայթայթեն ասարկուսանքի, վասն զի բուն պատճառները ծածկուած են։ Հարցումդ ինծի կ'ապացուցանէ որ դուն կը կարծես թէ ես ազահ եղած ըլլայի միւս կեանքին մէջ, գտնելուդ համար թերեւս զիս այն պարունակին մէջ՝ ուր էի։ Արդ, զիտցիր որ ազահութիւնը չափազանց հեռու էր ինծմէ, և այս չափազանցութիւնը⁸ պատժեցին հազարաւոր լուսիններ։ Եւ, եթէ ինքզինքս չափած չըլլայի երբ լսեցի հոն⁹ ուր դուն

կը գոչես՝ բարկացած կարծես մարդկային բնութեան երեսն ի վեր, թէ « Ինչո՞ւ չես առաջնորդեր դուն մարդոց ախորժակներուն, դարչելի քաղց ոսկւոյ », գլտորելով¹⁰ պիտի կրէի Խնուր կոիւնները։ Հասկցայ այն ատեն որ ձեռքերը կրնային չափազանց բանալ իրենց թեւերը ծախսելու համար, ու զղջացի ինչպէս այն, նոյնպէս ուրիշ չարիքներու վրայ։ Վանիններ յարութիւն պիտի տանեն ճաղատ գլխով¹¹, պատճառաւ այն ազիտութեան¹² որ կը վերցընէ անոնցմէ զղջումն այս մեղքին՝ թէ՛ ապրած և թէ՛ մեռնելու ատեննին։ Եւ զիտցիր որ մեղքը՝ որ կը համապատասխանէ ուղղակի հակադրութեամբ ուրիշ մեղքի մը¹³, անոր հետ միասին հոս իր դաւարութիւնը կը չորցընէ։ Ուստի եթէ ես մաքրուելու համար կեցած եմ այն ամբոսին մէջ որ ազահութիւնը կու լայ, պատճառը հակառակ մեղքս էր »։

— Արդ երբ դուն երգեցիր այն անգութ գէնքերը, որոնք կրկնակի տխրութեան պատճառ դարձան Յովաստէի¹⁴, ըսաւ հովուերգական նուագներուն երգիչը¹⁵, անով՝ զոր հոն քեզի հետ կը զարնէ կլիտով¹⁶, չ'երևար որ հաւատքն զքեզ հաւատացեալ ըրած ըլլայ, առանց որուն բարեք ընել չի բա-

ւեր: Եւ եթէ այսպէս է, ո՞ր արեգակ, կամ ո՞ր ճրագ այնքան զբեղ լուսաւորեցին, որմէ յետոյ կրցար դուն ուղղուիլ Չկնորսին¹⁷ առաջաստներուն ետեւէն:

Եւ Ստասիոս անոր. « Գուն նախ ուզարկեցիր զիս դէպ ի Պանասոս՝ խմելու իր անձաւներէն, և յետոյ, լուսաւորեցիր զիս առ Աստուած երթալու: Ըրիր դուն նման մէկուն՝ որ կ'երթայ գիշերանց, կրելով իր ետեւէն լոյս մը՝ որմէ ինքը չ'օգտուիր, բայց իր ետեւէն եկողները կը լուսաւորէ, երբ ըսիր. « Գարը կը նորոգուի, կը դառնայ արդարութիւն և մարդկային նախկին ժամանակը, և նոր շտապիդ մը կ'իջնէ երկրներէն¹⁸ »: Քեզմով բանաստեղծ եղայ, քեզմով քրիստոնեայ. բայց որպէս զի աւելի լաւ տեսնես ուրուագրածս, ձեռքովս պիտի գունաւորեմ զայն¹⁹: Արդէն երկիրը բոլոր բովանդակ լի էր ճշմարիտ հաւատքով, որ ցանուած էր յաւիտենական թագաւորութեան զեսպաններուն ձեռքով. ու քու վերն ակնարկուած խօսքդ այնպէս կը համաձայնէր նոր քարոզիչներուն հետ, որ ես սովորութիւն դարձուցի այցելել անոնց: Յետոյ առնոնք ինծի այնքան սուրբ երեցան, որ երբ Գոմետիանոս հալածեց զանոնք, իրենց ար-

ցունքներն առանց խմինիս չեղան, և որչափ ատեն երկրի վրայ մնացի, օգնեցի իրենց. և իրենց ուղիղ բարքերը արհամարհել տուին ինծի միւս բոլոր ազանդները. և Յոյները զեռ թերէի զետերը չտարած՝ քերթուածիս մէջ, մկրտութիւնն ընդունեցայ, բայց վախէս ծածուկ քրիստոնեայ մնացի, երկար ատեն հեթանոսութիւն կեղծելով. և այս գաղջութիւնը չորբորդ պարունակը շրջեցուց զիս չորս հարիւր տարիէ աւելի: Գուն ուրեմն, որ վերցուցիր²⁰ կափարիչը, որ կը ծածկէր այն մեծ բարին՝ որուն վրայ կը խօսեմ, մինչ բաւական տեղ ունինք զեռ ելլելու, ըսէ՛ ինծի, եթէ գիտես, ո՞ւր է մեր հինաւուրց Տերենտիոսը, Կեկիլիոսը, Պղաւտոսն ու Վարրոսը²¹, ըսէ ինծի թէ արդեօք զատապարտուած են, և ո՞ր պարուհակին մէջ »:

— Անոնք և Պերսէոսը²², և ես, և ուրիշ շատեր, պատասխանեց առաջնորդս, ենք այն յոյնին²³ հետը, զոր Մուսաները զիեցուցին՝ որիշ ամէնքէն աւելի, մութ բանտին առաջին պարունակին մէջ²⁴: Շատ անգամներ կը խօսինք այն լեռան²⁵ վրայ, որ միշտ մեր գայեակներն իր հետն ունի: Մեզի հետ է Երիպիղէսը և Անտիստանը²⁶,

Սիմոնիդէս, Ագաթոն և ուրիշ շատ յոյներ, որոնք երբեմն գափնիով զարդարեցին ճակատնին: Քու գիւցազներէդ²⁷ կը տեսնուին հոն Անտիգոնէն²⁸, Դէիփիլէն և Արգիան, և Իսմինէ՝ այնքան արտուր ինչպէս էր: Կերեւի և ան՝²⁹ որ Լանգիան ցուցուց, և Տիրեսիասի գուտարը³⁰ և Թեախս, և Դէիդամէ՝ իր քոյրերովը:

Արդէն լած էին երկու բանաստեղծները, նորէն ուշագրութեամբ իրենց շուրջը կը նայէին, ելքէն³¹ ու պատերէն ազատուած. և արդէն օրուան չորս աղփախիւնները³² ես մնացած էին և չորրորդը բեղիին քովն էր, դէպ ի վեր ուղղելով իր հրավառ եղջիւրը, երբ առաջնորդս. « Կարծեմ թէ պէտք պիտի ըլլայ որ աջ ուտերնիս դէպ ի դուրս դարձնենք՝ լերան շուրջը դառնալու համար, ինչպէս կ'ընենք սովորաբար »:

Այսպէս սովորութիւնը եղաւ մեզի առաջնորդ, և բռնեցինք ճամբանիս նուազագոյն տարակուսանքով՝ հաւանութեամբ արժանաւոր այն հոգիին:

Անոնք առջեւէն կ'երթային, և ես մինակ ետեւնէն, և մտիկ կ'ընէի իրենց խօսքերուն, որոնք բանաստեղծելու աւելն կը ներշնչէին ինծի: Բայց քաղցր խօսակցութիւններն ընդ-

հատեց յանկարծակի ծառ մը՝ զոր գտանք ճամբուն մէջ տեղը, անուշահոտ և ընտիր պտուղներով: Եւ ինչպէս եղեւինը որչափ վեր երթայ այնչափ ձիւղերը կը նօսրնան, այսպէս այն ծառն ալ որչափ դէպ ի վար կ'երթար, և ասիկա կարծեմ անոր համար էր որ մարդ չելլէ վրան: Այն կողմը՝ որ մեր ճամբան զոցուած էր, բարձր ժայռէն ջինջ ջուր մը կը թափէր՝ որ կը տարածուէր տերեւներն ի վեր³³: Երկու քերթողները ծառին մօտեցան, և տերեւներուն մէջէն ձայն մը գոչեց անոնց. « Այս կերակրէն ժուժկալ պիտի մնայք »: Յետոյ ըսաւ. « Մարիամ կը մտածէր աւելի, որ հարսնիքը³⁴ պատուաւոր և կատարեալ ըլլայ, քան թէ իր բերանը որ արդ ձեզի համար կը պատասխանէ. և հին հոովմայեցի կիւները՝³⁵ խմելու համար ջրով կը գոհանային, և Դանիէլ³⁶ արհամարհեց կերակուրը և զիտութիւն ստացաւ: Առաջին դարը՝ որ իբրև սոկի գեղեցիկ եղաւ՝ անօթութեամբ խոզկաղինը համեզ ըրաւ, և ծարաւով ամէն առուակ՝ նեկտար: Մեզը ու մարախ էին կերակուրները, որոնք սնուցին Մկրտիչն աւնապատին մէջ, որուն համար փառաւոր է ան և այնքան մեծ՝ որքան Աւետարանով կը ցուցուի ձեզի »:

Ծ Ա Ն Օ Թ Ո Ի Թ Ի Ի Ն Վ

1. Հարուած կըսէ, վասն զի հրեշտակը սուրին ծայրովը գրած էր այն Մեհերը:
2. Այսինքն՝ քաղցեալը ձգած էր:
3. Վասն զի Մեհերէն մէկն ալ ջնջուած էր:
4. Ստատիոսի և Վիրգիլի:
5. Յորնալ՝ Ստատիոսէն քիչ վերջ ծաղկեցաւ, և գովեց Թէրէականը, որուն մէջ Ստատիոս մեծ յարգանք կը ցուցնէ առ Վիրգիլի:
6. Այլ միայն համբաւը լսած:
7. Պարզ և համարձակ խօսելու:
8. Այսինքն՝ շոյութիւնը:
9. Էնիակահին մէջ, Գ, 56, եւն:
10. Եթէ վարքս փոխած չըլլայի, պիտի դատապարտուէի գլտորելու այն ծանրութիւնները (տես Դժոխք Է, 27) և պիտի զգայի ազահներուն և շոյութիւններուն իրարու հետ բաղխիւնը:
11. Տես Դժոխք Է, 57, ուր ըսուած է թէ շոյութիւնները դատաստանին օրն առանց մազի պիտի յարուծիւն առնեն:

12. Շատերը կարծելով որ շոյութիւնը մեղք չէ, չեն զղջար ոչ ապրած և ոչ ալ մեռած ատեննին:
13. Եւ որովհետեւ ազահութեան հակառակ մեղքը շոյութիւնն է, Ստատիոսն ալ նոյն պարունակին մէջ՝ ազահներուն հետ՝ կը քաւէ իր մեղքը:
14. Յովաստէի երկու որդիքը կահնարկէ Էտեռկէն և Պուլինիկէ:
15. Այսինքն՝ Վիրգիլի:
16. Կլիով պատմութեան Մուսան է, քանի որ Կլիոնն է քեզի ներշնչողը՝ քնարը քեզի հետ զարնոյրը, և քերթուածդ հեթանոսութիւն կը հոտի, եւն: Քերթուածին սկիզբը Ստատիոս կոչում կ'ընէ Կլիովի:
17. Պետրոս Առաքեալին:
18. Զորորդ Հովուերգութան մէջ տ. 5-7, կ'ըսէ Վիրգիլ.
«Պարագայց յաւիտենից կարգ մեծ ըսկիզբն առնու (անդրէն. Դարձ այժմիկ առնէ կոյսն, և դարձ կրողներն արքայութիւն. Նոր այժմ աւասիկ իջանէ զարմ յերկնից բարձանց»:
Բոլոր Միջին դարուն հետ՝ այս տողերուն մէջ Տանդէ Քրիստոսի կամ Քրիստոնէութեան մասին մարդարեւութիւն մը տեսաւ:
19. Այսինքն՝ աւելի պիտի խօսիմ:
20. Այսինքն՝ առաքաստը որ աչքերս կը պատէր վերցուցիր. պատճառ եղար որ քրիստոնէայ ըլլամ:
21. Լատին քերթողներ:
22. Նոյնպէս Լատին քերթող:
23. Այսինքն՝ Հովերոսի:
24. Այսինքն՝ Լիւդուսը:

25. Այսինքն՝ Պառնասոս, ուր կը բնակին Մուսաները:

26. Անտիփոնի տեղ, Անակրէոն կը կարդան այլ և այլ բնագիրներ:

27. Չորս երգեցիլը Թէրէականիդ մէջ:

28. Անտիգոնէ՝ դուստր Թերագոցոց Իդիպոս Թագաւորին. Դէփիլէ՝ դուստր Արքասոս Թագաւորին Արգիւացոցոց. — Արգիա՝ ուրիշ դուստր նոյնին, և կին Պոլինիէի, և Իամենէ, ինքն ալ դուստր Իդիպոսի, այնչափ տխուր ինչպէս էր՝ վասն զի Տիտէոս սպաննեց իր խօսեցեալը:

29. Այսինքն է՝ Իսիփիլէն՝ դուստր Լիննոսի Տոանդէս Թագաւորին, որ Արքասոսի և իր ծարաւէն լիկուած բանակին ցուցուց Լանգիւ գետը կամ աղբիւրը:

30. Այսինքն՝ Դափնիս. — Թետիս, Աքիլլէսի մայրը. — Դէփրամէ, դուստր Լիկոմեդէսի. տես Դժոյխք ԻՄ, 62:

31. Սանդուղը ըրած լինցուցած էին, և ազատած նեղ պատերէն:

32. Օրուան տաջին չորս ժամերը իրենց ճառայուած թիւնը կատարած էին, և հինգերորդը կեցած էր արեւային սայլին քեղիին քով, քեղիին լուսաւոր կէտը դէպ ի վեր ուղղելով:

33. Առանց գետին թափելու:

34. Կանայի հարսնէքը, ուր Մարիամ ուտելէն աւելի, բերնէն աւելի, (որ ահա ձեզի համար կը բարեխօսէ որ Աստուած ներուժն շնորհէ ձեզի որկրամուլուծեան մեղքին համար) կը մտածէր որ խայտառակուծիւն մը չըլլայ. եւն:

35. Հասարակապետութեան օրով կիները գինի չէին խմեր:

36. Դանիէլ չուզեց ուտել Նաբուգոդոնոսորի սեղանէն, որով և ամէն գիտութիւն ստացաւ Աստուծմէ. տես Դանիէլ Ա, 8, 17, եւն:

Ի Գ Ե Ր Գ

Երբ այսպէս աչքերս յառած էի դէպ ի կանաչ սաղարթները, ինչպէս կ'ընէ սովորաբար ան՝¹ որ թռչնակին ետեւէ, իր կեանքը կը կորսնցընէ, ան որ հօրմէ մը աւելի էր ինծի, կ'ըսէր. « Որպեակ, եկուր ալ, վասն զի կ'ուզուի որ մեզի նշանակուած ժամանակը աւելի օգտակար կերպով գործածուի »:

Դէմքս ու քայլս ոչ նուազ փութով դէպ ի իմաստունները պարծուցի, որոնք այնպէս լաւ կը խօսէին, որ քալելէն ոչինչ յոգնութիւն չէի զգար: Եւ ահա լուեցաւ որ կուլային և կ'երգէին. « Տէր, երբ զըրրուսն իմ բաւաս », այնպիսի կերպով մը՝ որ հաճոյք և վիշտ կը պատճառէր:

— Ով քաղցր հայր, ի՞նչ է լսածս », սկսայ ես, և ան. « Ստուերներ են՝ որոնք կ'երթան թերեւս իրենց պարտքին կապը քակելով » :

Նման մտածկոտ ուղեւորներու, որոնք ճամբան անձանթ մարդոց հանդիպելով՝ անոնց կը դառնան ու չեն կանգ առներ, այսպէս մեր ետեւէն՝ աւելի արագ քալելով՝ կը հասնէր ու կ'անցնէր մեզմէ հոգիներու ըսիկ ու բարեպաշտ ամբօխը՝ մեր վրայ զարմանալով: Մութ և խոռոչացած աչքեր ունէր իւրաքանչիւրը, գէմքը տփռոյն, և այնքան նիհար՝ որ մտրթը ոսկրին ձեւը կ'առնէր: Չեմ կարծեր որ Երէստիքթոն² այնքան չորցած ըլլայ մինչեւ մտրթը՝ անթուր թենէն, երբ աւելի վախ ունեցաւ անկէ³: Ինքնիրենս մտածելով կ'ըսէի. « Ահա այն ժողովուրդը որ Երուսաղէմը կորսնցուց, երբ Մարիամ⁴ կառցն իր որբոյն մէջը մխեց: Ակնակապիճները առանց բարի մատանիներ կը թուէին. ով որ⁵ մարդոց գէմքին մէջ « օմօ » (omo) կը կարդայ, հոն լաւ պիտի ճանչնար Էմե (m) գիրը: Ո՞վ պիտի կարծէր՝ չգիտնալով թէ ի՞նչպէս՝ թէ պտուղի մը հօտը և ջուրի մը էջը այնքան պիտի նիհարցընէր զանոնք՝ անոնց ախոր-

ժակը բերելով: Չարմանալու հետ էի արդէն թէ ի՞նչ բան զանոնք այնպէս սուլալուկ կ'ընէ՝ վասն զի գեռ յայտնուած չէր պատճառն անոնց նիհարութեան և անոնց ախոր թեփերուն⁶, երբ զլսուն խորքէն աչքերն ինծի դարձուց ստուեր մը, և նայեցաւ սեւեռուն, յետոյ պողաց ուժգին. « Ի՞նչ շնորհ է այս ինծի »:

Դէմքէն՝ երբեք պիտի չճանչնայի զանիկա. բայց ձայնովն յայտնուեցաւ ինծի՝ ինչ որ երեսը ծածկած էր ինծմէ: Այն ձայնը կայծ մը եղաւ՝ վառելու իմ ծանօթութիւնս գէպ ի այն փոխուած կերպարանքը, ու ճանչնայ Փորէզէի⁷ գէմքը:

— Ո՛հ, մի նայիր չորցած քոսին՝ որ կ'այլադուռէ մտրթս, կ'աղաչէր ան, և ոչ ալ մտիս պակասութեանը. բայց ըսէ ճշմարիտը քու մասին, և ս՛ղ են այն երկու հոգիները որ քեզի կ'առաջնորդեն. մի կենար առանց ինծի խօսելու:

— Դէմքը՝ զոր լացի երբեմն մեռած, նուազագոյն ցաւ մը չէ որ լալ կու տայ արդ իսկ, պատասխանեցի ես, տեսնելով զայն այնքան այլանդակուած: Սակայն ըսէ ինծի, Աստուծոյ սիրոյն, ի՞նչ բան զձեզ այսպէս տերեւաթափ կ'ընէ⁸. մի խօսել տար

ինծի քանի որ զարմանքի մէջ եմ, վասն զի կրնայ գէշ բաներ խօսիլ ով որ լեցուն է տարբեր կամքով⁹ :

Եւ ան ինծի. « Յաւիտենական խորհուրդէն զօրութիւն կ'իջնէ ջուրին և սունկին մէջ՝ որ ետև մնաց, և որ զիս այսպէս կը բարակցընէ: Բոլոր այս ամբոխը՝ որ լալով կ'երգէ, իր տարապայման որկրամտութեան համար, քաղցով ու ծարաւով կը սրբանայ հոս: Հոտը որ կ'իլլէ պտուղէն և ցայտումը ջրին որ գէպ ի վեր կանաչութիւնը կը տարածուի՝ կը վառէ մեր մէջ խմելու և ուտելու ախորժակը, և մէկ անգամ չէ որ՝ այս շրջանը ընեղնուս՝ կը նորոգուի մեր տանջանքը (տանջանք կ'ըսեմ և պէտք է ի հաճոյք ըսել), վասն զի այն կամքը որ մեզ գէպ ի ծառը կը տանի, է այն՝ որ զուարթ կերպով ըսել տուա Քրիստոսի « էլի¹⁰ », երբ ազատեց զմեզ իր երակովը¹¹ » :

Եւ ես անոր. « Ֆորէզէ, այն օրէն որ աշխարհը փոխեցիր լաւագոյն կեանքի մը հետ, հինգ տարի անցած չէ մինչև այս օրս: Եթէ քու մէջզ մեղանչելու զօրութեան սպառնելէն վերջն էր¹³ որ եկաւ ժամը բարի զղջումին որ զմեզ Աստուծոյ հետ կը միացընէ, ինչպէս գուն հոս վերն ելար. ես կը

կարծէի գտնել զքեզ դեռ աւելի վարը՝ որ ժամանակը ժամանակով կը նորոգուի » :

Եւ ան ինծի. « Նեղայիս հեղեղօրէն արցունքները առաջնորդեցին զիս այսպէս փութով խմելու տանջանքներու քաղցը օշինդրը: Իր ջերմեռանդն աղօթքներով և հառաչանքներով կորզեց զիս այն տեղէն ուր կը սպասուէի, և ազատեց զիս միւս հինգ պարունակներէն: Այնքան աւելի սիրելի և փարելի է Աստուծոյ այրիս՝ զոր այնչափ սիրեցի, որքան աւելի միայնակ է բարի դործելուն մէջ. վասն զի Սարաենիոյ Պարպաճիան¹⁴ շատ աւելի պարկեշտ է իր կիներովը քան այն Պարպաճիան՝ ուր ես ձգեցի զայն: Ով քաղցը եղբայր, ինչ կ'ուզես որ ըսեմ: Ապագան արդէն աչքիս առջեւն է, որուն համար այս ժամ շատ հին պիտի չըլլայ, ուր բեմէն պիտի արգիլուի Փլորենտացի լիտի կիներուն քալելը՝ ցուցնելով կուրծքը ծիծերով: Եզան երբեք կիներ, ըլլան բարբարոս, ըլլան սարակինոս, որոնց պէտք ըլլային՝ որպէս զի ծածկուած քալեն՝ եկեղեցական կամ ուրիշ պատիժներ: Բայց եթէ անամօթները գիտնային ստոյգ՝ ինչ որ երկինքը կը փութայ իրենց պատարաստել, արդէն իսկ պիտի բանային բերաննին ու-

նալու համար. վասն զի՝ եթէ նախատեսու-
թիւնը չի խաբեր զիս հոս, ախար պիտի
ըլլան անոնք չմոտած զեռ այտերն անոր՝
որ հիմա նէննիով¹⁵ կը միթարուի: Օ՛ն,
եղբայր, ալ մի ծածկեր ինքզինքդ ինծմէ¹⁶,
տես որ ոչ միայն ես, այլ բոլոր այս ամբոխը
կը նայի հոն՝ ուր գուն արեւը կը քօղես¹⁷ »:

Եւ ես անոր. « Եթէ դու միացդ բերես
թէ ինչպէս էիր գուն ինծի հետ, և ինչ ես
քեզի հետ, աւելի դառն պիտի ըլլայ յի-
շիւր հիմա: Այն կեանքէն կտրեց զիս աս՝
որ կ'երթայ առջեւէս՝ անցեալ օր, երբ ձեզի
կըտրակ երեւցաւ քո՛յրը¹⁸ անոր (ու արեւը
ցուցուցի): Աս առաջնորդեց զիս իրապէս
մեռելներու խաւարակուս գիշերուան մէջէն՝
այս ճշմարիտ մտով՝ որ իրեն կը հեռուի:
Ուրիկէ՝ քաջալերուած իր խրատուանքներով՝
վեր քաշուեցայ ելլելով ու շուրջը գտնա-
լով լերան՝ որ կը շտկէ գձեկ՝ զօրս աշ-
խարհը ծոց: Այնքան խոտաացաւ ընկերիկ
ինծի, որ ես պիտի ըլլամ հոն՝ ուր Երա-
նուհին է. հոն հարկ է որ առանց իրեն
մնամ: Աս՝ վիրգիլիտոն է որ այսպէս կը
խօսի ինծի (ու զինքը ցուցուցի). և միւսը՝
է այն ստուերը՝ որուն համար քիչ առաջ
ցնցեց իր ամէն կողմը ձեր թագաւորու-
թիւնը, որ դայն կը հեռացընէ իրմէն:

Ծ Ա Ն Օ Թ Ո Ի Թ Ի Ի Ն Ք

1. Որտեղ:
2. Նախատեղով Գեմեարէ աստուածուհին, ըստ ա-
ռասպելին. այնպիսի քաղցով մը վառուեցաւ անկէ,
որ իր բոլոր ստացուածքն սպառելով, ծախեց իր աղ-
ջիկը, և հուսկ յետոյ սկսաւ ինքզինքը ուտել. Ովիդ
Այլակերպ. Ը:
3. Անթուրթեան:
4. Տիտոսի Երուսաղէմը պաշարած ատեն՝ երուսա-
ղեմացի ազնուական տիկին մը Մարիամ անուն, ան-
թուրթեան կատաղութենէն՝ ակոսները իր սրգոյն
մէջը մխեց. Յովսէպոս:
5. Մէջին դարու աստուածաբանները կը պնդէին թէ
Աստուած իր ձեռքով գրած ըլլայ մարդոց դէմքին
վրայ Homo Dei (մարդ Աստուծոյ) բառերը. և այս
կերպով կը կարգային. ազանջներէն մին H է, կ'ըսէին,
և միւսը՝ հակառակ դերքով D. աչքը O է, քիթը յօն-
քերով M. բերանը I: Արդ կ'ըսէ Տանդէ թէ աչքերը՝

նիհարութենէն՝ այնպէս գլխուն մէջը խրուած էին, որ
M գիրը որոշակի կը տեսնուէր:

6. Չորրորդ մարտին:

7. Փլորենտացի Դոնատեանց ընտանիքէն, բարեկամ
և ազգական Տանգէի, որկրամու:

8. Կը նիհարցընէ:

9. Այսինքն է՝ լսելու, և ոչ թէ խօսելու:

10. Էյի էյի յամասարաբարնի Յիսուսի խօսքերն են
խաչին վրայ: — Զոչարք կերպով, թէեւ տխուր՝ վասն
զի մարդկութիւնը կը մեռնէր, բայց ուրախ՝ վասն զի
մարդկային ազգը պիտի փրկէր անով:

11. Այսինքն՝ իր երակներուն արինովը:

12. Այսինքն կեանքիդ վերջերը՝ ուր ալ չէիր կրնար
մեղանչել, ինչպէս այսբան վեր ելար, ես կը կարծէի
զքեզ Նախաքաւարանին (Antipurgatorio) մէջ գտնել:

13. Սարտենիոյ էն լեռնային և անմշակ կողմը՝ որ
այսպէս Barbagia կը կոչուէր, իբրև barbara (բար-
բարոս): Ճենովացիք կղզին այլազգներուն ձեռքէն առ-
նելէն վերջն ալ չկրցան նուաճել Պարպաճիան, ուր
կինի կիներ կային, անպարկեշտ կերպով հագուած: —
Միւս Պարպաճիան Տոսկանայինն է, այսինքն Փլորեն-
տիա, ուր՝ մեռնելու՝ թողուցի գայն:

14. Օրորով: Կաթնկեր տղան արբունքի չհասած:

15. Ըսէ ով ըլլալդ:

16. Ստուեր կը ձգես, մարմին ըլլալուդ համար:

17. Լուսինը:

Ի Դ Ե Ր Գ

— — —

Ոչ երթալը խօսիլը, և ոչ խօսիլը եր-
թալը կը գանդաղցընէր, այլ խօսելով շու-
տով կը քալէինք, յաջող հովէ մղուած նա-
ւու մը պէս: Եւ ստուերները՝ որոնք կրկնա-
մեռ կը թուէին, իմանալով որ սղջ եմ՝
իրենց աչքերուն խոտչներովը վրասս գար-
մացում կը յայտնէին: Եւ ես, խօսքս շա-
րունակելով, բաի. «Ան՝ կարծես առելի
գանդաղ կ'ելլէ վեր՝ ուրիշին պատճառաւ՝ որ
պիտի չընէր: Բայց բռէ ինձի, եթէ գիտես,
մեր է Բիզգարաան՝. բռէ ինձի թէ կայ՝
նշանաւոր մէկն այս ամբոխին մէջ որ այն-
քան ինձի կը նայի»:

— Քոյրս, որ չեմ գիտեր թէ առելի
գեղեցիկ էր թէ առելի բարի, իր պսակովը
գուարթագին կը յաղթանակէ բարձր Ոլիմ-

պոսին մէջ» : Այսպէս ըստ նախ, և յետոյ . « Հոս արգելք մը չկայ իւրաքանչիւրն իր անունով կոչելու, վասն զի մեր գէմքն անստաղութենէն բոլորովին խանգարուած է : Աս, (և մատովը ցուցուց), Պոնաճիւնութան⁴ է, Լուքքացի Պոնաճիւնութան, և այն գէմքը՝ անկէ անդին, միւսներէն աւելի վըտիտ, սուրբ եկեղեցին իր բազուկներուն մէջը ունեցաւ⁵ . Գորտոյէն էր, և կը քաւէ անօթութեամբ Պոլսէնայի օձաձուկերը և ճերմակ զինին» : Ուրիշ շահերու անունը տուաւ ինծի մէկիկ մէկիկ, և ամէնքը գոհ կ'ըրեային անուննին տրուելէն . այնպէս որ բնապեղ շարժում մը չտեսայ⁶ : Տեսայ որ Ուպարաին Բիլլայիան⁷ անօթութենէն ահաաները կը շարժէր զուր տեղ, և վճնիփակիտ⁸ որ գաւազանովը շատ մարդիկ հովուեց : Տեսայ Տէր Մարքէզը⁹ որ զիւրութիւն ունեցաւ խմելու ի Գորլի նուազ ծառաւով, և սակայն երբեք իր ծառաւը անցած չզգաց : Բայց նման անոր որ կը նայի և կը գնահատէ մին աւելի քան թէ միւսը, ես ալ նոյնը ըրի Լուքքացիին, որ զիս աւելի ճանչնալու իղձ մը կը ցուցնէր : Ան կը մըմտար, և ես ճննթութեքա էր ինչ էր կը լսէի հոն¹⁰ ուր կը զգար ան արգարութեան հարուածը որ զանոնք այնքան կը վտտէ :

— Ով հարկի, ըսի ես, որ ինծի հետ խօսելու խանգակաթ կ'երեւայ, ըրէ որ հասկնամ միտքդ, ու խօսելովդ զիս ալ քեզ ալ գոհացուր :

— Էդ մը ծնաւ, և զեռ քօղ չի կրեր, պիտաւ ան, որ քեզի հաճելի պիտի ընէ իմ քաղաքս, թէեւ կը պարսաւուի¹¹ ան : Գուն պիտի երթաս հոն այս մարգարէութեամբ . եթէ իմ այս մըմտումս մէջ սխալ բան տեսար, ճշմարիտ իրերը քեզի պիտի յայտնին : Բայց ըսէ ինծի թէ արդիօք հոս զայն կը տեսնեմ որ նոր տողեր արտադրեց՝ սկսելով . « Կիներ, որ սիրոյ իմացականութիւնը ունիք¹² » :

Էլ ես անոր . « Մէկն եմ ես՝ որ՝ երբ սէրը ինծի կը ներշնչէ, կը գրեմ, և այն եղանակով որ ներսս կը թելադրէ կ'երգեմ » :

— Ո՞վ եղբայր, կը տեսնեմ արդ, բաւ, այն կապը՝ որ Նոտարոն¹³, Կուխլգանն ու զիս հետու բոնեց այն քաղցը նոր սճէն՝ զոր կը լսեմ : Լաւ կը տեսնեմ թէ ինչպէս ձեր¹⁴ գրիչները թելադրողին¹⁵ կից կ'ընթանան . մինչդեռ մերիններն այսպէս չըրին . և ով որ հաճելի ըլլալու¹⁶ համար տարբեր ճամբայ կը բռնէ, մէկ սճէն միտին զանազանութիւնը չի տեսներ », ու գրեթէ գոհ լուեց :

Ինչպէս թուշունները՝ որ Նեղոսի երկայնքը կը ձմերեն՝ երբեմն կ'երամանան, յետոյ կը թուշին հապճեպով և կարգով կ'երթան, այսպէս բոլոր անոնք որ հոն էին, զէմքերնին գարձընելով, քայլերնին շուտացոցին՝ նիհարութենէն ու կամքէն արզէն թեթեւցած: Եւ նման մարդուն՝ որ վազելէն յոգնած՝ կը թողու որ ընկերները անցնին, ու կը պտըտի մինչև որ կուրծքին հեքը դադրի, այսպէս թողուց Պորէզէ որ սուրբ հօտը անցնի, ու հետո ետ կը դառնար ըսելով.

— Ե՞րբ պիտի գրեզ վերստին տեսնեմ:

— Չեմ գիտեր, պատասխանեցի իրեն, թէ սրչափ պիտի ապրիմ, բայց իմ գարձս¹⁷ այնչափ շուտ պիտի չըլլայ, որ ես իղձով աւելի շուտ չհասնիմ փփուրքը. վասն զի տեղն ուր գրուած եմ ապրելու համար՝ որ օրուան վրայ կը կտոպատուի բարութենէ, և կարծես զժնդակ աւերածի մը կը պատրաստուի:

— Գնա արդ, ըսաւ ան, վասն զի այդ բանին ամենէն աւելի յանցաւորը¹⁸ կը տեսնեմ ես ձիուն մը ագիին կապուած՝ քաշքըշուած զէպ ի հովիտը՝¹⁹ ուր մեզքը երբեք չի քաւուիր: Անասունն ամէն մէկ քայ-

լին աւելի արագ կ'երթայ, աւելցնելով միշտ, մինչև որ կը զարնէ զայն և կը թողու մարմինը անարգաբար այլանդակուած: Այն անիւները²⁰ շատ չգարձած, և աչքերը զէպ ի երկինք յառեց, քեզի յայտնի պիտի ըլլայ ինչ որ իմ խօսքերս չեն կրնար աւելի բացատրել քեզի: Արդ մնաս բարով, վասն զի այս թագաւորութեան մէջ ժամանակը սուղ է, և ես չափազանց կը կորսնցընեմ՝ քայլ առ քայլ այսպէս հեռու գալով:

Ինչպէս երբեմն ասպետ մ'հեծելախումբէն կ'ելլէ քառատրոփ ու կ'երթայ ժառանգելու համար պատիւը տուջին բախումին, այսպէս մեկնեցաւ ան մեզմէ մեծագոյն քայլերով. ու ես ճամբան մնացի հետը այն երկուքին, որոնք աշխարհի այնքան մեծ մարաջախտները²¹ եզան: Եւ երբ այնչափ առաջ անցաւ, հեռացաւ ան մեզմէ՝²² որ աչքերս իրեն ետեւէն յառեցան, ինչպէս որ միաքոս իր խօսքերուն, ևրեցան ինձի պողպալից և կանաչ ճիւղերն ուրիշ ծառի մը, և ոչ շատ հեռուն, այն ժամանակ զէպ ի այն կողմը գարձած բլլալուս համար: Տեսայ անոր տակը մարդիկ՝ որոնք ձեռքերնին կ'երկընցընէին և չեմ գիտեր ինչ կ'ազգակէին զէպ ի սաղարթները, նման պարբիկ

տղոց որոնք կ'աղաչեն և ան՝ որուն կ'աղաչեն, չի պատասխաներ, այլ անոնց փափաքն աւելի սրելու համար, բարձր կը բռնէ սզածնին ու չի ծածկեր: Յետոյ մեկնեցան իբրև հիասթափ. ու մենք անմիջապէս այն մեծ ծառին քով եկանք, որ այնչափ ազօթքներն ու արցունքները կը մերժէ:

— Հետուէ՛ն անցէք առանց մօտենալու. աւելի վերը ծառ մը կայ՝ զոր խածաւ Եւա²³, և այս տունին անկէ բուսաւ:

Այսպէս կ'ըսէր չեմ գիտեր ս'ի ճիւղերուն մէջէն. որուն վրայ Վիրգիլիոս, Ստասիոս և ես, իբարու կ'ալած՝ կ'երթայինք այն կողմը՝ ուրկէ լեօր կը ցցուի:

— Յիշեցէք, կ'ըսէր ձայնը, ամպերուն մէջ կազմուած²⁶ անիծեալները՝ որոնք կուշա ու կուտ՝ պատերազմեցան թեհեոսի գէմ՝ կրկին կուրծքերով. և երբայցիները՝ որոնք մեղկօրէն խմեցին, որով Գեդէոն չունեցաւ զանոնք իբրև իրեն ընկեր, երբ բլուրներն ի վար իջաւ գէպ ի Մադիամ:

Այսպէս, կոթնած երկու եզրերէն մէկուն, անցանք, լսելով որկրամուլթեան մեղքերը, և անոնց եղկելի հեռեանքները: Յետոյ, իբարմէ բաժնուած²⁵ մերկ ձամբուն վրայ, հազար քայլ մը աւելի առաջ անցանք, իւրաքանչիւրնիս լուռ մտածելով:

— Ի՞նչ կ'երթաք այդպէս մտածելով երեքնիդ միայն, ըսաւ ձայն մը յանկարծակի. որմէ ցնցուեցայ ես, ինչպէս կ'ընեն ահաբեկած և քնէած անասունները:

Տնկեցի գլուխս տեսնելու համար թէ ով էր. և երբեք չտեսնուեցան փռան մը մէջ ապաւիկներ կամ մետաղներ այնքան լուսեղ ու աարաշէկ, ինչպէս աեսայ ես մէկը²⁶ որ կ'ըսէր.

— Եթէ վեր ելլել կ'ուզէք, հոս պէտք է գտնաք. ասկէ կ'երթայ ով որ կ'ուզէ գէպ ի խաղաղութիւն երթալ:

Իր գէմքը կորզած էր տեսութիւնս. ուստի վարպետներուս ետեւը անցայ, նման մարդու մը որ կ'երթայ լսածին ետեւէ²⁷: Եւ ինչպէս մայիսի սիւրբ՝ սուրհանդակ արշաւոյններու՝ կը շնչէ ու կը բուրումնաւետէ, բոլորովին տողորուն խառով ու ծաղկով, այնպիսի հով մը զգացի ճակատիս միջեւ, ու լաւ զգացի թեկին շարժումը, որ զգալ տուաւ ինձ ամբոսխայի հոտը, և լսեցի որ կ'ըսուէր.

— Երանի անոնց՝ զորս կը լուսաւորէ այնքան շնորհ, որ որկորաժէտութեան սէրը կուրծքերնուն մէջ չի վառեր չափազանց ախորժակ, և կ'անօթենան միայն այնչափ որչափ պատշաճ է:

Ծ Ա Ն Օ Թ Ո Ի Թ Ի Ի Ն Ք

1. Ստատիստի հոգին՝ Վիրգիլի ընկերութիւնը վայելելու համար դանդաղ կը քալէ, գոր պիտի չընէր՝ եթէ մինակ ըլլար:
2. Քոյր Ֆորէզէի, շատ գեղեցիկ մարապետ կ'ըլլայ, բայց վանքէն բնի կը հանուի՝ ամուսնացնելու համար զինքը իր խօսեցեալին հետ, բայց քիչ ատենէն կը հիւանդանայ կը մեռնի:
3. Ինչպէս որ կայ Գոթիքին մէջ:
4. Միջակ բանաստեղծ. Տանդէի ժամանակակից:
5. Այսինքն, ամուսին եղաւ Եղեղեցոյ, որ է ըսել Պապ. — Մարտինոս Գ. (1280—84) Գորսոյէ (Գուռա Tours քաղաք Ֆրանսայի). — Ճերմակ գինիին (vernaccia) մէջ կը մեռցընէր Պուլսէնա լճին օձաձուկերը, և յետոյ համով համով կը ճաշակէր:
6. Տհաճութեան կամ բարկութեան:
7. Եղբայր Հովհաննիսոս կարգինալին, որ գրուած է Գոթիքին մէջ, տես Ժ, 120:
8. Արքեպիսկոպոս Հռաւեննայի:
9. Մեծ խմոյ: Մառանապետը կ'ըսէ իրեն օր մը. թէ ամբողջ քաղաքը կ'ըսէ քեզի համար թէ միշտ

խմելու հետ է, և դուն պատասխանէ, կ'ըսէ, թէ միշտ ծարաւ է:

10. Այսինքն բերին մէջ: — Ճերմաքքա՝ Լուքքայի ազնուական կին մը, որուն սիրահարեցաւ Տանդէ, երբ 1314ին Լուքքա գնաց իր Ուկուչչին բարեկամին: Այս խօսքերով կը ձեւացնէ Տանդէ որ Պինաճիննիթան իր սիրահարութիւնը կը մարգարէանայ:

11. Յանդիմանութիւն Տանդէի, վասն զի Գոթիքին մէջ գէշ խօսած էր Լուքքայի մասին. տես ԻԱ, 41, եւն:

12. «Donne, ch' avete intelletto d'amore», այսպէս կը սկսի Տանդէի մէկ գեղեցիկ քնարերգականը ի գովեստ Երանուհոյ, և է Նոր կեանքին (Vita nuova) մէջ:

13. Ժամանակակից քերթողներ:

14. Ձեր կ'ըսէ ահնարկելով Տանդէն, կուխոյ Գաւալքանդին և Ձինոյ Բիսոլայցին:

15. Այսինքն՝ սիրոյ:

16. Այս տողը երկու կերպով կը կարդան.

E qual più a gradire oltre si mette,
որ է մեր թարգմանածը. ուրիշներ gradire բայց riguardar կը կարդան, ու կը մեկնեն՝ թէ ով որ աւելի խորը, ներսը նայի կը ճգնի, եւն:

17. Գարձա (մահուրնէս վերջը) շատ շուտ չըլլայ իսկ, ես արդէն փափաքով պիտի հասնիմ՝ Քաւարանի ափունքը, եւն:

18. Գորսոյ Տոնդին է, գլխաւոր պատճառ Փլորենտիոյ խառնակութեանց: 1308ին գատապարտուեցաւ ժողովուրդէն, յարձակեցան իր բնակարաններուն վրայ: Իրեններովն ինքզինքը պաշտպանեց, և յետոյ փախաւ, բայց հալածուելով զինուորներէն՝ ինկաւ ձիւն և մէկ ոտքը ձիուն ասպանդակին մէջ մնաց, որով օտարափելի կերպով տանջուեցաւ. վրայ կը հասնին իր թշնամիները ու կը սպաննեն Փլորենտիայէն քիչ հեռու:

19. Ոմանք Գծոխքը կը հասկընան՝ ուր մեղաց թուղութիւն չկայ:

20. Երկնային գունդերը. շատ ժամանակ չանցած:

21. Այսինքն՝ վարպետները:

22. Ֆորէզիւն:

23. Այսինքն է՝ բարեոյ և չարի գիտութեան ծառը որ վերն է, և այս ծառը ճնաւ անկէ բողբոջի մը ձեւով՝ որ անկէ առնուեցաւ:

24. Կենտաւրոսները՝ ճեւած իքսիոնէ և ամպէն, որոնք Լապիդեայցոյն հրաւիրուելով Պերիթոսնի և Հիպպոգամէի հարսանեաց, յետ ուտելու և խմելու՝ փորձեցին նոր հարսը յափշտակել, ու կուուեցան թեսէոսի հետ, և թէեւ կրկին կուրծքերով, այսինքն է մարդու և ձիու, յողթուեցան: — Միւս օրինակը Ս. Գրքէն առնուած է:

25. Վասն զի առաջ իրարու կիսկ կ'երթային. — մերկ, թափուր, այսինքն ուր ալ ոչ ծառ կար, և ոչ ալ հոգի:

26. Հրեշտակն է, որ քիչ մը վարը թեւին շարժումովը Տանդէի ճակատէն Մեներէն մէկն ալ՝ վեցերորդը կը ջնջէ:

27. Աչքերը շլացած ըլլալով, անոնց ետեւը կ'անցնի, ու ձայներնուն ետեւէն կ'երթայ, նման կոյրերու:

Ի Ե Ե Ր Գ

Էր ժամ՝¹ ուր վերելքը արգելք չէր ուզեր, վասն զի արեւը միջօրէականը Յուլին ձգած էր, և գիշերը՝ կարիճին: Ուստի նման մարդուն՝ որ կանգ չ'առնէր՝ ինչ որ ալ երեւայ իրեն՝ այլ իր ճամբան կ'երթայ, եթէ պէտքին խթանը զինքը կը մղէ, այսպէս մտանք մենք նեղ անցքին մէջ՝ իրարու ետեւ, ձեռք առնելով սանդուխը, որ նեղութեան պատճառաւ՝ ելլողները կը զատէ՝² էւ նման արագիլի ձագին՝ որ թեւերը կը վերցընէ թռչելու կամքով, և չի համարձակիր բոյնը թողուլ, ու վար կ'իջեցընէ, այսպէս էի ես ալ վառուած ու շիջած հարցասէր կամքով՝³ ու եկած վերջապէս այն շարժումին զոր կ'ընէ խօսելու պատրաստուող

մէկը : Քաղցր հայրս՝ որչափ ալ շուտ կ'երթայինք , չգաղբեցաւ խօսելէ , ալլ ըսաւ . « Արձակէ խօսելու աղեղը՝ զոր մինչեւ երկաթը բաշեցիր » :

Ապահով կերպով բացի այն ատեն բերանս , և սկսայ . « Ինչպէս կարելի է որ նիհարնայ մէկը հոն՝ ուր սնուցուելու պէտք չկայ » :

— Եթէ միտքդ բերէիր թէ ինչպէս Մէլեպարոս⁵ սպառեցաւ խանձողի մը սպառելուն , աս , ըսաւ , այնչափ դժուարահասկանալի պիտի չըլլար բեզի : Եւ եթէ մտածէիր թէ ինչպէս երբ կը շարժիք դուք՝ հայլին մէջ ձեր պատկերն ալ կը շարժի , ան որ բեզի կարծր կ'երեւար , կակուզ պիտի ըլլար : Բայց որպէս զի գիտութեամբ այս խնդրոյն խորը թափանցես , ահա հոս Ստաստիոս , և ես իրմէ կը խնդրեմ և կ'ազաչեմ՝ որ հիմայ բու վերքերուդ բժիշկը ըլլայ :

— Եթէ յաւիտենական տեսութիւնը կը պարզեմ իրեն , պատասխանեց Ստաստիոս , ուր դուն ներկայ ես , թող չբեղանք մ'ըլլայ ինծի՝ բեզի չէ չկարենալ բսելս⁶ » : Յետոյ սկսաւ .

— Խօսքերս , որդեակ , եթէ միտքդ գանոնք հասկընայ և ընդունի , տարակոյններդ

պիտի փարատեն : Կատարեալ արիւնը՝ որ բնաւ չի ծծուիր ծարաւ երակներէ՝ և կը մնայ իրեն կերակուր զոր կը վերցնես սեղանէն , մարդկային բոլոր անպամներուն կերպաւորիչ զօրութիւնը կ'անէ սրաէն , ինչպէս ան՝ որ կ'երթայ երակներուն մէջէ՝ կազմելու համար զանոնք : Կրկին մարսուած , կ'իջնէ հոն՝ որուն վրայ լաւ է լուել բան խօսիլ . և յետոյ անկէ կը ծորէ ուրիշին⁸ արեան վրայ բնական ամանին մէջ : Հոն⁹ երկու արիւնները կը միանան , մին պատրաստ կրելու¹⁰ , միւսը գործելու , կատարեալ բնութեան պատճառաւ տեղւոյն¹¹ ուրկէ կը ճընշուի : Եւ անոր միացած¹² , կը սկսի գործել , թանձրանալով նախ , և յետոյ կը կենսաւորէ զայն՝ զոր իր նիւթին ձեռքով խտացուց : Գործօն զօրութիւնը հոգի գարձած՝ նման տունկին հոգիին , այն միակ տարբերութեամբ՝ որ աս ճամբան¹³ է , և ան՝ արդէն ափունք հասած , այնքան կը գործէ յետոյ որ կը շարժի ու կը զգայ , ինչպէս ծովային սունկը . և ապա կը սկսի կերպաւորել այն զօրութիւնները՝ որոց սերմն է ինքը : Մերթ կը ձկտի ուրեմն , որդեակ , մերթ կը պարզի այն զօրութիւնը՝ որ առաջ կու գայ ծնուցանողին սրաէն՝ ուր բնութիւնն ուշադիր է

բոլոր անդամներուն. բայց դուն չես տեսներ զեռ թէ ինչպէս կենդանականը ասուն¹⁴ կ'ըլլայ. այնպիսի կէտ մըն է աս՝ որ քեզմէ աւելի իմաստուն մը¹⁵ մուրցուց : Այնպէս որ, իր վարդապետութեամբ, բաժնեց հոգիէն կարելի իմացականութիւնը¹⁶, վասն զի անոր մէջ այս պաշտօնին յարմար գործարան չտեսաւ : Բայց կուրծքդ ճշմարտութեան որ ահա կու գայ, և գիտցիր որ հազիւ թէ սաղմին ուղեղին կազմութիւնը կատարեալ կ'ըլլայ, առաջին Շարժիչը անոր կը գտնայ զուարթացած բնութեան այնքան մեծ արուեստին վրայ, ու կը շնչէ զօրութեամբ լի նոր շունչ մը, որ ինչ որ գործօն¹⁷ կը գանձէ՝ իր գոյացութեան մէջ կը քաշէ, և մէկ հոգի կ'ըլլայ, որ կ'ապրի ու կը զգայ ու ինք իր մէջ կ'անդրադառնայ¹⁸ : Եւ որպէս զի շատ չգարմանս խօսքերուս վրայ, նայէ արեւուն տարութեան որ գինի կ'ըլլայ, միանալով հեղուկին որ սրթէն կը հոսի¹⁹ : Եւ երբ լաքեսիսի կտաւը կը հասնի²⁰, կը գատուի միտէն, մարդկայինն ու աստուածայինը²¹ գորութեամբ հետը կը տանի. միւս բոլոր կարողութիւնները լուռ կը մնան²², բայց յերողութիւն, իմացականութիւն և կամք, առա-


ջուրնէ շատ աւելի սուր կը գործեն : Առանց կանգ առնելու, ինք իրեն կ'իյնայ հոգին զարմանալի կերպով երկու ափերէն²³ մէկուն վրայ. հոն կը ճանչնայ նախ իր ճամբաները²⁴ : Հոն հազիւ թէ միջոցը զինքը կը շրջապատէ²⁵, կերպաւորիչ զօրութիւնն անոր շուրջը կը ճառագայթէ, ինչպէս և սրչափ կ'ընէր ողջ անդամներուն մէջ. և ինչպէս օգը՝ երբ անձրեւային է՝ ուրիշին²⁶ ճառագայթէն որ իր մէջը կը ցոլայ՝ այլ և այլ գոյներով կը զարդարուի, այսպէս մերձակայ օգը հոն կ'առնէ այն ձեւը զոր կը թելադրէ՝ զօրութեամբ՝ անոր մէջ հոգին որ կանգ առաւ. և ինչպէս կայծը կը հետեւի կրակին՝ ուր որ ալ երթայ, հոգիին ալ իր նոր ձեւը կը հետեւի : Եւ որովհետեւ անկէ²⁷ առած է իր երեւոյթը՝ ստուեր կոչուած է. և անով²⁸ կը կերպաւորէ յետոյ իւրաքանչիւր զգայարանքները՝ մինչեւ իսկ տեսանելիքը : Այսպէս՝ կը խօսինք ու կը խնդանք մենք, այսպէս կու լանք ու հառաչներ կը քաշենք՝ զորս լերան վրայ կրնաս լսած ըլլալ : Ինչ սպաւորութիւն որ ընեն մեր վրայ իղձերն և ուրիշ կիւքերը՝ ստուերն ըստ այնմ կը նկարուի. և այս է ահա պատճառը՝ որուն վրայ կը զարմանաս դուն » :

Եւ արդէն վերջին դարձուածքը հասած էինք մենք, և դէպ ի աջ դարձած, և ուշադիր էինք ուրիշ բանի: Հոն լերան կողմը բոց կը փայլատակէ դէպ ի դուրս, և շրջանակը կը փչէ դէպ ի վեր հով մը՝ որ կը գալարէ զայն և կը հեռացնէ իրմէ: Որով հարկ էր որ բաց կողմէն քալէինք մենք մի առ մի, և ես կը վախնայի այս կողմէն՝ կրակէն, անկէ՛ վար իյնալէն: Առաջնորդս կ'ըսէր.

— Հոս պէտք է աչքին սանձը պիտի բռնել, վասն զի մարդ կրնայ դիւրաւ խաբուիլ: « Աստուած վեհագոյն գրոշրեալս »²⁹ լսեցի որ կ'երգուէր հրավառ բոցին ծոցը, և որ ոչ նուազ փութով դառնալ սուսուինծի. և տեսայ հոգիներ որ բոցին մէջ կը քալէին. և ես մերթ անոնց քայլերուն կը նայէի, մերթ իմիններուս, երբեմն երբեմն բաժնելով աչքը:

Երգը աւարտելէն վերջ կը գոչէին բարձրաձայն. « Զայր ոչ գիտեմ³⁰ », յետոյ կը վերսկսէին երգը ցած ձայնով: Զայն լմնցնելով, նորէն կը գոչէին. « Աստուծ վագեց Անահիտ³¹, և վնտեց կալիստոն՝ որ Աստուծ զիկին թոյնս³² զգացած էր »: Յետոյ նորէն կ'երգէին. ու կ'անուանէին կիներն ու ամուսինները, որոնք պարկեշտ եղան՝ ինչպէս

կը հրամայեն առաքինութիւն և ամուսնութիւն: Եւ կարծեմ այս եղանակը պիտի տեսէ որչափ ատեն որ կրակը զիրենք այրէ. այնպիսի փութով և այնպիսի օրինակներով է որ վերքը հուսկ ուրեմն կը կցուի:



Ծ Ա Ն Օ Թ Ո Ի Թ Ի Ի Ն Ք

1. Խոյի կենդանակերպը անցած էր արդէն միջօրէականը, և անոր վրայ կը գոնուէր Յուլը: Այսպէս Կշիռը (հակագիր Խոյին) միւս կիսագունտին մէջ կըտարած անցած էր միջօրէականը, և անոր վրայ կը զբաւուէր Կարիճը (հակագիր Յուլին). և որովհետեւ երկնային ամէն կենդանակերպ իր անցքին համար երկու ժամ կը դնէ, ըսել կ'ուզէ, որ Քաւարանի կիսագունտին մէջ ժամը երկուքն էր՝ յետ միջօրէի, և հակագիր կիսագունտին մէջ՝ ժամը երկուքն էր կէս գիշերունէ վերջ:

2. Այսինքն մէկիկ մէկիկ քալել կու տայ:

3. Կամքս վառուած էր հարցնելու փափաքով, բայց ապա մարած՝ չձանձրացնելու գիտումով:

4. Այսինքն է՝ խօսէ:

5. Երբ Տնաւ Մէլէագրոս՝ Պարկաները խանձող մը գրին կրակին մէջը, և ըսին որ մանկան կեանքը զուգատու պիտի ըլլայ խանձողին. բայց Ալթէա՝ Մէլէագրի մայրը՝ հանեց խանձողը կրակէն, մարեց և զգուշութեամբ կը պահէր: Մէլէագր զոհ մատուցանելով դից՝ տարւոյն առատութեան համար, Արտեմիսը մոռ-

ցաւ. որ բարկանալով՝ կինն մը զրկեց Կալեգոնեան երկիրն սպականելու: Մէլէագրոս սպաննեց զազանը և կառափը Ատալանտի՝ իր սիրուհւոյն ընծայեց: Մօրեղբայրները զայրացած ասոր վրայ, պատերազմի ելան կառափը յափշտակելու, բայց Մէլէագրոս սպաննեց զանոնք, և Ատալանտը կնութեան տաւ: Ալթէա՝ մայրենի գութը մոռնալով եղբայրներուն սիրոյն համար, խանձողը կրակը նետեց, և անոր հետ մէկտեղ սպանեցաւ և Մէլէագրոս. բայց Ալթէա խղճէն տանջուած՝ ինքզինքն սպաննեց:

6. Թէեւ չի վայլեր ինծի խօսիլ ուր դուն ներկայ ես, բայց քեզի-չէ-չկարենալ ըսելուս համար, պիտի խօսիմ:

7. Այս և յաջորդ տողերուն մէջ մարդուս Տնեղագործութիւնը բացատրուած է: — Կատարեալ արիւնը՝ այսինքն սերմը, սաղմը:

8. Էջին. — արգանդին մէջ:

9. Արգանդին մէջ:

10. Կնոջ արիւնը: — Միւսը՝ արուինը:

11. Սրտին:

12. Այսինքն է արուին արիւնը՝ էզին արեան միացած:

13. Այսինքն՝ դեռ պիտի գայ, մինչդեռ տունկիւնը կազմուած է:

14. Թէ ինչպէս կենդանական զգայուն սաղմը՝ բաւաւոր կենդանի կ'ըլլայ:

15. Ավերբոյէ, որ իր Արիստոտէլի մեկնութեան մէջ երկու իմացական սկզբունքներ կը դնէ, մին կրաւորական, միւսը ներգործական: Երգողական իմացականութիւնը անանձնաւոր է, յաւիտենական, բաժան՝ անհատներէ, որոնք սակայն հազարակից կ'ըլլան անոր: Կրաւորականը անցողական է և կախում ունի ներգոր-

ճականէն, որ հետեւաբար ձեւով միայն միացած է անհատին, և ըստ էութեան բաժան անկէ՝ և մէկ միայն է բոլոր մարդոց համար: Չնշելով այսպէս զանազանութիւնը կարելի իմացականութեան՝ որ միայն է անմահ, կը հետեւի որ յետ մահուան ուրիշ բան չի մնար հոգիներէն՝ բայց միայն իմացականութեան միութիւնը, որով տանջանք և վարձք յաւիտենական կենաց չեն կրնար այլ եւս տեղի ունենալ:

16. Բայտ Գարոցականաց տիեզերական իմացականութիւն մըն է, որ կը հաղորդուի հոգւոյն առանց անոր մաս կազմելու և առանց կցորդելու մարմնոյ որ և է մասնական գործարանի մը:

17. Զգայական և տնկական հոգին:

18. Ինք իր էութեան գիտակցութիւնը կ'ունենայ:

19. Ինչպէս արեւուն տաքութիւնը միանալով որթին շրային հեղուկին հետ՝ զայն գինիի կը փոխէ, այսպէս ալ հոգին նորոգապէս ստեղծուած և փշուած Աստուծմէ՝ միանալով տնկական և զգայական հոգւոյն, կը յարդարէ հոգի մը՝ որ կ'ապրի, կը զգայ և կը մտածէ:

20. Այսինքն է՝ երբ կը մեռնի:

21. Հոգին բաժնուելով միսէն, մարմնէն, հետը կը տանի մարմնաւոր և իմացական կարողութիւնները:

22. Այսինքն՝ մարմնաւորները. իսկ հոգեկանները՝ յիշողութիւն, միտք և կամք, աւելի եւս ազդու կերպով կը գործեն՝ մարմնական ու է արգելք չունենալով:

23. Մին՝ Ախերոնի, միւսը՝ Միջերկրականի, Տիբերիսի գետաբերանքը. Հմմտ. Քաւարան Բ երգ:

24. Այսինքն թէ՛ Քաւարան պիտի երթայ թէ՛ Դըմուր:

25. Հազիւ թէ ըսուած տեղերէն մէկը կը շրջապատէ զինքը, կերպաւորիչ զօրութիւնը որ իր մէջն է կը տարածուի հոգւոյն շուրջը այն մի և նոյն եղանակով և

չափով որով ըրած էր արդէն մարմնոյ ողջ անդամներուն վրայ. և կամ, տարածուելով հոգւոյն շուրջը՝ կը կազմէ մարմին մը օդային՝ նման անոր՝ զոր կը կենդանացնէր աշխարհի մէջ:

26. Արեւուն:

27. Օդային մարմնէն:

28. Օդային մարմնով:

29. Եկեղեցական երգի մը սկզբնաւորութիւնը:

30. Ս. Կուսին խօսքն է առ Գաբրիէլ Հրեշտակապետ:

31. Անահիտ՝ որսորդուհին, որ միշտ կոյս մնաց, իմանալով որ իր նաժիշտներէն մէկը՝ կալլիստոյ անուն՝ յղի էր, վազեց անտառը՝ ուր ձգած էր զանի, ու վառեց: Որ յետոյ Մեծ Արջը եղաւ, որ յունարէն կը կոչուի Եղիկէ:

32. Հեշտախտութիւնը:

Ի Չ Ե Ր Գ

Մինչդեռ այսպէս եզրին երկայնքը՝ մին միւսին հասնէն կը քալէինք, ստէպ բարի վարպետը կ'ըսէր. « Նայէ՛. և օգտուէ՛ ազգարարութիւններէս »: Արեւը՝ որ արդէն բոլոր կապոյտ արեւմուտքը ճերմկցուցած էր՝ կը զարնէր աջ ուսիս վերեւը¹. և ես իմ շուքովս աւելի հրաշէկ կ'երեցընէի բոցը. և հոս ալ տեսայ շատ ստուերներ՝ որոնք՝ հետ երթալով՝ ուշադրութիւն կը զարձընէին այն մեծ նշանին²: Այս եղաւ պատճառ՝ որ անոնց առիթ տուաւ վրաս խօսելու. և սկսան ըսել իրարու. « Սն՝ կեղծ մարմին չի թուիր »: Յետոյ կըրցածնուն չափ ինծի դառնալով՝ ապահովուեցան, միշտ ուշադրութիւն դնելով չեղլելու հոն՝³ ուր պիտի չայրէին:

— Ո՛վ դուն որ կ'երթաս ուրիշներուն հասե՛ք՝ ոչ թէ վասն զի դանդաղ ես, այլ գուցէ յարգանքի համար, պատասխան տուր ինծի որ կ'այրիմ ծարաւով ու կրակով. միայն ինծի չէ որ կարեւոր է քու պատասխանդ. զի բոլոր ասոնք աւելի ծարաւ են անոր՝ քան հնդիկն ու եթովպացին զով ջուրին: Ըսէ մեզի թէ Լնչպէս ինքզինքդ պատկը շինես արեւուն դէմ, իբրև թէ մահուան ցանցին մէջը բնուած չըլլայիր դեռ:

Այսպէս կը խօսէր մէկն ինծի, և ես ինքզինքս յայտնած կ'ըլլայի արդէն, եթէ ուշադրութիւնս գարձուցած չըլլայի ուրիշ նորութեան մը՝ որ երեւցաւ այն ասեմն. վասն զի բոցախառ ճամբուն մէջէ եկան ուրիշ մարդիկ ընդ առաջ ասոնց, որոնք կեցուցին զիս իրենց վրայ նայելու: Հոն կը տեսնեմ որ ամէն կողմէ կը փութար իւրաքանչիւր ստուեր իրարու հետ համբուրուելու՝ առանց կանց առնելու, գոհ կարճ հանդէսէն: Այսպէս, իրենց սեւ կարաւանին մէջէն՝ մրջիւններն իրարու քիթ քիթ կու գան՝ թերեւս լրտեսելու համար իրենց ճամբան ու բախար: Հազիւ լմնցուցած բարեկամական ընդունելութիւնը, զեռ իրենց առաջին քայլը անկէ չանցած, իւրաքանչիւրը կը ջանայ մէկ մէկէ աւելի

գոչել բարձրաձայն. նոր եկող խումբը՝ « Սողոմ և Գոմոր »: Եւ միւսը. « Պատիփայէ՛ 5 կովին մէջ կը մտնէ, որպէս զի ցուրն իր վաւաշանքին վազէ »: Յետոյ նման կըռունկներու՝ որոնցմէ մաս մը կը թռչի դէպ ի Հոփիէ՛ 6 լեռները, և մաս մը դէպ ի աւազները 7, ասոնք ստոյգէն, անոնք արեւէն սաղտկացած, մէկ խումբը կ'երթայ, միւսը կու գայ, ու կը դառնան լալով առաջին երգերուն 8 և գոչիւններուն որոնք աւելի կը պատշաճին իրենց 9: Եւ նոյն անոնք որ ինծի աղաչած էին՝ մօտեցան ինծի՝ ինչպէս առաջ, մտիկ ընելու պատրաստակամ՝ դէմքերով: Ես, որ երկու անգամ տեսած էի իրենց փափաքը, սկսայ:

— Ո՛վ հոգիներ, ապահով՝ երբ ալ ըլլայ՝ խաղաղութիւնը ժառանգելու, անդամներս՝ ո՛չ խակ 10 և ո՛չ հասուն անդին մտացած չեն, այլ են հոս հետս՝ իրենց արիւնոփն ու իրենց յօգուածներովը: Կ'երթամ այս լեռն ի վեր՝ ալ կոյր չըլլալու համար. կին 11 մը կայ վերը՝ որ այս շնորհը կ'ընդունի մեզի, որով մահկանացուն ձեր աշխարհը կը բերեմ: Բայց իցիւ ձեր մեծագոյն փափաքը փութով գանէր իր յագեցու մը՝ և զձեզ հիւրընկալէր երկինքը՝ որ լի

է սիրով և աւելի անծայր քան միւսները¹²,
ըսէք ինծի, որպէս զի անով թուղթեր գրեմ,
ո՞վ էք դուք, և ի՞նչ է այն ամբօխը՝ որ կ'եր-
թայ ձերինին հակառակ ուղղութեամբ:

Նման կոշա ու վայրենի լեռնցիին որ
երբ քաղաք կը մտնէ յիմարութեամբ կը
շփոթի և ասդին անդին կը նայի պապան-
ձած, կարծես նոյնը կ'ընէր իւրաքանչիւր
ստուեր: Բայց երբ ասշուրթիւննին անցաւ,
որ մեծ սրտերու մէջ շուտով կը փարատի,
« Երանի քեզի, որ մեր գաւառներէն »,
վերսկսաւ ան՝ որ առաջ ինծի հարցուցած
էր, « լաւագոյն կեանքի մը փորձառութիւնը
կը քաղես: Այն ամբօխը որ մեզի հետ չի
քալեր, գործեց այն մեղքը՝ որուն համար
արդէն կեսար¹³ յաղթանակելու ատենը՝
լսած էր որ զինքը՝ ի հեծուկս իրեն՝ կոչած
էին « թագուհի »: այս պատճառաւ կը մեկ-
նին « Սողոմ » գոչելով¹⁴, իրենք զիրենք
կշտամբելով՝ ինչպէս լսեցիր, և կ'օգնեն այ-
րուսին ամօթներնէն շիկնելով: Մեր մեղքը
երկասեր¹⁵ եղաւ. բայց որովհետեւ մարդ-
կային օրէնքներուն չհպատակեցանք, անա-
սուններու պէս կըքնն հետեւելով, ի նա-
խատինս մեզի՝ երբ կը մեկնինք, կու տանք
անունը անոր՝¹⁶ որ անասնական փայտին
մէջ անասնացաւ:

« Արդ զիտես մեր գործերը և թէ ինչ բա-
նով մեղանչեցինք. իսկ եթէ անունով կ'ու-
զես զիտնալ թէ ո՞վ ենք, ժամանակ չկայ
ըսելու, և չեմ ալ գիտեր: Սակայն իմինս
պիտի ըսեմ քեզի. կուխոյ կուխիցէլլին¹⁷
եմ, և արդէն կը մաքրեմ զիս՝¹⁸ կեանքիս
վերջը չհասած զըջացած ըլլալուս համար »:
Ինչ որ Լիկուրգոսի¹⁹ տիրութեան ատեն
ըրին երկու որդիներն իրենց մայրը տես-
նելուն, նոյնը ըրի ես, բայց առանց նե-
տուելու անոնց պէս, երբ լսեցի որ կու
տար իր անունը հայրը իմ և ուրիշ ինծմէ
աւելի լաւագոյններու²⁰, որոնք յօրինեցին
քաղցր և չքնաղ սիրոյ երգեր. և առանց
մտիկ ընելու և խօսելու, քալեցի մտախոհ
երկայն ատեն անոր նայելով, և կրակին
պատճառաւ աւելի չմտեցայ իրեն: Երբ
նայելէն յազեցայ, ինքզինքս բոլորովին պա-
տրաստակամ ցուցուցի իրեն ծառայելու՝ այն-
պիսի պընդումով՝ որ հաւատալ կու տայ ու-
րիշին: Եւ ան ինծի. « Քեզմէ լսածովս՝ այն-
պիսի հեռք մը²¹ կը թողուս իմ մէջս և այն-
քան յստակ, զոր Լեթէն չի կրնար ոչ ջնջել
և ոչ մթագնել: Բայց, եթէ քու խօսքերդ
արդ իրաւ երգուընցան, ըսէ ինծի ինչ է
պատճառը որ խօսքիդ ու նայուածքիդ մէջ

կը ցուցնես թէ կը սիրես զիս »: Եւ ես անոր. « Ձեր քաղցը երգերը, որոնք՝ որչափ ատեն որ տեւէ արդի սովորութիւնը²², պիտի սիրցընեն միշտ իրենց թանաքները »:

— Ո՛վ եղբայր, ըստ, սա՛ զոր մատովս կը ցուցնեմ՝ քեզի, — և մատնանշեց առջեւնիս հողի²³ մը, — լաւագոյն դարբին մը եղաւ մայրենի լեզուին: Սիրոյ երգերով և արձակ վէպերով գերազանցեց զամէնքը, և թող որ ըսեն յիմարները՝ որոնք կը կարծեն թէ Լիմոսցին²⁴ առաջ է անկէ: Գէմքերնին կը դարձընեն աւելի համբաւին քան ճշմարտութեան, և այսպէս կը գոյացընեն իրենց կարծիքը՝ առանց մտիկ ընելու արուեստին կամ պատճառաբանութեան: Այսպէս ըրին շատ հիներ կուիդդոնին²⁵ համար, բերնէ բերան միայն անոր գովեստ տալով, մինչեւ որ վերջապէս յաղթեց ճշմարտութիւնը շատ աւելի անձերով: Արդ, եթէ դուն այնպիսի մեծ առանձնաշնորհութիւն մը ունիս, որ թոյլ տրուած է քեզի երթալ այն վանքը՝ որուն մէջ գպրոցին արքան Քրիստոս է, հայր մեր մը ըսէ անոր ինծի համար, որչափ որ պէտք է²⁶ մեզի այս տեղացիներուս, ուր ալ կարելի չէ որ մեղանչենք:

Յետոյ, գուցէ տեղ տալու համար ուրիշին՝ ըստ որում իր քովն ունէր, կրակին մէջ աներեւոյթ եղաւ, ինչպէս ջուրին մէջ ձուկը՝ խորը երթալով: Քիչ մը առաջ անցայ ես զէպ ի ցուցուածը, և ըսի որ փափաքս իր անուան շնորհալի տեղ մը²⁷ կը պատրաստէր: Ան սկսաւ ըսել համարձակ.

— Այնքան հաճելի է ինծի ձեր քաղաքավար ինդիւրը, որ ես չեմ կրնար և չեմ ալ ուզեր ծածկել ձեզմէ: Ես Առնալտոն եմ, որ կու լամ ու կ'երգեմ. վասն զի անցեալ մոլորանքս տխրութեամբ տեսնելու ատենս, յուսացուած օրը ցնծութեամբ կը տեսնեմ: Արդ, կ'աղաչեմ քեզի, յանուն այն զօրութեան՝ որ ձեզ սանդուխին դուխը կ'առաջնորդէ, պատեհ առթին յիշեցէք իմ ցաւս²⁸:

Յետոյ ծածկուեցաւ կրակին մէջ՝ որ զիրենք կը մաքրէ:



Ծ Ա Ն Օ Թ Ո Ւ Ի Թ Ի Ի Ն Յ Ք

1. Գրեթէ շորսն է ժամը յետ միջօրէի. արեւը՝ ար-
դէն բաւական իջած՝ Տանդէի ուսին վրայ կը զարնէ:
2. Տանդէի մարմնոյն շուք ձգելուն:
3. Այսինքն՝ կրակէն դուրս:
4. Այս խումբը՝ բղջխոհներուն է ընդդէմ՝ բնու-
թեան. հմտ. Գժոխք ԺԱ, 50. - միւսը՝ ըստ բնու-
թեան:
5. Գուտոր Ապողոսի և Պերսիասայի, կին Մինոսի.
հմտ. Գժոխք ԺԲ, 12, եւն:
6. Լեռներ Ռուսաստանի հիւսիսային կողման:
7. Լիրիոյ:
8. Նախընթաց երգին մէջ յիշուած « Աստուած վե-
հագոյն գթութեան » երգն է:
9. Մեղքին զանազանութեան համեմատ:
10. Ոչ երիտասարդ և ոչ ալ ծեր չեմ մեռած:
11. Ս. Աստուածածին, կամ Երանուհի:
12. Միւս երկինքները:
13. Յիշուած երգը հետեւեալն է, զոր կը յիշէ
Սուեանիսս.

Նուաճեաց կեսար զԳալլիացիս, Նիկոմեդէս ըզկեսար.
Յաղթանակէ արդ կեսար՝ որ նըւաճեաց զԳալլիացիս.
Յաղթանակէ ոչ Նիկոմեդ, որ ըզկեսար նըւաճեաց:
կեսար դեռ երիտասարդ՝ Բիւթանիոյ Նիկոմեդէս

Թագաւորին քով կեցած է ատեն մը և ազտեղի յա-
բարբրութիւններ ունեցած հետը:

14. Ասոնք՝ արուագէտներն են:
15. Այսինքն՝ ըստ բնութեան, արուի և էգի:
16. Պասիփայէի:
17. Պոլսնիացի նշանաւոր բանաստեղծ. իտալական
ոճը մաքրողներուն առաջիններէն: Կիպելլին, աքսո-
րուած 1268ին:
18. Հոս զիս կը մաքրեմ, աւելի վարերը, Նախա-
քաւարանին մէջ չեմ:
19. Լիկուրոսս՝ Նէմէացոց Թագաւորը յանձնած էր
իր Ոփելուէս որդին՝ Խիփիլէի որ պահպանէ. որ ցուց-
նելու համար եօթը զիւցազներուն (հմտ. Քաւարան
ԻՒ երգի վերջին մասերը) Լանդիս աղբուրը, զրած էր
զանի խոտին վրայ, ուր և մեռած էր օձէն Թունաւու-
րուած: Եւրիդիկէ՝ Լիկուրոսի կինը՝ իր Ոփելուէս որդ-
ւոյն վրէժը լուծելու համար՝ դահիճներու կը յանձնէ
Խիփիլէի որ սպաննեն: Տոանդէս և Իւնէոս՝ Խիփիլէի
որդիքը ժամանակին կը հասնին, և հազիւ ճանչցած
մայրերնին՝ կը վազեն ողջագորուելու:
20. Քերթողներու:
21. Սիրոյ:
22. Այսինքն՝ ժողովրդական լեզուով գրելու:
23. Առնալոսյ Գանիէլ, նշանաւոր տրուպատոր:
24. Ժերոլ աը Պէրնէյլ, որ տրուպատորներու վար-
պետ կը կոչուէր:
25. Քերթող արեալին:
26. Այսինքն՝ երկու վերջինները ձգէ. « ևչ մի տանիք
զմեզի փորձութիւն, այլ փրկեալ ի յարէ » հայցուածքները:
27. Իր սրտին մէջ:
28. Առնալոսյ սոյն պատասխանը իր մայրենի՝ այս-
ինքն բրովանսեան լեզուով կու տայ:

Ի Է Ե Ր Գ

Էր արեւն այն մի և նոյն դիրքին մէջ՝
ինչպէս երբ կը շեշտէ իր առաջին ճաճանչ-
ները հոն՝¹ ուր իր Արարիչն իր արիւնը թա-
փեց, և իբերոսը բարձր կշիռին տակ կ'էլ-
նայ և Գանգէսի ալիքները միջօրէկն սկսեալ
կը վառին. որով օրը կը կարճատէր, երբ
Աստուծոյ հրեշտակը զուարթագին մեզի և
ընցաւ. Բոցէն զուրս կը կենար եզրին վրայ
ու կ'երգէր. « Երաւեի որ սաշրջ և՛ և՛ սրտիւք »,
մերինէն շատ աւելի հնչուն ձայնով. Յետոյ.
« Այլ առաջ չ'երթցուիր, առանց նախ, սուրբ
հոգիներ, կրակէն խածնուելու. մտէք անոր
մէջը, և մի ըլլաք խուլ անդին երգուածին ».
այսպէս ըսաւ երբ մենք իրեն մօտեցանք.
զոր երբ լսեցի, եղայ այնպէս ինչպէս որ

է ան՝ որ փոսին մէջը գրուած է²: **Չեռքերս**
իրարու կցած՝ մարմինս դէպ ի առաջ ձգտե-
ցուցի կրակին նայելով, և կը յիշէի բռնկած
երեւակայութեամբ՝ մարդկային մարմինները
զորս արդէն տեսած էի որ կը վառէին: Բարի
առաջնորդներս ինծի դարձան, և Վիրգիլ
ըսաւ ինծի. « Որդեակ իմ, հոս կրնայ տան-
ջանք ըլլալ, բայց ո՛չ մահ: Յիշէ՛, յիշէ՛...
և, եթէ ես մինչեւ իսկ Գերիոնի³ շալակին
վրայ առաջնորդեցի քեզ ողջ և առողջ, ի՛նչ
պիտի չընէի հիմա որ աւելի մօտն եմ Աս-
տուծոյ: Ստոյգ զիտցիր որ եթէ հազար տարի
ալ կենայիր այս բոցին նոյն իսկ հալոցին
մէջ, մէկ մազդ անդամ պիտի չայրէր. և
եթէ կը կարծես գուցէ որ քեզ խաբեմ, մօ-
տեցիր բոցին և փորձը ցուցնել տուր ձեռ-
քերովդ զգեստիդ ծայրին⁴. ձգէ վար այսու-
հետեւ, ձգէ վար ամէն երկիւղ. ասդին դար-
ձիր և քալէ ապահովաբար »: Եւ ես ան-
շարժ կեցած էի և հակառակ խղճմտանքի⁵:
Երբ տեսաւ որ կեցած եմ անշարժ և յա-
մառ, քեզ մը խոտված՝ ըսաւ. « Արդ տես,
որդի, Երանուհիին և քու միջեւ ուրիշ բան
չկայ՝ բայց եթէ այս պատը »:

Ինչպէս Թիսթեսի⁶ անունը ըսելուն բա-

նայեցաւ անոր՝ երբ թթենին կարմիր դար-
 ձաւ, այսպէս կահլընալով յամառութիւնս
 իմաստուն առաջնորդին դարձայ, ըսելով այն
 անունը որ միշտ կը նորոգուի մտքիս մէջ:
 Այն ատեն շարժեց ան իր գլուխը և ըսաւ.
 « Ի՛նչպէս, ուղե՛նք հոս մտալ⁷ ». ու ժպտե-
 ցաւ, ինչպէս կ'ըլլուի տղուն՝ որ յաղթուած
 է ինձորէն⁸: Յետոյ առջեւէս կրակին մէջ
 մտաւ, աղաչելով Սաաթիսի որ ետեւէն
 գայ, ան՝ որ առաջ երկայն ատեն բաժնեց
 զմեզ⁹: Երբ ներս մտայ, ինքզինքս ետացող
 ապակիի մէջ պիտի նետէի զօվանալու հա-
 մար, այնչափ անչափ էր հսն հրդեհը: Քաղ-
 ցրիկ հայրս՝ սիրտ տալու համար ինծի,
 Երանուհիին վրայ խօսելով կը քալէր ու
 կ'ըսէր. « Արդէն իսկ իր աչքերը տեսնել կը
 թուիմ »: Կ'առաջնորդէր մեզի ձայն մը՝ որ
 կ'երգէր անդին. որուն ուշադիր՝ եկանք զուրս՝
 հոն, ուր էր վերելքը:

— Եկաքք օրհնեալքք հօր խնոյ, հնչեց
 լոյսի¹⁰ մը մէջէն՝ որ հոն էր, այնպիսի լոյս
 մը՝ որ յաղթեց ինծի և չկրցայ նայել¹¹:
 « Արեւը կը մեկնի, աւելցուց, և գիշերը կու
 գայ. կանգ մի՛ առնէք, այլ շտապեցուցէք
 քայլերնիդ, բանի որ արեւմուտքը գեռ չէ
 սեւցած »:

Քարին մէջէ ճամբան շիտակ կ'ելլէր վեր գէպ ի այն կողմը¹², ուր ես կ'արգիլէի առջեւս ճառագայթներն արեւուն՝ որ արդէն ցած էր իջած: Եւ հազիւ քանի մը աստիճաններու փորձն առած էինք¹³, երբ շուքէն որ մարեցաւ՝ զգացինք ես և իմ իմաստուններս որ արեւը մեր ետեւը կը մտնէր: Եւ դեռ իր բոլոր անծայր մասերուն մէջ հորիզոնը մի և նոյն երեւոյթը չառած¹⁴, և դեռ գիշերը բոլոր իր բաշխումները¹⁵ չկատարած, մեզմէ իւրաքանչիւրը մէկ մէկ աստիճան անկողին ըրաւ¹⁶. Վասն զի լեռան բնութիւնը¹⁷ շորթեց մեզմէ վերեւըն աւելի կարողութիւնը քան թէ փոփաքը:

Նման այծերու՝ որոնք արածեհնէն առաջ ըմբոստ ու խրոխտ կ'ըլլան զազաթներուն վրան, և յետոյ կը հեզանան, լոխկ որոճալով շուքին մէջ՝ մինչդեռ արեւը կ'եռայ՝ պահպանուած հովիւէն, որ կոթընած է ցուպին վրայ, և կոթընած կը ծառայէ անոնց. և նման խաշնարածին՝ որ բացօթեայ պտուկած, իր խաշին քով հանդարտ կը գիշերէ, ուշ դնելով որ գազան մը զանոնք չցրուէ, այնպէս էինք բոլոր երեքնիս այն առեւ, ես՝ իբրեւ այծ, և անոնք՝ իբրեւ հովիւներ, ծրարուած ասկէ և անկէ բարձր քարանձաւ

ւէն¹⁸: Գուրսէն քիչ բան կրնար տեսնուիլ անկէ. բայց այն քիչին մէջէ կը տեսնէի ես աստղերը, սովորականէն աւելի պայծառ և աւելի մեծ: Այսպէս որոճալով և այսպէս նայելով անոնց վրայ, քուն առաւ զիս. քունը՝ որ յաճախ գիտէ իրերը՝ դեռ չպատահած անոնք¹⁹:

Այն ժամուն, կարծեմ, երբոր արեւելքի կողմէն իր նախկին ճաճաններն արձըկեց ընրան²⁰ վրայ կիթերէ, որ սիրոյ կրակով միշտ բոցալառ կ'երեւայ, երազիս մէջ մատաղասի և չքնաղ կին մը տեսնել կը թուէի, որ կ'երթար մարգի մը մէջէն ծաղիկներ քաղելով. և երգելով կ'ըսէր.

— Գիտնայ թող՝ ով որ անունս կը հարցընէ՝ որ ես լիան²¹ եմ, և կ'երթամ շարժելով շուրջս գեղեցիկ ձեռքերը՝ պտակ մ'յօրինելու համար ինձի²²: Հայլին հաճելի ըլլալու համար կը զարգարեմ²³ զիս հոս. բայց իմ Հոսքէլ²⁴ քոյրս բնաւ չի հեռանար իր հայլին, ու կը նստի ամբողջ օրը: Խանդակաթ է ան տեսնելու իր գեղեցիկ աչքերը, ինչպէս ես ինքզինքս ձեռքերով զարգարելու. անոր հաճոյքը նայելուն մէջն է, իմինս դործելուն:

Եւ արդէն՝ արշալոյսի շառայներէն՝ —

որոնք այնքան աւելի հաճոյական կը ցաթեն ուղեւորներուն՝ որքան աւելի՝ երբ կը դաննան անոնք՝²⁵ նուազ հետու ըլլան, — աղջամուղջը կը փախչէր ամէն կողմէ։ և բռնու ալ անոր հետ. ուստի ելայ ես, անսնելով որ մեծ վարպետներն ելած էին արդէն։

— Այն քաղցր պտուղը՝ զոր մահկանացուները կը փնտոնեն խնամատ փութով այնքան ճիւղերէ, անթութիւնդ պիտի անցընէ այսօր։

Վիրգիլ այս խօսքերն ուղղեց ինծի, և երբեք ոչ մէկ ձեռածիր չտոթեց այն հաճոյքը՝ ինչ որ ասոնք պատճառեցին։ Այնքան փափաք փափաքի վրայ աւելցաւ վրաս վերն հասնելու համար, որ յետոյ ամէն մէկ քայլի՝ կը զգայի որ թռիչքիս թեւերը կ'աճէին։

Հազիւ թէ ամբողջ սանդուխը՝ զոր ըրած էինք՝ մեր ներքեւ մնաց, և վերջին աստիճանին վրայ ելանք, Վիրգիլիտո աչքերն իմ մէջս բեւեռեց, և ըստ։

— Ժամանակաւոր²⁶ և յաւիտենական կրակը տեսար, որդեակ, և եկար այնպիսի տեղ մը՝ ուր ես ինձմէ ալ աւելի հետուն չեմ տեսներ²⁷։ Հանճարով և արուեստով բեզ հոս բերի. այսուհետեւ հաճոյքդ բռնէ

քեզի առաջնորդ. դուրս ես զառիւյիւր ճամբաներէ, դուրս ես նեղ ճամբաներէ. տես հոն արեւը որ ճակատդ կը լուսաւորէ. տես խոտը, ծաղիկներն ու թռչիւնները, զորս հոս երկիրն ինքնին կը բերէ։ Մինչեւ որ գան²⁸ զուարթագին զեղեցիկ աչքերը՝ որոնք արտասուելով՝ ինծի քեզի գալ տուին, կրնաս նստիլ ու կրնաս քալել անոնց մէջ։ Ալ մի սպասեր ոչ իմ խօսքիս, և ոչ ալ ակնարկութեանս. ազատ, ողջ և ուղիղ է գատաստանդ, և սխալ մը պիտի ըլլար չգործելն՝ անոր ուղածին պէս. ուստի ես զքեզ քու վրայ կը պտակեմ և կը խոյրադրեմ²⁹։

Ծ Ա Ն Օ Թ Ո Ի Թ Ի Ի Ն Ք

1. Սիոն լեռան վրայ, Երուսաղեմ, ուր Քրիստոս իր արիւնքը թափեց: — Երբ արեւն իր առաջին հառագայթները կը շեշտէ Երուսաղեմի վրայ, Քաւարանի լեռան ետեւը կը մտնէ (այս երկու կէտերը, ըստ Տանդէի, Քաշայան երգ Բ, և այլուր, հակոսնեայ ըլլալով իրարու): և նոյն ատեն կէս գիշեր կ'ըլլայ Ազաի մէջ, Ինչպէս Հնդկաստանի մէջ ալ (ըստ հին աշխարհագրութեան հակոսնեայ միւսին), կէսօր:
2. Ողջ ողջ թաղուելու համար:
3. Հմմտ. Գժոխք ԺԷ, 91, եւն:
4. Բռնէ զգեստիդ ծայրը ու բոցին մօտեցուր. փորձը պիտի ցուցնէ որ չեմ խաբեր:
5. Որ կ'ուզէր հնազանդի:
6. Բարեւոնացի, սիրուհի Պիրամոսի, ծնողաց կամքին հակառակ: Երկու սիրահարները ժամադրութիւն ըրին թիֆնիի մը տակ Նինոսի գերեզմանին քով: Առաջ թիսրես հասաւ, բայց առիւծ մը հալածեց զինքը, և անոր քողը՝ որ ինկած էր փախչելու ատենը զլիւնէն արիւնոտեց: Հասաւ Պիրամոս և տեսնելով զազանին հետքերն ու արիւնեքանգ քողը, կարծելով որ

յօշատուած և լափուած է սիրուհին, ի մահ վերաւորեց զինքը: Թիսրես ժամադրավայրը վերադառնալով, օրհասական գոսա Պիրամոսը, անունը տուաւ, աղաչելով որ պատասխան տայ իր թիսրեսին. և լսելով թիսրեսի անունը՝ օրհասականը բացաւ աշուքները, նայեցաւ վայրկեան մը անձկալի սիրուհւոյն վրայ, և յետոյ աւանդեց հողին: Թիսրես անձնասպան եղաւ անոր քով: Իր ճերմակ պտուղները կարմիրի փոխեց թիֆնիւն սրտին ցաւէն: Ովիդիոս, Այլար. Գ 55-166:

7. Փաղաքշական:

8. Ինչպէս կը ժպտի մարդ աղուն՝ որուն յամառութիւնը ընելու ո և է բան մը՝ կը կոտրէ խնձորի մը խոստումը:

9. Ստատիոս՝ որ միշտ Վերգիլի ու Տանդէի միջև կը քալէր, հոս Վերգիլի խնդրանքով ետեւը կ'անցնէ, ու Տանդէն կ'առնեն մէջերնին, որպէս զի չըլլայ թէ կրակին վախէն՝ փախչի կամ չմտնէ:

10. Հրեշտակ մըն է:

11. Այսինքն է՝ շլացուց զիս:

12. Դէպ ի Արեւելք:

13. Հազիւ քանի մը քայլ ըրած էինք... Շուքէն Տանդէի մարմնոյն:

14. Հաւատարմակէս չմթնած:

15. Իր խաւարները չցրուած:

16. Մէյ մէկ աստիճանի վրայ պառկեցանք:

17. Արեւը մտնելէն վերջը կարելի չէր վեր ելլել:

18. Նեղ սանդուխին պատերէն:

19. Հմմտ. Գժոխք ԻԶ, 7:

20. Քաւարանի լեռան վրայ. — Կիրեյէ, ուրիշ անուն Աստղկան. հոս Արուսեակ. ըսել կ'ուզէ՝ առտուան դէմ:

21. Մեծագոյն դուստր Լաբանու, և առաջին կին Յակոբայ: Խորհրդանշան է գործնական կեանքի:

22. Կ'ականարկէ՛ բարի գործերուն և պսակին՝ զոր պիտի ունենան երկինքը՝ անոնք որ աշխարհի վրայ բարի գործեր գործեցին:

23. Կը զարդարեմ՝ ինքզինքս որպէս զի հաճոյ ըլլամ հայրին՝ այսինքն է Աստուծոյ: — Աստուած հայելի է՝ որուն մէջ ինքզինքը կը գիտէ հոգին:

24. Հոսքէ՛ խորհրդանշան հայեցողական կեանքի:


25. Գէտ ի հայրենիք. — հայրենիքէն:

26. Ժամանակաւոր՝ ֆաւարանի կրակը. — յաւիտեանական՝ Գոթիքինը:

27. Ըլլալով՝ վիրգելիոս պատկեր մարդկային, գիտութեան կամ բարոյական իմաստասիրութեան, և արդէն ցուցուցած ըլլալով իր աշակերտին մոլութեան տգեղութիւնները, ա՛լ չի կրնար առաջնորդել կամ վարժապետել անոր. վասն զի առ այս հարկաւոր է աստուածային գիտութիւնը, կամ յլընսուհի պատկերացած աստուածաբանութիւնը:

28. Հմմտ. Գոթիք Բ, 116:

29. Ուստի ես քեզ բացարձակ տեր կը կարգեմ քու վրայ. կամ քեզի կը յանձնեմ անձիդ լիուրի վարչութիւնը և ուղղութիւնը: Պատկով քաղաքական ուղղութիւնը խոյրով հոգեւորականը:



Ի Ը Ե Ր Գ

— — —

Խանդակաթ արդէն փնտռելու ներսը և շուրջը աստուածային թաւ և կանաչագեղ անտառը՝¹ որ կը մեղմէր նորածագ լոյսը աչքերուս հանդէպ, առանց այլ ևս սոգանելու՝ թողուցի եզրը, բռնելով զաշտին ճամբան յուշիկ յուշիկ գետնին վրայէն՝ որ կը բուրէր ամէն կողմէ: Անուշակ սիւք մը՝ անփոփոխ՝ կը վարնէր ճակատս թիթեւ հովի մը հարուածով: Այն շունչէն՝ սաղարթները՝ ծածանելով կը հակէին բոլոր գէպ ի այն կողմը՝² ուր սուրբ լեռն իր առաջին ստուերը կը ձգէ. սակայն այնքան չէին ծոիր տարուբեր՝ որ թռչունները զաղբէին իրենց խաղերն ընելէ անոնց կատարներուն վրան: Այլ լի գուարթութեամբ՝ երգելով՝ կ'ընդունէին

առաջին ժամերը տեղեւներուն մէջ՝ որոնք կ'ընկերէին իրենց երգերուն. նման անոր՝ որ կը լսուի ճիւղէ ճիւղ սոճիներուն մէջ Քիաս սիի³ սփունքը, երբ Եւոզոս դուրս կ'արձակէ Շիրոքքոն⁴: Յամրընթաց քայլերս զիս այնքան տեղափոխած էին հինաւուրց անտառին ներսը, որ այլ չէի կրնար տեսնել թէ ուրկէ՛ մտայ: Եւ ահա կասեցուց զիս այլ առաջ՝ երթալէ գետակ մը⁵, որ՝ զէպ ի ձախ՝ իր մանրիկ ալեակներով կը խոնարհեցնէր իր ասփունքին վրայ բուսած խոտը: Մեր երկրին ամենէն աւելի մաքուր ջրերը՝ պիտի թուէին խոնուրդ ունենալ իրենց մէջ հանդէպ անոր՝ որ ոչինչ չի ծածկեր. թէ և ան հոսի թուխ և թուխ յաւիտենակուն ըստուերին տակ, որ չի թողուր բնաւ որ ճառագայթեն հոն ո՛չ արեւ, և ո՛չ լուսին:

Ոտքով կանգ առի և աչքերով անցայ գետակէն անդին, հիանալու համար դալարագեղ ծաղկափթիթ ծառերուն մեծ զանազանութեան վրայ. և հոն երեւցաւ ինձի՛ նման բանի մը որ կ'երեւայ յանկարծակի ու առթած զարմացումէն կը դարձընէ միաքը ուրիշ ամէն մտածումէ՛ կին մը⁶ միայնիկ մնջիկ, որ կ'երթար երգելով և ընտրելով ծաղիկներ՝ որոնցմով նկարուած էր բոլոր իր ճամբան:

— Ո՛հ, չքնաղ կին, որ սիրոյ ճաճանչներովը կը տաքնաս, եթէ ուզեմ հաւատալ զէմքերուն՝ որոնք սովորաբար վկայ կ'ըլլան սրտին, հաճէ առաջ գալու, ըսի ևս անոր, զէպ ի այս գետակը, այնպէս որ կարենամ լսել երգածդ: Դուն կը յիշեցնես ինձի՛ ո՛ւր և ինչպէս էր Պերսեփոնէ՛⁷ երբ կորսնցուց զինքն իր մայրը, և ան՝ գարունը:

Նման կաքաւոզ կնոջ՝ որ կը դառնայ գարշապարներովը՝ որոնք կպած են գետնին ու իրարու և հազիւ մէկ օտքը միւսէն առաջ կը գնէ, այսպէս ինձի դարձաւ ան կարմիր ու դեղին ծաղիկներուն վրայ՝ նման կուսին որ պարկեշտ աչքերը կը խոնարհեցնէ. և գոհացուց աղաչանքներս՝ այնքան մօտենալով ինձի, որ քաղցր ձայնը կը հասնէր ինձի իր բառերով: Երբ հասաւ հոն՝ ուր խոտերը թըրջուած են գեղեցիկ գետակին ալեակներէն, շնորհը ըրաւ ինձի իր աչքերը վերցնելու: Չեմ կարծեր որ այնքան լոյս նշողէր արտեանունքներուն ներքեւ Ասաղիկին՝⁸ զոր խոցեց իր որդին՝ իր սովորականէն բոլորովին դուրս: Այն կը ժպտէր աջ ասփունքէն, ձեռքերովը քաղելով ուրիշ գոյներ, զորս բարձր երկիրը կը բերէ առանց սերմի: Գետնը զմեզ երեք քայլով⁹ կը բաժնէր մէկ մէկէ:

Քայց Հելլեսպոնտոսը՝ հոն՝ ուր անցաւ Քսերքսէս, զիս եւս սանձ մարդկային ամէն ամբարաւանութեան, աւելի առելի չեղաւ Լէանգրոսի՝¹⁰ Սաստսի և Աբիգոսի միջև իր ծփումներովը, սրբան այն գետակը՝ որ չբացուեցաւ այն ատեն առջեւ¹¹ :

— Դուք օտարական էք, սկսաւ ան, այս տեղոյս մէջ՝ ընտրուած ի բնակութիւն մարդկեղէն բնութեան, և գուցէ իմ ժպիաս կը զարմացնէ զձեզ ու տարակոյսի մէջ կը ձգէ. բայց Ուրախ արարեր¹² սաղմոսը լոյս կը սփռէ, որ կրնայ լուսաւորել ձեր մտքը: Եւ գուն, որ առջեւն ես, ու ինծի աղաչեւ չեցիր, բռնեթէ ուրիշ բան կ'ուզես լսել. վասն զի եկայ ես պատրաստ քու ամէն հարցումիդ՝ լիով պատասխանելու:

— Զուրը¹³, ընի ես, և անտառին ձայնը կը կուսին իմ մէջս այն նոր հաւատքին զէմ, զոր լսեցի ես՝ հակառակ ասոր»: Եւ անիկա.


— Պիտի ըսեմ ես թէ ինչ պատճառէ առաջ կու գայ ան՝ որ քեզ կը զարմացնէ, և պիտի փարատեմ ամպը որ քեզ կը խոցէ: Վեհագոյն բարին՝ որ ինքը միայն հաճոյ է իրեն, ստեղծեց մարդը բարի և բարւոյն համար, և այս տեղը տուաւ անոր իրը

գրաւական մշտնջենաւոր խաղաղութեան: Իր յանցանքին պատճառաւ քիչ բնակեցաւ հոս. իր յանցանքին պատճառաւ պարկեշտ ժպիան ու քաղցր ինպութիւնը փոխեց արցունքի և անձկութեան: Որպէս զի ամբոխումը՝ որ ներքեւը տեղի կ'ունենայ ջուրին և երկրին արտաշնչութիւններէն, որոնք՝ կրցածնուն չափ՝ ջերմութեան ետեւէն կ'երթան, ոչ մի պատերազմ չմղէ մարդուն զէմ, այս լեռը այնքան բարձրացաւ զէպ ի երկինք. և ազատ է անկէ իր կզպուած տեղէն¹⁴ սկսեալ: Արդ, որովհետեւ բովանդակ այերը բոլորածեւ կը գտնայ Առաջին Շարժունով¹⁵, միայն թէ, իր բոլորակը խափանուած չըլլայ ոչ մի կողմէ, այս բարձունքը՝ որ բոլորովին ազատ է կենդանի այերին մէջ՝ կը բաղխուի այն շարժումէն, և հնչել կու տայ անտառին, վասն զի խիտ է. և ցնցուած տունկը իր զօրութեամբ կը բեղնաւորէ օդը, և այն օդը շարժելով յետոյ շուրջը կը սփռէ. և միւս¹⁶ երկիրը, ըստ ընդունակութեան իրեն և կամ իր երկնքին, կը յղանայ և կը պաղարբէրէ զանազան տունկեր զանազան զօրութեամբ: Որով ձեր երկրին մէջ պէտք չէ զարմանք պատճառէ՝ զայս լսելնէ՛ք վերջը՝ երբ ո և է տունկ մը

առանց յայտնի սերմի բողբոջէ հոն : Եւ պէտք է գիտնաս՝ որ սուրբ դաշար ուր կեցած ես դուն՝ լի է ամէն սերմերով, և ունի իր մէջն իր պտուղները՝ որոնք չեն քաղուիլ անդին¹⁷ : Զուրը¹⁸ զոր կը տեսնես՝ չի բղխիր երակէ՝ որ վարարուի սառէն խտացած շագիէն, ինչպէս գետ մը՝ որ կը ստանայ և կը կորսնցնէ իր զօրութիւնը. այլ կը բղխի անփոփոխ և անսպառ աղբիւրէ, որ կ'ընդունի Աստուծոյ կամքովը անշափ՝ որչափ կը թափէ երկու բաց կողմերէն : Այս կողմէն կ'իջնէ ան զօրութեամբ մը՝ որ կը ջնջէ մեղքին յիշողութիւնը. միւս կողմէն՝ բարի գործերուն յիշատակը կ'արթնցնէ : Այս կողմէն լեթէ կը կոչուի, միւս կողմէն Եւնոյէ, և չի ներգործեր, բայց եթէ ասկէ և անկէ ճաշակուելէն վերջը : Իր համը գերազոյն է միւս ամէնքէն աւելի. և թէ և ծարաւ բաւական անցած իսկ ըլլայ՝ և հարկ չըլլայ ալ ուրիշ բաներ յայտնելու, սակայն շնորհք պիտի ընեմ՝ յաւելուած մըն ալ ընելու. և չեմ կարծեր որ ըսելիքս քեզի նուազ հաճոյ անցնի՝ քեզի տուած խոստումէն աւելի երկարելուն համար : Անոնք որ հին ատեն ոսկեդարն ու իր երջանիկ վիճակը երգեցին, Պասնասոսի մէջ գուցէ այս տեղս երագե-

ցին : Հոս մարդկային արմատը¹⁹ անմեղ եղաւ, հոս միշտ գարուն, և ամէն պտուղ. և աս²⁰ նեկտարն է որուն վրայ ամէն ոք կը խօսի :

Այն ատեն ես բոլորովին քերթողներուս²¹ դարձայ, և տեսայ որ ժպիտով լսած էին վերջին խօսքերը²². յետոյ դէմքս գեղեցիկ կնոջ գարձուցի :



Ծ Ա Ն Օ Թ Ո Ի Թ Ի Ի Ն Ք

1. Տանդեական ճամբորդութեան եօթներորդ և վերջին առաւօտն է: Քերթողները երկրաւոր դրախտը կը մտնեն, դիւթիչ անտառ մը, ուր գետինը կը բուրէ ամէն կողմէ, և քաղցրասիւք հով մը կը շոյէ ճակատը: Ինչպէս ուրիշ ամէն բանի, Տանդէ ամենահաւատարիմ աշակերտ մը կը ցուցնէ ինքզինքը Ս. Թովմասի նաեւ անդազրութեանը մէջ երկրաւոր դրախտին. որ՝ ըստ Ազուինացոյն՝ գետեղուած է բարձրաբերձ տեղ մը երկրիս արեւելեան մասերուն մէջ:

2. Այսինքն՝ դէպ ի արեւմուտք:

3. Այսօր աւերակ՝ Հաւեննայի մօտ Ադրիականի ափունքը, ուր սոճիներու մեծ անտառ մը կայ:

4. Հարաւային արեւելեան հով:

5. Լեթէ գետն է, որ անցեալ իրերը կը մտցընէ:

6. Այս կինը Մադելտան է, ինչպէս պիտի ըսէ Լ. Գ. երգին մէջ: Թե՛ ո՛վ է այս Մադելտան, մեկնիչները այլ և այլ կարծիքներ ունին. հաւանական կը թուի որ մատաղատի օրիորդ մը ըլլայ՝ զոր ճանչցած է Տանդէ փլորենտիոյ մէջ: Ինքն է որ Տանդէն կ'առաջնորդէ

Երանուհին: Այլբարանօրէն՝ եկեղեցական պաշտօնեայ, հոգիներու գաղափարական հովիւը:

7. Կին Պղուտանի՝ որ զանիկա առեւանգեց, մայր Գեմետրէի. — զարուհը՝ ծաղիկները՝ զոր կը ժողվէր Ետնէի ծաղկազուարճ և կանաչագեղ հովտին մէջ:

8. Մադելտայի աչքերուն գերմարդկային գեղեցկութիւնը նկարագրելու համար, կը նկարէ պատկերը Աստղիկին, որուն աչքերը անսովոր լուսով մը նշողեցին, երբ դիպուածով վիրաւորուելով իր Կուպիդոսն որդիէն՝ զինքը գրկելու ատեն, սիրահարուած զգաց ինքզինքը Ադոնիսի:

9. Երեք քայլերը կը պատկերեն ապաշխարութեան երեք աստիճանները, զոյժում, խոստովանութիւն և հատուցում, որոնք դեռ կատարուած չեն՝ որ կարենայ Տանդէ բուն երկրաւոր Գրախտը անցնիլ. Հմմտ. Քաւարսն Լ, ԼԱ, երգերը:

10. Երկտասարդ յոյն Աբիդոսէն, Հելլեսպոնտի նեղուցին վրայ, որ իր Երոս սիրուհոյն այցելելու համար՝ որ Նեղուցին միւս ափունքը ի Սեսոոս կը բնակէր, ամէն գիշեր Հելլեսպոնտոսը լողալով կը կտրէր, ուր և խեղդուեցաւ վերջապէս:

11. Ինչպէս Յորդանանը բացուեր էր Խարայէլացոց առջեւ:

12. Ուրախ արարեր զիս, Տէր, յարարածս քո, և ի գործս ձեռաց քոց ցնձացայց. Սաղմ. ԳԱ, 5:

13. Ստատիոսէն լսած էր Տանդէ, թէ Գաւարանի դռնէն վեր չկան ոչ հով, ոչ անձրեւ, ոչ եղեամ, ոչ ցօղ, ոչ ձիւն, ոչ ամպ, ոչ փայլակ և ոչ ուրիշ ո և է այս կարգի բան. հմմտ. ԻԱ, երգը: Արդ այս վարդապետութիւնը հակասուած կը գտնէ, տեսնելով հոն Երկրաւոր Գրախտին մէջ ջուր, անտառին սօսափունքը հովերու շնչումէն: Մադելտա պատասխանելով Քեր-

Թողին այս հարցումին՝ կը բացատրէ հովին պատճառը, ըսելով թէ անոնք չեն առաջ գար փոփոխութիւններէն որոնք աշխարհի մէջ տեղի կ'ունենան, այլ երկինքներուն շարժումէն, եւնս:

14. Այսինքն փաւարանի դռնէն:

15. Մինչեւ հոս Մադելլուա Տանդէի Ստատիոսէ լսածներն հաստատեց. արդ կարգաւ կը բացատրէ ջրին և հովին պատճառները: Ժամանակին կարծեաց համեմատ՝ երկիրն անշարժ կեցած է տիեզերքին կեդրոնը: Օղբ բողոքածեւ կը դառնայ, կը դառնայ Առաջին Շարժոճոճով, և բոլոր ստորագաս երկինքներով՝ արեւելքէն արեւմուտք, վասն զի դառնալով Առաջին Շարժոճոճը, դառնալ կու տայ նաեւ ստորագաս օդին: Հովը կազմող շոգիները՝ հոս վարը շատ անգամ օդին ուրիշ շարժում կու տան, այսինքն միշտ չեն Թողուր որ արեւելքէն արեւմուտք շարժին: Հոն վերը չեն ելլեր շոգիները. ուրեմն օդը կը շարժի հոն միշտ Առաջին Շարժոճոճով՝ եթէ չխափանուի արտաքին ո և է բռնութենէ մը: Գառնալով արդ արեւելքէն արեւմուտք օդը վերը դիմադրութիւն կը գտնէ անտառին թաւութեանը մէջ, որմէ առաջ կու գայ ձայնը՝ որուն պատճառը հարցուցեր էր Տանդէ:

16. Մարդոց բնակած:

17. Ձեր երկրին մէջ:

18. Մադելլուա Տանդէի երկրորդ տարակոյսը կը սկսի լուծել, թէ ինչպէս վերը ջուր կը կազմուի, առանց անձրեւի: Այս ջուրը չի գար առաջ զանազան ջրային խտացած շոգիներէ, ինչպէս են ջուրերը երկրիս, ուր գետերը մերթ կ'ուռին և մերթ կը նուազին, այլ Աստուծմէ: Մի և նոյն ակէն երկու գետեր կը բղխին՝ որոնք հակառակ ուղղութեամբ կ'ընթանան. մէկուն ջուրը կը կոչուի Լեթէ, որ մեղքերը կը մոռցընէ,


միւսինը Եւնոյէ՝ կը յիշեցնէ բոլոր գործուած բարի գործերը, պայմանաւ սակայն որ նախ Լեթէէն խմուի, յետոյ ասկէ:

19. Նախածնողները:

20. Այս ջուրը:

21. Վերգիլի և Ստատիոսի, որոնք կեցած են անդին:

22. Մադելլուայի:



Ի Թ Ե Ր Գ

Երբ լմնցուց իր խօսքերը, շարունակեց
երգը սիրահարուած կնոջ մը պէս. « Երանի
ու՛մ քոդարձին եղեւ մեղաց¹ » : Եւ նման
յաւերժահարսներուն որ միայնիկ կը քալէին
անտառային շուքերուն մէջէն, փափաքելով
ոմանք արեւը տեսնելու, ոմանք անկէ փախ-
չելու, այն ատեն գեան ի վեր սկսաւ եր-
թալ ափունքէն, ես ալ իրեն քովէն, հետեւ
կելով իր մանրիկ քայլերուն մանրիկ քայլե-
րով : Ես ու ինքը գեո հարիւր քայլ ըրած
չէինք, երբ ափունքները հաւասարապէս ծռե-
ցան, այնպէս որ դէպ ի արեւելք դարձայ
ես : Եւ գեո այնչափ ճամբայ ըրած չէինք,
երբ կինը բոլորովին ինծի դարձաւ, ըսելով.
« Եզբայր իմ, նայէ ե մտիկ ըրէ » :

Եւ ահա յանկարծածազ շողին մը փայլատակեց ամէն կողմէ մեծ անտառին մէջ, այնպէս որ ինծի կարծել տուա թէ փայլակ մ'ըլլար. բայց որովհետեւ փայլակը՝ փայլատակելուն պէս կ'անցնի, և ան երթալով աւելի և աւելի լոյս կը ձայթուէր, ինքնիւրենս կ'ըսէի. « Ի՞նչ բան է ասիկա » :

Ու բաղջը մեղեղի մը կը սահէր կ'երթար լուսայեղց օդին մէջէ. որուն վրայ բարի նախանձաւորութիւն մը յանդիմանել տուա ինծի Եւայի յանդգնութիւնը, որ՝ հոն ուր երկինք և երկիր կը հնազանդէին, էգ մը միայն, և գեռ նոր կազմուած, չհանդուրժեց քողի տակ կենալ. որուն ներքեւ՝ եթէ բարեպաշտ եղած ըլլար, այն անպատում բերկրանքները կանուխէն զգացած պիտի ըլլայի², և աւելի երկայն տտեն: Մինչդեռ ես կ'երթայի յաւիտենական ուրախութեան այնքան երախայրիքներուն մէջէ՝ բոլորովին ըսքանչացած, և խանդակաթ գեռ աւելի ուրիշ ցնծութիւններու, առջեւնիս կանանչ ճիւղերուն տակ օդը բոցավառ կրակի մը պէս երեւցաւ մեզի, և խմացուեցաւ որ քաղցը ձայնը երգ մըն էր:

Ո՛վ սրբանուէր կոյսեր³, եթէ երբեմն համբերեցի ձեզի համար անօթութեան,

ցուրտի և հսկումներու, հարկը զիս կը մըտրակէ որ արդ վարձքս ուզեմ: Արդ ժամ է որ Հելիկոն⁴ հեղու ինծի համար, և Ուրանիա օգնէ ինծի իր պարովը, որպէս զի երգեմ՝ այնպիսի բաներ, զորս մտածելն իսկ դժուար է:

Քիչ մ'աւելի անդին, խարուելով անոնց ու մեր միջև եղած երկայն անջրպետէն, կարծեցի եօթը ոսկեղէն ծառեր տեսնել. բայց երբ այնքան մօտեցայ անոնց՝ որ անորոշ նմանութիւնը՝ որ զգայարանքը կը խաբէ՝ հեռաւորութենէն ալ չէր կորսնցըներ ոչ մի մասնաւոր յատկութիւն, այն զօրութիւնը՝ որ մաքին մտածելու նիւթ կը պատրաստէ, հասկցաւ որ անոնք աշտանակներ էին, և թէ ձայները կ'երգէին. « Ովսաննա »: Գեղեցիկ անօթը վերէն կը նշողէր շատ աւելի պայծառ քան կէս գիշերուան լուսապատար լուսինը անամպ երկնքին մէջ: Զարմանքով լի վարձայ դէպ ի բարի վերգիլը, և ան պատասխանեց ինծի ոչ ինչ նուազ վարմացած գէմքով մը: Յետոյ վարձուցի աչքս դէպ ի բարձր իրերը՝ որոնք ընդ առաջ կու գային մեզի աւելի ծանրաբայլ, քան նոր հարսերը: Կինը⁵ սաստեց ինծի. « Ինչո՞ւ համար այդքան եռանդազին կը նայիս

կենդանի լոյսերուն, ու չես զիտեր ինչ որ անոնց ետեւէն կու գայ » :

Մարդիկ տեսայ այն ատեն՝ որոնք՝ իբրև առաջնորդներու՝ անոնց կը հետեւէին՝ ճերմակ հագած. որպիսի պայծառութիւն երբեք չի տեսնուիր ասօլին⁶ : Չախ կողմս ջուրը կը շողշողար, և եթէ մէջը նայէի՝ ձախ կողս ինծի կ'անդրադարձնէր հայլի մը պէս : Երբ ես իմ փոնուքէս այնպիսի զիբք մը ստացայ, որ միայն գետը զիս հետու կը բռնէր, աւելի լաւ տեսնելու համար կանոց առի : Եւ տեսայ որ բոցերը առաջ կ'երթային, թողլով իրենց ետեւի օդը նկարէն՝ որ պարզուած գրօշակներու կը նմանէր. այնպէս որ վերի օդին մէջ որոշ կը զանազանուէին եօթը գիծերը, բոլսրն ալ այն գոյներով, որոնցմէ արեւն իր ազեզը կը յօրինէ, և Դելիան⁷ իր դօտին : Այս գրօշները գէպ ի երկինքը կ'երկարածգէին շատ աւելի հեռուն՝ քան որչափ աչքս կը հասնէր. և, ինծի երեւցածին համեմատ, ծայրինները տասնական քայլ⁸ հեռու էին իրարմէ : Այնպիսի գեղեցիկ երկնքի մը տակ, ինչպէս կը նկարագրեմ, քսանըչորս երէցներ⁹, կը յառաջէին երկու երկու, շուշան ծաղկով պոսակազարդ : Ամէնքը կ'երգէին. « Օրհնեալ ես գու Ադամայ դուստրե-

րուն մէջ, և օրհնեալ ըլլան յաւիտեան քու գեղեցկութիւններդ¹⁰ » : Յետոյ երբ ծաղիկներն աւ գալար խոտերը՝ իմ գիմացս միւս փոնուքին վրան՝ ազատ մնացին այն ընտրեալ մարդերէն, ինչպէս երկնքի մէջ լոյս լոյսի կը յաջորդէ, անոնցմէ վերջը չորս կենդանիներ¹¹ եկան, իւրաքանչիւրը կանանչ սագարթներով պոսակուած : Ամէն մէկը փեարալից էր վեց թեւերով, փետուրները լի էին աչքերով, և եթէ ողջ ըլլային Արգոսի աչքերը, այնպէս պիտի ըլլային : Անոնց կերպարանքը նկարագրելու համար, ալ աողչեմ վասններ, ընթերցող. վասն զի ուրիշ հարկ մը այնքան կը ծանրանայ վրաս, որ չեմ կրնար ես շոայլ ըլլալ ասոր : Բայց կարգա Եզեկիէլը¹², որ զանոնք կը նկարագրէ՝ ինչպէս տեսաւ զանոնք երբ կու գային ցուրա կողմէն հօլով, ամպով ու կրակով. և ինչպէս որ պիտի գտնես զանոնք իր թըղթերուն մէջ, այնպէս էին հոս ալ. բաց ի թեւերէն, որոնց համար Յովհաննէսը¹³ հետս է, և անկէ կը հեռանայ : Չորսին միջև եղած միջոցը կը գրաւէր երկանիս յաղթական կառք մը, որ կը քաշուէր արծուառիւծի մը պարանոցէն : Եւ ան կը տարածէր գէպ ի վեր իր երկու թեւերը մէջտեղի գծին և

միւսներուն միջեւ, որ կային երեք այս կողմը, և երեք այն կողմը, այնպէս որ օղբ ձեղքելով ոչ մէկուն չէր վնասեր: Այնչափ կը բարձրանային, որ ալ չէին տեսնուիր: Ուր որ թուշուն էր՝ սակի անդամներ ունէր, և միւսներուն մէջ՝ կարմրախառն ճերմակ: Ոչ միայն Ափրիկեցին¹⁴ կամ Աւգոստոսը չուրախացուցին երբեք: Հոսմը այսպիսի գեղեցիկ կառքով մը, այլ նոյն իսկ արեւունը խեղճ բան մըն էր անոր քով. արեւուն¹⁵ կառքը՝ որ խոտորելով այրեցաւ՝ աղերսաւոր երկրին աղաչանքովը, երբ Արամազդ խորհրդաւոր կերպով¹⁶ արդար եղաւ: Աջակողմի անիւէն երեք կիներ¹⁷ կու գային բոլորածեւ պարելով. մին այնչափ կարմիր¹⁸, որ կրակին մէջ հազիւ պիտի ճանչցուէր. միւսն¹⁹ էր այնպէս՝ ինչպէս թէ մսերն ու ոսկորները զբւրուեալ շինուած ըլլային, երբորդը նոր տեղացած ձիւնի²⁰ կը նմանէր. և կ'երեւէին մերթ ձերմակէն առաջնորդուած, մերթ կարմիրէն, և ասոր երգին համեմատ՝ մերթ յուշիկ կը պարէին, մերթ արագ: Չախ կողմը՝ ուրիշ չորս կիներ²¹ հանդէս կ'ընէին, ծիրանագգեստ՝ անոնցմէ մէկուն²² կերպին համեմատ, որ զբւխուն վրայ երեք աչք ունէր: Նկարագրուած բոլոր խումբին ետեւը տեսայ երկու ծերու-

նիներ՝ զանազան զգեստներով, այլ մի և նոյն շարժուձեւով, պարկեշտ և հանդարտ: Մին կը թուէր մէկն աշակերտներէն այն վեհագոյն Հիսպոսիրատին²³, զոր բնութիւնն ստեղծեց իր սիրելագոյն կենդանիներուն համար. միւսը կը ցուցնէր հակառակ հողի մը՝ լուսեղ և սուր սրով մը, այնպէս որ գետէն ասդին իսկ վախցուց զիս: Յետոյ տեսայ ուրիշ չորս հողի²⁴ խոնարհ երեւոյթով, և ամենուն ետեւէն ծերունի մը²⁵ որ մինակ կու գար, քնանալով, բայց հանձարեղ դէմքով. և այս եօթը հողին հագուած էին առաջին խումբին պէս, բայց գլուխներնուն շուրջը շուշանէ պսակ չունէին, այլ վարդերէ և ուրիշ կարմիր ծաղիկներէ. մէկը որ զանոնք քիչ հեռուէն տեսնէր, պիտի երկուրննար որ անոնք ամէնքը կ'այրէին՝ իրենց արտեւանունքներէն վեր: Եւ երբ կառքը ճիշդ դիմացս եկաւ, որոտում մը լսուեցաւ. և այն արժանաւոր անձերը, իբրեւ թէ արգելուած ըլլար իրենց աւելի առաջ երթալ, կանգ առին առաջին դրօշակներուն հետ:

Ծ Ա Ն Օ Թ Ո Ի Թ Ի Ի Ն Ք

1. Սաղմ. 1, 1:
2. Եթէ Եւան հնազանդ եղած ու մեղանշած չըլլար, կանուխէն՝ ճնելէս ի վեր, և աւելի երկայն ատեն՝ յաւիտենապէս՝ պիտի վայելի, եւն:
3. Մուսաները:
4. Կը դնէ լեռը, փոխանակ իր Ագանիպպէ և Խլպոկրենէ գետերուն:
5. Մաղելտա:
6. Մեր աշխարհը:
7. Մականուն Անահիտի. հոս լուսին ըսել է:
8. Տասը քայլերը՝ ըստ բազմաց տասը պատուիրաններն են, որոնց պահպանութիւնը անհրաժեշտ է Սուրբ Հոգւոյն պարգեւներն ստանալու համար:
9. Հմմտ. Յայտնութիւն Դ, 4: Յայտնութեան մէջ տասերկու մարգարէներն ու տասերկու առաքեալներն են: Հոս՝ Հին կտակարանի գրքերն են՝ ըստ բաժանման Ս. Հերոնիմոսի:
10. Գաբրիէլ Հրեշտակէն առ Ս. կոյսն ըսուած խօսքերը. Դուկ. Ա, 28, 42, եւն:
11. Չորս աւետարանիչներն են:

12. Ա. 4-14:
13. Հմմտ. Յայտնութիւն, Դ. 8:
14. Սկիպիոն. Աննիբաղի յաղթողը:
15. Հմմտ. Դժոխք, ԺԷ, 106:
16. Ուղեւով հասկըցնել մարդոց թէ Ինչպէս յանձնապատանութիւնը մահաբեր կ'ըլլայ յանձնապատանին:
17. Երեք աստուածաբանական առաքինութիւնները:
18. Սէրը:
19. Յոյսը:
20. Հաւատք:
21. Չորս գլխաւոր առաքինութիւնները. Զգաստութիւն, Արդարութիւն, Արիութիւն, Ժուժկալութիւն:
22. Զգաստութեան:
23. Դուկաս Աւետարանիչ. - Միւսը Պողոս Առաքեալ:
24. Յակոբոս, Պետրոս, Յովհաննէս և Յուդա, կաթուղիկեայց գրիչները:
25. Յովհաննէս Աւետարանիչը, որ երբ Յայտնութիւնը գրեց, մօտ իննսուն տարու էր:



Երբ կանգ առաւ առաջին երկնքին՝ Սայ-
 ւը՞, ան՝ որ ոչ մուտք երբեք ձանչցաւ և
 ոչ ելք, և ուրիշ ամպ չունեցաւ՝ բայց միայն
 մեղքին՝ քողը, և որ ամենուն իր պարտքը
 կը սորվեցնէ՞, ինչպէս ստորնագոյն՝ Չահր
 անոր՝ որ զեկը կը զարձընէ նաւահանգիստ
 դալու համար, ճշմարիտ անձերը՝՝ որոնք
 եկած էին նախ արծուառիւծին ու իր մի-
 ջեւ, զէպ ի կառքը զարձան՝ իբրեւ իրենց
 խաղաղութեանը: Եւ անոնցմէ մին՝ զրեթէ
 երկնքէն զրկուած, Եկ ի Լիբանանէ, հարսմե՞,
 երգելով, գոչեց երեք անգամ, և միւս ա-
 մէքը իրեն հետեւեցան:

Ինչպէս երանեալները վերջին հրաւրին
 պիտի ելլեն փութով ամէնքն իրենց զեղիզ-

մանէն, նորոգեալ ձայնով ալէլուլիս երգելով, այսպէս աստուածային կառքին վրայ ելան, ի ձայն այնքանոյ ձերուռոյն⁷, հարիւր պաշտօնեաներ և հրեշտակներ յաւիտենական կենաց: Ամէնքը կ'ըսէին. Օրհնեալ, որ գասց. և ծագիկներ սփռելով անոր շուրջն ու վերան, յեն, տաք շուշան բռնաշիր⁸:

Տեսայ ես արդէն օրն սկսելուն՝ արեւելեան մասը բոլոր վարդազոյն, և միւս երկինքը գեղեցիկ պարզութեամբ զարդարուն. և ծագող արեւուն զէմքն ստուերամած, այնպէս որ՝ որովհետեւ շողիներն անոր լոյսը կը շափաւորէին, աչքը երկայն ասան կրնար նայիլ անոր վրայ: Այսպէս ամպի մը մէջ ծագիկներու՝ որոնք հրեշտակային ձեռքերէ կ'ելլէին ու կ'իյնային վար, մէջն ու զուրքը, կին⁹ մը երեւցաւ ինծի՝ գլուխը քօղ մը սպիտակ՝ վրան ձիթենիով, կանանչ վերարկուի մը տակ, և զգեստը կենդանի բոցի գոյնն ունէր: Եւ հոգիս, որ արդէն շատանց¹⁰ ի վեր իր ներկայութեանը չէր խորատկուած հիացումով և սոսկումով, ատանց իսկ զէմքէն ճանչնալու¹¹, գազանածածուկ զօրութեամբ մը որ անկէ կը բղթէր, հինաւորց սիրոյն մեծ կարողութիւնն զգացի: Հազիւ թէ աչքիս զարկաւ այն վեհագոյն զօրութիւնը՝ որ

արդէն խոցած էր զիս զես անտիական հասակիս մէջ, զէպ ի ձախ դարձայ այն վստահութեամբ, որով մանկիկն իր մօրը կը վազէ, երբ կը վախնայ կամ ցաւ մը ունի, ըսելու համար Վիրգիլիոսին. «Հազիւ թէ արամ մը արինն բլլայ ներսս՝ որ չգողայ. կը ճանչնամ հին բոցին նշանները»:

Բայց Վիրգիլիոս թողուցեր էր զմեզ, Վիրգիլիոս՝ ամենաքաղցրիկ հայրը, Վիրգիլիոս՝ որուն յանձներ էի ինքզինքս իմ փրկութեանս համար: Եւ հին մօր բոլոր կորսւնցուցածն իսկ¹² չկրցաւ արգիլել՝ որ իմ աչտերս՝ մաքրուած արդէն ցօղով՝ արատուքով չմթագնէին:

— Տանդէ, մի լար, մի լար Վիրգիլիոսի մեկնելուն վրայ. այլ պէտք է լաս ուրիշ սուրի համար:

Նման ծովակալին՝ որ յետակողմն ու առջակողմը կու գայ նաւին, տեսնելու համար մարդիկը որ ուրիշ նաւերու մէջ կ'աշխատին, կը քաջաւերէ զանոնք որ լաւ ընեն, երբ դարձայ զէպ ի ձայնը անունիս՝ որ հոս ի հարկէ կ'արձանագրուի, կառքին ձախ կողմին վրայ տեսայ այն կինը՝ որ նախ քօղածածուկ երեւցած էր ինծի հրեշտակային հանդէսին մէջ՝ որ աչքերը վրաս կը յառէր՝

գետէն ասդին: Թէ և քողը որ կ'իջնէր գլխէն՝ արտախորուած Աթենասայ սաղարթներու վը՝¹³ չէր թողուր որ յայտնի երեւայ ան, արքայական խորխոտ կերպարանքով մը շարունակեց, նման անոր՝ որ կը խօսի, և խօսքերուն տաք մասը վերջը կը պահէ.

— Լաւ նայէ ինձի. Երանուհին եմ, Երանուհին եմ ևս: Ինչպէս հաճեցար դէպ ի այս լեռը գալու. չէի՞ր գիտեր դուն որ մարդ երջանիկ է հոս¹⁴:

Աչքերս ինկան վար ականակիտ աղբիւրին մէջ. բայց անոր մէջ ինքզինքս տեսնելով, խոտին վրայ դարձուցի զանոնք, ամօթը անքան ծանրացուց ճակասս: Այսպէս մայրը խիտտ կը թուի որդւոյն, ինչպէս ան թուեցաւ ինձի, վասն զի ատիպ գթութեան համը դառն է:

Լոնց ան, և յանկարծակի հրեշտակներն երգեցին. «Ի քեզ, Տէր, յուսացայ», բայց գոտս իմ էն անպին չանցան¹⁵:

Ինչպէս որ ձիւնը խառլիոյ կոնակը¹⁶ կենդանի հեծաներուն միջև կը սառի՝ փշուելով և խտանալով Աքլաւնիոյ հովերէն, յետոյ հեղուկ դառնալով կը մղուի ինք իր մէջը, միայն թէ երկիրը¹⁷ որ ստուեր չունի փշէ այն հովը՝ որ նման է կրակին որ մամը

կը հալեցընէ, այսպէս մնացի առանց արցունքի և հառաչանքի մինչև երգելն անոնց՝ որոնց նօթերը կը հեռուին միշտ մշտնջենաւոր շրջագայութեանց նօթերուն: Բայց երբ իմացայ որ անոնք այն քաղցը ներդաշնակութեանց մէջ կարեկից կ'ըլլային ինձի աւելի քան թէ ըսած ըլլային. «Կին, ինչո՞ւ այդքան կը տանջես զանիկա», սառը որ սրախ շուրջը պատած էր, լուծուեցաւ հառաչանքի և արցունքի, ու տաղնապով դուրս ելաւ կուրծքէն բերնին ու աչքերուս ձեռքով: Ան՝ կառքին յիշուած կողմը կանգուն կեցած, այսպէս ուղղեց իր խօսքերն յետոյ բարեգութ գոյացութիւններուն.

— Գուք կը հսկէք յաւիտենական օրուան մէջ, այնպէս որ ոչ գիշեր և ոչ քուն չեն ծածկեր ձեզմէ ոչ մի բան՝ որ պատահի դարերու հոլովմանը մէջ, ուստի պատասխանս աւելի ուղղուած է անոր՝ որ կու լայ անդին՝ հասկցնելու համար իրեն՝ որ մեղքն ու ցաւը մի և նոյն չափով ըլլան: Այ միայն երկնային գունտերուն ազդեցութեամբը՝ որ իւրաքանչիւր սերմ՝ կ'ուղղեն նպատակի մը, իրենց ընկերացոյ աստղերուն համեմատ, այլ աստուածային շորհներու առատութեամբ, որ այնքան բարձր շողիներ ունին

իրենց անձրեւին համար, ուր մեր աչքերը
և ոչ իսկ կրնան մտանալ, այնպիսի եղաւ
իր նոր կեանքին մէջ ի զօրութեան, որ ու
է ուղիղ արամադրութիւն՝ հրաշալի արդիւնք-
ներ առաջ պիտի բերէր անոր մէջ: Բայց
երկիրը այնքան աւելի դժնդակ և վայրենի
կ'ըլլայ չար սերմնովը և անմշակ, որքան
աւելի ան զօրաւոր ըլլայ և բեղնաւոր:

«Քիչ մը ատեն բռնեցի զինքը իմ գեմ-
քովս, ցուցնելով իրեն երկտասարդ աչքերս,
հետո կը տանէի զինքը ուղիղ ճամբուն մէջ:
Բայց հազիւ թէ երկրորդ հասակիս սեմին
վրայ գտնուեցայ ու կեանքս փոխեցի, սա
հեռացաւ ինձմէ, և ուրիշներու յարեցաւ:
Երբ մտէն հողիւն բարձրացայ, և ճոխացայ
գեղեցկութեամբ և առաքինութեամբ, իրեն
նուազ սիրելի և նուազ հաճոյ եղայ, և ուղ-
ղեց իր քայլերը ճամբէ մը՝ որ ուղիղ չէր,
հետեւելով ստապատիր պատկերաց բարիք-
ներուն՝ որոնք ոչ մի խոստում չեն կատա-
րեր: Եւ ոչ իսկ բանի մը եկաւ իրեն համար
ներշնչումներ ձեռք բերելս, որոնց միջոցաւ
կանչեցի զինքը քունին մէջ և ուրիշ կեր-
պով. այնքան քիչ կարեւորութիւն տուաւ
անոնց: Այնքան վար ինկաւ, որ այլ եւս
ամէն միջոց անբաւական էր իր փրկութեան

համար, բայց միայն ցուցնել անոր կոր-
սուած մարդերը: Ասոր համար այցելեցի
մեռելներուն մուտքը, և լալով՝ աղաչանք-
ներս ըրի անոր՝ որ զինքը հոս վերն ա-
ռաջնորդեց: Աստուծոյ վեհ հրամանը պիտի
եղծուէր, եթէ լեթէն անցնէր մէկը և ճա-
շակէր այն ըմպելիէն առանց վարձքի զղման՝
որ արցունքներ թափէ:




15. Որպէս զի բարկութեան վրայ չխօսին՝ այն խաղաղաւետ վայրին մէջ:

16. Այսինքն՝ Ապենինիեանց վրան, որ գրեթէ խաղայ ողնայարն է:

17. Ափրիկէ, ուր ստուերները երբեմն շուք չեն ձգեր, վասն զի արեւը՝ ուղղահայեաց է:

Ծ Ա Ն Օ Թ Ո Ւ Թ Ի Ի Ն Ք

1. Հրեղէն երկինք:
2. Փոքր Արջ համաստեղութիւնը՝ եօթն աստղերէ կազմուած. եօթը ճրագներուն կ'ակնարկէ:
3. Աղամայ և Եւայի:
4. Ս. Հոգւոյն եօթը պարզեւները և խորհուրդները կը ցուցնեն մարդուն բարւոյն ճամբան և անոր մէջ կը հաստատեն:
5. 24 ձերուները:
6. Երգ Երգոց, Գ. 8:
7. Եկ ի Լիբանանէ, հարսն՝ գոշողին:
8. Էնիակ. Գ, 12:
9. Երանուհին է:
10. Տասը տարիէ ի վեր:
11. Վասն զի քողածածուկ էր:
12. Այսինքն՝ երկրաւոր դրախտը, եւն. թէ և երկրաւոր դրախտին մէջ էի, եւն:
13. Այսինքն՝ ձիթենիով:
14. Հեգնօրէն:



Լ Ա Ե Ր Գ

— Ո՛վ դուն, որ սուրբ գետէն անդին
ես», — վերսկսաւ Երանուհի առանց կանգ
առնելու, ուղղելով ինծի իր խօսքին ծայրը,
որու բերանն իսկ այնքան սուր երեւցած էր
ինծի, — «Բսէ՛, ըսէ թէ ճշմարիտ է ըսածս.
Հարկ է որ քու խոստովանութիւնդ հաս-
հատէ այնքան ծանր ամբաստանութիւն մը»:

Զօրութիւնս այնքան խորտակուած էր, որ
ձայնս շարժեցաւ, բայց դեռ իր գործարան-
ներէն դուրս չելած, մարեցաւ: Քիչ մը ա-
տեն սպասեց, յետոյ ըսաւ. «Ի՞նչ կը մտա-
ծես, պատասխան տուր ինծի. վասն զի
ախուր յիշատակները դեռ ջնջուած չեն քու
մէջդ ջուրին ձեռքով»:

Ամօթն ու վախը իրարու խառնուած այն-

պիտի « այո » մը հանեցին բերնէս, զոր իմանալու համար կարեւոր էր նաև աչքերուն օգնութիւնը: Ինչպէս բաղխատրը՝ երբ չափազանց լարուած արձակուի՝ կը խորտակէ չուանն ու աղեղը, և սլաքը նուազագոյն թափով կը հասնի նպատակին, այսպէս այն ծանր բեռան տակ խորտակուեցայ լուծուեցայ ես, դուրս հեղեղելով արցունք ու հոռաչանք, և ձայնը նուազեցաւ իր անցքին վրան: Որուն վրայ ան ինծի.

— Իմ իղձերուս միջոցաւ՝ որ կ'առաջնորդէին քեզի սիրելու բարին՝ որմէ դուրս փափաքելի բան չկայ, ի՞նչ փոսեր անցար կամ ի՞նչ շղթաներ գտար, որ այսպէս առաջ երթալու յոյսը կորսնցուցիր: Եւ ի՞նչ գիւրութիւններ կամ ի՞նչ առաւելութիւններ նշմարեցիր դուն ուրիշներու ճակատին վրայ, որ անոնց սիրահարուեցար:

Դառն հոռաչանք մ'արձակելէ վերջ, հազիւ բացի բերանս որ պատասխան տամ, և շրթունքներս դժուարաւ կազմեցին զայն: Ըսի լալով. « Ներկայ իրերը իրենց պատիր հաճոյքովը քայլերս խոտորեցին՝ երբ հազիւ ձեր գէմքը անհետացաւ »: Եւ ան.

— Լռէիր ալ, ուրանայիր ալ՝ ինչ որ խոստովանեցար, ոչ ինչ նուազ յայտնի պիտի ըլ-

լար յանցանքդ. այնպիսի է գատաւորը՝ որ դիտէ զայն: Բայց երբ մեղքին ամբաստանութիւնը դուրս կ'ելլէ բուն իսկ մեղաւորին բերնէն, մեր արքունիքին մէջ անին ինքզինքը բերնին դէմ կը դարձնէ: Սակայն և այնպէս, որպէս զի աւելի ամչնաս սխալանքիդ վրան, և որպէս զի ուրիշ անգամ յուշկապարիկներուն ձայնը լսելուդ աւելի հաստատամիտ դանուխ, մէկդի ձգէ արցունքին սերմը, և մտիկ բրէ. պիտի լսես թէ ինչպէս իմ թաղուած մարմինս հակառակ ճամբուն մէջ պիտի առաջնորդէր քեզի:

« Բնութիւն կամ արուեստ չընծայեցին քեզի երբեք այնքան հաճոյք՝ որքան զեղեցիկ անգամները որոնց մէջ փակուած էի ես, և որ արդ հոյ դարձած են, և եթէ վեհագոյն հաճոյքը այսպէս պակսեցաւ քեզմէ իմ մահուամբս, ո՞ր մահկանացու իր այնուհետև զքեզ իր ետեւէն պիտի բաշէր: Դուն պէտք էիր մանաւանդ խաբեպատիր իրերու առաջին սլաքովը բարձրանալ վեր իմ ետեւէս որ ալ այնպէս չէի: Դուն պէտք չէիր փետուրներդ գէպ ի վար ձկաեցնել՝ սպասելու համար ուրիշ հարուածներու, կամ օրիորդի կամ ուրիշ այնքան վաղանցուկ ընդունայնութեան: Փոքրիկ թռչնակը կը սպասէ եր-

կուքի կամ երեքի, բայց փետրալից թըռչուններուն աչքին առջև՝ ի զուր կը լարուի ցանցը, կամ նետեր կ'արձակուին » :

Նման մանուկներու՝ որոնք ամօթահար լուռ մունջ կը կենան աչքերնին վար՝ ու մտիկ կ'ընեն, յանցանքնին ճանչնալով, ու կը զզջան, այնպէս կեցած էի ես . և ան լսաւ .

— Որովհետեւ խօսքերս լսելով ցաւ կը զգաս, վերցուր մօրուքդ, և աւելի ցաւ պիտի զգաս նայելով :

Նուազագոյն դիմադրութեամբ կը քանցուի հուժկու կաղնին կամ մեր հովէն² և կամ անկէ որ կը փչէ Յարբասի³ երկրէն, քան իմ կզակս՝ զոր վերցուցի իր հրամաննին վրայ . և երբ երեսի տեղ մօրուքը ուզեց, լաւ հասկըցայ փոխաբերութեան թոյնը : Եւ երբ երեսս վերցուցի, աչքը իմացաւ որ այն առաջին արարածները գաղբած էին իրենց սրսկումէն⁴ . և իմ աչքերս՝ դեռ եւս անստոյգ, տեսան Երանուհին դարձած գէպ ի գազանը՝ որ մի անձն է երկու բնութեամբ : Իր քօղին տակ և կանաչազարդ գետէն անպին՝ կը թուէր ինծի որ ան այնքան աւելի իր հին անձը կը գերազանցէր՝ որքան գերազանցած էր միւսները երբ երկրի

վրայ էր : Զղջումին եղինը այնպէս խոցեց զիս հոն, որ միւս ամէն բաներէն՝ ան՝ որ աւելի զիս իր սէրէն ի բաց դարձուցեր էր, աւելի ատելի եղաւ ինծի : Այնպիսի ծանօթութիւն մը սիրտս խոցեց, որ ես նուազած ինկայ, և թէ ինչ եղայ այն ատեն, գիտէ ան՝⁵ որ անոր պատճառն եղաւ : Յետոյ, երբ սիրաբ ինծի դարձուց արտաքին իրերու ազդեցութիւնը, այն կինը՝⁶ զոր միայնակ գտած էի, իմ վերեւս տեսայ, և կ'ըսէր. « Բռնէ՛ զիս, բռնէ՛ զիս » : Մինչեւ կոկորդս զիս գետին մէջ մերձած էր, և զիս ետեւէն քաշելով, ջուրին վրայէն կը քալէր, թեթեւ՝ կկոցի մը պէս : Երբ բարեբաստիկ ափունքին մօտեցայ, ցօղեա՛ յիս լսեցի որ կ'երգէին այնքան քաղցր՝ որ չեմ կրնար յիշել թող թէ գրել : Գեղեցիկ կինը բացաւ բազուկները, զրկեց զլուխս, և մխրձեց զիս այնպէս՝ որ հարկ եղաւ որ ես ջուր կ'լլէի : Յետոյ դուրս հանեց զիս, և թաց թաց ներկայացուց զիս չորս գեղեցիկներուն՝ պարին . և իւրաքանչիւրն իր բազուկովը ծածկեց զիս :

— Հոս յաւերժահարսներ ենք, և երկինքը՝ աստղեր . Երանուհին դեռ աշխարհ չի ջած՝ իրեն իբրեւ նաժեշտ կարգուեցանք : Պիտի տանինք զքեզ իր աչքերուն . բայց անդի


երեք կիները՝ որոնք աւելի խորը կը թափանցեն՝ պիտի սրեն քու աչքերդ՝ զիտելու համար զուարթ ըստը որ կայ իր աչքերուն մէջ:

Այսպէս սկսան երգելով. և յետոյ զիս իրենց հետ տարին արծուառիւծին կուրծքին առջեւ, ուր Երանուհին մեզի դարձած կը կենար: Ըսին. « Կշտացուր աչքերդ. զքեզ առջեւը դրինք զմրուխտներուն, որոնցմէ Սէրը երբեմն իր սլաքները վրադ արձըկեց »:

Հազար իղձեր՝ աւելի տաք բան բոցը՝ զօգեցին աչքերս շողշողուն աչքերուն՝ որոնք սեւեռած կեցած էին անշարժ արծուառիւծին վրայ: Ինչպէս հայլին մէջ արեւը, այսպէս կը ճառագայթէր հոն կրկնակի զազանը՝ մերթ մէկ, մերթ միւս շարժուածքներով: Մտածէ՛, ընթերցող, թէ ես կը զարմանայի երբ կը տեսնէի իրը՝ իր մէջ հանդարտ կեցած, և իր պատկերին մէջ կ'այլակերպէր: Մինչդեռ՝ լի ապշութեամբ և ցնծութեամբ՝ հոգիս կը ճաշակէր այն կերակրէն, որ յագեցնելով իրմով, իրմով կը ծարուեցնէ, միւս երեք կիները առաջ անցան ցուցնելով իրենց շարժումներովը թէ աւելի բարձրագոյն կարգէ են, կաքաւելով իրենց հրեշտակային երգին համեմատ:

— Դարձուր, Երանուհի, դարձուր սուրը աչքերդ », էր իրենց երգը, « քու հաւատարիմիդ, որ՝ բեզ տեսնելու համար՝ այնչափ ճամբայ կտրած է: Կ'աղաչենք, շնորհ ըրէ մեզի՝ մերկացիր անոր բերանդ, այնպէս որ տեսնէ երկրորդ գեղեցկութիւնը՝ զոր կը ծածկես »:

Ո՛վ պատշէկ յաւիտենական կենդանի լուսոյ, ո՛վ է այն որ տժգունեցաւ Պառնասոսի շուքին տակ, կամ խմեց իր աղբիւրէն, ու պիտի չկարծէ իր միտքը մթասոյլ՝ փորձելով նկարել զքեզ այնպէս ինչպէս կ'երեւէիր հոն ուր երկինքը կը հովանաւորէր զքեզ ներդաշնակութեամբ, երբ բաց օդին մէջ մերկացար բողբոջ:



Ծ Ա Ն Օ Թ Ո Ի Թ Ի Ի Ն Ք

1. Անիւր՝ փոխանակ բերանն յեսանելու, անոր դէմ
կը դառնայ, կը գուլցնէ. այսինքն է Աստուածային
արդարութեան սուրը կը դադրի հատու ըլլալէ:

2. Հարաւային, որ Ափրիկէէն կը փչէ:

3. Այսինքն՝ Ի Լիբիոյ:

4. Ծաղիկներ ցանելէն:

5. Երանուհին:

6. Մաղելտա:

7. Գլխաւոր առաքինութեանց:

8. Աստուածաբանական առաքինութիւնները:



Լ Բ Ե Ր Գ



Աչքերս այնքան սեւեռած և ուշադիր էին
տասնամեայ ծարաւը յագեցնելու, որ միւս
բոլոր զգայարանքներս թմրած էին. և ա-
նոնք այս և այն կողմէն պարսպուած էին
արհամարհութեամբ, այնքան իրեն ձգեց
զանոնք սրբանուէր ժպիտը իր հին ցանցու-
ղը. երբ այն Աստուածուհիները՝ առանց ու-
զելուս՝ դէմքս զարճուցին դէպ ի ձախա-
կողմս, վասն զի կը լսէի որ անոնցմէ մին
կ'ըսէր. « Չափազանց սեւեռած կը նայիս »:
Եւ այն տրամադրութիւնը՝ որ կայ արեւէն
զեռ նոր զարնուած աչքերուն մէջ՝ քիչ մ'ա-
տեն առանց աչքի ձգեց զիս: Բայց երբ
դէմքս նորէն վարժեցաւ քիչին (քիչին կ'ը-
սեմ, համեմատութեամբ լուսոյ հեղեղին,

որմէ ակամայ ի բաց դարձայ), տեսայ որ փառաւորեալ բանակը դարձեր էր դէպ ի աջ ու կ'երթար, զիմացն ունենալով արեւն ու եօթն ասագերը¹: Ինչպէս՝ բանակը, ազասելու համար, վահաններու տակ ապաստանած կը շրջի ու կը դառնայ նշանին համեմատ մինչեւ որ ամէն ինչ կարենայ իր ուղղութիւնը փոխել, այսպէս երկնային թագաւորութեան այն բանակը որ կը կարապետէր՝ կառքն իր զեկը չծռած գեռ՝ բոլոր մեզմէ առաջ անցաւ: Յետոյ կիներն անխեղբուն դարձան, և արծուափուժը շարժեց օրհնեալ բեռը, այնպէս որ սակայն իր փետուրներէն և ոչ մին ցընցուեցաւ: Գեղեցիկ կիներ՝ որ զիս գետէն անցուց, Սաաաիոս ու ես կը հետեւէինք այն անխին, որ իր շրջանակը փոքրագոյն աղելով մը գծեց²: Անցնելով այսպէս բարձրաբերձ անտառը, պարասպ՝ յանցանքովն անոր՝ որ օձին հաւատաց, հրեշտակային երգ մը քայլերը կը կանոնաւորէր: Արագասլաց նետ մը գուցէ երեք թռիչքով կարեց այնչափ սեղ՝ որչափ առաջացած էինք մենք՝ երբոր Երանուհին իջաւ: Լսեցի որ ամէնքը կը մրմնային. « Աղամ »: յետոյ շրջապատեցին ծառ մը՝ որուն ամէն ձիւղերն ալ կոզոպտուած էին ծաղիկէ ու տերեւէ: Իր բարձրա-

գոյն սաղարթները՝ որոնք որչափ աւելի կը բարձրանան այնչափ աւելի կը տարածուին, Հնդկիներուն խիլ զարմանք պիտի պատճառէին իրենց անտառներուն մէջ՝ բարձրութեանը պատճառաւ:

— Երանի քեզ, սիլ արծուափուժ, որ չես պատուեր կառուցող այս քաղցրածաշակ ծառը, յորմէ հետէ դառնացաւ անկէ որովայնը:

Այսպէս աղաղակեցին միւսները հուժկու ծառին շուրջը. և երկարուն կենդանին. « Այսպէս կը պահուի ամէն արդարութեան սերմը »: Եւ գտնաւորով դէպ ի զեկը՝ զոր քաշած էր, քաշեց զայն այրի³ ծառին ոտքը, և իրենը՝ իրեն ձեցեց կապած⁴: Ինչպէս մեր տունկերը, երբ մեծ լոյսը⁵ կ'իջնէ վար խառնուած անոր՝⁶ որ կը ճառագայթէ Չկանց համաստեղութեան ետեւը, կ'ուսին, և յետոյ խրաքանչիւրն իր գոյնովը կը վերանորոգուի, զեռ արեւն իր նփոյգները ուրիշ ատղի տակ չլծած, գոյնով մը՝ վարդէն նուազ, և մանիշակէն աւելի՝ նորոգուեցաւ ծառը, որուն ձիւղերն այնպէս մերկ էին առաջ: Ես չլսեցի, և հօս չ'երգուիր այն երգը՝ զոր այն գունդը երգեց այն ատեն, և ոչ ալ կրցայ զիմանալ ամբողջ գաշնակութեանը: Եթէ ես կարենայի

նկարել թէ ինչպէս քնացան դժուակ աչքերը լսելով Սիրինգայի մասին, աչքերը՝ որոնց այնչափ սուղի նստաւ մշտարթուն ըլլալը, նման նկարչի՝ որ օրինակի մը համեմատ կը նկարէ, պիտի նկարագրէի թէ ինչպէս քնացայ ես. բայց ով որ կ'ուզէ թող կեղծէ թէ ինչպէս կը քնացուի: Սակայն կ'անցնիմ այն ատենին՝ երբ արթնցայ, և կ'ըսեմ որ շողիւն մը կորզեց ինձմէ քունին քողը, և ձայն մը կը գոչէր. « Եւ, ի՞նչ կ'ընես »:

Ինչպէս որ Պետրոս և Յովհաննէս և Յակոբոս տարուած՝ տեսնելու ծաղիկները՝ խնձորենիին՝ որ իր պտուղներուն ցանկացող կ'ընէ հրեշտակները, և յաւիտենական հարսնիքներ կը կատարէ երկինքը, շլացած գետին տապալած՝ ցնցուեցան ձայնէն՝ որմէ և մեծագոյն քուններն իսկ խափանուեցան⁹, և տեսան որ իրենց դպրոցը նուազեր էր թէ՛ Մովսէսէն և թէ՛ Եղիայէն, և իրենց վարդապետին զգեստը փոխուեր էր, այսպէս արթնցայ ես, և տեսայ որ այն բարեգութ կիներ կանգուն կեցած էր քովս, ան՝ որ գետին երկայնքն առաջնորդեց նախ իմ քայլերուս. և բոլորովին շուարած ըսի. « Երանուհին ո՞ւր է »: Եւ ան. « Տես զինքը՝ նոր տերեւներուն տակ՝ որ նստած է անոր ար-

մատին վրայ. տես ընկերութիւնը որ զինքը կը շրջապատէ. միւսները արծուափածին ետեւէ վեր կ'երթան՝ աւելի քաղցր և աւելի խոր երգերով ».

Եւ եթէ դեռ ուրիշ բան ըսաւ ան, չեմ գիտեր, վասն զի աչքերուս մէջ էր արզէն ան՝ որ արգելած էր ինձի ուրիշ բան լսելէ: Մինակ կը նստէր մերկ գետնին վրայ, կարծես կառքին պահապան կարգուած, և տեսայ որ կը կապէր երկակերպ գազանը: Եօթը նաժիշտներն անոր շուրջը բոլորածեւ պսակ մը կը կազմէին, ձեռքերնին ունենալով այն լոյսերը՝ որոնք ապահով են հիւսիսային և հարաւային հովերէն:

— Քիչ ժամանակ բնակիչը պիտի ըլլաս դու այս անտառին, և հետո պիտի ըլլաս մշտնջենապէս՝ քաղաքացի այն Հոռոմին, ուր է և Քրիստոս Հոռոմայեցի: Ուստի՝ յօգուտ այն աշխարհին՝ որ չարութիւն կ'ապրի, աչքերդ սեւեռէ արդ կառքին, և ինչ որ կը տեսնես, երբ հոն դառնաս, գրի առ:

Այսպէս Երանուհին. և ես, որ երկու զածութեամբ կեցած էի իր ստեղծուած բով իր հրամանները լսելու, միտքս ու աչքերս գարձուցի հոն՝ ուր ուզած էր:

Խիտ ամպերէն չիջաւ երբեք այնչափ ա-

Ի Ա Ն Օ Թ Ո Ի Թ Ի Ի Ն Ք

1. Աշտանակները:
2. Վասն զի կառքը դեպ ի աջ կը դառնար, աջ անիւր փոքրագոյն շրջանակ մը պիտի դժէր քան ձախը:
3. Ծաղկէ ու տերեւէ կողոպտուած ըլլալուն համար:
4. Այսինքն է՝ կառքը որ ծառէն շինուած է, անոր՝ ծառին ձգեց: Կը կապէ Եկեղեցին կայսրութեան հետ:
5. Այսինքն է՝ արեւուն:
6. Խոյն: Բսել կ'ուզէ, դարնան:
7. Հերմէս՝ Պանի Սիրուհւոյն՝ Սերինգա յաւերժհարսին դեպքերը պատմելով կը քննարկէ Արգոսը, ու կը սպաննէ զինքը:
8. Քրիստոսի աստուածային փառքէն իբր նմայշ մը՝ այլակերպութեան ատեն:
9. Ղազարու, եւն:
10. Արծիւը: Հմմտ. Եգեկիէի տեսիլը: Հոս արծիւը հոռմայեցի կայսրները կը պատկերէ:
11. Հերետիկոսութիւն:
12. Ծառէն նորէն կառք կ'իջնէ:
13. Կոստանդիանոսի պարզեւը կ'ազնարկէ:
14. Հմմտ. Յայտնութիւն: Սատանան է:
15. Կառքը:

Լ Գ Ե Ր Գ



« Աստուած, մտին հերակոսք¹ » փոխն ի փոխ սկսան մերթ երեք մերթ շորս կիները երգել քաղցրածայն սաղմոսելով և արատուելլով. և Երանուհի՝ հեծեծագին և բարեգութ՝ կ'ունկնդրէր անոնց այնքան վշտագին, որ խաշին ոտքը քիչ աւելի այլագունեցաւ Մալրիամ: Բայց երբ միւս կոյսերը տեղի տուն զինոր որ խօսի, ոտքի ելլելով, պատասխանեց՝ « Փոքր մի՛ նեց՝ դունաւորուած՝ կրակի պէս. « Փոքր մի՛ և ոչ եւս տեսակիցք զիս, և սպաս, սիրեցեալ քոյրերս, սակաւիկ մի՛ և տեսակիցք զիս »:

Յետոյ բոլոր եօթը հոգին իր առջեւ անցուց, և իր ետեւը՝ միայն ակնարկելով զիս, կինը և իմաստունը՝ որ մնաց: Այսպէս

կը քալէր, և չեմ կարծեր որ իր տասնև-
 րորդ քայլը գեախն դրած ըլլար, երբ աչ-
 քերովը աչքերուս զարկաւ. և հանդարտ
 դէմքով մը. « Աւելի շուտ քալէ », ըսաւ
 ինծի, « այնպէս որ երբ հեազ խօսիմ, կա-
 րենաս մտիկ ընել ինծի »:

Երբ եղայ այնպէս՝ ինչպէս որ պէտք էի,
 ըսաւ ինծի. « Եղբայր, ինչո՞ւ չես համար-
 ձակիր այլ ևս հարցումներ ընելու ինծի՝
 հետս գալով »: Նման անոնց՝ որոնք մեծ
 պատկասանքով կը կենան իրենց մեծաւորնե-
 րուն առջեւ՝ երբ խօսին, ու կենդանի ձայնը
 դուրս չեն հաներ ակոսներնէն, նոյնը պա-
 տահեցաւ ինծի, և առանց ամբողջ ձայնի
 սկսայ. « Տիկին, իմ պէտքս գիտէք դուք,
 և ինչ որ պատշաճ է առ այն »: Եւ ան
 ինծի. « Երկիրդէ և ամօթէ կ'ուզեմ որ ինք-
 ղինքդ ազատես այսուհետեւ, ու չխօսիս ալ
 երազողի մը պէս: Գիտցիր որ անօթը՝² զոր
 օձը ջախջախեց, էր և չէ՝³. բայց անոր չար-
 ևացապարտ պատճառը գիտնայ որ Աստու-
 ծայ վրէժխնդրութիւնը ասուրէ՛⁴ չի վախնար:
 Միշտ անժառանգ պիտի չմայ արծիւը՝⁵ որ
 փետուրները կառքին ձգեց, որով ան հրէշ
 մը վարձաւ և յետոյ աւար. որովհետեւ ստոյգ
 կը տեսնեմ, ուստի և կը պատմեմ, որ

արդէն մերձաւոր աստղեր՝⁶ զայն ժամանակ
 մը ապահով պիտի ընեն ամէն արդելքէ և
 խոչընդատէ, որուն մէջ հինգ հարիւր տաս-
 նը հինգ մը՝⁷ Աստուծմէ զրկուած՝ պիտի ըս-
 պաննէ աւազակ բողբ և հսկան՝ որ անոր հե-
 կը մեղանչէ: Եւ թերեւս իմ պատմութիւնս՝
 մթին՝ Թեմիսի՝⁸ և Սիինքսի նման՝ շատ չի
 համոզեր զքեզ, վասն զի անոնց պէս միտքը
 կը մթնցընէ. այլ փութով իրերը պիտի ըլ-
 լան Նայագները՝⁹, որոնք պիտի լուծեն այս
 գոտարին առեղծուածը՝ առանց վաստի ոչ-
 խարներու՝¹⁰ կամ ցորեններու: Նշանակէ գուն.
 և, ինչպէս որ ինծմէ ըսուեցան, այնպէս
 սորվեցուր զանոնք ողջերուն այն կեանքին՝
 որ ընթացք մըն է զէս ի մահ. ու միտքդ
 պահէ, երբ զանոնք կը գրես, չծածկես ինչ-
 պէս որ տեսար տունկը՝ որ արդ երկու ան-
 գամ՝¹¹ է կողոպտուեցաւ հոն: Ո՛վ որ զայն
 կը գողնայ կամ զայն կը ձեղքէ, իրօք հայ-
 հոյանքով կը թշնամանէ զԱստուծ, որ
 սուրբ ստեղծեց զայն միայն իբրև իրեն
 ներկայացուցիչը: Չայն խածած ըլլալուն հա-
 մար՝ առաջին հոգին տանջանքներով և տես-
 չերով հինգ հազար և աւելի տարիներ փա-
 փաքեցաւ Անոր՝¹² որ, խածուածքը՝ իրմով
 քաւեց: Թմրած է ուղիղդ, եթէ չ'ըմբռներ թէ

եղական պատճառով մըն է որ այնքան բարձրաբերձ է ան, և այնքան տարածուն զէպ ի կատարը : Եւ եթէ ընդունայն մտածու մենբը Էջտայի ջուր եղած շրջային մտքի շուրջը¹³, և անոնց հաճոյքը՝ Պիրամոս¹⁴ մը թթնիին քով, միայն այնչափ պարագաներուն համար՝ բարոյսպէս նայելով ծառին, պիտի կարենայիր ճանչնալ՝ արգելքին մէջ՝ Աստուծոյ արդարութիւնը : Բայց, որովհետեւ կը տեսնեմ ես որ միտքը քարացեալ է և սեւցած, այնպէս որ զքեզ կը շրջնէ խօսքիս լոյսը, կ'ուզեմ որ, եթէ ոչ գրուած՝ դոնէ նկարուած կրես զանոնք քու մէջդ, այն պատճառին համար՝ որով կը տարուի արմաւենիով պատուած ցուպը¹⁵ » :

Եւ ես. « Ինչպէս մոմը անփոփոխ կը պահէ կնիքէն զրոշմուած պատկերը, այսպէս կնքուած է և իմ ուղեղս ձեր խօսքերով : Բայց ինչո՞ւ համար ձեր ցանկալի խօսքը իմ հասողութենէս այնքան վեր կը թռչի, որ սրչափ աւելի կը ճգնի անոնց հասնելու, այնքան աւելի կը կորսնցնէ » :

— Որպէս զի ճանչնաս, ըսաւ, այն զբարոյր որուն հետեւեցար, և տեսնես թէ իր վարդապետութիւնը ինչպէս կրնայ հետեւիլ իմ խօսքիս. և տեսնես թէ ձեր ճամբան

այնչափ կը հեռանայ աստուածային ճամբէն՝ որքան բարձր է այն երկինքը՝ որ ամենէն բարձրը շտապով կը հոլովի :

Որուն վրայ ես պատասխանեցի իրեն . « Չեմ յիշեր բնաւ որ ես օտարացած ըլլամ ձեզմէ և խղճմտանք մը չունիմ որ խայթէ զիս :

— Եւ եթէ շեւ կրնար յիշել զայն, պատասխանեց ժպտելով, յիշէ որ այսօր իսկ Լեթէէն խմեցիր. և եթէ ծուխէն կրակը կը գուշակուի, այս մտացումը յայտնի կ'ապացուցանէ, որ քու կամքիդ մէջ՝ ուշադիր ուրիշ տեղեր՝ մեղք կար : Բայց այսուհետեւ իմ խօսքերս մերկ պիտի ըլլան այնչափ որչափ կարենայ անփորձ աչքդ տեսնել զանոնք :

Եւ արեւն աւելի փայլակնացայտ և աւելի յամրաքայլ կը բռնէր շրջանակը միջօրէին՝ որ՝ երեցածին համեմատ՝ հոս ու հոն կ'ըլլայ, երբ կանոց առին, ինչպէս կանոց կ'առնէ ան որ առջեւէն կ'երթայ իբրեւ առաջնորդ՝ երբ իր ճամբուն վրայ նորութեան հանդիպի, — եօթը կիները ծայր սեւ շուքի մը, նման անոր՝ զոր Ալպեանք իրենց ցուրտ արուներուն վրան կը կրեն կանաչ տերեւներուն և սեւ ճիւղերուն տակ : Անոնց

առջեւը թուեցաւ ինծի տեսնել Եփրատն ու Տիգրիսը որոնք մէկ աիւտ կ'իլլէին, ու իբրեւ բարեկամներ կը մեկնէին ծուլօրէն:

— Ո՛վ լոյս, ո՛վ փառք մարդկային ազգին, ի՞նչ ջուր է այս որ մէկ սկիզբէ կը բղխի, ու իրարմէ կը հեռանայ:

Իմ այս աղաչանքիս վրան ըսուեցաւ ինծի. « Աղաչէ Մաղելւոյին որ ըսէ քեզի », ու անմիջապէս՝ նման մէկուն որ իր վրայ դրուած յանցանքը կը հերքէ՝ պատասխանեց գեղեցիկ կիներ. « Աս եւ ուրիշ բաներ ըսի ես իրեն . եւ ապահով եմ որ Լեթէի ջուրը զանոնք չզողցաւ իրմէ »: Եւ Երանուհի. « Մեծագոյն հոգ մը որ ստէպ յիշողութիւնը կը զրկէ, իր մտքին աչքերը մթազնած ըլլայ թերեւ: Բայց ահա Եւնոյէն որ հոն կը վազէ. տար զինքը անոր, եւ ինչպէս վարժ ես, կենդանացուր իր նուագած զօրութիւնը:

Նման ազնիւ հոգիի մը որ չքմեղանք չի փնտռեր, այլ իր կամքն ուրիշներուն կամքը կ'ընէ, հազիւ թէ ան նշանով մը արտայայտուած է, այսպէս բռնելով ձեռքէս գեղեցիկ կիներ սկսաւ քաշել, եւ կնոջական շնորհքով մը ըսաւ Ստասիոսին. « Հեարեկուր »:

Եթէ ունենայի, ո՛վ ընթերցող, գրելու աւելի լայն տեղ, գէթ մասամբ պիտի երգէի քաղցր ըմպելին՝ որ երբեք պիտի չյագեցնէր զիս. բայց որովհետեւ բաւոր լի եմ այս երկրորդ Երգին սահմանուած թղթերը, արուեստին սանձը չի թողուր որ ալ առաջ երթամ: Սրբանուէր ջուրէն ետ դարձայ վերանորոգեալ, նման նորաստղարթ, նորաբողբոջ աունկերու՝ ամբիժ եւ պատրաստ՝ վերանալու գէպ ի աստղերը:

Վ Ե Ր Զ



Ծ Ա Ն Օ Թ Ո Ի Թ Ի Ի Ն Ք

1. Սաղմոս. ՀԹ, 1:
2. Կառքը:
3. Յայտնոչքեան խօսքերն են. ԺԵ, 8:
4. Յունաստանի կողմերը սովորութիւն կար որ երբ մէկը ուրիշ մը սպաննէր, ու կարենար երթալ ինն օր շարունակ ապուր մը ուտել անոր գերեզմանին վրայ, մեռելին ազգականները ալ վրէժխնդրութիւն չէին ընէր: Փլորենտիա ալ սովորութիւն կար որ ինն օր սպաննուածին գերեզմանը կը պահպանէին՝ որպէս զի ապուր չուտեն վրան:
5. Կայսրութիւնը պիտի պարապ չմնայ միշտ:
6. Մերձաւոր համաստեղութիւն մը:
7. Կը հետեւի Յայտնոչքեան. ԺԳ:
8. Իուստր Սերանոսի և Երկրի հռչակաւոր իր պատգամներուն մթութեամբը:
9. Գուշակ յաւերժարմներ:
10. Թեմիս գազան մը զրկեց որ թեւացւոց ոչխարները պատռտեց և անոնց դաշտերն ապականեց:
11. Նախ Ադամէն, և հիմայ հակայէն:
12. Քրիստոսի:

13. Էլսայի ջուրը կարծրացուցիչ յատկութիւն մը ունի: Գետ մը որ Աննոս կը թափի:

14. Հմմտ. Ովիդ. Սյուկ. Գ. 55-166. Քաշար. Ի՛նչ, սկիզբները: Եթէ հաճոյքը՝ զոր զգացիր այն ընդունայն մտածումներէն՝ աղտեղացուցած չըլլար մտքիդ պայծառութիւնը, ինչպէս Պիրամոս իր արիւնովը աղտեղեց թութիւն ջինջ ճերմկութիւնը:

15. Ուխտաւորները Պաղեստինէն գաւազան մը կը տանին հետերնին արմաւենիի տերեւով պատուած, իբր սպաքոյց իրենց Սուրբ Երկիրն այցելած ըլլալուն:

26

227

The first part of the paper is devoted to a
 description of the general principles of the
 theory of the subject. It is shown that the
 theory is based on the assumption that the
 world is composed of a number of parts
 which are connected together in a certain
 manner. The first part of the paper is
 devoted to a description of the general
 principles of the theory. It is shown that
 the theory is based on the assumption that
 the world is composed of a number of parts
 which are connected together in a certain
 manner.

26

